

清 張廷玉 等撰

明



中 華 書 局

第

四 四七至卷六三(志)册

卷

明史卷四十七

志第二十三

禮一吉禮一

是矣。安見後世之禮,必不可上追三代哉。 黨者,未嘗無可觀也。惟能修明講貫,以實意行乎其間,則格上下、感鬼神,敎化之成卽在 可考。歐陽氏云:「三代以下,治出於二,而禮樂爲虛名。」要其用之郊廟朝廷,下至閭里州 張[] (儀禮尚已,然書缺簡脫,因革莫詳。自漢史作禮志,後皆因之,一代之制始的然

集郊 年告成,賜名大明集禮。其書準五禮而益以冠服、車輅、儀仗、鹵簿、字學、音樂,凡升降儀 **暨翰林院、太常司,定擬祀典。乃歷敍沿革之由,酌定郊社宗廟議以進。禮官及諸儒臣又編** 廟山川等儀,及古帝王祭祀感格可垂鑒戒者,名曰存心錄。二年詔諸儒臣修禮書。明 明太祖初定天下,他務未遑,首開禮、樂二局,廣徵耆儒,分曹究討。洪武元年命中書省

志第

二 十 三

醴

斟 誣陋習,其度越漢、唐遠矣。 若夫釐正祀典,凡天皇、太乙、六天、五帝之類,皆爲革除,而諸神封號,悉改從本稱,一洗矯 一酌古今,蓋得其中。 制制 [| 皇朝禮制,日大明禮制,日洪武禮法,日禮制集要,日禮制節文,日太常集禮,日禮書。 :「孝慈錄,日洪武禮制,日禮儀定式,日諸司職掌,日稽古定制,日 胡行簡、劉宗弼、董彝、蔡深、滕公琰至京,同修禮書。 陶凱、朱升、樂韶鳳、李原名等,編 度名數,纖悉畢 真。 又屢敕議禮臣李善長、傅瓛、宋濂、詹同、陶安、劉基 又詔定國恤,父母並斬衰,長子降爲期年,正服旁服以遞而殺, 日輯成集。且詔郡縣舉高潔博雅之士徐一夔、梁寅、周 在位三十餘年,所著書可考見 「國朝制作,日大禮要 一、魏觀、崔亮、

神宗時,數有增益,一代成憲略具是焉。 敇 順 夕月於 廟 之臣,各爲之說。 而 嫡 修 獨 庶之分,正於孝宗。 永樂中,頒文公家禮於天下,又定巡狩、監國及經筵日講之制。後宮罷殉,始於英宗。陵 ,郊祀考議,則張孚敬所進者也。 ,其排衆議,祔睿宗太廟躋武宗上,徇本生而違大統,以明察始而以豐昵終矣。當時將 東 西郊,罷二祖並配,以及祈穀大雩,享先蠶,祭聖師,易至聖先師號,皆能折 今其存者,若明倫大典,則御製序文以行之,祀儀成典,[1] 暨乎世宗,以制禮作樂自任。 其更定之大者,如分祀天地,復朝 至大明會典,自孝宗朝集纂,其於禮制尤詳。世宗 則李時等奉 衷 H

今以五禮之序,條爲品式,而随時損益者,則依類編入,以識沿革云。

壇壝之制 祀雜議諸儀 神位祭器玉帛牲牢祝册之數 祭祀日期 習儀 齋戒 遣官祭祀 籩豆之實

分獻陪祀

帝稷,仲秋祭太歲、風雲雷雨、四季月將及嶽鎭、海瀆、山川、城隍,霜降日祭旗纛於敎場,仲 月上丁祭先師孔子。 秋祭城南旗纛廟,仲春祭先農,仲秋祭天神地祇於山川壇,仲春仲秋祭歷代帝王廟,春秋仲 四孟季冬享太廟,仲春仲秋上戊祭太社太稷。 中祀二十有五:仲春仲秋上戊之明日祭帝社 秋大享、冬至圜丘皆祭昊天上帝, 夏至方丘祭皇地祇, 春分朝日於東郊, 秋分夕月於西郊, 陵廟及孔子廟,則傳制特遣焉。 **祀者**,天地、宗廟、社稷、山川。 中、司命、司民、司祿、壽星爲中祀,諸神爲小祀。後改先農、朝日、夕月爲中祀。凡天子所親 朝日、夕月、先農爲大祀,太歲、星辰、風雲雷雨、嶽鎭、海瀆、山川、歷代帝王、先師、旗纛、司朝日、夕月、先農爲大祀,太歲、星辰、風雲雷雨、嶽鎭、海瀆、山川、歷代帝王、先師、旗纛、司 五. 一禮,一曰吉禮。 小祀八:孟春祭司戶,孟夏祭司竈,季夏祭中霤,孟秋祭司門,孟冬祭 凡祀事皆領於太常寺而屬於禮部。 若國有大事,則命官祭告。其中祀小祀,皆遣官致祭,而帝王 每歲所常行者,大祀十有三:正月上辛祈穀、孟夏大雩、季 明初以圜丘、方澤、宗廟、社稷、

志

司

井 五. 廟,各以歲 ,仲春祭司 時 馬之神,清明、十月朔祭泰厲,又於每月朔望祭火雷之神。至京師十廟 遣官致祭。 其非常祀 而 行之者, 若新 天子 耕 耤 而享先農, 視 學而 南京

間

行

奠之類。 嘉靖時,皇后享先蠶,祀高禖,皆 因時特舉者 也

祭 則 里 社 稷、風 其王 社 完穀 國 雲 神 所 及 雷 祀 祖父母、父母弁 雨 ,則太廟、社稷、風雲雷 山 川、厲壇、 祀竈,載在祀 先師 廟 及所 羽 封 在帝 典。 內山 王 雖 川、城隍、旗纛、五祀、厲壇。府州縣 陵 時 廟。 稍 有 各衞 更易,其大要莫能 亦 祭先師。 至 踰 於 也 庶 人, 所祀, 亦得

同 ·; 訂 至若壇壝之制 其 初終之損益 ,神位、祭器 、臚於首簡、略於本條、庶 、玉帛 、性牢、祝册之數 無缺遺,亦発繁複云 ,籩豆之實,酒齊之名,析 爾 其彼 此之異

壇壝之制 3

闌楯 面,縱 廣 垣去壝十五丈,門制同。 七丈,高 省 明 横 初 皆 以 琉 廣 八尺 建 璃 五 睘 一丈,高 爲 一寸,四 丘 於 之。 正陽門外,鍾山之陽,方丘於太平門外,鍾山 視 遺去 出 上 天下神祇壇在東門外。 成, 陛, 壇 陛皆 各九 + 五 一丈,高 級,正 九級,正 一南廣 八尺一 南廣一丈二尺五寸,東、西、北殺五 九尺五寸,東、西、北八尺一 寸,四 神庫 面靈 五楹,在外垣北,南向。 星門,南 之陰。 三門、東、西、 農 寸。 丘 壇 寸五 廚 下 二成。 北 房五楹,在 成 分。 周 一。外 整磚 上 重 壇

外壇 壇 開 丈,高六尺。 下成,四 外 F 南 垣 東北,西向。庫房五楹,南向。 出 之東南。 面各廣二丈四尺,高六尺,四出陛,南丈二尺,東、西、北一丈,皆八級。 戶。方丘壇二成。上成,廣六丈,高六尺,四出陛,南一丈,東、西、北八尺,皆八級。 外垣 坊二,在外門外橫甬道之東西。燎壇在內壝外東南丙地,高 四面各六十四丈,餘制同。南郊有浴室,瘞坎在內壝外壬地 宰牲房三楹,天池一,又在外庫房之北。 執事 九尺,廣七尺, 遺去 壇士 垣十五 齊舍,在

九寸。 四尺 十三丈九尺四寸,北十一丈,東、西各十一丈七尺。 方丘,上成廣三丈九尺四寸, 🖲 高三尺 尺五寸。 九 洪 下成 武 寸。 內壝牆至 四 毎 年改築圜丘。 二成通徑七丈八尺。 面 廣丈五尺五寸,高三尺八寸,通徑七丈四寸。 外壝牆,四面各八丈二尺。 上成廣四丈五尺,高五尺二寸。三下成每 壇 至內壝牆,四 面各九丈八尺五寸。 壇至內壝牆,四面皆八丈九 面廣 內壝牆至 一丈六尺五寸,高 外壝牆,南

右王 帝、 門三洞 瓦皆黃琉 皇地 道。 十年 以達 祇 改定 道 璃 座。 大祀門,謂之內壇。外周垣九里三十步,石門三洞南 兩 :旁稍 廚庫 合祀 東、西廣三十二楹。 之典。 低,爲從官之地。 在殿東北,宰牲亭井在廚東北,皆以步廊通殿 卽圜 丘舊制,而以屋覆之,名曰大祀殿,凡十二楹。中石 正南大祀門六楹,接以步廊,與殿廡通。殿後 齋宮在外垣內西南,東向。 爲甬道三,中神道,左御道, 其後殿瓦易青琉璃。 兩無,後繚以圍牆 天庫六楹 。南爲石 臺 一設上

志

遷都北京,如其

制

年增修 !壇境,壇後樹松柏,外壝東南鑿池二十區,冬月伐冰藏凌陰,以供夏秋祭祀之用。

成貞。北門外西北爲齋宮,迤西爲壇門。壇北,舊天地壇,卽大祀殿也。十七年撤之,又改 器庫、宰牲亭、北門外正北泰神殿。正殿以藏上帝、太祖之主,配殿以藏從祀諸神之主。外 四。 內陪祀官房。又外爲壇門,門外爲泰折街牌坊,護壇地千四百餘畝 庫、神廚、宰牲亭、祭器庫,北門外西北齋宮。又外建四天門,西門外北爲鑾駕庫、遣官房、 泰神殿曰皇穹宇。二十四年又卽故大祀殿之址,建大享殿。方澤亦二成,壇面黃琉璃,陛增 建四天門。 《九級,用白石圍以方坎。內,北門外西瘞位,東燈臺,南門外皇祇室。外,西門外迤西神 南門外燎爐毛血池,西南望燎臺。外門亦四。 圜丘二成,壇面及欄俱靑琉璃,邊角用白玉石,高廣尺寸皆遵祖制,而神路轉遠。內門 嘉靖九年復改分祀。 東曰泰元,南曰昭亨,西曰廣利。又西鑾駕庫,又西犧牲所,其北神樂觀。北 建圜丘壇於正陽門外五里許,大祀殿之南,方澤壇於安定門外之 南門外左具服臺,東門外神庫、神廚、祭

門飾色隨其方。周垣四門,南靈星門三,北戟門五,東西戟門三。戟門各列戟二十四。洪武 隨 [其方,黃土覆之。 壇相去五丈,壇南皆樹松。 二壇同一壝,方廣三十丈,高五尺,甃磚,四 太社稷壇,在宮城西南,東西峙,明初建。 廣五丈,高五尺,四出陛,皆五級。 壇土五色

十年 五尺, 同 稷 稷 爲祭殿,其 壇 壇 壇 合祭 在 改壇午門右,社稷共一 高 四 西苑,壇 廣 面 ',如京 各十九 北 殺 太社 爲 址 拜殿。 外復爲三門,垣東、西、南門各 師 文有 稷十之三。 高 一六寸,方廣二丈五尺,甃細磚,實以淨 奇。 外垣 壇, 府、州、縣社稷壇、廣 爲二成。 東西六十六丈有奇, 上成廣五丈,下成廣五丈三尺,崇五尺。 殺十之五,高殺十之四,陛三級。 南北八十六丈有奇。 士。 永樂中,建壇北京,如其制。 壇 北樹一 二坊,日 垣 北三門, 社 街。王 外 後皆定 門 壝 帝 國 社 祉 外

十五 九級 步。 ,夕月壇六級,俱白 朝 日 、夕月壇,洪武三年建。 二十一年 罷。 嘉靖 石。 九年 各建天門 朝日壇高八尺,夕月壇高六尺,俱方廣四丈。兩 復 建 ,壇各一成。 朝 日 壇 紅 琉 璃,夕月 壇 用 白。 壝, 遺各二 朝 H 壇陛

先農壇 一,高五 尺,廣五 丈,四出陛。 御耕耤位,高三尺,廣二丈五尺,四 出

殿南 耤 Щ]]] 田 壇 壇 一、洪武 東 旗 九 纛 廟 年 建。 後 爲 E 神 殿、拜殿 倉。 周垣七百餘丈,垣內地歲 各 八楹,東西無二十四楹 種 製蔬,供 。西南先農 祀 事 壇 。嘉靖十年,改 一,東 南 具服殿,

名天神地祇壇,分列左右。

陛,南向 太 歲 五. 擅 級 與 東 嶽 瀆 西 北 同 三級。 嶽鎭 王 海 或 嬻 Щ Щ 川城 川壇,高四尺,四出陛,方三丈五尺。 天下山 隍壇,據高阜,南向,高二尺五寸, 方廣十倍, 川所在壇 四 出

高三尺,四出陛,三級,方二丈五尺。

神位祭器玉帛牲牢祝册之數

神位

內壝之外,東西各二壇。東四海,西四瀆。次天下神祇壇,東西分設。 壝之內,東西各三壇。 星辰二壇,分設於東西。其次,東則太歲、五嶽,西則風雲雷雨、五鎮。 太歲次之。二年奉仁祖配,位第一成,西向。三年,壇下壝內,增祭風雲雷雨。七年更定,內 圜丘。洪武元年冬至,正壇第一成,昊天上帝南向。第二成,東大明,星辰次之,西夜明,

內,東西各二壇。 四瀆。 方丘。洪武二年夏至,正壇第一成,皇地祇,南向。第二成,東五嶽,次四海,西五鎮, 三年奉仁祖配,位第一成,西向。壇下壝內,增祭天下山川。七年更定,內壝之 東四海,西四瀆。次二壇,天下山川。 內壝之外,東西各設天下神祇壇

十四壇。 海,次西,風雲雷雨、五鎭、四瀆二壇,又次天下山川神祇二壇。 十二年正月合祀大祀殿。正殿三壇,上帝、皇地祇並南向。仁祖配位在東,西向。從祀 丹陛東一壇曰大明,西一壇曰夜明。 兩廡壇各六:星辰二壇;次東,太歲、五嶽、四 俱東西向。二十一年增修丹

以置神位。 南嶽、南鎭、南海。 俱東西向。 臺高三尺有奇,〔邑] 周以石欄,陟降爲磴道。 臺上琢石鑿龕 東海、太歲、帝王、山川、神祇、四瀆,西十壇,北海、西嶽、西鎭、西海、中嶽、中鎭、風雲雷雨、 墀內石臺四,大明、夜明各一,星辰二。

內壝外石臺二十:東十壇,北嶽、北鎮、東嶽、東鎭、 建文時、撤仁祖、改奉太祖配、位第一成、西向。洪熙元年增文皇帝於太祖

東四海,次西四瀆。南北郊皆獨奉太祖配。太社稷配位別見。先農正位南向,后稷配位 西,風雲雷雨。 嘉靖九年復分祀之典。圜丘則東大明,西夜明。次東,二十八宿、五星、周天星辰。次 共四壇。方丘則東五嶽,基運、翊聖、神烈三山,西五鎭,天壽、純德二山。次

上,半在土中,近南北向,稷不用主。洪武十年皆設木主,丹漆之。祭畢,貯於庫,仍用石主 紅紗,側用金銅環,內織金文綺爲藉。社稷,社主用石,高五尺,廣五尺,上微銳。立於壇 寸,用木,飾以金,鏤以靑字。 龕高二尺,廣二尺,趺高四寸,朱漆鏤金龍鳳花版,開二牕,施 方丘正位曰皇地祇,配位及從祀,制並同圜丘。 奉先殿帝后神主高尺二寸,廣四寸,趺高二 雷雨位版,赤質金字。神席,上帝用龍椅龍案,上施錦褥,配位同。從祀,位置於案,不設席。 高五寸,以栗木爲之。 正位題曰昊天上帝,配位題曰某祖某皇帝,並黃質金字。 從祀風雲 、神位,天地、祖宗曰「神版」,餘曰「神牌」。 圜丘神版長二尺五寸,廣五寸,厚一寸,趺

皆用石,長二尺五寸,廣尺五寸。日月壇神位,以松柏爲之,長二尺五寸,廣五寸,趺高五寸。 社 埋 朱漆金字,餘倣此。 稷神 壇中,微露其末。 位以木,高一尺八寸,廣三寸,朱漆質金書。 後奉祖配,其位製塗金牌座,如先聖匵用架罩。 壇南置石龕,以藏神位。 嘉靖中,藏於寢廟。 王府州縣 帝

祭器

設登一、鉶二。 尊、山罍各一;壇下,太尊一,山罍二。從祀位,登一,籩豆各十,簠簋各二,東西各設著尊二, 酒尊三、爵十八於 丘,從祀同。 內東西各設酒算三,境外東西各設酒算三,每位爵三。神祇與圜丘同。 三,籩豆各八,簠簋各二,壝內外東西各設酒尊三,每位爵三。 **犧拿二。** 南郊。 北郊同。 洪武元年定,正位,登一,籩豆各十二,簠簋各二,爵三;壇上,太尊二,著尊、犧 + 毎位 年定合祀之典,各壇陳設如舊,惟太歲、風雲雷雨酒盞各十,東西無俱共設 壇 七年增圜丘從祀、共設酒尊六於壇西、大明、夜明位各三。 南 .增酒斝,星辰、天下神祇各三十,太歲、風雲雷雨、嶽鎭、海瀆 方丘、嶽鎮,各設酒尊三, 遺 八年,圜丘 天下 各十五 神祇 從祀,更 鉚

殿東南、西向。 年更定,正殿 丹墀內四壇,大明、夜明各登一,籩豆十,簠簋二,酒尊三,爵三。星辰二壇 上三壇,每壇,登一,籧豆各十二,簠簋各二,共設酒尊六、爵九於

盞十,酒尊三,爵三。神祇壇,鉶三,籩豆各八。帝王、山川、四瀆、中嶽、風雲雷雨神祇壇, 各登一,鉶二,酒盞三十,餘與大明同。 壝外二十壇,各登一,鉶二,籩豆各十,簠簋各二,酒

酒盞各三十,餘並同嶽鎭。

各十二,簠簋各二,酒尊三,酒注二。二十一年更定,登釧各一,爵各三,籩豆各十,簠簋各 瓷爵十六於殿東西向。二十一年更定,每廟登二,鉶二。弘治時,九廟通設酒尊九,祫祭加 用酒尊二,酒注二。二十一年更定,十壇,每壇鉶一,籩豆各二,簠簋各一,爵三,共用酒尊 二,共用酒尊三於殿東。功臣配享,洪武二年定,每位籩豆各二,簠簋各二。三年增定,共 三於殿西。 ,金爵十七,祫祭加二,瓷爵三十四,祫祭加四。親王配享,洪武三年定,登鉶各三,籩豆 太廟時享。洪武元年定,每廟登一,鉶三,籩豆各十二,簠簋各二,共酒尊三、金爵八、

十一年更定,每位登一,鉶二,籩豆十二,正配位共設酒尊三,爵九。後太祖、成祖並配時, 增酒尊一,爵三。府、州、縣社稷,鉶一,獲豆四,簠簋二。 太社稷。洪武元年定,鉶三,籩豆各十,簠簋各二,配位同。正配位皆設酒尊三於壇東。

罍各二,在壇下。 朝日、夕月。 洪武三年定,太尊、著尊、山罍各二,在壇上東南隅,北面。象尊、壺尊、山 **籩豆各十,簠簋各二,登鉶各三。**

志第二十三 禮一

先農,與社稷同,加登一,篡豆減二。

盞三十。星辰,正殿中登一,鉶二。餘九壇,鉶二。每壇**籩豆十,簠簋各一,酒盞三十,**爵一, 兩無各設酒尊三,爵三,餘如舊。二十一年更定,每壇登一,鉶二,籩豆各十,簠簋各二,酒 神祇。洪武二年定,每壇籩豆各四,簠簋登爵各一。九年更定,正殿共設酒尊三,爵七,

共設酒尊三。太歲諸神,**籩豆各八,簠簋各二,酒尊三。嶽瀆山川同。**

定,登、鉶、簠簋各一,籩豆各十,爵各三,共設酒尊五於殿西階,酒尊三於殿東階。二十一 饋盤一,每位鉶一,酒盞三。三皇,籩豆各八,簠簋各二,登、鉶各二,爵三,犧尊、象尊、山罍 年增定,每位鉶二,簠簋各二,五室共設酒尊三,爵四十八。配位每壇籩豆各二,簠簋各一, 各一。配位,籩豆各四,簠簋各二,鉶一,爵三,犧尊、象尊各一。 歷代帝王。洪武四年定,登一,鉶二,箋豆各八,簠簋各一,俎一,爵三,尊三。七年更

年更定,正位,酒尊一,爵三,登一,鉶二,籩豆各八,簠簋各二。四配位,共酒尊一,各爵三, 位,籧豆各四,簠簋各一,登一。一哲,兩廡,籧豆二。四年更定,正位,籧豆各十,酒尊三,爵 **鉶一,酒盞一。兩廡,東西各十三壇,東西各爵一,每壇籩豆各四,簠簋各一,酒盞四。十五** 三,餘如舊。四配,每位酒尊一,餘同正位。十哲,東西各爵一,每位箋豆各四,簠簋各一, 至聖先師。洪武元年定,篡豆各六,簠簋各二,登一,鉶二,犧尊、象尊、山罍各一。四配

登一,鉶二,籩豆各六,簠簋各一。十哲,共酒尊一,東西各爵五,鉶一,籩豆各四,簠簋各一。 東西廡,每四位爵四,箋豆各二,簠簋各一。景泰六年增兩廡箋豆各二,簠簋各一。成化

十二年,增正位籩豆爲十二。嘉靖九年仍減爲十。

旗纛,與先農同。馬神,箋豆各四,簠簋、登、象尊、壺尊各一。

玉帛牲牢

定,在京,大祀、中祀用制帛,有篚。在外,王國府州縣亦如之。小祀惟用牲醴。 之。社稷、黑;大明、赤;夜明、星辰、太歲、風雲雷雨、天下神祇俱白;五星,五色;嶽鎭、四海、 等:曰郊祀制帛,郊祀正配位用之。上帝,蒼;地祇,黃;配位,白。曰禮神制帛,社稷以下用 用十,孔廟十哲、兩廡東西各一云。又洪武十一年,上以小祀有用楮錢者爲不經。 報功制帛,功臣配享用之。皆白。每位各一。惟圜丘,嘉靖九年用十二,而周天星 改赤,九年定黑二、白五。日奉先制帛,太廟用之,每廟二。曰展親制帛,親王配享用之。曰 陵山隨方色,四瀆,黑,先農,正配皆青,羣神,白,帝王先師皆白。旗纛,洪武元年用黑,七年 玉三等:上帝,蒼璧;皇地祇,黃琮;太社、太稷,兩圭有邸;朝日、夕月,圭璧五寸。 帛五 辰則 禮臣議 共

大配前一月之朔,躬詣犧牲所視牲,每日大臣一人往視。洪武二年,帝以祭祀省牲,去神壇 性牢三等:日犢,日羊,日豕。 色尙騂,或黝。大祀,入滌九旬,中祀,三旬,小祀,一旬。

志

甚邇,於人心未安,乃定省牲之儀,去神壇二百步。七年定制,大祀,皇帝躬省牲,中祀、小 祀,遣官。 丘,黄犢;配位,各純犢。 洪武七年增設圜丘配位。 星辰,牛一,羊豕三。 嘉靖十一年更定,冬、夏至,祈穀,俱祭前五日親視,後俱遣大臣。 太歲,牛羊豕一。 圜丘,蒼犢;方

犢。 每壇犢羊豕各一。 牢, 船皆太牢。時享每廟犢羊豕各一。 親王配位, 洪武三年定, 共牛羊豕一。二十一年更定, 諸神,每神 太社稷,犢羊豕各一,配位同。 風雲雷雨、天下神祇,羊豕各五。 方丘配位,天下山川,牛一,羊豕各三。 哲 兩廡 每室犢羊豕各 東 年更定,每壇犢羊豕各一。 東 王 西 國 各 西各 豕 及衞所同。 羊 朝日、夕月,犢羊豕各一。先農與太社稷同。神祇,洪武二年定,羊六、豕六。二十 豕 亥 ,解爲五體。 一,後增爲三。 __ 各一,共牛一。太歲諸神,皆太牢。 功臣配位,洪武二年定,每位羊豕體各一。二十一年更定,每壇羊豕一。 配位,每壇羊豕各一。 五祀馬神俱用羊豕。 兩廡豕 嘉靖十年,天神左,地祇右,各牲五。 府州縣學先師,羊一、豕一。四配,共羊一、豕一,解爲 府州縣社稷,正配位,共羊一、豕一。 一,解爲百八分。 先師如帝王,四配 嶽鎭 旗纛,洪武九年定犢羊豕,永樂後,去 海瀆諸神,犢一、羊一、豕一 如 配位,十哲東西各豕一 星辰,每壇羊豕一。靈星 洪武 太廟稀,正配皆太 七年增設,各羊 四 分五, 體。十

祝册

分,用梓木,以楮紙冒之。 羣神帝王先師,俱有祝,文多不載。 祝案設於西。 南 :北郊祝板長一尺一分,廣八寸,厚二分,用楸梓木。 宗廟,長一尺二寸,廣九寸,厚一

籩<u></u>豆之實 至

釽 栗、鹿脯、豆實菁葅、鹿臡。簠簋各二者,實以黍稷、稻粱。各一者,實以稷粱。 十者,籩則減糗餌、粉餈,豆則減鉇食、糝食。用八者,籩又減白、黑餅,豆又減脾析、豚胉。 粉養。豆實以韭葅、醯醢、菁葅、鹿醢、芹葅、兔醢、笋葅、魚醢、脾析、豚胉、鉇食、糝食。用 用四者,箋則止實以形鹽、薨魚、栗、栗,豆則止實以芹葅、兔醢、菁葅、鹿醢。 實以和羹。 凡箋豆之實,用十二者,箋實以形鹽、薧魚、棗、栗、榛、菱、芡、鹿脯、白餅、黑餅、糗餌、 各二者,籩實 登實以太羹,

祭祀 異制。 供簠簋之實』,疏曰,『外祀用瓦簠』。〔七〕今祭祀用瓷,合古意。 洪武三年,禮部言:「禮記郊特牲日,『郊之祭也』,『器用陶匏』,尙質也。 今擬凡祭器皆用瓷,其式皆倣古簠簋登豆,惟籩以竹。」詔從之。 惟盤盂之屬,與古簠簋 周禮箋人。『凡

酒 !齊倣周制,用新舊醅,以備五齊三酒。 其實於尊之名數,各不同。

祭祀雜議諸儀

其祭祀雜議諸儀,凡版位,皇帝位,方一尺二寸,厚三寸,紅質金字。皇太子位,方九寸,

厚二寸,紅質青字。陪祀官位,並白質黑字。

拜褥。 初用緋。 洪武三年定制,郊丘席爲表,蒲爲裏。宗廟、社稷、先農、山川,紅文綺

爲表,紅木棉布爲裏。

贊唱。 又凡祀,各設爵洗位,滌爵拭爵。 凡皇帝躬祀,入就位時,太常寺奏中嚴,奏外辦。 初升壇,唱再拜,及祭酒,唱賜福胙。 盥洗、升壇、飲福、受胙, 洪武七年,禮 各致

部奏其煩瀆、悉删去。

上 香禮。 明初祭祀皆行。 洪武七年以翰林詹同言罷。 嘉靖九年復行。

自 禮。唐、宋郊祀,每節行禮皆再拜。然亞獻終獻,天子不行禮,而使臣下行之。今議大祀中祀, 迎神 拜禮。 至 |飲福送神,宜各行再拜禮。」帝命節爲十二拜,迎神、飮福受胙、送神各四拜云。 初,每節皆再拜。 洪武九年,禮臣奏:「禮記一獻三獻五獻七獻之文,皆不載拜

官脫履之次於壇門外西階側。 漢、魏以來朝祭儀,議於郊祀廟享前 登壇脫舄。 初未行。 洪武八年韶翰林院臣考定大祀登壇脫爲之禮。 祭日,大駕入幕次,脫爲升壇。其升壇執事、導駕、贊禮、讀祝 期 一日,有司以席藉地,設御幕於壇 東南門外, 學 士樂韶鳳 設 雑考 執 事

并分獻陪祀官,皆脫爲於外,以次升壇供事。 協律郎、樂舞生依前跣襪就位。 祭畢,降壇納

舃。從之。濕靖十七年罷其禮。

祭祀日期

1 也。 欽天監選擇,太常寺預於十二月朔至奉天殿具奏。 洪武 七年命太常卿議祭祀日期,書之於版,依時以祭,著爲式。 蓋古卜法不存,而擇干支之吉以代 其祭日,遣官監祭,

習儀

不敬失儀者罪之。

凡祭祀,先期三日及二日,百官習儀於朝天宮。 嘉靖九年更定,郊祀冬至,習儀於先期

齋戒

之七

日及六日。

衣,出宿外舍,不飲酒,不 洪武 一年,學士朱升等奉敕撰齋戒文曰:「戒者,禁止其外。 ·茹葷,不問疾,不弔喪,不聽樂,不理刑 小名, 齋者,整 此 則 戒也。 齊其 内。 專 一其心, 沐 浴 更

宗廟社稷,致齋三日,不誓戒。三年諭禮部尚書陶凱曰:「人心操舍無常,必有所警,而後無 也。 諸司各置木牌,以警褻慢,刻文其上曰:「國有常憲,神有鑒焉。」凡祭祀,則設之。又從陶凱 從禮部尚書崔亮奏,大祀前七日,陪祀官詣中書省受誓戒。各揚其職,不共其事,國有常刑。 嚴畏謹慎,苟有所思,卽思所祭之神,如在其上,如在其左右,精白一誠,無須臾間,此則齋 於簡上,太常司進置齋所。四年定天子親祀齋五日,遣官代祀齋三日,降香齋一日。五年命 所放。」乃命禮部鑄銅人一,高尺有五寸,手執牙簡,大祀則書致齋三日,中祀則書致齋二日 日七日,爲期太久,人心易怠。止臨祭,齋戒三日,務致精專,庶可格神明。」遂著爲令。是年 祈福,宜下令百官齋戒。 若自有所禱於天地百神,不關民事者,不下令。」又曰:「致齋以五 大祀七日,前四日戒,後三日齋。」太祖曰:「凡祭祀天地、社稷、宗廟、山川等神,爲天下

沐浴 **祀,先一日沐浴更衣,處外室。** 周 享宗廟,正祭前四日午後,沐浴更衣,處外室。次日爲始,致齋三日。祭社稷、朝日、夕月、 奏,凡親祀,皇太子宮中居守,親王戎服侍從。皇太子親王雖不陪祀,一體齋戒。 六年建陪祀官齋房於北郊齋宮之西南,復定齋戒禮儀。 凡祭天地,正祭前五日午後, 更衣,處外室。次早,百官於奉天門觀誓戒牌。次日,告仁祖廟,退處齋宮,致齋三日。 辰、太歲、風雲雷雨、嶽鎭海瀆、山川等神、致齋二日,如前儀。 次日遣官。七年定制,凡大祀前期四日,太常卿至天下神祇 凡傳制降香,遣官代

前二日,太常司官宿於本司。 壇奠告,中書丞相詣京師城隍廟發咨。次日,皇帝詣仁祖廟請配享。二十一年定制,齋戒 日 **,禮部太常司官檄城隍神,徧請天下當祀神祇,仍於各廟焚香三日。** 次日,奏請致齋。又次日,進銅人,傳制諭文武百官齋戒。 是

罪。 服 部 **德七年大祀南郊,帝御齋宮。** 獻陪祭等官,借居道士房榻,貴賤雜處,且宣召不便。 建 月 賀。 行慶賀禮。 以二十三日冬至祀天,十八日當奏祭,十九日百官受誓戒。 齋房。」從之。 H ,祀於某所,爾文武百官,自某日爲始,致齋三日,當敬愼之。」傳制訖,四拜,奏禮畢。宣 齋之日,御史檢視各官於齋次。仍行南京,一體齋戒。 一十六年定傳制誓戒儀。 日 兩 遇禮文,服色不同,請更奏祭、誓戒皆先一日。帝命奏祭、誓戒如舊,而以十八 嘉靖九年定前期三日,帝御奉天殿,百官朝服聽誓戒。萬曆四年十一 命內官內使飲酒食葷入壇唾地者,皆罪之,司禮監縱容者同 凡大祀前三日,百官詣闕,如大朝儀,傳制官宣制云:「某年 乞於壇所隙地,做天壽山 弘治五年,鴻臚少卿李燧言:「分 是日,皇太后聖旦,百官宜吉 朝 月,禮 體 制,

遣官祭祀

日

洪武二十六年定傳制特遣儀。 是日,皇帝陞座如常儀,百官一 拜。 禮畢,獻官詣拜位

卿行 Щ, 儀,中嚴以待。 由中陛降中道出,至午門外,置龍亭內。 四拜,傳制官由御前出宣制。 .禮。」祭歷代帝王,則曰:「某年月日,祭先聖歷代帝王,命卿行禮。」俯伏,興,四拜,禮 其降香遣官儀。 獻官祭畢復命,解嚴還宮。 前祀一 日清晨,皇帝皮弁服,陞奉天殿。 如祭孔子,則曰:「某年月日,祭先師孔子大成至聖文宣王,命 儀仗鼓吹, 導引至祭所。 **嘉靖九年定大祀遣官,不行飮福禮。** 捧香者以香授獻官。 後定祭之日,降香如常 獻官 捧 畢

分獻陪祀

當。」同乃與學士宋濂議以上,初獻奠玉帛將畢,分獻官卽行 購九年,四郊工成,帝諭太常寺曰:「大祀,分獻官豫定,方可習儀。」乃用大學士<u></u>張璁等於大 明、夜明、星辰、風雲雷雨四壇。 司官仍舊例不與。 凡分獻官,太常寺豫請旨。 奮制,分獻用文武大臣及近侍官共二十四人,今定四人,法 洪武七年,太祖謂學士詹同曰:「大祀,終獻方行 初獻禮。 亞獻、終獻皆如之。嘉 分獻禮,未

郊,先期賜陪祀執事官明衣布,樂舞生各給新衣。 刑餘喪過體氣者不與。從之。後定郊祀,六科都給事中皆與陪祀,餘祭不與。 凡陪祀,洪武 四年,太常寺引周禮及唐制,擬用武官四品、文官五品以上,其老疾瘡疥 制陪祀官入壇牙牌,凡天子親祀,則佩以 又定凡南北

洪武二十九年初祀山川諸神,流官祭服,未入流官公服。洪武二十九年從禮臣言,未入流 人。其制有二,圓者與祭官佩之,方者執事人佩之。俱藏內府。 遇祭則給,無者不得入壇。

官,凡祭皆用祭服,與九品同。

校勘記

祀儀成典 原作「禮儀成典」,據本書卷九七藝文志、世宗實録卷一一八嘉靖九年十月辛未

條改。

壇壝之制 其不宜分出的,則據卷目另加標題。 本志各卷文内標題,原皆爲各段本文首句,爲便於檢閱,參考卷目分出,

作爲標題

改築圜丘上成廣四丈五尺高五尺二寸 五尺二寸,原作「二尺五寸」,據太祖實録卷六二洪武 四年三月丙戌條改。

方丘上成廣三丈九尺四寸。三丈,原作「二丈」,據太祖實錄卷六二洪武四年三月丙戌條改。

五 臺高三尺有奇 三尺,明史稿志二九禮志、太祖實録卷一八九洪武二十一年三月乙酉條作「三

丈

籩豆之實 志 第二十三 此標題及下一標題「祭祀雜議諸儀」,均點校時據卷目所增。 校 勘 記

(4) 周禮箋人凡祭祀供簠簋之實疏曰外祀用瓦簠 簋,實之陳之。」疏曰:「外神用瓦簋。」此處「箋人」應是「舍人」之誤,「之實」應是「實之」之倒, 周禮箋人無此句。按周禮舍人:「凡祭祀 共簠

「外祀」當作「外神」,「瓦簠」當作「瓦簋」。

明史卷四十八

志第二十四

禮一吉禮二

郊祀 郊祀配位 郊祀儀注 祈穀 大雩 大饗 令節拜天

郊祀之制

洪武元年,中書省臣李善長等奉敕撰進郊祀議,略言:

也。 至,禮地祇」。禮曰,「享帝於郊,祀社於國」。又曰,「郊所以明天道,社所以明地道」。書 圜丘,祭地於北郊之方澤,所以順陰陽之位也。 曰,「敢昭告於皇天后土」。按古者或曰地祇,或曰后土,或曰社,皆祭地,則皆對天而言 此三代之正禮,而釋經之正說。 王者事天明,事地察,故冬至報天,夏至報地,所以順陰陽之義也。 周禮大司樂,「冬日至,禮天神, 祭天於南郊之 夏日

志第二十四 禮二

而已。 崑崙之祇,七月於泰折之壇祭神州之祇,析而爲二。後世又因之一歲二祭。元始間, 者,以爲天有六名,歲凡九祭。 宗王肅者,以爲天體惟一,安得有六。 一歲二祭,安得 歷唐,千餘年間,皆因之合祭。其親祀北郊者,惟魏文帝、周武帝、隋高祖、唐玄宗四帝 禮如祀天。而後世因於北郊之外,仍祠后土。又鄭玄惑於緯書,謂夏至於方丘之上祭 有九?雖因革不同,大抵多參二家之說。自漢武用祠官寬舒議,立后土祠於汾陰雕上, 五時,及渭陽五帝、甘泉太乙之祠,而昊天上帝之祭則未嘗舉行。魏、晉以後,宗鄭玄 祀昊天上帝。 元成宗始合祭天地五方帝,已而立南郊,專祀天。泰定中,又合祭。文宗至順以後,惟 王莽奏罷甘泉泰時,復長安南北郊。以正月上辛若丁,天子親合祀天地於南郊。由漢 自秦立 宋元豐中,議罷合祭。紹聖、政和間,或分或合。高宗南渡以後,惟用合祭之禮。 四時,以祀白、青、黄、赤四帝。 漢高祖復增北時,兼祀黑帝。 至武帝有雍

太歲從祀。夏至則祀皇地祇於方丘,以五嶽、五鎭、四海、四瀆從祀。〔〕〕 今當遵古制,分祭天地於南北郊。冬至則祀昊天上帝於圜丘,以大明、夜明、星辰、

太祖 山川之神於方丘。七年增設天下神祇壇於南北郊。九年定郊社之禮,雖有三年喪,不廢。 如其議行之。 建圜丘於鍾山之陽,方丘於鍾山之陰。三年增祀風雲雷雨於圜丘,天下

定每歲 歲冬至,以殿工未成,乃合祀於奉天殿,而親製祝文,意謂人君事 + 年秋,太祖感齋居陰雨,覽京房災異之說,謂分祭天地,情有未安,命作大祀殿於南 合祀於孟春,爲永制。 十二年正月始合祀於大祀殿,太祖親作大祀文幷歌九章。 文 地猶父母,不宜異處。 郊。是 永 遂

樂十八年,京都大祀殿成,規制如南京。 南京舊郊壇,國有大事,則遣官告祭。

以對。 大祀 於 乃問 之太祖,不吉,議且 近矣,以爲卽圜丘,實無謂也。」璁乃備述周禮及宋陳襄、蘇軾、劉安世、程 列聖相承,亦孔子從周之意。」帝復論:15二至分祀,萬代不易之禮。 翟鑾,鑾具述因革以對。 瑰言:「國初遵古禮,分祭天地,後又合祀。 明堂以配上帝』,以形體主宰之異言也。 嘉靖 ·大學士張璁:「書稱燔柴祭天,又曰,『類於上帝』,孝經曰,『郊祀后稷以配天,宗祀<u>文</u>王 有殿,是屋下之祭帝耳,未見有祭天之禮也。況上帝皇地祗合祭一處,亦非專祭上帝。」 且言祖制已定,無敢輕議。 九年,世宗旣定明倫大典,益覃思制作之事,郊廟百神,咸欲斟酌古法,釐正舊章。 寢 復問禮部尚書一時,時請少需日月,博選儒臣,議復古制。 帝銳欲定郊制,卜之奉先殿太祖前,不吉。 朱子謂,祭之於壇謂之天,祭之屋下謂之帝。 說者謂,大祀殿下壇上屋,屋即 今大祀殿 頤所 明堂,壇卽圜丘, 擬周 乃問 議 分 帝復卜 大 合異同 明堂或 學士

會給事中夏言請舉親蠶禮。

一二四

帝以古者天子親耕南郊,皇后親蠶北郊,適與所議郊祀相

之名不同,自天子以下,皆得隨所在而祭之。故禮有『親地』之說,非謂祭社卽方澤祭地也。」 謂郊爲祀天,社稷爲祭地。古無北郊,夫社乃祭五土之祇,猶言五方帝耳,非皇地祇也。 朱譜儒匡衡、劉安世、朱熹等之定論,以及太祖國初分祀之舊制,陛下稱制而裁定之。此中 祀,舉行不於長至而於孟春,俱不應古典。宜令羣臣博考詩、書、禮經所載郊祀之文,及漢、 言:「汝梅等舉召誥中郊用二牛,謂明言合祭天地。夫用二牛者,一帝一配位,非天地各一 興大業也。」禮科給事中王汝梅等詆言說非是,帝切責之。乃敕禮部令羣臣各陳所見。且 表裏,因令璁 又或謂天地合祀,乃人子事父母之道,擬之夫婦同牢。此等言論,褻慢已甚。又或 諭言陳郊議。言乃上疏言:「國家合祀天地,及太祖、太宗之並配,諸壇之從 社

時詹事霍韜深非郊議,且言分祀之說,惟見周禮,捧賊僞書,不足引據。於是言復上

疏言

當以周禮爲定。」今議者旣以大社爲祭地,則南郊自不當祭皇地祇,何又以分祭爲不可 中方丘之制,則曰禮地祇。天地分祀,從來久矣。故宋儒漢時之言曰:「郊丘分合之說, 則有血祭、薶沈、疈辜之禮。 周禮一書,於祭祀爲詳。 大司樂冬至日,地上圜丘之制,則曰禮天神,夏至日,澤 大宗伯以祀天神,則有禋祀、實柴、槱燎之禮,以祀地祇,

也? 議,紹聖三議,皆主合祭,而卒不可移者,以郊賚之費,每傾府藏,故省約安簡便耳,亦 合祭之說,實自捧始,漢之前皆主分祭,而漢之後亦間有之。 宋元豐一議,元祐再

未嘗以分祭爲非禮也。

|| |周禮一書,朱子以爲周公輔導成王,垂法後世,用意最深切,何可誣以捧之僞爲耶。且 固太祖之著典,爲可遵。且皆太祖之制也,從其禮之是者而已。敬天法祖,無二道也。 知分祭固太祖之初制,爲可復。知大祀文乃太祖之明訓,曰爲不可背,而不知存心錄 合祭以后配地,實自擀始。 而自爲一說耶? 今之議者,往往以

太祖之制為嫌為懼。然知合祭乃

太祖之定制,爲不可改,而不 | 漭旣偽爲是書,何不削去圜丘、方丘之制,天神地祇之祭,

於是禮部集上羣臣所議郊禮,奏曰:「主分祭者,都御史汪鋐等八十二人,主分祭而以慎重 屋祭曰帝,夫旣稱昊天上帝,則當屋祭。宜仍於大祀殿專祀上帝,改山川壇爲地壇,以專祀 百九十八人。臣等祇奉敕諭、折衷衆論。分祀之義、合於古禮、但壇境一建、工役浩繁。禮、 成憲及時未可爲言者,大學士脹聰等八十四人,主分祭而以山川壇爲方丘者,尚書李瓚等 二十六人,主合祭而不以分祭爲非者,尙書方獻夫等二百六人,無可否者,英國公張崙等一 旣無創建之勞,行禮亦便。」帝復論當遵皇祖舊制,露祭於壇,分南北郊,以二至日

志

行事。 之謬, 一旦舉行,誠可謂建諸天地而不悖者也。」 言乃奏曰 ···「南郊合祀,循襲已久,朱子所謂千五六百年無人整理。 而陛下獨破千古

敬。 乞於 瞏 不 宜 [丘,是年十月工成。 襲用。 具服 大祀殿享帝,宜卽淸閟,以盡昭事之誠。 已而 殿稍南爲大祀殿,而圜丘更移於前,體勢峻極,可與大祀殿等。」制曰「可」。於是作 命戶、禮、工三部偕言等詣南郊相擇。 禮臣欲於具服殿少南爲圜丘。 明年夏、北郊及東、西郊、亦以次告成、而分祀之制遂定。 言復奏曰:「圜丘祀天,宜卽高敞,以展對越之 二祭時義不同,則壇殿相去,亦宜有所區別。 南天門外有自然之丘,咸謂舊丘地位偏東,

所定也。 萬 曆 三年,大學士張居正等輯郊祀新舊圖考進呈。 舊禮者,太祖所定。新禮者,

郊祀配位

南,雷 Ŀ 下 者 |帝有問,願以臣所行奏帝前,善惡無隱。 洪 火焚 皆以 武 元年 一舟擊殿吻,早暮兢惕,恐無以承 祖 配天。 · 始有 事於南郊。 臣獨 不敢者,以臣 有司議配祀。太祖謙讓不許,親爲文告太廟曰:「歷代有天 1功業 上帝好生之德,故不敢輒奉以配。惟 候南郊竣事,臣率百司恭詣廟廷,告成大禮,以 有未就, 政治有闕 失。 去年上天垂戒, 祖 神 與 有 、天通, 東

志第二十四 禮二

宗中 永惟 祀 議之。」八月 方丘,亦如 、太宗並配 興宗社 上帝之錫福。」明年夏至將祀方丘,羣臣復請。 心 ,再奠寰區 ,慶陽平。 正月十五 之。 建文 |日大祀天地神祇,奉皇祖、皇考以配。] 遂於 十一月冬至,羣臣 元年改奉太祖配。 聖德 神 功 一成配 天 復固請。 洪熙改元, 地。 {易 日 乃奉皇考仁祖淳皇帝配天於 太祖執不允。 『殷薦上帝,以配 敕曰:「太祖 郊祀 固請。 受命上天 前告太廟及 祖考」。 乃日 肇 「俟慶陽平, 朕崇敬祖 圜 興皇業。 丘 几筵,請 明 考, 年

大祀 奉太宗 太祖 以爲 北 敕 周 舉之,莫敢廢也 郊 諭 人 郊 殿 太宗 嘉靖 及 並 大祀 告廟 祖 祀 同 配 兆 上 后 配 九年,給事中夏言上疏言:「太祖、太宗並配,父子 殿, 南 功德 帝 享 文 稷 郊 於 以 以 ,百有餘 一。』凡祭盡 每祭皆宜 大祀 多至 並 進 配天,太祖足當之。 隆 帝復 殿。 圜 年,不 一禮行於報而太宗不與, 二祖 然,況祖宗 丘、大祀殿 命集 於是 宜 並配。」帝終 議 天 於東閣 旦 學士 一輕改。 所祀,均之為 配享大典? 宗祀 張 ,皆以爲:「太廟 璁 以 文王於明堂以 帝降: 、翟鑾等言,二祖 並 孟春禮行於祈而太祖 配 敕諭 且古者郊 天, 非 禮 則配 欲 污諭 之祀 於二 配 與 閣 天之祖 上帝 同列,稽之經旨,未能 明 臣 分配,於 列 一至日 堂 . 講 聖昭 異地 求。 不不 奉太祖 太宗足當 不 義未 宜 穆 故 璁等言:「禮 與, 闕 相 協 配 可 向 心實有所不安。」 0 之。 分配。 ", 且 南 無 臣 錄 嫌 北 等竊 禮 無疑。臣謂 仁宗 曰:『有其 並 郊, 今圜 臣 列 議 集 歲首 所 丘 南 況 撰

帝復報曰:「萬物本乎天,人本乎祖。天惟一天,祖亦惟一祖。故大報天之祀,止當 之,而配天止以后稷,配上帝止以文王,當時未聞爭辨功德也。」因命寢其議 文皇帝功德,豈不可配天?但開天立極,本高皇帝肇之耳。 如周之王業,武王實成 以高皇

|祖所創,今乃不得侑享於中,恐太宗未安,宜仍奉二祖並配。」遂依擬行之。 是禮臣復上議:「南北郊雖曰祖制,實今日新創。 配考、孝經嚴父之義。以致唐、宋變古,乃有二祖並侑,三帝並配之事。望斷自宸衷,依前 敕旨。」帝報曰:「禮臣前引太廟不嫌一堂。夫祀帝與享先不同,此說無當。」仍命申議。 已而夏言復疏言:「虞、夏、殷、周之郊,惟配一祖。 請如聖諭,俱奉太祖獨配。 後儒穿鑿,分郊丘爲二,及誤解大易 至大祀殿則太 於

郊祀儀注

及在位官皆再拜。贊禮唱奠玉帛,皇帝詣盥洗位。太常卿贊曰:「前期齋戒,今辰奉祭, 帝服袞冕。奏外辦,皇帝入就位。贊禮唱迎神,協律郎舉麾奏中和之曲。 服 社令升煙,燔全犢於燎壇。 通天冠、絳紗袍省牲器。次日,有司陳設。祭之日,清晨車駕至大次,太常卿奏中嚴,皇 洪武元年冬至,祀昊天上帝於圜丘。 **贊禮唱請行禮,太常卿奏有司謹具,請行事。皇帝再拜,皇太子** 先期,皇帝散齋四日,致齋三日。 前祀二日,皇帝 贊禮唱燔柴,郊

律郎 還大次,解嚴。 奉幣,掌祭官取饌及爵酒,各詣燎所。唱望燎,皇帝至望燎位。半燎,太常卿奏禮畢,皇帝 進,太常卿贊曰:「惟此酒殽,神之所與,賜以福慶,億兆同霑。」皇帝受爵,祭酒,飮福酒,以 以下在位官,皆再拜。贊禮唱徹豆,協律郎舉麈奏雍和之曲,掌祭官徹豆。贊禮唱送神,協 初獻,但不用祝。贊禮唱飲福受胙,皇帝升壇,至飮福位,再拜,跪,搢圭。奉爵官酌福酒跪 **詣神位前跪,搢圭,上香,祭酒,奠爵,出圭。讀祝官捧祝跪讀訖,皇帝俯伏,興,再拜,復位。** 帛,出圭,再拜復位。 儀。」升自午陛,協律郎舉麾奏肅和之曲。 其清潔,以對神明。」皇帝搢圭,盥手,悅手。 **爵置於坫。奉胙官奉胙跪進,皇帝受胙,以授執事者,出圭,俯伏,興,再拜,復位。皇太子** 亞獻,酌醴齊,樂奏豫和之曲、文德之舞。終獻,酌盎齊,樂奏熙和之曲、文德之舞。儀並同 **尊所,搢圭,執爵,受泛齊,以爵授執事者,出圭。協律郎舉麾奏壽和之曲、武功之舞。** 主,復位。 贊禮唱行初獻禮。 皇帝詣爵洗位,搢圭,滌爵,拭爵,以爵授執事者,出圭。 舉廳奏安和之曲。皇帝再拜,皇太子以下在位官皆再拜。贊禮唱讀祝官奉祝,奉幣官 贊禮唱進俎,協律郎舉麾奏<u>凝</u>和之曲。 皇帝詣昊天上帝神位前跪,搢圭,三上香,奠玉 出圭,升壇。 太常卿贊曰:「神明在上,整肅威 皇帝詣神位前,搢圭,奠俎,出 詣酒

二年夏至, 祀皇地祇於方丘, 其儀並同。惟迎神後瘞毛血, 祭畢, 奉牲帛祝饌而埋之,

詣 與 郊天 祖 異。 神 位 前 其冬,奉仁祖配天於南郊,儀同元年。 ,行禮亦如之,惟不用玉。 四年定,先祭六日, 其奠玉帛、進俎、三獻,皆先詣上帝 百官沐浴宿官署。 翼 日 前 朝服

計 奉 天 殿 丹墀 ,受誓戒。 丞相 以祀期徧告百神,復詣各祠廟行香三日。 次日 ,駕詣 祖廟

告請: 祀 之制 配 亭。 ,奠玉帛、進俎 禮畢,還齋宮。 、三獻,俱先詣上帝神位前 七年去中嚴、 外辦及贊唱上香之縟節,定十二拜禮。 ,次皇地祇,次仁祖 ,餘悉仍舊儀 十年改合

嘉 靖 八年罷各廟焚香禮。 九年復分祀之制 禮部 上大祀 還丘 儀 注

省牲, 酒果詣 導至 常儀。 祀 廟,乘 隨 官 朝駕,帝詣 圜 吅 前 輿詣 · 首。 期 帝至 丘,恭視 太廟、請太祖 太常博士請太祖 十月 南郊。由 奉天殿 禮部太常官詣皇穹宇、請皇天上帝神版、太祖 犧 ,太常寺題請視 壇位, 性所視 親塡祝 西天門 配。 次至神 性。 祝版於文華殿,候帝親塡御名捧出。 帝還易服,御奉天殿,百官朝服受誓戒。 版。 入,至昭亨門外降興。 其前一 庫視 牲。 前期 **籩豆,至神** 日,常服告於廟。 次請命大臣三員看牲, 一日発朝, 廚視牲畢,仍由 錦衣衛備法駕, 禮部太常官導由 前期 神主、 四 四 日,御 員 左 前期三日,帝具祭服 分獻。 從祀 門出,升輿至齋宮。 設版與於奉天門。 左門入,至內境。 前期二日,太常光 奉天殿,太常寺進 神牌,奉安 前 期五日, 壇 錦 座 常服 太常 衣衞 禄 以 分獻陪 銅 卿 脯 人 奏 卿 備 告 醢 如

祭之日,三鼓,帝自齋宮乘輿至外壝神路之西,降輿至神路東大次。

禮部、太常寺捧神

一二五四

引官導行至內壝,典儀唱樂舞生就位,執事官各司其事。帝至御拜位,自燔柴、迎神至禮畢, 其儀悉如舊。 位官復命訖,退。 至大次易服,禮部太常官奉神位安於皇穹宇。還齋宮,少憇。 百官分列神路東西以候。 帝具祭服出,導引官導由左靈星門入內。 駕還,詣廟參

韶如擬。

拜畢,回宮。

請皇地祇 明年,定方澤儀。先期一日,太常卿請太祖配位,〔三奉安皇祇室。 (神版、太祖神主、從祀神牌、奉安壇座。 祀畢、太常奉神版、神牌安皇祇室、奉神主 至期,禮部太常官同

是年十月,帝將郊祀,諭禮部尚書夏言欲親行奉安禮。言乃擬儀注以聞。

還廟寢。

餘皆如圜丘儀。

日 行告廟禮、設神輿香案於奉天殿、神案二於泰神殿、神案二於東西配殿、香案一於丹墀 先期擇捧主執事官十一員,分獻配殿大臣二員,撰祝文,備脯醢、酒果、制帛、香燭。前

正中,設大次於圜丘左門外。

事官就神輿捧神主升石座,奉安於龕中。 及 從祀 是日質明,帝常服詣奉天殿,行一拜三叩頭禮。 神主,各奉安興中,至圜丘泰神殿門外。 帝乃詣香案前,行三獻禮如儀。 帝乘輅至昭亨門,禮官導至泰神殿丹墀。執 執事官先後捧昊天上帝、太祖高皇帝 禮畢,出至大次

升座,百官行一拜三叩頭禮畢,還宮。

小次。 書言,前此有事南郊,風寒莫備。 帝從之,而命行禮用祭服,導引用太常寺官一員,合禮部堂上官四員。十一年冬至,尙 每大祭,所司以隨。 值風雪,則設於圜丘下,帝就幄中對越,而陟降奠獻以太常執事 乃采禮書天子祀天張大次、小次之說,請「作黃氈御幄爲

祖宗無不親郊。 節,帝疾,不能親,乃命武定侯郭勛代。給事中葉洪言:「祈穀、大報,祀名不同,郊天一也。 定儀注,改用驚蟄節,禮視大祀少殺,帛減十一,不設從壇,不燔柴,著爲定式。十一年驚蟄 聖躬痊,改卜吉日行禮。」不從。十八年改行於大內之玄極實殿,不奉配,遂爲定制。 惟以祖配天,今二祖並配,決不可法後世。 嘉靖十年始以孟春上辛日,行祈穀禮於大祀殿。 官代之」。命著爲今。 元年,禮臣言:「先農親祭,遂耕耤田,卽祈穀遺意。今二祀並行於春,未発煩數。 が穀 明初未嘗行。世宗時,更定二祖分配禮。 成化、弘治間,或有故,寧展至三月。蓋以郊祀禮重,不宜攝以人臣,請俟 嗣後大報與祈穀,但奉太祖配。」尋親製祝文,更 因諸臣固請,乃許於大祀殿所穀,奉二祖配。 禮畢,帝心終以爲未當,諭張璁曰:「自古 且玄極寶 隆慶

以法 建崇雩壇於圜丘壇外泰元門之東,爲制一成,歲早則禱,奉太祖 苟自二月至四月,雨暘時若,則大雩之祭,可遣官攝行。如雨澤愆期,則陛下躬行禱祝。」乃 壇以祈雨者也。後世此禮不傳,遇有旱暵,輒假異端之人爲祈禱之事,不務以誠意感格,而 穀祈膏雨也。另今:『雩帝用盛樂,乃命百縣雩祀,祀百辟卿士有益於民者,以祈穀實。』通典 曰:『已月雩五方上帝,其壇名雩,禜於南郊之傍。』先臣丘濬亦謂:『天子於郊天之外,別爲 丹陛上行大雩禮。夏言言:「按左傳『龍見而雩』。蓋巳月萬物始盛,待雨而大,故祭天爲百 次日,祀社稷壇。冠服淺色,鹵簿不陳,馳道不除,皆不設配,不奏樂。九年,帝欲於奉天殿 廟、陵寢及社稷、山川,無常儀。嘉靖八年春祈雨,冬祈雪,皆御製祝文,躬祀南郊及山川壇 [術劫制,誣亦甚矣。]濬意欲於郊傍擇地爲雩壇,孟夏後行禮。 臣以爲孟春旣祈穀矣, 明初,凡水旱災傷及非常變異,或躬禱,或露告於宮中,或於奉天殿陛,或遣官祭告郊 配。

請於三獻禮成之後,九奏樂止之時,樂奏雲門之舞。仍命儒臣括雲漢詩詞,制雲門 志

十二年,夏言等言: 「古者大雩之祀,命樂正習盛樂、舞皇舞。 蓋假聲容之和,以宣陰陽

曲,使文武舞士並舞而合歌之。 蓋雲門者,帝堯之樂,周官以祀天神,取雲出天氣, 雨出

因上 地氣 一其儀,視耐穀禮。 也。 且請增鼓吹數番, 又言:「大雩乃祀天禱雨之祭, 教舞童百人,青衣執羽,四繞壇歌雲門之曲 凡遇亢旱,則禮部於春末請行之。」帝 而 舞,曲 凡 九成。」

大饗禮

從其議。

十七年躬禱於壇、靑服、用一牛、熟薦

明 初無明堂之制。 嘉靖十七年六月,致仕揚州府同知豐坊上疏言:「孝莫大於嚴父,嚴

父莫大於配天。 請復古禮,建明堂。 加尊皇考獻皇帝廟號稱宗, 以配上帝。」下禮部會議

尚書嚴嵩等言:

夏、殷加詳焉。 日創 圜丘,孟春 (東南,正應古之方位。 (制,古法難尋,要在師先王之意。 昔巖、農肇祀上帝,或爲明堂。 **祈穀,孟夏雩壇,季秋明堂,皆所以尊之也。** 蓋聖王事天,如子事父,體尊而情親。至故制爲一歲享祀之禮,冬至 明堂秋享,即以 嗣是夏后氏世室,殷人重屋,周人作明堂之制 明堂圜丘,皆所以事天,今大祀殿在圜丘之北, 大祀殿行之爲當。 明堂帝而享之,又以親之也。今

至配侑之禮,昔周公宗祀文王於明堂,於詩傳以爲物成形於帝,猶人成形於父。

宗配,英宗以仁宗配,皆世以遞配,「引此主於親親也。宋錢公輔曰:「郊之祭,以始封 光武配,唐中宗以高宗配,明皇以睿宗配,代宗以肅宗配,宋眞宗以太宗配,仁宗以眞 以太宗。 之制,其所當配之帝,亦惟二說而已。若以功德論,則太宗再造家邦,功符太祖,當配 之祖,有聖人之功者配焉。明堂之祭,以繼體之君,有聖人之德者配焉。」當時司馬光、 故季秋祀帝明堂,而以父配之,取其成物之時也。漢孝武明堂之享,以景帝配,孝章以 孫抃諸臣執辯於朝,〔5〕程、朱大賢倡議於下,此主於祖宗之功德也。 今復古明堂大享 若以親親論,則獻皇帝,陛下之所自出,陛下之功德,即皇考之功德,當配以

獻皇帝。至稱宗之說,則臣等不敢妄議。

帝降旨:「明堂秋報大禮,於奉天殿行,其配帝務求畫一之說。皇考稱宗,何爲不可。再會

議以聞。」

於是戶部左侍郎唐胄抗疏言:

其父,故引以證聖人之孝,答會子問而已。非謂有天下者,皆必以父配天,然後爲孝。 不然,周公輔成王踐阼,其禮蓋爲成王而制,於周公爲嚴父,於成王則爲嚴祖矣。 ...「嚴父莫大於配天,則周公其人也。」說者謂周公有聖人之德,制作禮樂,而文王適 三代之禮,莫備於周。。孝經曰:「郊祀后稷以配天,宗祀文王於明堂以配上帝。」又

皆配以父,此乃誤孝經之義,而違先王之禮。昔有問於朱熹曰:「周公之後,當以文王 以 配 (有功之祖配,後來第爲嚴父說所惑亂耳。」由此觀之,明堂之配,不專於父明矣。 耶 ,當以時王之父配耶。」<u>熹曰:「只當以|文|王爲配。」又曰:「繼|周</u>者如何。<u>]|熹曰:「只</u> 政之後、未聞成王以嚴父之故、廢文王配天之祭、而移於武王也。後世祀明堂者,

皆奉配太祖,而太宗獨未有配,甚爲缺典。故今奉天殿大享之祭,必奉配太宗,而後我 郊皆主尊尊,必季秋一大享帝,而親親之義始備。 朝之典 爲言,謂之何哉!雖然,豐坊明堂之議,雖未可從,而明堂之禮,則不可廢。 太祖、太宗功德並盛,比之於周,太祖則后稷也,太宗則文王也。 今禮臣不能辨嚴父之非,不舉文、武、成、康之盛,而乃濫引漢、 唐、 宋不足法之事 禮始備。 自三代以來,郊與明堂各立所配之 今兩郊及祈穀, 今南、北兩

帝怒,下冑韶 宜奉獻皇帝配帝侑食。」因請奉文皇帝配祀於孟春祈穀。 獄。 嵩乃再會廷臣, 先議配帝之禮, 言: 「考季秋成物之指, 嚴父配天之文, 帝從獻皇配帝之詩, 而却文皇議

也。 宗,尊也。』漢書注曰:『祖之稱始,始受命也。 已復以稱宗之禮,集文武大臣於東閣議,言:「禮稱:『祖有功,宗有德。』釋者曰:『祖,始 宗之稱尊,有德可尊也。』孝經曰:『宗祀

不行。

熹亦以歆之說爲然。 堂,永爲有德不遷之廟。」 以其德可。 義也。』此宗無數之說,禮以義起者。今援據古義,推緣人情,皇考至德昭聞,密佑穹旻,宗 文王於明堂,以配上帝。』王肅注曰:『周公於文王,尊而祀之也。』 此宗尊之說也。 古者,天 劉歆曰:『七者正法,苟有功德則宗之,不可預爲設數。宗不在數中,宗變也。』朱 聖子神孫,傳授無疆,皆皇考一人所衍布,宗以其世亦可。宜加宗皇考,配帝明 陳氏禮書曰:『父昭子穆,而有常數者,禮也。祖功宗德,而無定法者,

以表聞,並罷宴,令光祿寺分給。 成儀。帝以大享初舉,命賜宴羣臣於謹身殿。 奉睿宗獻皇帝配。殿在宮右乾隅,舊名欽安殿。禮成,禮部請帝陞殿,百官表賀,如郊祀慶 乃定獻皇配帝稱宗,而改稱太宗號曰成祖。時未建明堂,迫季秋,遂大享上帝於玄極寶殿, 稍廟,豈有太廟中四親不具之禮。」帝旣排正議,崇私親,心念<u>太宗永無配享,無以謝廷臣</u>, 「文皇遠祖,不應嚴父之義,宜以父配。稱宗雖無定說,尊親崇上,義所當行。旣稱宗,則當 帝以疏不言祔廟,留中不下。乃設爲臣下奏對之詞,作明堂或問,以示輔臣。大略言: 已而以足疾不御殿,命羣臣勿行賀禮。禮官

二十一年敕諭禮部:「季秋大享明堂,成周禮典,與郊祀並行。曩以享地未定,特祭於

郊,陳設如祈穀。 恭薦名曰 泰享,用昭寅奉上帝之意。」乃定歲以秋季大享上帝,奉皇考睿宗配享。 明年,禮部尚書費定以大享殿工將竣,請帝定殿門名,門曰大享,殿 行禮如南 日皇

及殿成,而大享仍於玄極寶殿,遣官行禮以爲常。

殿仍改欽安殿。 上 一視之,則睿宗爲皇祖,非周人宗祀文王於明堂之義。」於是帝從其請,罷大享禮,命玄極寶 隆慶元年,禮臣言:「我朝大享之禮,自皇考舉行,追崇睿宗,以昭嚴父配天之孝。 自皇

令節拜天

年正 奉天殿丹陛 旦, 嘉靖初,沿先朝舊儀,每日宮中行拜天禮。 命宫中拜天,不用在外執事,祭品亦不取供於太常。 上行禮。 既定郊祀,遂罷冬至之禮。 後以爲凟,罷之。 惟正 旦、聖誕節行禮於玄極寶殿。 遇正旦、冬至、聖誕節,於 隆慶元

校勘記

以五 二月壬寅條補。 嶽 五 鎭四海四瀆從祀 原脱「四海」兩字,據明史稿志三〇禮志、太祖實錄卷二六洪武 元年

申議郊祀辨霍韜分祭疏改。 上文言「太祖親作大祀文」,故此言「乃太祖之明訓」。

先期一日太常卿請太祖配位 一日,原作「二日」,據世宗實錄卷一二五嘉靖十年五月丁亥條、

明會典卷八三改。

1254 青衣執羽 羽,原作「扇」,據世宗實錄卷一五〇嘉靖十二年五月丙辰條改。 嵇璜續文獻通考卷

七〇:「『羽』,志作『扇』,訛。」

五 體奪而情親 體,明經世文編卷二一九頁二二八四嚴嵩明堂秋享大禮議作「義」。

昔周公宗祀文王於明堂 宗,原作「崇」,據明經世文編卷二一九頁二二八五嚴嵩明堂秋享大

禮議改。 按「宗祀」句見養經,字作「宗」,下文引奏經也作「宗」。

皆世以遞配 世以,明經世文編卷二一九頁二二八五嚴嵩明堂秋享大禮議作「世世」。

當時司馬光孫抃諸臣執辯於朝 抃,原作「忭」,據明經世文編卷二一九頁二二八五嚴嵩明堂

明史卷四十九

志第二十五

禮三吉禮三

社 靈星壽星司中司命司民司祿 稷 朝日夕月 先農 先蠶 太歲月將風雲雷 高祺 祭告 雨 嶽鎭海瀆 神 Щ 祇 JII 星辰 城 隍

社稷口

等。然天子有三社。 存之,以重神 社在東, 右社稷, 社稷之祀,自京師以及王國府州縣皆有之。 左宗廟。 太稷在西,壇皆北向。 也。 後世天子惟立太社、太稷。 社稷之祀, 壇而不屋。 爲羣姓立者 日太社。 洪武 元年,中書省臣定議 其自爲立者曰王社。 其制在中門之外,外門之內。 漢高祖立官太社、太稷,一歲各再祀。 其壇在宮城西南者,日太社稷。 … 「周制,小宗伯掌建國之神位, 又勝國之社屋之,國雖亡 尊而親之, 明初建太 與先祖 光武立 而

二十五 禮三

志

第

亡國之社則屋之, 不受天陽也。建屋非宜。若遇風雨, 則請於齋宮望祭。」從之。三年, 於 社、太稷。 社配以后土,西向。 稷配以后稷,東向。 帝服皮弁服,省牲,通天冠、絳紗袍,行 仲春、秋戊日祭之。 太社稷於洛陽宗廟之右,春秋二仲月及臘,一歲三祀。唐因隋制, 壇北建祭殿五間,又北建拜殿五間,以備風雨。 三獻禮。〔三初,帝命中書省翰林院議創屋,備風雨。學士陶安言:「天子太社必受風雨霜露。 和義門內,以春秋二仲上戊日祭。今宜祀以春秋二仲月上戊日。」是年二月,太祖親祀太 玄宗升社稷爲大祀,仍令四時致祭。宋制如東漢時。 並建社稷於含光門右, 元世祖營社稷於

年,太祖以社稷分祭,配祀未當,下禮官議。尚書張籌言:

也。 稷。唐、宋及沅又以句龍配社,周穈配稷。 繼者,故止。然王肅謂社祭句龍,稷祭后稷,皆人鬼,非地祇。而陳氏禮書又謂社祭五 土之祇,稷祭五穀之神。鄭康成亦謂社爲五土總神,稷爲原隰之神。 唐、虞、夏因之。此社稷所由始也。商湯因旱遷社,以后稷代柱。欲遷句龍,無可 按通典,顓頊祀共工氏子句龍爲后土。后土,社也。烈山氏子柱爲稷。 社,后稷有播種功,故配稷。二說不同。漢元始中,以夏禹配官社, 此配祀之制,初無定論 也。 句龍有平水土 后稷配官 稷,田正

至社稷分合之義,書召誥言「社於新邑」,孔註曰:「社稷共牢。」周禮「封人掌設王

之社壝」,註云:「不言稷者,舉社則稷從之。」陳氏禮書曰:「稷非七無以生,土非稷無以 見生生之效,故祭社必及稷。」山堂考索曰:「社為九土之尊,稷為五穀之長,稷生於土,

則 社 與稷固不可分。」其宜合祭,古有明證。 請社稷共爲一壇。

列 祀帝王之次。 至句龍,共工氏之子也,祀之無義。 棄稷亦配先農。 請罷句龍、棄配位, 謹奉仁祖淳皇帝配享,以成一代 商湯欲遷未果。 漢嘗易以夏禹,而夏禹今已

盛典。

遂改作於上門之右,社稷共爲一壇。

治 稷 稷 制 此 壇 十七年八月,上丁在初十日,上戊在朔日,禮官請以十一日祀社稷。 則中戊,非上戊矣。 行新定儀。 ,仍用上戊。 成、制 初 ,社稷列中祀,及以仁祖配,乃升爲上祀。 具冕服以祭,行奉安禮。 如南京。 迎神、飲福、送神凡十二拜,餘如舊。 洪熙後,奉太祖、太宗同配。 禮部覆奏言:「洪武二十年嘗以十一日爲上戊,失不始今日。」命遵舊 舊制,上丁釋奠孔子,次日上戊祀 建文時,更奉太祖配。 御史金洪劾之,言如 十一年春,祭社 永樂中,北京社 社稷。弘

禮官之失 嘉 靖 也。 九年諭 宜 改從皇祖舊制,太社以句龍配,太稷以后稷配。」乃以更正 禮部。「天地至尊,水則宗廟,又次則社稷。 今奉祖配天, 又奉祖配社, 此 一社稷壇配位禮,

告太廟及社稷,遂藏二配位於寢廟,更定行八拜禮。其壇在西苑豳風亭之西者,曰帝社稷。 穀之神,名義至當。」帝采帝耤之義,改爲帝社、帝稷,以上戊明日祭。 社稷?]張璁等言:「古者天子稱王,今若稱王社、王稷,與王府社稷名同。 後,則仍用上已。 東帝社 數,宜罷。」從之。 ,西帝稷,皆北向。始名西苑土穀壇。嘉靖十年,帝謂土穀壇亦社稷耳,何以別於太 春告秋報爲定制。 隆慶元年,禮部言:「帝社稷之名,自古所無,嫌於煩 後改次戊, 次戊在望 前定神牌曰五土

廣西進赤土,江西、湖廣、陝西進白土,山東進青土,北平進黑土。天下府縣千三百餘城,各 土百觔,取於名山高爽之地。 中都亦有太社壇,洪武四年建。取五方土以築。直隸、河南進黃土,浙江、福建、廣東、

國 壇 一祭社稷 ,稱國社 王 國社稷,洪武 Щ .國稷之神,不設配位。」詔可。 川等儀,行十二拜禮。 四年定。 十一年,禮臣言:「太社稷旣同壇合祭,王國各府州縣亦宜同 十三年九月復定制兩壇一壝如初式。 十八年定王

牛 同 醢代鹿醢。 壇 合祭 府 洲 縣 如京師。 祉 **一稷,洪武元年頒壇制於天下郡邑,俱設於本城西北,右社左稷。十一年,定** 禮部言:「定制,祭物缺者許以他物代。」帝曰:「所謂缺者,以非土地所產。 獻官以守禦武臣爲初獻,文官爲亞獻、終獻。 十三年,溧水縣祭社稷,以 溧

從市鬻者,聽其缺。 猶忽之,於人事又何懼焉。」命論如律。 乃敕禮部下天下郡邑,凡祭祀必備物,苟非地產、無 水固有鹿,是有司故爲苟簡也。 十四年令三獻皆以文職長官,武官不與。 百司所以能理其職而盡民事者,以其常存敬懼之心耳。 神

里社,每里一百戶立壇一所,祀五土五穀之神。

朝日夕月

洪武三年、禮部言:

秋分陰氣向長,故祭以二分, [+] 爲得陰陽之義。 者, 祀之正與常也。 蓋天地至尊, 故用其始而祭以二至。 日月次天地, 春分陽氣方永, 外」,五也。「霜雪風雨之不時,則榮日月」,六也。 說者謂因郊祀而祀之,非正祀也。 之類,四也。。觀禮,「拜日於東門之外,反祀方明,云禮日於南門之外,禮月於北門之 類禜而祀之,與覲諸侯而禮之,非常祀也。 惟春分朝之於東門外,秋分夕之於西門外 藻曰,「朝日於東門之外」,祭義曰,「祭日於東郊,祭月於西郊」,「四二也。 小宗伯,「肆 類於四郊,兆日於東郊,兆月於西郊」,「邑三也。月令孟冬「祈來年於天宗」,天宗,日月 古者祀月月之禮有六。郊特姓曰、「郊之祭,大報天而主日,配以月」、〔三一也。玉

常以郊泰時,質明出行宮,東向揖日,西向揖月,又於殿下東西拜日月。 人因之,升爲大祀。 元郊壇以日月從祀,其二分朝日夕月,皇慶中議建立而未行 日 ,萊山祠月。魏明帝始朝日東郊,夕月西郊。唐以二分日,朝日夕月於國城東西。宋 自溱祭八神,六曰月主,七曰日主,雍又有日月廟。 漢郊太乙,朝日夕月改周法。 宣帝於神山祠

朝日以春分,夕月以秋分。星辰則祔祭於月壇。 今當稽古正祭之禮,各設壇專祀。朝日壇宜築於城東門外,夕月壇宜築於城西門

從之。其祀儀與社稷同。二十一年,帝以大明、夜明已從祀,罷朝日夕月之祭。

年,禮部 定春秋分之祭如舊儀,而建朝日壇於朝陽門外,西向,夕月壇於阜城門外,東向。 戌年,車駕親祭。 皆再拜。 八宿、周天星辰共一壇,南向祔焉。春祭,時以寅,迎日出也。秋祭,時以亥,迎月出也。十 殺以示別。 太歲等神,歲有二祭,而日月星辰止一從祭,義所不安」。大學士張璁亦以爲缺典。遂 嘉靖九年,帝謂「大報天而主日,配以月。大明壇當與夜明壇異。且日月照臨,其功甚 上朝日、夕月儀:朝日迎神四拜,飲福受胙兩拜,送神四拜,夕月迎神飲福受胙送神 餘並 朝日,護壇地一百畝,夕月,護壇地三十六畝。朝日無從祀,夕月以五 如舊儀。 餘歲遣文大臣攝祭朝日壇,武大臣攝祭夕月壇。 隆慶元年,禮部議定,東郊以甲、丙、戊、庚、壬年,西郊以丑、辰、未、 三年, 禮部上朝日儀, 壇制有隆 屋、二十

言:「正祭遇風雨,則設小次於壇前,駕就小次行禮。 其升降奠獻, 俱以太常寺執事官代。」

制曰「可」。

先農

事 司 爲 社 中。 也。」 農 享先農,止行親耕之禮。 今議 祈 洪武 唐祝欽明云:『先農 也 至 ·。』至漢以耤田之日祀先農,而其禮始著。 一享先農與躬耕 耕耤之日,皇帝躬祀先農。 元年諭廷臣以來春舉行耤田禮。 節社 同日,禮無明文。 南渡後,復親祀。 宋陳祥道 禮畢,躬耕耤田。 謂。『社自社,先農自先農。 惟周語曰:『農正 於是禮官錢用壬等言:「漢鄭玄謂王社在耤田之 元雖議耕耤,竟不親行。 由晉至唐、宋相沿 以仲春擇日行 一陳耤禮。』 事。」從之。 不廢。 而韋昭注云『祭其神 耤田 其祀 所祭乃 た農へ 政和 命有 先農,非 間 司 命 攝 有

府官 畢 上元、江 行 率農民 二年二月,帝建先農壇於南 耕耤 寧 禮 兩 者老陪祀 縣 令率庶 御 耒 耜 人終畝 __ 干干 一具,韜 o 年 以靑絹。 郊,在耤田 是日宴勞百官耆老 更定祭先農儀,不設 御耕 北 牛四,被 親 祭,以后稷配。 於 以 配 壇 青衣 位 所。 十年二月遣官享先農,命應天 禮 畢、還大次。 器物祀 儀與 社 應 稷 天 同。 府 尹 及 祀

永樂 中 建 壇 京 師 如 南京制, 在太歲壇西南。 石階九級。 西瘗位, 東齊宮、鑾駕庫

志

第

+

Ŧi.

禮

Ξ

歲仲 北 神 春上戊,順天府尹致祭。 倉 東南 具服 殿,殿前爲觀耕之所。 後凡遇登極之初,行耕耤禮,則親 護壇地六百畝,供黍稷及薦新品物地九十餘畝。每

書北 官跪 耜 四 推 之,由午門左出,置綵輿,鼓樂,送至耤田所。 中下農夫各十 祭先農。 딞 i, 尙 以下 受鞭 弘治 嘉 向 書 靖 跪 九 臺下 十年, ,太常卿奏請復位。 進耒耜,順天府官北向跪進鞭。帝秉耒,三推三反訖。 畢,還,更翼善冠黃袍。 元年定耕耤儀。 卿九推。 坐,並 人,執農器朝 帝以 宴勞耆老於壇旁。 太常卿奏耕畢,帝還具服殿,陞座。 其 、禮過 前期百官致齋。 見,令其終 煩,命禮官 府尹挾 太常卿導引 青箱以種 畝。百官行慶賀禮 更定。 宴畢 順天府官以耒耜 ,駕還宮。 至耕 至期 迎神 字 播 · 精位,南向立。 送神 ,帝翼善冠黃袍,詣壇所具服殿,服袞冕, 而覆之。 大樂鼓 止 一,賜酒 府尹 行一 及種稑種進呈, 率 帝御外門, 吹振 饌。三品 拜。 戶 兩 ,部尚 縣 三公以下各就位 作,農夫 先二日 令耆老 以 書跪受耒耜 南 上 向 人賜 丹 人 順 內官仍捧出 坐 行 陛 天府 布 禮 上 觀三 畢 順 万戶 東 尹 一,引上 疋 西坐, 、以耒 一公五 部 天 府 尙 授

隙 給之數, 以 地 耒 穜 爲 耜 稑 田 種 載 因言:「南郊耤田, 車 置 建 綵 內 殿 輿、至耕 前 目 玉 無逸 一輅行。 耤 所,並 其 皇上三推,公卿各宣其力, 亭日 御 罷 門 豳 觀 百官慶賀。 風 耕 ,地位 叉 日 卑下, 省耕 後叉議 議 日省斂, 建觀耕 造 耕根 較西苑為重。 倉 車 臺 載未 日 0 恒 裕。 詔皆 耜 府 西苑雖農官督理,皇 禮部 可。 尹 於祭日 後 上 郊 叉 命 廟 進呈畢, 、粢盛支 墾 西苑

第二十五 禮三

志

先祭先農。 廟、太社稷、帝社稷、禘祫、先蠶及先師孔子之祀。」從之。 壇、長陵等陵、歷代帝王及百神之祀。」西苑所出,藏恒裕倉,以供方澤、朝日、夕月、太廟、世 Ŀ 一時省耕斂,較耤田爲勤。 皇帝至,止行三推禮。三十八年罷親耕,惟遣官祭先農。 請以耤田所出,藏南郊圓廪神倉,以供圜丘、祈穀、先農、神祇 十六年諭凡遇親耕,則戶部尚書 四十一年並令所司勿

先蠶

復奏。隆慶元年罷西苑耕種諸祀,皆取之耤田。

之。 等請於安定門外建先蠶壇。 桑柘,以備宮中蠶事。 鳳輦 不通,無浴蠶所。 后親蠶,以勸天下。 出 帝謂唐 明初 帝從 東華 未列祀典。 一、玄武 其言, 人因 陋 二門。」因條上四 皇城內西苑中有太液、瓊島之水。 命自玄武門出。 就安,不可法。 自今歲始, 朕親祀先農, 皇后親蠶, 其考古制, 具儀以聞。」大學士 嘉靖時,都給事中夏言請改各宮莊田爲親蠶廠公桑園。「去」 九年復疏言,耕蠶之禮,不宜偏 詹事 霍韜以道遠爭之。 事:一、治繭之禮,二、壇壝之向,三、採桑之器,四、掌 於是禮部尚書李時等言:「大明門至安定門道路遙遠,請 內使陳儀衞,軍一萬人,五千圍壇所,五千護於道,餘 戶部亦言:「安定門外近西之地, 廢。 考唐制在苑中,除亦在宮中,宜做行 帝乃敕禮部:「古者天子親耕,皇 令有司 水源 張 <u>,</u>擅 璁 種

如議。

陛。東西北俱樹桑柘,內設蠶宮令署。 後蓋織堂。 |月,工部上先蠶壇圖式,5103帝親定其制。 壇圍方八十丈。 禮部上皇后親蠶儀。 採桑臺高一尺四寸,方十倍,三出陛。 壇方二丈六尺,疊二級,高二尺六寸,四出 鑾駕庫五 間。

儀。 蠶母。 障以行帷,至壇內壝東門。 易禮服,出,至壇。司贊奏就位。 出宮門,乘肩輿,至玄武門。 監備儀仗及重翟車,俱候玄武門外。 三日, 蠶室。蠶母受蠶種,浴飼以待。 **豕、籩豆各六、**[]] 黑帛,送蠶宮令。 迎神四拜,賜福胙二拜,送神四拜。 蠶將生,欽天監擇吉巳日以聞。 內執事並司贊、六尚等女官及應入壇者, 齋一日。 順天府以蠶種及鉤筐一進呈,內官捧出,還授之。 內侍奏請降車,乘肩輿,兵衞、儀仗停東門外。 內侍奏請降與,升重翟車。 命婦文四品、武三品以上俱陪祀,攜一侍女執鉤筐。 公主、內外命婦各就拜位。 將明, 是日,分授執事女官。 順天府具蠶母名數送北郊,工部以鉤箔筐架諸器物給 凡拜跪興,公主、內外命婦皆同。 内侍詣坤寧宮奏請。 兵衞儀仗及女樂前導,出北安門, 出玄武右門,置綵輿中,鼓樂送至 先一日,太常寺具祝版,祭物,羊、 祭先蠶,行三獻禮,女官執事如 日未明,宿衞陳兵備,女樂司設 皇后服常服,導引女官導 禮畢,皇后還具 皇后入具服殿, 皇后齋

服殿,更常服。

墀, 以授 前。 叩 還 命 司賓引內命婦一人,詣桑室,尙功率執鉤筐者從。 下位皇后位東,亦南北向,以西爲上。 至 婦,並賜蠶母酒食。 頭 尙食進膳。 內命婦。 一壇南儀門坐,觀命婦採桑。 司 `賓引外命婦先詣採桑壇東陛下,南北向。尚儀奏請,皇后詣採桑位,東向。 司贊唱班齊。 內命婦食蠶,灑一箔訖,還。 教坊司女樂奏樂。 外命婦序立定,尙儀致詞云:「親蠶旣成,禮當慶賀。」四拜畢,賜宴 公主及內命婦於殿內,外命婦文武二品以上於臺上,三品以下於丹 三公命婦採五條,列侯、九卿命婦採九條。 宴畢,公主以下各就班四拜。 執鉤者跪進鉤,執筐者跪奉筐受桑。 尙儀奏禮畢,皇后還坐具服殿。 尚 功 以 桑 授 蠶 母。 禮畢,皇后還宮,導從如 蠶母受桑, 皇后採桑三條, 訖,各授女侍。 司賓率蠶母等 縷切之, 公主以

韶如擬。

造祭服。 如 常 儀 几 月 其祀先蠶,止用樂,不用舞,樂女生冠服俱用黑。 ,蠶事告成,行治繭禮。 一織堂。 內 命婦一人行三盆 選蠶婦善繅絲及織者各十人。口三卜日,皇后出宮,導從 手禮,布於織婦,以終其事。 蠶宮令送尚衣織染監 局

禮。 一帝初 二月,禮臣言:「去歲皇后躬行採桑,已足風 不可, 令如舊行。 已而以皇后出入不便,命改築先蠶壇於 勵天下。 今先蠶壇殿工未畢,宜 西苑。 壇 之東爲採 且遣

賀,第行叩頭禮,女樂第供宴,勿前導。三十八年罷親蠶禮。四十一年並罷所司奏請。 桑臺,臺東爲具服殿,北爲蠶室,左右爲廂房,其後爲從室,以居蠶婦。 一員,丞二員,擇內臣謹恪者爲之。四月,皇后行親蠶禮於內苑。 帝謂親耕無賀,此安得 設蠶宮署於宮左,令

高禖

獻。皇帝位壇下北向,后妃位南數十丈外北向,用帷。壇下陳弓矢、弓镯如后妃嬪之數。 祭畢,女官導后妃嬪至高謀前,跪取弓矢授后妃嬪,后妃嬪受而納於弓韣。 上帝南向,騂犢,蒼璧。獻皇帝配,西向,牛羊豕各一。 高禖在壇下西向,牲數如之,禮三 今實難行。」遂寢其議。 嘉靖九年,青州儒生李時颺請祠高禖,以祈聖嗣。 已而定祀高禖禮。設木臺於皇城東,永安門北,震方。 臺上,皇天 禮官覆以聞。帝曰:「高禖雖古禮,

祭告

營造宮室,及命將出師,歲時旱潦,祭告天地、山川、太廟、社稷、后土。凡卽位之初,並祭告 明制,凡登極、巡幸及上諡、葬陵、册立、册封、冠婚等事,皆祭告天地、宗廟、社稷。凡

闕里孔廟及歷代帝王陵寢。

江、福建、山西、陝西、廣東、遼東山川,春秋二季月將,旗纛、戰船等神,凡十一壇。 南、北平、廣西、四川、甘肅山川,夏冬二季月將,京都城隍,凡十二壇。 西,鍾山,江西、浙 圜 年,以諸王將之藩,分日告祭太廟、社稷、嶽、鎭、海、瀆,及天下名山大川,復告祀天地於 皇帝皮弁服行一獻禮,每三壇行一次禮。八年,帝駐蹕中都,祭告天地於中都之圜丘。 訹 二十八壇 丘 祇 壇 洪武二年從禮部尚書崔亮奏,圜丘、方丘、大祀,前期親告太廟, 六年 中,太歲、風雲雷雨、五嶽、五鎭、四海,凡五壇。 ,禮部尙書牛諒奏,太歲諸神,凡祈報,則設一十五壇。 東,四瀆、京畿、湖廣、山東 仍遣使告百神於天下 有事祭告, 則設神位 若親祀, 九 河

門,亦如之。二十六年,帝以其禮太繁,定制豕一、羊一,不用帛。尋又罷端門祭,惟用葷素 初 , 諸王來朝還藩,祭眞武等神於端門,用豕九、羊九、制帛等物。 祭護衛旗纛於承天

二壇祭於承天門外。

隍,以 至 日 ,以酒 永樂 官告太廟。凡出入,必親告祖考於內殿。 素羞祭眞 七年巡狩北京,祭告天地、宗廟、社稷。 脯 告皇天上帝於玄極 武 及靈濟宮 ,又告修齋於道極七寶帝尊。 寶殿,遣官以 性體祭神烈、天壽、純德諸陵山,及 聖誕前 嘉靖八年秋,以躬祭山川諸神,命先期不 一日,以酒果告列聖帝后於 隆慶三年,以親祭朝 日壇,預 東 嶽 奉先殿。 告棒 都城

先、<u>弘孝、神霄殿</u>。

祭於 於日 行禮 浙 設鍾山、兩淮、江西、兩廣、海南北、山東、

滅南燕薊山川、旗纛諸神,凡七壇。 西,鍾山、甘肅山川,夏冬二季月將,旗纛戰船等神。各五壇。 太歲、風雲雷 風雲雷 、福建、湖廣荆襄、河南北、河東、華州山川、京都城隍,凡六壇。 京師。 ,夜臥於地,凡三日。六年,從禮部尚書<u></u>牛諒言,太歲諸神,春祈秋報,凡十五壇。 ,兩**廡命官分獻。三年夏,旱。六月朔,帝素服草履,步禱於山川**壇。 洪武二年,太祖以春久不雨,祈告諸 雨、嶽、鎭、海、瀆。弘治十七年,畿內、山東久旱,命官祭告天壽山,分命各巡撫祭告 其親祀之儀與祭告同。正統九年三月,雨雪愆期,遣官祭天、地、社稷、太歲、 雨、五嶽、五鎭、四海。東,四瀆、京畿山川,春秋二季月將,京都各府城隍。 神祇。中設風雲雷雨、嶽、鎭、海、 時甘肅新附,故附其山川之 中五壇奠帛。初獻,帝親 瀆, 藁席露坐, 畫曝 西設江東、 凡五壇。 中, 兩 東

書方獻夫等言:「周禮大宗伯:『以荒禮哀凶札。』釋者謂:『君膳不舉,馳道不除,祭事不 嘉靖 八年春,帝諭 |禮部:「去冬少雪,今當東作,雨澤不降,當親祭南郊社稷、山川。」尚

北嶽、北鎭、東嶽、東鎭、東海

天戒。 也。 制 班陪祀。 次日,不除道。 縣,皆所以示貶損之意。』又曰:『國有大故,則旅 出郊齋宿。 可。 陳其祭祀以禱焉,禮不若祀之備也。』今陛下閔勞萬姓,親出 常朝官並從,同致省愆祈籲之誠。」隨具上儀注。 祭服用皮弁,迎神、送神各兩拜。 是秋,帝欲親祀山川諸神。 祭畢,清晨回鑾。 冠服淺色,羣臣同。 兩日畢事,禮太重。 文五品、武四品以上於大祀門外,餘官於 禮部尚書李時言:「舊例山川等祭, 上帝及四望。』釋者曰:『故謂凶災。 宜比先農壇例,昧爽行禮。」因具儀以進。 二月親禱 南郊, 祈 禱。 Щ 中夜行禮,先一日 禮儀 Ш 南天門外,就 同 務簡約,以答 日_, 社稷 旅,陳 用

請,止於嶽鎭。 行,· 山,又祖宗妥靈之地,祈禱之禮皆不可缺。」遂命大臣詣壇分祀。 自嶽、鎭、海、瀆以及遠近名山大川莫不懷柔,卽此而禱,正合古人『望行』之義。 令所在守臣行禮, 在廷大臣分詣地祇壇祈告。於是禮部尚書夏言言:「我朝建地祇壇 十一年,大學士李時等以聖嗣未降,請廷臣詣嶽鎭名山祝禱。 竊以山川海瀆,發祥效靈,與嶽鎭同功,況基運、翊聖、神烈、天壽、純德諸 帝欲分遣道士,齎香帛 但輔臣所

神祇壇

洪武二年從禮部尚書崔亮言,建天下神祇壇於圜丘壝外之東,及方丘壝外之西。 郊祀

功臣 壇。 先祭,禮官奏:「祝文,太歲以下至四海,凡五壇,稱臣者親署御名。其<u>鍾山</u>諸神,稱余者請 南、河北,次北平、陝西,次左江、右江,次安南、高麗、占城諸國山川,次京都城隍,次六纛大 遣官預告。 鍾 神、旗纛大將、五方旗神、戰船、金鼓、銃礮、弓弩、飛鎗、飛石、陣前陣後諸神,皆躬自行禮。 西,次湖廣,次淮東、淮西,次浙東、浙西、福建,次廣東、廣西、海南、海北,次山東、山西、 四 前 川、夏冬二季月將。西,春秋二季月將、京都城隍。 令禮官代署。」帝曰:「朋友書牘,尚親題姓名,況神明乎。」遂加親署。 月 三日,遣官祭山川壇諸神。七年令春、秋仲月上旬,擇日以祭。九年復定山川壇制,凡十三 「季月將爲第一,次風雲雷雨,次五嶽,次五鎭,次四海,次四瀆,次京都<</p>
「本」工東,次江 期,帝躬詣壇,設神位,西向,以酒脯祭告。 Щ 之右,益 分獻。二十一年增修大祀殿諸神壇壝。 正殿、太歲、風雲雷雨、五嶽、五鎭、四海、四瀆、鍾山七壇。 命禮部 又建山川壇於正陽門外天地壇西,合祀諸神。 以天壽山之神。 更定祭 山川壇儀,與社稷同。 乃敕十三壇諸神並停春祭,每歲八月中 永樂中, 京師建山川壇並 郊之日,俟分獻從祀將畢,就壇以祭。 十年定正殿七壇,帝親行禮,東 凡設壇十有九,太歲、春夏秋冬 東西廡各三壇,東,京畿山 後又定驚蟄、秋分後 同南京制 西無遺 旬,擇 後定 殿 河

|嘉靖十一年改山川壇名爲天神地祇壇,改序雲師、雨師、風伯、雷師。 天神壇在左,南

星辰壇

天星辰位,儀如朝日。二十一年以星辰旣從祀南郊,罷榮星之祭。 分祭,星辰則於天壽節前三日。從之。四年九月,帝躬祀周天星辰。 城南諸神享祭壇正南向,增九間,朝日夕月祭周天星辰,俱於是行禮。 洪武三年,帝謂中書省臣:「日月皆專壇祭,而星辰乃祔祭於月壇,非禮也。」禮部擬於 正殿共十壇,中設周 朝日夕月仍 以 春秋

靈星諸神

志第二十五 禮三

祭司中、司命、司民、司祿,示與民同受其福也。八月望日祀靈星。皆遣官行禮。三年罷壽 如唐制,分日而祀,爲壇於城南。」從之。二年從禮部尚書崔亮奏,每歲聖壽日祭壽星,同日 立冬後亥日遣官祀司中、司命、司民、司祿,以少牢。 |宋祀如唐,而於秋分日祀壽星。 民、司祿、而獻民數、穀數、受而藏之』。漢高帝命郡國立靈星祠。唐制、立秋後辰日祀靈星, 洪武 [元年,太常司奏:「周禮『以槱燎祀司中、司命、風師、雨師』。 |天府『若祭天則祀司

神。按說文,歲字從步從戌。木星一歲行一次,歷十二辰而周天,若步然也。陰陽家說,又 歲諸神從祀圜丘,又合祭羣祀壇。 已而命禮官議專祀壇壝。 禮臣言:「太歲者,十二辰之 後世皆有祭。 因之。一元每有大興作,祭太歲、月將、日直、時直於太史院。若風師、雨師之祀,見於周官, 有十二月將,十日十二時所直之神,若天乙、天罡、太乙、功曹、太衝之類。 雖不經見,歷代 宜以太歲、風雲雷雨諸天神合爲一壇,諸地祇爲一壇,春秋專祀。」乃定驚蟄、秋分日祀 古無太歲、月將壇宇之制,明始重其祭。 增雲師於風師之次,亦自明始。 太歲月將風雲雷雨之祀 唐天寶中,增雷師於雨師之次。宋、元因之。 然唐制各以時別祭,失享祀本 太祖旣以太

太歲諸 神於城南。 三年復以諸神陰陽一 氣,流行無間, 乃合二壇爲一 ,而增四季月將。 叉

改祭期,與地祇俱用驚蟄、秋分後三日。

典。 雨師 壇。 帝親祭於拜殿中。 正陽門外之西,與天壇對。 ,仍築壇城西南。 嘉 壇宇之制,於古無稽。 靖 十年命禮部考太歲壇制。 祭用驚蟄、秋分日。 每歲孟 太歲天神,宜設壇露祭,準社稷壇制 春享 中,太歲殿。 禮官言:「太歲之神,唐、宋祀典不載,元雖有祭,亦 廟,歲暮祫祭之日,遣官致祭。 東廡、春、秋月將二壇。 而差小。」 王國府州縣亦祀風 西廡,夏、冬月將二 從之。 遂 建 太歲 無常

嶽鎮海瀆山川之祀

其封 嶽鎭 道。 節 嶽 祠 四鎭四瀆。詩序巡狩而禮四嶽河海,則又有四海之祭。 嶽 內山川,天子無與。 海瀆,在諸侯封內,則各祀之。 禮官言:「虞舜祭四嶽,王制始有五嶽之稱。周官,『兆四望於四郊』,鄭注,以四望爲 洪武二年,太祖以嶽瀆諸神合祭城南,未有專祀。 瀆之禮。 由 . 魏及隋,嶽鎭海瀆,即其地立祠,有司致祭。 唐、宋之制,有命本界刺史、 武帝時,諸侯或分或廢,五嶽皆在天子之邦。 |秦罷封建,嶽濱皆領於祠官。|漢復建諸侯,則侯國各祀 又享祀之所,屋而 蓋天子方望之事,無所不通 宣帝時,始有使者持 不壇, 非尊神之 五 而

志

第

+

Ħ.

醴

淸明霜降。 道。 縣令之祀,有因郊祀而望祭之祀,又有遣使之祀。 名,以香祝授使者。 川城隍, 今宜 兩

市

祭

物 分獻官行禮。 以嶽 前 期 鎭 海瀆及天下山川城 一日,皇帝躬省牲。 百官公服,送至中書省,使者奉以行。黃金合貯香,黃綺幡二,白金二 是年命官十八人,祭天下嶽鎭海瀆之神。 隍諸地祇合為 至日,服通天冠絳紗袍,詣嶽鎭海瀆前,行三獻 一壇,與天神埓,春秋專祀。」遂定祭日以 元遣使祀嶽鎭海瀆,分東西南北中爲五 帝皮弁御奉天殿, 躬署 御 Щ

神、北鎮 定制 夫英靈之氣,萃而爲神,必受命於上帝,豈國家封號所可加? 十年命官十八人分祀嶽鎭海瀆,賜之制 淮之神,南瀆大江之神,西瀆大河之神,北瀆大濟之神。」帝躬署名於祝文,遣官以更定神號 之神,北嶽 ,並去前代所封名號。 三年詔定嶽鎭海瀆 六年,禮臣言:「四川未平,望祭江瀆於峽州。今蜀旣下,當遣人於南瀆致祭。」從之。 醫 一無閭 恒 山之神。 山之神。 五鎮稱東鎮沂山之神,南鎮會稽山之神,中鎮霍山之神,西鎮 (神號。 四海稱東海之神,南海之神,四海之神,北海之神。四瀆 五嶽稱東嶽 略曰:「爲治之道,必本於禮。 泰山之神,南嶽衡山之神,中嶽嵩山之神,西嶽 瀆禮 嶽鎭海瀆之封,起自唐、宋。 不經,莫此爲甚。今依古 稱 東瀆 吳山 大 Щ

萬曆十四年,巡撫胡來貢請改祀北嶽於渾源州。 禮臣言:「大明集禮載,漢、唐、宋北嶽

之祭,皆在定州曲陽縣, 與史俱合。 渾源之稱北嶽, 止見州誌碑文, 經傳無可考, 仍祀曲

陽是。」

稷,但無瘞埋之文。凡嶽鎭海瀆及他山川所在,令有司歲二祭以淸明、霜降。 祭天下山川,其外國山川,亦非天子所當親祀。」中書及禮臣請附祭各省,從之。 南、占城、高麗。 六年,琉球諸國已朝貢,祀其國山川。 八年,禮部尚書牛諒言:「京都旣罷 安南之山二十一,其江六,其水六。高麗之山三,其水四。 川東西向,同壇共祀。其王國山川之祀,洪武十三年定制。十八年定王國祭山川,儀同社 高麗,陝西附祭甘肅、朶甘、烏斯藏,京城不復祭。又從禮官言,各省山川居中南向,外國 安南、占城、眞臘、暹羅、鎖里,廣東附祭三佛齊、爪哇,福建附祭日本、琉球、渤泥,遼東附祭 使往安南、高麗、占城、祀其國山川。 祭嶽瀆壇。 其他山川之祀。 帝又以安南、高麗皆臣附,其國內山川,宜與中國同祭。 洪武元年躬祀汴梁諸神,仍遣官祭境內山川。 帝齋戒,親爲祝文。 仍遣官頒革正山川神號韶於安 命著祀典,設位以祭。三年遣 **二年,以天下山川祔** 諭中書及禮官考之。 廣西附祭 山

城隍

一年,禮官言:「城隍之祀,莫詳其始。先儒謂旣有社,不應復有城隍。 故唐李陽

四品。 儼、[三]梁武陵王祀城隍,皆書於史,又不獨唐而已。 隍威靈公,秩正二品。州爲鑒察司民城隍靈佑侯,秩三品。縣爲鑒察司民城隍顯佑伯,秩 爵,至或遷就傅會,各指一人以爲神之姓名。 文、杜牧有祭黃州城隍文,則不獨吳、越爲然。 冰縉雲城隍記謂『祀典無之,惟吳、越有之』。然成都城隍祠,李德裕所建,張說有祭城隍之 承天鑒國 是依。』「『『則前代崇祀之意有在也。今宜附祭於嶽瀆諸神之壇。」乃命加以封爵。 袞章冕旒俱有差。命詞臣撰制文以頒之。 司民昇福明靈王,開封、臨濠、太平、和州、滁州皆封爲王。 按張九齡祭洪州城隍文曰『城隍是保,甿庶 又蕪湖城隍廟建於吳赤烏二年,高齊慕容 宋以來其祠徧天下,或錫廟額,或頒封 其餘府爲鑒察司民城 京都爲

資香幣奉安。京師城隍旣附饗山川壇,又於二十一年改建廟。 [lē] 尋以從祀<u>大祀殿,罷山</u> 堂。造木爲主,毀塑像舁置水中,取其泥塗壁,繪以雲山。六年製中都城隍神主成,遣官 壇春祭。 日,幷祭都城隍之神。 三年詔去封號,止稱某府州縣城隍之神。又令各廟屛去他神。 在王國者王親祭之,在各府州縣者守令主之。 永樂中,建廟都城之西,日大威靈祠。 凡聖誕節及五月十一日神誕,皆遣太常寺堂上官行禮。 嘉靖九年罷山川壇從祀,歲以仲秋祭旗纛 定廟制,高廣視官署廳 國有大災則 ||

校勘記

- 社稷 原無此標題,據卷目增。
- 帝服皮弁服省牲通天冠絳紗袍行三獻禮 通天冠、絳紗袍, 太祖實錄卷二六洪武元年二月戊

申條作「服通天冠、絳紗袍」,上有「服」字。

郊特牲日郊之祭大報天而主日配以月 郊特牲,當作「祭義」。 禮記郊特牲:「郊之祭也」至大報

天而 主日也。」沒有「配以月」句。 禮記祭義:「郊之祭,大報天而主日,配以月。」與上引文合。

D.A 祭義日祭日於東郊祭月於西郊 禮記祭義裏沒有兩「郊」字。

35.

{ 周禮: 小宗伯肆類於四郊兆日於東郊兆月於西郊 小,原作「大」,據周禮及鄭玄注改。 肆,應作「四」。

小宗伯:「兆五帝於四郊,四望四類亦如之。」 鄭注:「四類,日月星辰。 至兆日於東郊、兆月

與 風 師於西郊。」

- 八六山 拜日於東門之外反配方明 反,原作「及」,據儀禮覲禮改。
- 747 春分陽氣方永秋分陰氣向長故祭以二分 向長,原作「方長」,祭以,原作「祭於」,據太祖實錄

卷四八洪武三年正月甲午條改。

建殿 日 無逸 無逸,原作「天遁」。「無」亦作「无」,「无逸」與「天遁」當因形近而誤。 據世宗實錄

- 卷 一二九嘉靖十年八月丁未條、卷一三〇嘉靖十年九月壬申條、明會典卷五一改。
- ヘルリ 請改各宮莊 田 爲 親蠶廠公桑園 宮,原作「官」, 據世宗實錄卷一〇九嘉靖九年正月乙巳條改。

續文獻通考卷七八注:「志作『官莊』,誤。」

- 年二月壬戌條 二月工 部上先蠶壇圖式 改。 二月,原作「三月」,據明史稿志三一禮志、 世宗實錄卷一一〇嘉靖九
- 羊豕篷 於「羊豕」下不列數字,於籩豆下作「各六」,易誤會爲羊豕各六。 陸 、黑帛」。 豆各六 明會典卷九二先蠶作「羊二、豕一」、「籩豆各六」、「帛 世宗實錄卷一一〇嘉靖九年二月庚午條載皇后親蠶儀作 所陳祭品都 「羊豕少牢、 明有數字,本 **籩**豆各
- 選蠶 按 料 婦 田 善繅 用三十人耕 絲及織者各十人 所耤的田,親蠶用二十人繅織,略 十,原作「一」,據世宗實錄卷一 相當 一二嘉靖九年四月丁亥條改。
- 二三 高 卷 齊慕 五. = 慕容嚴傳 容 嚴 儼 有祀 ,原作「儷」,據太祖實錄卷三六洪武二年正月戊申條改。 城 喤 事 北齊書卷二〇)和北史
- 按張 是依 九 <u>_</u> 張九齡祭洪州城隍文曰:『城隍是保, 齡 按太祖 祭洪州 實錄卷三六洪武二年 城隍文曰城 隍 是保甿庶 Ē 月 是依 戊 甿庶是依。』」 此所引為 中 條: [1 原作 張說 「張說祭荆州城隍文 总祭荆州 }城 張九齡的祭洪州城隍文, (隍文日 曰:『城 : 了致 和 皇 產物 是保, 助 天 非

張說的祭荆州城隍文。今改。

二十一年,明會典卷九三作「二十年」。

明史卷五十

志第二十六

禮四 吉禮四

南京神廟 歷代帝王陵廟 功臣廟 三皇 京師九廟 聖師 先師孔子 諸神祠 厲壇 旗 纛 五祀 馬神

歷代帝王陵廟

宗、憲宗、宣宗,周世宗,宋太祖、太宗、眞宗、仁宗、孝宗、理宗,凡三十有六。各製袞冕,函香 者,曰伏羲,神農,黃帝,少昊,顓頊,唐堯,虞舜,夏禹,商湯、中宗、高宗,周文王、武王、成 王、康王,漢高祖、文帝、景帝、武帝、宣帝、光武、明帝、章帝,後魏文帝,隋高祖,唐高祖、太 遣秘書監丞陶誼等往修祀禮,親製祝文遣之。每陵以白金二十五兩具祭物。陵寢發者 洪武三年遣使訪先代陵寢, 仍命各行省具圖以進,凡七十有九。 禮官考其功德昭著

志第

十六

醴

四

掩 之,壞者完之。廟敝者葺之。 無廟者設壇以祭。仍令有司禁樵採。歲時祭祀,牲用 太牢。

後 舞 武 部 湖 在 陽 用 魏 仲 帝 祀 廣者 生 Щ 祀 長安 黄帝 漢 春、仲 文 齎 E 東 四 者二 別帝 帝 往 年 而 命 咸 於 所 鄙祀 禮部定議,合祀帝王三十五。 秋 祀 富 、章帝、鄭祀周世宗、鞏祀、宋太祖、太宗、眞宗、仁宗。 在 有 東平 朔 漢宣帝 陽 了, 命 司 平,元世祖於順天,及宋理 神農, 祀 歲時修葺,設陵戶二人守視。 于是遺使詣各陵致祭。 有司 祀唐堯,曲阜祀少昊。 周 ,三原祀唐高祖 文王、武王、成王、康王、宣王,漢高帝、景帝,咸寧祀漢文帝,興平祀 寧遠祀虞舜。 致祭。 其所祀 禮泉祀 在浙江者二一會稽祀夏禹、宋孝宗。 者,視前 在河南者十:陳祀伏羲、商高宗、孟津 宗於會稽, 在北平者三一內黃祀商中宗,滑祀顓 **陵置** 唐太宗, 去周宣王,漢明帝、章帝 一碑,刊祭期及牲帛之數,俾所 又每三年, 出祝文、 凡三十六帝。 浦 城 祀 唐憲宗, 在 後又 Щ 香帛,傳制 涇陽祀 ''', 而 西者一 祭河 増祀 增祀 在 陝西 隋 唐宣宗。 珥、高辛。 媧 祀漢光武,洛 高 在有司 遣太常寺樂 皇於 者十五 祖 . 祀商 於 が趙城、 扶 守之。 歲 中 漢 在

而 理宗 仍 罷 祀 叉命帝王 陵 廟 所在官司 以以 春秋 仲 月 上 旬 , 擇 日 致 祭。

欽 商 天山 湯 、周文王,又東一室周武王、漢光武、 六 之陽 年 帝 以 倣 五 太 帝 廟 三王 同 堂 異室 及 (漢、唐、 之制 宋 為正 創業之君,俱宜 唐太宗、又西一室漢高 殿 五 室 中 一
於
京 室 三皇, 師立 廟 東 祖 致 祭, 唐高 室 Ŧ. 遂 旭、 帝 建 歷代帝王 西 宋太祖 室 元世 夏禹 廟 於

祀 加 增 毎歳 祀 隋 春 高 秋 祖 仲月上旬甲日 七年 令帝 王廟皆 致 祭。 塑袞冕 已而 以周文王終守臣服,唐高祖由太宗得天下,遂 坐 像,惟 伏羲、神農未有 衣裳之制 不必 加冕服 渡其

八月,

帝

躬

祀

於新

廟。

已而

罷

隋

高祖

之祀

美,皆 顔,凡 李靖、 不可 |李 至 **蔵、太公** 廟 一是,罷 原名 其 祀 郭 三十七 善始終,可 春祭停之。 奏 孫 望 子 廟 擬三十六 而 祭, 儀 召虎 年 去 入, 李晟 令每 其 去王 祀 祖 從 方叔 歲 一,可祀 人以進。 號 叉定 祀 曹彬 郊祀, 於是定 於 張 每三年遣祭各陵 東 木華黎 潘美、 良 西 附祭歷代帝王於大祀殿。 蒲何 風后、力牧、皐陶、夔、龍、 帝以宋趙普負太祖 廡 韓世 而 爲 罷 曹參、陳平、周勃、 壇 安童 忠、 四 之歲, ō 岳飛、張浚、 初, 旣祀 太公 則 不忠, 伯顏 停 望有武成王 廟 木華黎、 》,則阿 **鄧禹**、 |伯 不可從祀。 仍以歲八月中旬, 祭。 夷 |伯 术 馮異、諸葛亮、房玄齡、杜 是年 博 益 亦 廟 爾 必 詔 伊尹 忽 元 祀。 以歷 嘗 臣 博 |(傅 遣官致祭如 四 漢 代名 爾术、 擇 傑, 說、 陳平 日 臣 木 遣 周 從 赤老溫 華黎 馮異 官 公旦 記 釋 祭 **愛儀** 一、召公 爲首 如 於 宋 禮 伯 晦 本

帝 王於 Ŧ 永樂 文 廟 華 於 殿 遷都,帝王 都 城 凡 西 五 歲 壇 廟 以 丹陛 仲春 遣 南 東西名臣 秋致 京 太常寺官行 祭 四壇 後幷 罷 禮部尚書李時言:「舊儀有 禮 南 京 嘉靖 廟 祭。 九 年 龍 年 歷 春二 代 帝 月, 王 賜 南 廟 福 郊 未 從祀 胙之文。 成 躬 令 祭 賜者自 建 歷 歷 代 代 帝

志

第

十

六

禮

四

遣大臣一員行禮,四員分獻。凡子、午、卯、酉祭於陵寢之歲,則停秋祭。二十四年,以禮科 聖之殿。 上 名臣三十二人。 陳棐言,罷元世祖陵廟之祀,及從祀木華黎等,復遷唐太宗與宋太祖同室。凡十五帝,從祀 東西二坊,曰景德街。八月壬辰親祭。帝由中門入,迎神、受福胙、送神各兩拜。 而下之義,惟郊廟社稷宜用。歷代帝王,止宜云答。」詔可。十一年夏,廟成,名曰景德崇 殿五室,東西兩廡,殿後祭器庫,前爲景德門。門外神庫、神廚、宰牲亭、鐘樓。 嗣後歲 街

三阜

禮也 陽十大名醫從祀。 芒、祝融、風后、力牧左右配,兪跗、桐君、僦貸季、少師、雷公、鬼臾區、伯高、岐伯、少兪、高 三皇五帝廟 一。」帝日 明初仍元制,以三月三日、九月九日通祀|三皇。洪武元年令以太牢祀。二年命以向 : 「三皇繼天立極,開萬世教化之原,汨於藥師可乎。」命天下郡縣毋得褻祀 於京師。至元成宗時,乃立三皇廟於府州縣。春秋通祀,而以醫藥主之,甚非 儀同釋奠。四年,帝以天下郡邑通祀三皇爲瀆。禮臣議:「唐玄宗**嘗立**

建三皇廟於太醫院北,名景惠殿。 正德十一年立伏羲氏廟於秦州。 中奉三皇及四配。 秦州,古成紀地,從巡按御史馮時雄奏也。 其從祀,東廡則僦貸季、岐伯、伯高 嘉靖間,

志第二十六 禮四

復建聖濟殿於內,祀先醫,以太醫官主之。二十一年,帝以規制湫隘,命拓其廟。 **|素、朱彥修十四人。 歲仲春、秋上甲日,禮部堂上官行禮,太醫院堂上官二員分獻,用少牢。** 華陀、王叔和、皇甫謐、葛洪、巢元方、孫思邈、韋慈藏、王冰、錢乙、朱肱、李杲、劉完素、張元 鬼與區、兪跗、少兪、少師、桐君、雷公、馬師皇、伊尹、扁鵲、淳于意、張機十四人,「己」西廡則

聖師日

日,皇帝服皮弁,拜跪,行釋奠禮。用羹酒果脯帛祭於文華殿東室。 王、商湯王、周文王武王,九聖南向。左先聖周公,右先師孔子,東西向。 聖師之祭,始於世宗。奉皇師伏羲氏、神農氏、軒轅氏,帝師陶唐氏、有虞氏,王師夏禹 每歲春秋開講前一

從。至是,世宗傲其意行之。十六年移祀於永明殿後,行禮如初。其後常遣官代祭。隆慶 初,仍於文華殿東室行禮。 統之宗,神農、黃帝、堯、舜、禹、湯、文、武,以次列焉。 秩祀天子之學,則道統益尊。 太祖不 禮卿及講官俟行禮訖,入拜。先是洪武初,司業宋濂建議欲如建安熊氏之說,以伏羲爲道 初,東室有釋像,帝以其不經,撤之,乃祀先聖先師。自爲祭文,行奉安神位禮。輔臣

王聖先師孔子廟祀

先期,皇帝齋戒。 歲仲春、秋上丁,皇帝降香,遣官祀於國學。以丞相初獻,翰林學士亞獻,國子祭酒終獻。 邪說、發明孔子之道、配享如故。」七年二月、上丁日食、改用仲丁。 擇國子生及公卿子弟在學者,豫教肄之。」五年罷孟子配享。踰年,帝曰:「孟子辨異端,關 篡登鉶及豆初用木者,悉易以瓷。 官給牲幣,俾衍聖公供祀事。 奉天殿降香。至日,獻官行禮。 期大明教化,以行先聖之道。今旣釋奠成均,仍遣爾修祀事於闕里,爾其敬之。」又定制,每 明太祖入江淮府, 百一十人。禮部請選京民之秀者充樂舞生。 臨行諭曰:「仲尼之道,廣大悠久,與天地並。有天下者莫不虔修祀事。 漢晉及隋或稱先師,或稱先聖、宣尼、宣父。唐諡文宣王,宋加至聖號,元復加號大成 獻官、陪祀、執事官皆散齋二日,致齋一日。 首謁孔子廟。 四年,禮部奏定儀物。 三年詔革諸神封號,惟孔子封爵仍舊。且命曲阜廟庭,歲 洪武元年二月韶以太牢祀孔子於國學, 性易以熟。樂生六十人,舞生四十八人,引舞二人,凡一 太祖曰:「樂舞乃學者事,況釋奠所以崇師。宜 改初制籩豆之八爲十,籩用竹。 前祀一日,皇帝服皮弁服,御 仍遣使詣曲阜致 **朕爲天下主**, 其簠

門外東為犧牲廚,西爲祭器庫,又前爲靈星門。 十五年,新建太學成。廟在學東,中大成殿,左右兩廡,前大成門,門左右列戟二十四。 自經始以來,駕數臨視。 至是落成,遣官致

志第二十六 禮四

胡安國

建寧伯,

蔡沈崇安伯,眞德秀浦城伯。

父俱配啓聖 聖王,創殿於大成殿西崇祀,而顏、孟之父俱封公,惟伯魚、子晳仍侯,乞追封公爵,偕顏、孟 無繇、子皙、伯魚,父也,從祀廊廡。非惟名分不正,抑恐神不自安。況叔梁紇元已追封啓 惟論傳道,以列位次。,闕里家廟,宜正父子,以敍彝倫。,顏子、曾子、子思,子也,配享殿廷。 真德秀從祀。三年禁天下祀孔子於釋、老宮。孔、顏、孟三氏子孫教授裴侃言:「天下文廟 蔣明請祀元儒吳澄。大學士楊士奇等言當從祀,從之。〔三正統二年,以宋儒胡安國、蔡沈、 從祀、益以董仲舒。三十年以國學孔子廟隘,命工部改作,其制皆帝所規畫。大成殿門各 縣長以下詣學行香。二十六年頒大成樂於天下。二十八年以行人司副楊砥言,罷漢揚雄 酒,後遣翰林院官,然祭酒初到官,必遣一祭。十七年敕每月朔望,祭酒以下行釋菜禮,郡 官,分獻則以本學儒職及老成儒士充之。 六楹,靈星門三,東西廡七十六楹,神廚庫皆八楹,宰牲所六楹。永樂初,建廟於太學之東。 牢,皆殺于國學。三獻禮同,十哲兩廡一獻。其祭,各以正官行之,有布政司則以布政司 帝旣親詣釋奠,又詔天下通祀孔子,幷頒釋奠儀注。凡府州縣學,籩豆以八,器物性 宣德三年,以萬縣訓導李譯言,命禮部考正從祀先賢名位,頒示天下。十年,慈利教諭 王殿。」帝命禮部行之,仍議加伯魚、子晳封號。 每歲春、秋仲月上丁日行事。 成化二年,追封董仲舒廣川伯, 初,國學主祭遣祭

十二年從祭酒周洪謨言,增樂舞爲八佾,箋

御製碑文。 天子之制。 豆各十二。 十二年,闕里孔廟燬,敕有司重建。 弘治八年追封楊時將樂伯、從祀,位司馬光之次。 正德十六年詔有司改建孔氏家廟之在衢州者,官給錢,董其役。令博士孔承義 。十七年,廟成,遺大學士李東陽祭告,幷立 九年增樂舞爲七十二人,如

宜罷,林放、蘧瑗等六人宜各祀於其鄉,后蒼、王通、歐陽修、胡瑗、蔡元定宜從祀。」 十,樂用六佾。配位公侯伯之號宜削,止稱先賢先儒。其從祀申黨、公伯寮、秦冉等十二人 同。今箋豆十二,性用犢,全用祀天儀,亦非正禮。其諡號、章服悉宜改正。」璁緣帝意,言: 殿後,別立室祀叔梁紇,而以顏路、曾晳、孔鯉配之。」帝以爲然。因言:「聖人尊天與尊親 「孔子宜稱先聖先師,不稱王。祀宇宜稱廟,不稱殿。祀宜用木主,其塑像宜毁。籧豆用 嘉靖九年,大學士張璁言:「先師祀典,有當更正者。」叔梁紇乃孔子之父,顏路、曾晳、

館。趣因作正孔子廟祀典或問奏之。帝以爲議論詳正,幷令禮部集議。於是御史黎貫等 言:「聖祖初正祀典,天下嶽瀆諸神皆去其號,惟先師孔子如故,良有深意。陛下疑孔子之 子祀典說,大略謂孔子以魯僭王爲非,寧肯自僭天子之禮。復爲正孔子祀典申記,俱付史 帝命禮部會翰林諸臣議。編修徐階疏陳易號毀像之不可。帝怒,謫階官,乃御製正孔

宜 **慣借此以斥其追尊皇考之非,詆爲奸惡,下法司會訊,褫其職。給事中王汝梅等亦極言不** 世 言:「莫尊於天地,亦莫尊於父師。陛下敬天尊親,不應獨疑孔子王號爲僭。」帝因大怒,疑 從彥之論,則謂加帝號亦可。 祀,上擬祀天之禮。 夫子之不可及也,猶天之不可階而升,雖擬諸天,亦不爲過。 爲王。 爲文宣王,已用天子禮樂。 去王號,帝皆斥爲謬論。 其辨孔子不當稱王者, 至 朱眞宗嘗欲封孔子爲帝,或謂周 一周敦頤則以爲萬世無窮,王祀 止吳澄一人而已。伏望博考羣言, 礼孔子, 止稱王, 邵雍 務求至當。」時貫 不當加帝號。 則以爲仲尼 自唐尊孔 疏 以萬 而羅 中

申黨 弟子 氏 制 大 備 監規制 成門為 神 卽 ,皆稱先賢某子。 位 於 今宜於 次 是 禮 部 申 蟆 十豆。 以 廟門。 棖 木為 顏 孔子神位題至聖先師孔子,去其王號及大成、文宣之稱。改大成殿爲先師廟, 釐 無繇 會諸臣議:「人以聖人爲至,聖人以孔子爲至。 神主。 去 天下各學,八籩八豆。 其 其 、會點、孔鯉、孟孫氏配,俱 匹 配 左丘 仍擬 稱復聖顏子、宗聖曾子、述聖子思子、亞聖孟子。 公伯 大小尺寸,著爲定式。 明以下,皆稱先儒某子。 ·寮、秦冉、顏何、荀況、戴聖、劉向、賈逵、馬融、何休 樂舞止六佾。 稱先賢某氏。 其塑像,即 不復稱公侯伯。 凡學 別立一祠, 至從祀之賢, 宋眞宗稱孔子爲至聖,其意已 令屛撤。 遵聖 中 春 叔梁紇題 不可 秋祭祀 十哲以下凡及門 祖 首定南京 不考其得失。 適國 啓聖公孔 國 初

志

第

陽修、胡瑗宜增入。」命悉如議行。又以行人薩侃議,進陸九淵從祀 **两、**杜預、吳澄罷祀。 林放、蘧瑗、盧植、鄭衆、鄭玄、服虔、范寧各祀於其鄉。 后蒼、王通、歐

留,略如九功言。其進歐陽修,則以濮議故也。 政嘗謂馬融等八人當斥。給事中張九功推言之,幷請罷荷況、公伯寮、蘧瑗等,而進后蒼 王通、胡瑗 初 一、洪武時,司業宋濂請去像設主,禮儀樂章多所更定,太祖不允。 爲禮官周洪謨所却而止。至是以應力主,衆不敢違。毀像蓋用濂說,先賢去 成、弘間,少詹程敏

西向。 子損 亢、縣成、廉潔、燕伋、叔仲會、顏之僕、邽巽、樂欬、公西輿如、狄黑、孔忠、公西蔵、步叔乘*、* 季、公孫龍 耕、公西赤、有若、琴張、申棖、陳亢、巫馬施、梁鱣、公晳哀、商瞿、冉孺、顏辛、伯虔、曹恤、冉 配,東西配位視十哲,從祀先儒程晌、朱松、蔡元定視兩廡。輔臣代祭文廟,則祭酒祭啓聖 公肩定、后處、鄡單、奚容蔵、罕父黑、顏祖 **嗣。南京,祭酒於文廟,司業於啓聖祠。遂定制,殿中先師南向,四配東西向。稍後十哲:閱** 、冉子雍、端木子賜、仲子由、卜子商、冉子耕、宰子予、冉子求、言子偃、顓孫子師皆東 明 年,國子監建啓聖公祠成。從尚書李時言,春秋祭祀,與文廟同日。箋豆牲帛視四 兩無從祀:先賢澹臺滅明、宓不齊、原憲、公冶長、南宮适、高柴、漆雕開、樊須、司馬 、漆雕哆、秦商、漆雕徒父、顏高 、商澤、壤駟赤、任不齊、石作蜀、公良孺、公夏首、 、榮旂、秦祖、左人郢、句井疆、鄭國、公祖 句茲、原

蒼、杜子春、王通、韓愈、胡瑗、周敦頤、程顥、歐陽修、邵雍、張載、司馬光、程頤、楊時、胡安 國、朱熹、張栻、陸九淵、呂祖謙、蔡沈、眞德秀、許衡凡九十一人。 施之常、秦非、顏噲,先儒左丘明、公羊高、穀梁赤、伏勝、高堂生、孔安國、毛萇、董仲舒、后

科 邵六子亦稱先賢,位七十子下,漢唐諸儒之上。 制 止 王守仁從祀。 行 ,遣大臣祭先師及配位。其十哲以翰林官,兩廡以國子監官各二員分獻。 進士行釋菜禮。 釋菜 隆慶五年,以薛瑄從祀。萬曆中,以羅從彥、李侗從祀。十二年,又以陳獻章、胡居仁、 禮。 二十三年,以宋周敦頤父輔成從祀 <u>崇</u>禛十五年,以<u>左</u>丘明親授經於聖人,改稱先賢。 弁改|朱儒周、二程、張、朱、 司府州縣衞學各提調官行禮。性用少年,樂如太學。京府及附府縣學, 然僅國學更置之,闕里廟廷及天下學宮未 |啓聖祠。又定每歲仲春、秋上丁日御殿傳 每月朔, 及每

旗纛

遑頒

行

也。

『大將中營建 :『牙旗者,將軍之精, 旗纛 之祭有四。 藏。 天子六軍,故用六纛。 其一,洪武元年,禮官奏:「軍行旗纛所當祭者,旗謂牙旗。黃帝 軍之形候。凡始豎牙,必 **氂牛尾爲之,在左騑馬首。』唐、宋及元皆有旗纛之** 祭以剛日 。』纛,謂旗 頭 也。 太白陰經日: 出軍訣

志

第

+

六

磴四

祭則設之。 之祭,專祭火雷之神。 服皮弁,御奉天殿降香。獻官奉以從事。祭物視先農,帛七,黑二、白五。瘞毛血、望燎,與 鼓角銃礟之神、弓弩飛鎗飛石之神、陣前陣後神祇五昌等衆, 凡七位, 共一壇, 南向。 皇帝 山川之日,遣旗手衞官行禮。其正祭,旗頭大將、六纛大將、五方旗神、主宰戰船正神、金 旗纛廟在山川壇左。 行三獻禮。後停春祭,止霜降日祭於教場。其二,歲暮享太廟日,祭旗纛於承天門外。其三, 風雲雷雨諸神同。祭畢,設酒器六於地。 爲獻官,題主日軍牙之神、六纛之神。 今宜立廟京師,春用驚蟄,秋用霜降日,遣官致祭。」乃命建廟於都督府治之後,以都督 初,旗纛與太歲諸神合祭於城南。九年別建廟。 每月朔望,神機營提督官祭於教場。牲用少牢。凡旗纛皆藏內府, 七年二月詔皇太子率諸王詣閱武場祭旗纛,爲壇七, 刺雄雞六,瀝血以釁之。其四,永樂後,有神旗 每歲仲秋,天子躬祀

爲亞獻、終獻。 儀物殺京都。 王國祭旗纛,則遣武官戎服行禮。天下衞所於公署後立廟,以指揮使爲初獻官,僚屬

五祀

洪武二年定制,歲終臘享,通祭於廟門外。八年,禮部奏:「五祀之禮,周、漢、唐、宋不

從定中霤于奉天殿外文樓前。又歲暮合祭五祀于太廟西廡下,太常寺官行禮。 宮內大庖井前,光祿寺官主之。四孟於有事太廟之日,季夏於土旺之日,牲用少牢。」制可。 祀中霤, 設壇乾清宮丹墀, 內官主之。 孟秋祀門, 設壇午門左, 司門主之。 孟冬祀井, 設壇 今擬孟春祀戶,設壇皇宮門左,司門主之。孟夏祀竈, 設壇御廚, 光祿寺官主之。季夏

馬神

帝乘之以夕月於清凉山。比還,大悅,賜名飛越峰。復命太常祀馬祖。五年幷諸神爲 英物,必有神司之。」命太常以少牢祀馬祖,囊沙四百斤壓之,令人騎而遊苑中,久之漸剔。 壇,歲止春祭。永樂十三年立北京馬神祠於蓮花池。其南京馬神,則南太僕主之。 樂,行三獻禮。」四年,蜀明昇獻良馬十,其一白者,長丈餘,不可加韉勒。太祖曰:「天生 祭以四仲之月。唐、宋因之。今定春、秋二仲月,甲、戊、庚日,遣官致祀。爲壇四,樂用時 星也,夏祭先敗,始養馬者,秋祭馬社,始乘馬者,冬祭馬步,乃神之災害馬者。隋用周制, 洪武二年命祭馬祖、先牧、馬社、馬步之神,築壇後湖。禮官言:「周官春祭馬祖,天駟

南京神廟

志第二十六 禮四

|蔣廟又有四月二十六日之祭。 并功臣廟爲十一。後復增四: **普濟天妃,以正月十五日、三月二十三日,南京太常寺官祭。太倉神廟以仲春、秋望日,南** 牢,眞武與眞覺禪師素羞。 京戶部官祭。 應天府官祭,五月十三日,南京太常寺官祭。天妃,永樂七年封爲護國庇民妙靈昭應弘仁 曹武惠王彬、南唐劉忠肅王仁瞻、元衞國忠肅公福壽俱以四孟朔,歲除,應天府官祭。惟 二十八日,皆南京太常寺官祭。 都城隍以八月祭帝王後一日,祠山廣惠張王渤以二月十八日,五顯靈順以四月八日、九月 山之陽,稱漢前將軍壽亭侯。嘉靖十年訂其誤,改稱漢前將軍漢壽亭侯。以四孟歲暮, 初 稱 十廟 司馬、馬祖、先敗神廟,以春、秋仲月中旬,擇日南京太僕寺官祭。諸廟皆少 北極 真武以三月三日、九月九日, 道林眞覺普濟禪師寶誌以三月十八日, 漢秣陵尉蔣忠烈公子文、晉成陽卞忠貞公臺、四宋濟陽 關公廟,洪武二十七年建於雞

功臣廟

愈、東甌襄武王湯和、黔寧昭靖王沐英。 者 虚 其位。 太祖 旣以功臣配享太廟,又命別立廟於雞籠山。論次功臣二十有一人,死者 正 一般:中山武寧王徐達、開平忠武王常遇春、岐陽武靖王李文忠、寧河 羊二,豕二。西序:越國武莊公胡大海、 武 梁國公趙 塑像,生 順王 鄧

德勝、巢國武壯公華高、號國忠烈公俞通海、江國襄烈公吳良、安國忠烈公曹良臣、黔國威

毅公吳復、燕山忠愍侯孫興祖。 東序: 郢國公馮國用、西海武莊公耿再成、濟國公丁德興、

蔡國忠毅公張德勝、海國襄毅公吳楨、蘄國武義公康茂才、東海郡公茅成。羊二,豕二。兩

應各設牌一,總書「故指揮千百戶衞所鎭撫之靈」。羊十,豕十。以四孟歲暮,遣駙馬都尉祭。 初,胡大海等歿,命肖像於下壼、蔣子文之廟。及功臣廟成,移祀焉。 永樂三年以中山

王勳德第一,又命正旦、清明、中元、孟冬、冬至遣太常寺官祭於大功坊之家廟,牲用少牢。

京師九廟

京師所祭者九廟。眞武廟,永樂十三年建,以祀北極佑聖眞君。 正德二年改為靈明顯

佑宫,在海子橋之東,祭日同南京。

都城隍廟,祭以五月十一日。 東嶽泰山廟,在朝陽門外,祭以三月二十八日。

漢壽亭侯關公廟,永樂間建。 成化十三年,又奉敕建廟宛平縣之東,祭以五月十三日。

皆太常寺官祭。

京都太倉神廟建於太倉,戶部官祭。

志 第二十 醴 四

司馬、馬祖、先牧神廟、太僕寺官祭。

宋文丞相祠,永樂六年從太常博士劉履節請,建於順天府學之西。 元世祖廟, 嘉靖中

罷。皆以二月、八月中旬順天府官祭。

洪恩靈濟宮,祀徐知證、知諤。 永樂十五年,立廟皇城之西,正旦、冬至聖節,內閣禮部

及內官各一員祭。 生辰、禮部官祭。 弘治中,大學士劉健等請毋遣閣臣。 嘉靖中,改遣太

常寺官。

其榮國公姚廣孝,洪熙元年從祀太廟。 嘉靖九年撤廟祀,移祀大興隆寺,在皇城西北

隅。後寺燬,復移崇國寺。

東嶽、都城隍用太牢,五廟用少牢,眞武、靈濟宮素羞。

諸神祠

蹟昭著者 國家 及惠 洪武元年命中書省下郡縣、訪求應祀神祇。 ,雖不致祭,禁人毀撤祠宇。 愛在民者, 著於祀典, 令有司歲時致祭。 三年定諸神封號, 名山大川、聖帝明主、忠臣烈士,凡有功於 二年又詔天下神祇,常有功德於民, 凡後世溢美之稱皆革去。天下神 事

洞

不

應祀典者,卽淫祠也,有司毋得致祭。

三清三境九天應元雷聲普化天尊、金玉闕眞君元君、宮神父神母, 弘治元年,禮科張九功言:「祀典正則人心正。 今朝廷常祭之外,又有釋迦牟尼文佛、 諸宮觀中又有水官星

君、CKJ諸天諸帝之祭,非所以法天下。」帝下其章禮部,尚書周洪謨等言

爲三,其實一人耳。道家以老子爲師。 建薦揚齋醮。 蓋倣釋氏而又失之者也。」自今凡遇萬壽等節,不令修建吉祥齋醮,或遇喪禮,不令修 太上道君又非老子報身,設有二像,又非與老子爲一。而老子又自爲 釋迦牟尼文佛生西方中天竺國。 其大興隆寺、朝天宮俱停遣官祭告。 宗其教者,以本性爲法身,德業爲報身,幷眞身 朱熹有曰:「玉清元始天尊旣非 老子 上清太上老君, 法身,上清

夫幽禜祭星,古禮也。 北 極中天星主紫微大帝者,北極五星在紫微垣中,正統初,建紫微殿,設像祭告。 今乃像之如人,稱之爲帝,稽之祀典,誠無所據

以是日遣官詣顯靈宮致祭。夫風雲雷雨,南郊合祀,而山川壇復有秋報,則此祭亦當 雷聲普化天尊者,道家以爲總司五雷,又以六月二十四日爲天尊示現之日,故歲

熙寧、大觀問,累號正一靖應眞君,子孫亦有封號。 祖師三天扶教輔玄大法師眞君者,傳記云:「漢張道陵,善以符治病。唐天寶,宋 國朝仍襲正一嗣敎眞人之封。」然

罷発。

宋邵伯溫云:「張魯祖陵、父衡,以符法相授受,自號師君。」今歲以正月十五日爲陵生

日,遣官詣顯靈宮祭告,亦非祀典。

圓通寺,加二龍封號,春秋祭之。」邇者連旱,祈禱無應,不足崇奉明矣。 二青龍,遂得雨。後賜盧號曰咸應禪師,建寺設像,別設龍祠於潭上。宣德中,建大 大小青龍神者,記云:「有僧名盧, 寓西山。有二童子來侍。時久旱, 童子入潭化

封至英顯王。 於京城艮隅幷武當山重建廟宇。兩京歲時朔望各遣官致祭,而武當山又專官督祀事。 碑謂,太祖平定天下,陰佑爲多,嘗建廟南京崇祀。及太宗靖難,以神有顯相功,又 功成飛昇。奉上帝命鎭北方。被髮跣足,建皂纛玄旗。」此道家附會之說。國朝御製 於蜀,廟食其地爲宜。文昌六星與之無涉,宜敕罷免。其祠在天下學校者,俱令拆毀。 亦有祠祀者。 。靖康初,加號佑聖助順靈應眞君。圖志云「眞武爲淨樂王太子,修煉武當山, 北極佑聖眞君者,乃玄武七宿,後人以爲眞君,作龜蛇於其下。宋眞宗避諱,改爲 梓潼帝君者,記云:「神姓張名亞子,居蜀七曲山。仕晉戰沒,人爲立廟。 景泰中,因京師舊廟闢而新之,歲以二月三日生辰,遣祭。」夫梓潼顯靈 道家謂帝命梓潼掌文昌府事及人間祿籍,故元加號爲帝君,而天下學校 唐、宋屢

憲宗嘗範金爲像。今請止遵洪武間例,每年三月三日、九月九日用素羞,遣太常官致

祭,餘皆停発

士周思得能傳靈官法,乃於禁城之西建天將廟及祖 靈素輩學法有驗。 成化初改顯靈宮。 崇恩眞君、隆恩眞君者,道家以崇恩姓薩名堅,西蜀人,宋徽宗時嘗從王侍宸、林 隆恩,則玉樞火府天將王靈官也,又嘗從薩傳符法。 每年換袍服,所費不訾。近今祈禱無應,亦當罷免。 師殿。 宣德中,改大德觀,封二眞 永樂中,以道

居及<u>金玉闕元君者</u>,即二徐父母,及其配也。 宋封其父齊王爲忠武眞人,母田氏爲仁 換袍服。」夫神世系事蹟,本非甚異,其僭號宜革正,妄費亦宜節省。 製碑謂太宗嘗弗豫,禱神輒應,因大新闖地廟宇,春秋致祭。又立廟京師,加封金 壽仙妃,配皆爲仙妃。 **眞君、玉闕眞君。 正統、成化中,累加號爲上帝。** 金闕上帝、玉闕上帝者,誌云:「閩縣靈濟宮祀五代時徐溫子知證、知諤。 永樂至成化間,屢加封今號,亦宜削號罷祀 朔望令節俱遣官祀,及時薦新,四 神父聖帝、神母元 國朝御 闕

之禮。 東嶽泰山之神者,泰山五嶽首,廟在泰安州山下。 今朝陽門外有元東嶽舊廟,國朝因而不廢。 夫旣專祭封內, 且合祭郊壇, 則此 又每歲南郊及山川壇俱有合祭

廟之祭,實爲煩瀆。

志

第二

京師都城隍之神者,舊在順天府西南,以五月十一日爲神誕辰,故是日及節令皆 + 六 醴 四

祀

非

宜

凡

此

俱 當 罷

免

官 祀 夫 城 隍之神,非人鬼也,安有誕辰。況南郊秋祀俱已合祭,則誕 辰及節令之

議 其父母妻革去帝號,仍舊封,冠袍等物換回焚毁,餘如 上,乃 命修 建齋醮,遣官祭告,幷東嶽、眞武、城隍廟、靈濟宮祭祀, 所議行之。 **倶仍舊**。 二徐眞君及

守臣 從彦 普郎等三十五人,南昌忠臣祠祀趙德勝等十四人,太平忠臣廟祀花雲、王鼎、許瑗,金華忠 以學行,或以直節,或以死事,臚于志乘,刻于碑版,匪一而足。其大者,鄱陽湖忠臣祠祀 卿,韶州 江萬里,福 遜,無錫祀張巡。 祀李黼,安慶祀余闕、韓建之、李宗可。 密縣祀卓茂,松江祀陸遜、陸抗、陸凱、龍州祀李龍遷、建寧祀謝夷甫、彭澤祀狄仁傑,九 一題請? 、李侗 祀胡大海,皆太祖自定其典。 按 紀典,太祖時,應天祀陳喬、楊邦乂、姚興、王鉄,成都祀李冰、文翁、張詠, 附祀 禮官議覆,事載實錄,年月可稽。至若有明一 州祀陳文龍,興化祀陳瓚,湖廣祀李芾,廣西祀馬慨。武宗時,真定祀顏杲卿、眞 ,建寧祀劉子翚,烏撒祀潭淵,廬陵祀文天祥,婺源祀朱熹,都昌祀陳澔,饒州 張九齡子拯,沂州祀諸葛亮,蕭山祀游酢、羅從彥。皆歷代名臣,事蹟顯著 憲宗時,崖山祀張世傑、陸秀夫。孝宗時,新會祀宋慈元楊后,延平祀羅 其後,通州祀常遇春,山海關祀徐達,蘇州祀夏原吉、周 宣宗時,高郵祀耿遇德。英宗時,豫章祀韋丹、許 代之臣抗美前史者,或以功勳,或 均州祀黄 祀

祀劉基,平陽祀薛瑄,杭州祀鄒濟、徐善述,金華祀章懋,皆衆著耳目,炳然可考。其他郡縣 忧,淮安祀陳瑄,海州衞祀衞青、徐安生,甘州祀毛忠,楡林祀余子俊, 時勉,廣信祀鄧顒,寶慶祀賀興隆,上杭祀伍驥、丁泉,慶遠祀葉禎,雲南祀王禕、吳雲,青田 魏驥,汀州祀王得仁,廣州祀楊信民、毛吉,雲南祀沐英、沐晟,貴州祀顧成,廬陵祀劉球、李 杭州祀于謙,蕭山祀

厲壇

Щ

川龍神忠烈之士,及祈禱有應而祀者,會典所載,尤詳悉云。

之東西,羊三,豕三,飯米三石。王國祭國厲,府州祭郡厲,縣祭邑厲,皆設壇城北,一年二祭 侯祭公厲,大夫祭族厲。 日遣官致祭。前期七日,檄京都城隍。祭日,設京省城隍神位於壇上,無祀鬼神等位於壇下 上下矣,然後世皆不舉行。洪武三年定制,京都祭泰厲,設壇玄武湖中,歲以淸明及十月朔 如京師。 泰厲壇祭無祀鬼神。 里社則祭鄉厲。後定郡邑厲、鄕厲,皆以清明日、七月十五日、十月朔日。 士喪禮「疾病禱於厲」,鄭注謂「漢時民間皆秋祠厲」,則此祀達于 春秋傳曰「鬼有所歸,乃不爲厲」,此其義也。祭法,王祭泰厲,諸

校勘記

- 改。 兪跗少兪 世宗實錄卷二六九嘉靖二十一年十二月丙申條有「少兪」。 少師至十四人 原脫「少兪」,十四,作「十三」,據明史稿志三二禮志、明會典卷九二
- ヘニ 聖師 此標題及本卷頁一三〇一「旗纛」、頁一三〇五「京師九廟」、頁一三一一「厲壇」等標題
- 均原文所無,據卷目增。
- = U 十年慈利教諭蔣明請祀元儒吳澄至從之 成了「正統八年」,據本書卷一〇英宗前紀、 今移在「正統二年」前 十年,是宣德十年,原作「八年」,列「正統二年」後, 英宗實錄卷四宣德十年四月壬戌條改。 原文誤倒,
- 29 晉成陽卞忠貞公壼 〇卞靈傳,稱虛父粹封成陽子,虛襲父爵。 成陽,原作「咸陽」, 據明史稿志三二禮志、明會典卷九三改。 作「成陽」是。 案晉書卷七
- 五 金玉闕眞君元君 金玉闕」爲「金闕玉闕」的省稱,本志下文都作「金闕玉闕」。 金玉闕,原作「金闕」,據孝宗實錄卷一三弘治元年四月庚戌條補「玉」字。按
- ヘベン 水官星君 道家以天官、地官、水官爲「三官」,見後漢書卷一〇五劉焉傳注引典略 水官、原作「水宮」、據明史稿志三二禮志、孝宗實錄卷一三弘治元年四月庚戌條改。

明史卷五十

志第二十七

禮五 吉禮五

廟制 禘祫 時享 薦新 加上諡號 廟諱

宗廟之制

正門之南齋次,其西饌次,俱五間,北向。 東第二,皆南向。每廟中室奉神主。東西兩夾室,旁兩廡。三門,門設二十四戟。外爲都宮。 明初作四親廟於宮城東南,各爲一廟。 門之東,神廚五間,西向。 皇高祖居中,皇曾祖東第一,皇祖西第一,皇考 其南宰牲池一,南向。

洪武元年,命中書省集儒臣議祀典,李善長等言:

太祖 百世 周制,天子 不 遷。 七廟。 三昭三穆以世次比,至親盡而遷。 而商書曰,「七世之廟,可以觀德」,則 此有天下之常禮。 知天子七廟,自古有之。 若周文王、武王

志第二十七 禮五

雕 親 盡宜 祧,以其有功當宗,故皆別立一廟,謂之|文世室、武世室,亦百世不遷。

|高祖及|文、武、宣、元五帝。 又於|長安故||高廟中,祀成、哀、平三帝。 春陵,祀父南頓君以上四世。至明帝,遺詔藏主於光烈皇后更衣別室。 藏於世祖之廟。由是同堂異室之制,至於元莫之改。 漢每帝輒立一廟,不序昭穆,又有郡國廟及寢園廟。 光武中興,於洛陽立高廟,祀 別立四親廟於南陽 後帝相承,皆

九世十一室。 之主、禮合桃遷、至稀給則合食如常。其後以敬、文、武三宗爲一代、故終唐之世、常爲 九室,祀八世。文宗時,禮官以景帝受封於唐,高祖、太宗創業受命,百代不遷。 唐高祖尊高曾祖考,立四廟於長安。太宗議立七廟,虛太祖之室。玄宗創制,立 親盡

之位。 在七世之外,乃建九廟。高宗南渡,祀九世。至於寧宗,始別建四祖殿,而正太祖東向 |僖祖爲太廟始祖,至||徽宗時增太廟爲十室,而不祧者五宗。 宋自太祖追尊僖、順、翼、宣四祖、每遇禘、則以昭穆相對,而虛東向之位。 **崇寧中,取王肅說謂二祧** 神宗奉

今請追尊高曾祖考四代,各爲一廟。 元世祖建宗廟於燕京,以太祖居中,爲不遷之祖。 至泰定中,爲七世十室。 志第二十七 禮五

祖,皇曾祖妣曰恒皇后。 於是上皇高祖考諡 曰玄皇帝,廟號德祖,皇高祖妣曰玄皇后。皇曾祖考諡曰 皇祖考諡 日裕皇帝, 廟號熙祖 ,皇祖妣曰裕皇后。 恒皇帝,廟號懿 皇考諡 日

帝, 廟號仁祖, 皇妣陳氏日淳皇后。

朱漆盤盌二百四十,及楎椸枕簟篋笥幃幔浴室皆具。後又詔器皿以金塗銀者,俱易以金。 亡如事存。』其製宗廟器用服御,皆如事生之儀。」於是造銀器,以金塗之。酒壺盂艬皆八, 古,好用古籩豆之屬,以祭其先。 詔製太廟祭器。 |太祖曰:「禮順人情,可以義起。 生旣不用,死而用之,甚無謂也。孔子曰:『事死如事生,事 所貴斟酌得宜,隨時損益。 近世泥

白繒。 後稱孝玄孫皇帝,又改稱孝曾孫嗣皇帝。 二年詔太廟祝文止稱孝子皇帝,不稱臣。 凡遣皇太子行禮,止稱命長子某,勿稱皇太 又從尚書崔亮奏,作圭瓚。 初,太廟每室用幣一。二年從禮部議,用一

原制 奉太祖 二室奉仁祖,皆南向。十五年,以孝慈皇后神主祔享太廟,其後皇后祔廟倣此。建文卽位, 同堂異室之制。九年十月,新太廟成「己。中室奉德祖,東一室奉懿祖,西一室奉熙祖,東 八年改建太廟。 主祔廟。正殿神座次熈祖,東向。寢殿神主居西二室,南向。 前正殿,後寢殿。 殿翼皆有兩無。 寢殿九間,間一室,奉藏神主,爲 成祖遷都,建廟如南

年十二 祭儀。 捧册 內 筵 淺淡服, 冠,與仁宗同 前 儀 使捧 一殿 儀。 衞 寶, 傘扇 行大祥祭。 宣 月奉昭皇后 德 神 寢殿,西第三室,南向。 文武官具祭服 由殿中門出,安奉於御輦、册寶亭。 行祭告禮畢, 主 前導,至廟 元 册 年七月,禮部進太宗神主祔廟儀。先期一日,遣官詣太廟行祭告禮。 神位。 寶,皇帝從, 翼 神主附 日 街門內,皇帝降輅。 唱請宣宗皇帝朝見, 行 昧爽、設酒果於 司禮監官跪請 禮。 廟 由中門入,至寢廟 其正 , 神 主詣 正殿,居高祖之次, 殿 神座,居仁祖之次,西向。 神主 几筵殿, 設御輦二、册寶亭四於殿前 列 祖 監官導詣御輦前奏,跪請 內侍捧宣宗衣冠置褥位上, 行四拜禮訖, 安奉於 一陞輦,詣 神 東第三室,南向 皇帝隨行至思善門,易祭服 位 前 謁 太廟 廟 東向。 o 奉安。 禮 畢, 奉安。 其後大行 二年五月,仁宗 內使二員 太常寺官唱賜座 神主奉安太廟,俯伏,興。 皇帝) 稍廟, ",升輅。 叩頭,畢,祭祀 捧 · 丹陛· 神 倣此 主 神 上。 一,內 午後 主 至午門外 內 詂 皇帝服 **.**侍捧衣 使四 正統 门於几 廟 如時 如如 員

謂 陳言:「禮,天子七廟,祖功而宗德。 廟 『國家自德祖以上,莫推 寢 孝宗 殿 後 別 即位、憲宗將 建 祕 殿, 如古夾室之制。 升 耐 世次,則德祖 時九廟已備,議者咸謂德、懿、熙、仁四廟,宜以次 徳祖 歲暮 可比商報乙、周亞圉,非製、稷比。 視周后稷,不可祧。 則奉 ·桃主合享, 如古祫祭之禮 憲宗升祔, 當祕懿祖 。」東部 議者習見宋儒 奉 侍 祕。 郎楊守 宜 一於太 禮臣

座上。

殿後,遣官祭告宗廟。 禮行於前殿。時享尊太祖,祫祭尊德祖,則功德並崇,恩義亦備。」帝從禮官議,建祧廟於寢 今請幷祧德、懿、熙三祖,自仁祖下爲七廟,異時祧盡,則太祖擬契、稷,而祧主藏於後寢,給 取王安石說,遂使七廟旣有始祖,又有太祖。太祖旣配天,又不得正位南向,非禮之正。 帝具素服告憲宗几筵,祭畢,奉遷懿祖神主衣冠於後殿,牀幔、御座、

儀物則貯於神庫。其後奉祧傲此。

第使列聖各得全其尊,皇上躬行禮於太祖之廟,餘遣親臣代獻,如古諸侯助祭之禮。」帝悅, 宜各建特廟於兩無之地。有都宮以統廟,不必各爲門垣。有夾室以藏主,不必更爲寢廟。 餘 后之亞獻。 下偏歷羣廟,非獨筋力不逮,而日力亦有不給。古者宗伯代后獻之文,謂在一廟中,而代 書夏言奏:「太廟兩傍,隙地無幾,宗廟重事,始謀宜愼。」未報。中允廖道南言:「太宗以下 |李時等,以「宗廟之制,父子兄弟同處一堂,於禮非宜。|太宗以下宜皆立專廟,南向」。尚 安太祖神主於寢殿正中,遂以序進遷七宗神位。丁酉,帝詣太廟行特享禮。 命會議。 如舊。十年正月,帝以廟祀更定,告於太廟、世廟幷祧廟三主。遷德祖神主於祧廟,奉 嘉靖九年春,世宗行特享禮。令於殿內設帷幄如九廟,列聖皆南向,各奠獻,讀祝三, 言等言: 「太廟地勢有限,恐不能容,若小其規模,又不合古禮。 且使各廟旣成,陛 未聞以人臣而代主一廟之祭者也。「三」且古諸侯多同姓之臣,今陪祀執事者,可 九月諭大學士

志

中

-,庶得以展專奠之敬矣。」議上,不報。

說耳。 擬古諸侯之助祭者乎? 若以九廟一堂,嫌於混同。請以木爲黃屋,如廟廷之制,依廟數設之,又設帷幄於其 先臣丘濬謂宜間日祭一廟,歷十四日而遍。 此蓋無所處,而 强為之

遺意 乃祖 始。 廟 以 ,補造列聖神主。 此 宗所依,聖子 神有二主,自齊桓始。 高 地 三年,南京太廟災。 築牆垣,謹 爲 烈根本。 神孫旣親奉祀事於此,則祖宗神靈 南京 司啓閉,以致尊嚴之意。」從之。 帝召尚書言與羣臣集議。 原有奉先殿,其朝夕香火,當合併供奉如常。 周之三都廟,乃遷國立廟,去國載主,非二廟二主也。 禮部尚書湛岩水請權將南京太廟香火幷於南京奉先殿,重建太 言會大學士張孚敬等言:「國有二廟,自漢惠 自當陟降於此。 太廟遺址當倣古壇墠 今日正當 專定廟議, 子孫之身

啓默 與 可。 四,右爲三穆廟 太 相 廟 增 時 不可 四年正月諭閣臣「今擬建文祖廟爲世室,則皇考世廟字當避。」 帝 拓 戟 門相 欲 世 一室前 改 不靈承者 並, 建]殿,視| 九廟。 羣廟: 列廟 各深十六丈有奇,而世 。」帝悅,詔春和興工。 羣廟崇四尺有奇,深廣半之,寢殿 後垣 夏言因言:「京師宗廟,將復 與太廟 祕 廟 後牆相 宣室殿 諸臣議於太廟南,左爲三昭 並 寢稍崇,縱橫深廣,與羣廟 具圖 古制,而南京太廟邃災, 進。 視 **羣廟崇二尺有奇,深** 帝以世室尚當隆 張字敬言:「世廟著 廟,與 殆皇天列祖佑 等。 異,令再議。言 文祖 廣 列 如 之。 廟 世 室 總 門 報 丽

臣,俱 明倫 适 寢 神主於太廟 月 後 大臣捧七宗 更牌 大典 新 有 詣 祕 太宗 廟 額可 , 頒詔四方, 不可改。 廟,奉祧主藏焉。 成,更創 廟陪祭。 也。」 百官陪祭如儀。 神主、奉安於景神 從之。 皇考廟 文三品以上,武 日 二月盡撤 太廟 睿宗獻皇帝廟。 翌日 文世室宜稱太宗廟。 殿 門殿皆南 ,奉安太宗以下神主, 故廟 一四品以上,分詣羣廟行禮。 改建之。 向, 帝乃奉安德、懿、熙、仁 羣 廟 諸廟 門東 其餘羣廟不用宗字,用本廟號,他 西向, 各爲都宮, 列於羣 內 門殿寢皆南 廟, 叉擇目 廟 四祖 命 各 有殿 九 親捧太祖 神主於 卿正官 向 有 寢 祕 及武 + 神主 廟, 五. 太 爵 太 祖 年 日 重 祖 遞 廟

戟門。 武、皆 題帝 寢 帝 乃 殿 命 復 后 奉安 南向 門 主 旣 十年四 司 無昭 堂 ,亦奉安景 左 列 。」七月 神 異室之舊 聖 1穆,亦 庫 月、太 神 , 右 以以 主, 無世 《神殿。 (廟災) 神 一,廟 廟 又後 廚。 建 次,只 制 禮 成祖 爲 叉南 始定。 二十 祧 成 序 百官表 廟 仁宗 爲 二年十月,以舊廟 倫 藏 二十四年六月,禮部 廟 理。 門 祧 主 · ` ; 門 賀 一艘, 主 太祖 一,皆南 詔 外 奉安列 居中 東 天 下。 南 向 ·,左四序成 宰 基隘,命相 聖主於景神殿。 性亭 新 廟 尚書費宋 ', 南 仍在 宣宣 度 神宮監 闕 規 左,正 等以 、憲、濬,右四序仁、英、孝、 制。 遣大臣詣長陵、 西廟 太廟安神,請定位 殿 議三上,不報 九 街門。 間 前 II: 兩 殿 獻陵告 廡, 南 後 次。

志 第 年 + 帝 Ł 欲 耐 醠 孝烈皇后方氏於太廟 Ŧī. 而桃仁宗。 大學士嚴嵩、 禮部尚書徐階等初

於世 悖矣。 」帝 凡六世,上合二祖僅 世,高宗祔 八月 而 至徽宗,始定 廟,非以 持 祕 睿宗。 穆宗 . 廟 不 可 而 命 君爲 宣宗 將 以 旣 不 如 爲 祔 與欽 舊敕行、 而 九世十一 勿祧。」疏 廟 不能堅其議。 世, 宗 敕禮 八世 同 ,遂祧宣宗。 故晉之廟十一 臣議當 室之制, 準以宋 下 世 禮部 皆無 二十九年十一 祧 • 制 以太祖 廟 部議宣宗世 所祧, 天啓元年七月,光宗將祔廟 可以 室 室。 而 無祧,但於寢 六世, 及光宗升祔, 禮 太宗 科陸樹 月桃仁宗, 次尚近,祧 唐之廟· 同 爲一 . 德言:「宣宗於穆宗僅 殿左右各增 世 十一室而 增 遂附孝烈於西 故 爲九世十二室。 之未安。 也。 。太常卿洪文衡請 其後 九 世。 因言:「古者 室, 徽宗 第四室。 則 宋 五 尊祖 祔 自 今自宣宗 世, 太祖 以 敬宗並 以 請 與 無祕憲宗 哲宗 隆慶 上 仍 至 追 詂 世 穆宗 睿宗 四 爲 同 祖

禘祫

周,世系明白,故稀 妣 而 旈 祭未 第 洪 武 舉。 位,東向。 元 年 宜參 · 給饗 太廟。 禮 酌古今,成一 仁祖 可行。 皇考妣 德祖 漢、唐以來,莫能明其始祖所自出,當時所謂禘祭,不過給已祧 皇考妣居中 代之典。」詔 東第二位, ·, 南 西向。 下 向。 禮部、太常 七年,御史答祿與權言:「 懿祖 皇考妣 司、翰林院議,以爲:「虞、夏、 東第 位, 西向 皇上 一受命 熙祖 七年 商、

太祖 祖 所 是 而祭之, 其 自 議 出 ,禘禮不可 乃古之大哈,非碲也。 弘治 元年定每歲暮奉桃廟懿祖 行也。 今國 家追尊四 宋神宗嘗曰:『 廟, 神座 而 一於正 始祖 ·禘者, 所以審諦祖之所自出。』是則莫知 殿 所自出者未有所考, 左,居熙祖 上,行祫 則 之禮 諦 難 遽 行。

東 罷 皇 禮 併 復 據 精 漢 大 頃 初 者 西 歲 部 袻 疏 微 以 下 諦 向 除 之論 祖 上 請 其 論 下 嘉 顓 世 祭 章 神 大 諦 靖 遠 頊 譜牒難考,欲如 歲 德祖 牌 旈 十年 難 以 宜爲 儀 諸 冬季 太祖 稽。 遂詔 十、世宗 注 行, 庶疏 臣 有 虚 乃請設虛 四 中 神位 禮 廟 位 前期告廟,致 可 旬行大船禮。 制 以 部 以祀。」 疑, 禰 於 數適宜。 既定高皇帝 以言、道南 虞夏之禘黄帝, 太 **船義詢大學士** 位,以 且. 廟 帝深然之。 言今所定太祖 IE 帝自 殿,安設 齋三日 禘皇初 二疏 太常寺設德祖神位於太廟正 始祖 爲 ,會官詳議。 之位, 文 商周 張璁 , 祖 如 備 會中 南南 告皇祖 昌 爲 香 之禘 一,令與夏言議 儀。 向, 太廟中之始祖 當 帛 允廖道南謂 牲醴 諦 奉太祖 帝嚳, ,定丙、辛歲一 至 徳祖 諸臣 日 如 行 不能 時 爲正。」帝意主虛位 咸 配,西向 言撰 禮 享 朱氏為顓 謂 , 儀。 盡 稱 如 非王 合。 行, 中, 大 禘 錦 祀 義 虚 者立 敕 禮 南 項裔, 衣 謹 位 睘 禮 臣 向 衞 推 篇獻 者,茫昧 丘 始 部 因 設 明古典, 儀 祖 請 具 言 懿祖 儀 之,大 廟 儀擇 令 以太祖實 衞 大 及 之始祖 再 無據, 而 議 船 太常: 意謂 議 采 日 旣 祧 酌 德 四 歲 卿 尊 }錄 先 而 祖 舉, 自 澗 儒 爲

饗太祖 禮同 例,歲暮大祫、孟春時 冠出 后。 向。 更定 七日之內,宜令暫免。 **几,陳邃豆,以便周旋。** 各歸主於其寢。 禮三獻、 時享 納,太常及神宮監官奉行。 【季冬大給日、奉德、懿、熙、仁及太祖異室皆南向,成祖 二十年十一月,禮官議, 庒 殿,爲時 年復定廟饗制。 ,樂**六奏**,舞八佾。 二十八年復告祭儀。 於。 十七年定大船祝文, 季冬中旬,卜日出 享兩祭,皆遣官攝事 從之。 詔可。 立春植享,各出主於殿。 歲暮大祫,當陳祧 皇帝獻德祖帝后,大臣 二十二年定時享、大給,罷出主、上香、 二十四年罷季冬中旬 穆宗 九廟帝后諡號俱全書,時給止書某祖、某宗某皇帝 四 即位 祖及太祖 o 樂設而 禮部 主,而景神殿隘,請暫祭四祖 、成祖七宗主、饗太祖 不作, 以大行皇帝服制 立夏、立秋、立冬出太祖、成祖七宗主, .十二人分獻諸帝,內臣十二人分獻 帝卽喪次致齋,陪祀官亦在二十 西向北上,仁宗以下七宗東西相 未除, 奠獻 殿,爲大祫。 請遵弘治 等儀, 歲除日行大船, 於後寢, 臨 十八年 期捧 祭畢, 用 諸 衣 連

時享

祭皆合享於祖廟,惟春祭於各廟。[三]自漢而下,廟皆同堂異室,則四時皆合祭。 洪 武 元 年定宗廟 之祭。 毎歳 四 孟 及歲除,凡 五亭。 學士陶安等言「古者四時之祭」三 今宜倣近

飮 德祖 除皆合享。 祖次懿祖。 部尙書崔亮言:「孟月者,四時之首。 制,合祭於第一廟,庶適禮之中,無煩瀆也。」太祖命孟春特祭於各廟,三時及歲除則給祭於 月,不過薦新而已。 福四拜,禮畢四拜。二十五年定時享。 九年新建太廟。 廟。 二年定時享之制,春以淸明,夏以端午,秋以中元,冬以冬至,歲除如舊。 自是五享皆罷特祭,而行合配之禮。二十一年定時享儀。 凡神座俱不奉神主,止設衣冠。 旣行郊祀,則廟享難舉,宜改從舊制。 凡時享,正殿中設德祖帝后神座,南向。 因時變,致孝思,故備三牲黍稷品物以祭。 若國有喪事,樂備而不作。 禮畢,藏之。孟春擇上旬日,三孟用朔日,及歲 其淸明等節,各備時物 左懿祖,右熙祖,東西向。 更前制,迎神四拜, 以薦。」從 至仲季之 三年,禮

太后喪、請改孟秋享廟於初七日。不從。 之。天順六年,閣臣以皇太后喪,請改孟冬時享於除服後。從之。成化四年,禮部以慈懿 宗皇帝忌辰,例不鳴鐘鼓,第視事西角門。 正統三年正月享太廟。 禮部言,故事,先三日,太常寺奏祭祀,御正殿受奏。 帝以祭祀重事,仍宜升殿,餘悉遵永樂間例行 是日,宣

主諸臣。」帝從其請。 **偏詣羣廟,躬自啓納,不免過勞。 今請太祖神主,躬自安設。 羣廟帝后神主,則以命內外捧** 嘉靖十一年,大學士張孚敬等言:「太廟祭祀,但設衣冠。 十七年定享給禮。凡立春特享,親祭太祖, 遺大臣八人分獻諸帝, 內 皇上改行出主,誠合古禮。但

志

第

十七七

禮五

祇請諸廟享祀。 其後,時享、祫祭在大祥內者,皆如之。 不出主。隆慶元年,孟夏時享,以世宗几筵未撤,遵正德元年例,先一日,帝常服祭告几筵, 英、憲、孝、睿、武宗東西相向。 秋冬時給,如夏禮。 二十四年,新廟成,復定享給止設衣冠, 臣八人分獻諸后。立夏時祫,各出主於太廟。太祖南向,成祖西向,序七宗之上,仁、宣、

監官常服獻於太廟,不行禮。其後朔望祭祀,及薦新、獻新,俱於奉先殿。 幾,以屬太常。二年詔,凡時物,太常先薦宗廟,然後進御。三年定朔日薦新。各廟共羊一、 李、來禽、嫩雞。六月,西瓜、甜瓜、蓮子、冬瓜。七月,菱、梨、紅棗、蒲萄。八月,芡、新米、 止常饌鵝羹飯,常服行禮。 **豕一、籩豆八、簠簋登鉶各二、酒尊三,及常饌鵝羹飯。太常卿及與祭官法服行禮。望祭,** 藕、茭白、薑、鱖魚。 九月,小紅豆、栗、柿、橙、蟹、鯿魚。 十月,木瓜、柑、橘、蘆菔、兔、雁。十 臺菜、子鵝。三月,茶、笋、鯉魚、鮆魚。四月,櫻桃、梅、杏、鰣魚、雉。五月,新麥、王瓜、桃、 一月,蕎麥、甘蔗、天鵝、鶿鵝、鹿。十二月,芥菜、菠菜、白魚、鯽魚。其禮皆天子躬行。未 洪武元年定太廟月朔薦新儀物。正月,韭、薺、生菜、雞子、鴨子。二月,水芹、蔞蒿 叉有獻新之儀,凡四方別進新物,在月薦外者,太常卿與內使

加上諡號

定四方,以安人民,土地日廣,皆承祖宗之庇。臣庶推臣爲皇帝,而先世考妣未有稱號。 傳之子孫,子孫有天下,追尊祖父,此古今通義也。臣遇天下兵起,躬披甲胄,調度師旅,戡 |祖册文曰:「孝玄孫嗣皇帝臣某,再拜稽首上言。 文,廣四寸九分,厚一寸二分。金盤龍紐,繫以錦綬,裹以紅錦,加帕納於盝,盝裝以金。 文之多寡。聯以金繩,藉以錦褥,覆以紅羅泥金夾帕。册匣,朱漆鏤金,龍鳳文。 之寶」。玄皇后、懿祖以下,帝后册寶並同。建文時,追尊諡册之典,以革除無考。 上皇高祖考府君尊號曰玄皇帝,廟號德祖。伏惟英爽,鑒此孝思。」其寶文曰「德祖玄皇帝 武元年追尊四廟諡號,册寶皆用玉。 册簡長尺二寸,廣一寸二分,厚五分。 臣聞尊敬先世,人之至情。 祖父有天下, 其寶,篆 簡數從 謹

跪,百官皆跪。 官以諡議文授班首,由中門入,至殿中。贊進尊諡議。駕興,詣諡議文案。 冕陞殿,如常儀。文武官朝服四拜。禮部官奏進尊諡議。 永樂元年五月進高皇帝、高皇后諡議。前一日,於奉天殿中設諡議案。 帝覽畢,復坐。班首與百官俯伏興,復位,再行四拜。禮畢,帝親舉諡議,付 序班二員引班首升丹陛,捧諡議 班首進置於案, 是日早,帝袞

翰林院臣撰册

先從太廟右門入,序立殿右。帝袞冕御華蓋殿。捧册寶官四員祭服,於奉天殿東西序立。 設册寶輿於奉天門外,鹵簿、樂懸如常儀。百官祭服詣太廟門外立俟,執事官幷宣册寶官, 早,內侍以册寶置於案。太常寺於太廟門外丹陛上,皇考、皇妣神御前各設册寶案。鴻臚寺 **贙奏就位,典儀奏迎神奏樂。樂止,內贊奏帝四拜,百官同。** 至太廟中門外。捧册寶官各捧前行,帝隨行,至丹陛上。捧册寶置於案,典儀傳唱如常。內 乘輿,隨綵輿行。至午門外降輿,陞輅,至太廟門。百官跪俟綵輿過,興。帝降輅,隨綵輿 鴻臚寺奏請行禮。 六月,以上尊諡,先期齋戒,遣官祭告天地、宗廟、社稷。 帝出奉天殿册寶案前,捧册寶官各捧前行,置綵輿內,鹵簿大樂前導。帝 鴻臚寺設香案於奉天殿。是日

禮樂文章,垂憲萬世。德合乾坤,明同日月,功超千古,道冠百王。 左。册文曰:「惟永樂元年,歲次癸未,六月丁未朔,越十一日丁巳,孝子嗣皇帝臣某,謹 進册,捧册官跪進於帝左,帝受册以授執事官,置於案左。奏出圭,贊宣册,宣册官跪宣於帝 聖神文武欽明啓運俊德成功統天大孝高皇帝,廟號太祖。伏惟神靈陟降,陰騭下民,覆嶹 皇考皇帝,統天肇運,奮自布衣,戡定禍亂,用夏變夷,以孝治天下。四十餘年,民樂永熙。 手稽首言。臣聞俊德贊堯,重華美舜,禹、湯、文、武,列聖相承,功德並隆,咸膺顯號。 典儀奏進册寶,捧册寶官前行,駕由左門入,至廟中,詣皇考神御前。奏跪,搢圭。 謹奉**册**寶,上尊諡

官,置於案右。 無極 與天常存。」宣册訖,奏搢圭。 奏出圭。 贊宣寶,宣寶官跪宣於帝右,寶文如諡 奏進寶,捧寶官以實跪進於帝左。 號。 宣寶訖,奏俯伏, 帝受寶,以授執事 興。

陟降,膺慈顯名,日月光華,照臨永世。」 家邦承式,天下歸仁。 爲國。 發祥帝室,周姜輔治,肇基邦君。 行祭禮如常儀。 克動克儉,克敬克誠,克孝克慈,以奉神靈之統,理萬物之宜。 皇妣 神御前, 翌日,頒韶天下。以上諡禮成,賜陪祀執事官宴,餘官人賜鈔一錠。 **謹奉册實,上尊諡** 進宣册寶 如前儀。 欽惟皇妣<u>孝慈皇后以</u>聖輔聖,同起側微, 寶文如諡 日孝慈昭憲至仁文德承天順聖高 册文曰:「臣聞自古后妃,皆承世緒。 號。 宣寶訖, 帝復位。 正位中宮十有五 奏四拜,百官同 皇后。 弘濟 艱難, 妈汭嬪虞, 伏惟 聖靈

前,跪 四拜,皇太孫、親王、皇孫陪拜丹陛上,百官陪拜思善門外。帝由殿左門入,詣大行皇帝位 水橋南、北向跪。 明,捧册寶置輿中。 已,以付翰林院撰諡册。 几筵殿丹陛上。 仁宗卽位,九月,禮部同諸臣進大行皇帝仁孝皇后諡議。仁宗立受之,覽畢,流涕 進册、進寶。 '帝由左門入,就丹陛上拜位。 俟輿過,興。隨至思善門外,序立,北向。 宣册實官跪宣畢,奏俯伏、興。帝詣仁孝皇后神位前,禮並同。 帝義服詣奉天門,內侍舉册寶輿,帝隨輿後行,降階,陞輅。 禮部奏上諡儀,前期齋戒遣祭如常,內侍置册寶輿於奉天門。 捧册寶官由殿左門入,至几筵前。導引官奏 帝降輅。 册寶輿由中門入,至 百官立金 厥

志

四 .拜,皇太孫 以下同。 禮畢,行祭禮。 是日,改題仁孝皇后神主,詔頒天下。 是後,

及太皇太后、皇太后尊諡,皆倣此

仁徽 號。 孝文皇帝,尊獻皇帝日睿宗知天守道洪德淵仁寬穆純聖恭儉敬文獻皇帝。又上皇天上帝 聖 H 開天行道肇紀立極大聖至神仁文義武俊德成功高皇帝, 一神 成天育聖至德高皇后。 位於南宮、遂詣景神殿、奉册寶。 嘉靖十七年, 月朔,帝詣南郊,恭進册表。 世宗用豐坊奏,加獻皇帝廟號, 是日,中宮捧高皇后主,助行亞獻禮,文武官命婦陪祀。 尊文皇帝曰成祖啓天弘道高明肇運聖武 禮成,還詣太廟,奉册寶,加上高皇帝尊號 稱宗配帝,乃改奉太宗爲成祖。 加上高皇后尊號日孝慈貞化 神功純仁至 命製二 日 哲順 復擇

詣 二太廟 ,行改題神主禮。

廟

較」。 天 啓 惟督學稱較字未宜,應改爲學政。 元年正月從禮部奏, 凡從點水加各字者,俱改爲「雒」,從木 各王府及文武職官,有犯廟諱御名者,悉改之。 加交字 者, 俱 改爲

(二) 九年十月新太廟成 原脫「九年」兩字,據本書卷二太祖紀、太祖實錄卷一一〇洪武九年十月

已未條補。

未聞以人臣而代主一廟之祭者也 人臣,原作「一人」,據明史稿志三三禮志、 明經世文編卷

二〇三頁二一二八夏言會議九廟規制疏改。

古者四時之祭三祭皆合享於祖廟惟春祭於各廟

春祭,原作「春秋」。按四時之祭,除去三祭

外,不得有春秋二祭。據太祖實錄卷三〇洪武元年二月壬子條改。

第二十七 校 勘 記

芯

明史卷五十二

志第二十八

禮六吉禮六

奉先殿奉慈

奉慈殿 獻皇帝廟 親王從饗 功臣配饗

王國宗廟

奉先殿

羣臣家廟

位、衣冠,定儀物、祝文。每日朝晡,帝及皇太子諸王二次朝享。皇后率嬪妃日進膳羞。 朝, 益以茄,九月滅柿蟹,十月滅木瓜蘆菔,益以山藥,十一月滅天鵝鶿鵜,益以獐。 節致祭,月朔薦新,其品物視元年所定。惟三月不用鮆魚,四月減鰣魚,益以王瓜彘,五月 以奉先殿象內朝。 洪武三年,太祖以太廟時享,未足以展孝思,復建奉先殿於宮門內之東。 正殿五間,南向,深二丈五尺。 前軒五間,深半之。製四代帝后神 以太廟象外 皆太常奏

志

第二十

八

醴

六

書馬 区 位。 之西,其衣冠、牀幔、儀物貯於神 遷 聞,送光祿 都 天順 北京 殺禮之意,減省以甦民困。」命所司議行之。 文升言:「南京進鮮船,本爲奉先殿設。 七年奉孝恭皇后祔廟畢,帝還行奉安神位禮,略如 建 寺供薦。 如 制。 宣德元年奉太宗祔廟畢,復遣鄭王瞻埈詣奉先殿,設酒果祭告,奉安 凡遇時新品物,太常供獻。 庫 輓夫至千人,沿途悉索。 又錄皇考妣忌日,歲時享祀以爲常。 武宗卽位、祧熙祖。 洲 廟儀。 奉先殿神位亦遷德 今揚、徐荒旱,願做古 弘治 十七年, 吏部 成 祖 神 尙

后旣耐太廟 側。 焉。 服 宮壽 匹 二月八日,皆有祭,用時食。 作 拜 茲三 隆慶 、焚祝 旦,皇后幷妃嬪生日,皆有祭,無祝文、樂。 嘉 為一四年定內殿之祭幷禮儀。 五 今更淺色衣,去樂。 后 元 年 帛。今就位四 年 ,則奉先殿亦宜奉安神位。」乃設神座、儀物於第九室, 神 禮部尚書夏言等奏:「悼靈 禮 主旣擬遷於陵殿,則悼 部言:「舊制 ·拜,獻帛爵,祝畢,后妃 舊 凡祭方澤、朝日 大廟一 無祝文, 靈 歲五享,而 清明、中元、聖誕、冬至、正旦,有祝文,樂如宴樂。 皇后 亦宜暫遷 今增告詞。 神主,先因 夕月,出告、回參,及册 助 立春、元宵、四 節序 奉先 亞獻 舊儀,但一室一拜,至 殿 忌 ,執事終獻,徹饌 · 耐於 ※ 旁室 辰 等祭,則 所 一,享祀 月八日、端陽、中秋、重陽、十 親 野耐 遣官祭告如儀。 行於 祭告, 對 告祭,朔望 叉四拜。 奉先殿 奉慈殿孝惠太后之 則 中室跪 體 忌 行 設饌。 今孝 祝畢, 一祭,舊 禮 萬曆 皆 潔 從 又 在 具 兩

列聖祖妣,凡推尊爲后者,俱得祔享內殿,比之太廟一帝一后者不同,今亦宜奉安祔享。」 **陵廟,仍幷祭於奉先殿,而外廷莫知也。命輔臣張居正等入視。居正等言:「奉先殿奉安** 年 曰:「奉先殿見有孝肅、孝穆、孝惠三后神位,俱皇祖所定,宜遵行祔安。」蓋當時三后旣各祔 ,帝欲以孝烈、孝恪二后神位,奉安於奉先殿。禮官謂世宗時,議祔陵祭,不議祔內殿。帝

從之。

遺官,其祭品 **妃册封,祭告奉先殿,祝文執事出內庭,而祭品取之太常,事體不一。 夫太常專主祀享,而** 官代祭,則皆出太常。惟品用脯醢者,卽親祭亦皆出太常。萬曆十四年,禮臣言:「近年皇貴 靖初俱告祭於奉先殿。十五年罷中元祭。四十五年罷歲暮祭。隆慶元年罷聖節、冬至祭。 辰,嘉靖以前行於奉先殿。十八年改高皇帝、后忌辰於景神殿,文皇帝、后以下於永孝殿。 其方澤、朝日、夕月,出告、回參,嘉靖中行於景神殿。隆慶元年仍行於奉先殿。諸帝后忌 二十四年仍行於奉先殿。凡內殿祭告,自萬曆二年後,親祭則祭品告文執事,皆出內監。遣 禄 則 二年,太常寺以內殿在禁地,用內官供事便。帝俞其請。凡聖節、中元、冬至、歲暮,嘉 先是、册封告祭,以太常寺官執事,仍題請遣官。至萬曆元年,帝親行禮,而遣官之請 主膳羞。內庭祭告,蓋取象於食時上食之義也。宜遵舊制,凡祭告內殿,無論親行、 光祿寺供,惟告文執事人,親行則辦之內庭,遣官則暫用太常寺。」從之。

志

奉慈殿

太后 成化 慈殿 乃 九 在 重 先王之制 |秋書『考仲子之宮』,胡安國傳云:『孟子入惠公之廟,仲子無祭享之所。』以此見魯秉周禮, 臣 年所引 廟 議。 天 一違慈意,因勉從並配之議。 天下公議,非子孫得以私之。殷、周七廟,父昭子穆,各有配座,一帝一后,禮之正儀。 唐、宋 以祀。 死皆 遺志,端有待於今日。稽之潤禮,有祀先妣之文,疏云『姜嫄也』,〔1〕詩所謂『閟宮』是 時,預定周太后祔葬、祔祭之議, ,則情義兩盡。」議上,復召健等至素幄,袖出奉先殿圖,指西一區曰:「此奉慈殿也。」又 孝宗即位 健退,復疏論其事,以堅帝心。於是英國公張懋、吏部尚書馬文升等言:「宗廟之禮, 唐、宋故事,非漢以前制也。」帝以事當師古,乃援孝穆太后別祭奉慈殿爲言,而命廷 猶存,祖廟無二配故也。 「無二。 推 一歲五享,薦新忌祭,俱如太廟奉先殿儀。 尊太后,不配食祖 一,追上母妃孝穆太后紀氏諡,祔葬茂陵。 今宜於奉先殿外建一新廟,如詩之閟宮,宋之別殿,歲時 羣臣欲權以濟事,亦不得已而爲此 廟者,則別立殿以享之,亦得閟宮之義。 伏觀憲宗敕論,有曰『朕心終不自安』。竊窺先帝至情,以 至是召輔臣議祔廟禮。 以不得耐廟,遂於奉先殿右,別建奉 弘治十七年,孝肅周太后崩。 劉健等言:「議誠有之,顧當 也。 據禮 我朝 薦享, 區處, 祖宗迄今已溢 仍稱太皇 上副先帝 先是

第二十八 禮六

志

當。」已而欽天監奏,年方有礙,廷議暫奉於奉慈殿正中,徙孝穆居 指東一區曰:「此神廚也。 欲於此地別建廟,奉遷孝穆神主,併祭於此。」健等皆對曰:「 左 最

筵。 之南。帝詣孝穆皇太后神座前,跪請神主謁孝肅太皇太后,跪置於褥位上,俯伏,興,行五拜 安於神座訖,行安神禮,三獻如常儀。太皇太后以下四拜。 行五拜三叩頭禮畢,捧神主,仍由左門出,安輿內。 至奉慈殿門外,帝捧神主由 帝詣輿前跪,請神主詣奉先殿,俯伏,興,捧神主由殿左門入,至殿內褥位,跪,置神主。 皇太后、皇太后率宮妃迎於門內。 帝捧神主由殿中門出,奉安與內。 筵,行禮畢,內侍進神主輿於殿前,衣冠輿於丹陛上。帝詣拜位,親王吉服後隨, 三叩頭禮。 帝捧主立,內執事移神座於殿左間。 是日早,帝具黑翼善冠、淺淡色服、黑犀帶,告孝穆神座。 及孝宗崩,武宗即位,禮部始進奉安孝肅神主儀。 畢,帝捧主興,仍安於神座訖,行安神禮如前。 先詣奉慈殿,序立於殿西。 執事捧衣冠置輿後隨。 帝奉安訖,行叩頭禮。 前期致齋三日,告奉先殿及孝宗几 皇太后以下四拜。 帝率親王步從。 禮畢,內侍官設褥位於殿正 神主輿至奉先殿門外,少駐。 禮畢、帝詣神座前、請 至午,帝詣淸寧宮孝肅几 至寶善門外,太 中門 四拜, 神主 入, 奉 興。 中 降

宜祔 享太廟,但今九廟之制已備。 嘉靖元年,世宗奉孝惠邵太后祔祀。 八年二月,禮部尚書方獻夫等言:「悼靈皇后,禮 考唐、宋故事、后於太廟、未有本室、則創別廟。 故 無臺

侍捧 一慈殿,謁三太后,內侍捧主安神座,皇妃以下四拜。 者。』釋之者曰:『親者謂舅所生母也。』今孝惠太皇太后實皇考獻皇帝之生母,則悼靈皇后 當附於側。」詔可。 **3種有別廟皇后,禘祫於太廟之文。又禮記喪服小記:『婦祔於祖姑,祖姑有三人,則祔於親禮有別廟皇后,禘祫於太廟之文。又禮記喪服小記:『婦祔於祖姑,祖姑有三人,則祔於親** 神主、諡册、衣冠隨帝至奉先殿謁見。 三月,行祔廟禮。 先期祭告諸殿。 帝就位,行五拜三叩頭禮。 至期,請悼靈后主詣奉慈殿奉安。 次詣崇先殿,次詣奉 內

慶時 后於其側。 也。 奉慈廟故事,與今同。 禮『妾母不世祭』,疏曰:『不世祭者,謂子祭之,於孫則止。』 后,所生母,薦於寢,身歿而已。 今陛下於孝肅, 心。祀 十五年,帝以三太后別祀奉慈殿,不若奉於陵殿爲宜。 弘孝殿,萬曆三年遷祔奉先殿。 六年,孝懿祔太廟,萬曆三年,孝恪遷祔奉先殿,二殿俱罷。 曾孫也; 宜遷主陵廟,歲時祔享如故。」 孝穆、孫屬也,孝惠、孫 孝宗奉慈殿之祭,蓋子祀生母,以盡終身之孝焉耳。 穆宗母孝恪皇太后,隆慶初,祀神霄殿 報可。 也。 禮 明繼 廷臣議:「古天子宗廟,惟一 奉慈殿遂罷。 不世祭,議當 祖重,故不復顧 祕。 世宗孝烈后,隆 考宋熙寧罷 ,又祔孝懿 其私祖 帝 母

獻皇帝廟

嘉靖二年四月始命興獻帝家廟享祀,樂用八佾。 初、禮官議廟制未決、監生何淵上書, 東,曰崇先殿。十三年命易承天家廟曰隆慶殿。十五年,以避渠道,遷世廟,更號曰獻皇 年七月諭工部以觀德殿窄隘,欲別建於奉天殿左。尚書趙璜謂不可,不聽。乃建於奉先之 故事,於皇城內立一禰廟,如文華殿制。箋豆樂舞,一用天子禮。帝親定其名曰世廟。五 以爲可者。學士張璁、桂萼亦皆以爲不可,書復密疏爭之。帝不聽,復令會議。乃準漢宣 定陶 僭。置武宗下,則<u>獻皇叔也,神終未安。」時廷臣於稱考稱伯,異同相半,至議祔廟,無一人</u> 議;「天子七廟,周文、武並有功德,故立文、」武世室於三昭穆之上。 官集議 請立世室於太廟東。 世大王 四年四月,淵已授光祿寺署丞,復上書請立世室,崇祀皇考於太廟。 淵妄爲諛詞,乞寢其奏。」帝令再議,書等言:「將置主於武宗上,則武宗君也,分不可 言:「奉慈之建,禮臣據姜嫄特廟而言。 建廟京師,不可爲法。」詹事石珤等亦言不可。不聽。 禮部尙書汪俊等皆謂不可。 。至爲本生父立廟大內,古所未有。 帝諭奉先殿側別立一室,以盡孝思。禮 **葺奉慈殿後爲觀德殿以奉** 獻皇帝追稱帝號,未爲 禮部尚書席書等 惟漢哀

奉獻皇帝祔 同世數。 十七年以豐坊請,稱宗以配明堂。禮官不敢違,集議者久之,言:「古者父子異昭穆,兄 故殷有四君一世而同廟,宋太祖、太宗同居昭位。今皇考與孝宗當同一廟。」遂 太廟。 二十二年更新太廟,廷議睿宗、孝宗並居一廟,同爲昭。帝責諸臣不竭

帝廟,遂改舊世廟曰景神殿,寢殿曰永孝殿。

芯

仁人當以義率祖。」章下禮部,卒不能從。 然以皇上視之,則遠矣。俟光宗升祔時,或從舊祧,或從新議。蓋在孝子固以恩事親,而在 議,謫外任。 天啓元年,太常少卿李宗延奏祧廟宜議,言:「睿宗入廟,世宗無窮之孝思也, 下所司。 辰、有事奉告之祭,但進日供而已。隆慶元年,禮科王治請罷獻皇祔廟,而專祀之世廟,章 年以舊廟柱產芝,更號曰玉芝宮,定日供時享儀。穆宗初,因禮臣請,乃罷時享及節序、忌 右贊善郭希顏又欲於太祖廟文世室外,止立四親廟,而祧孝宗、武宗。 忠任事,寢其議。已而左庶子江汝壁請遷皇考廟於穆廟首,以當將來世室,與成祖廟並峙。 二十四年六月,新太廟成,遂奉睿宗於太廟之左第四,序躋武宗上,而罷特廟之祀。四十四 萬曆九年,禮科丁汝謙請仍專祭玉芝宮,復奉宣宗帝后冠服於太廟。帝責汝謙妄 以禮臣斥其妄而止。

王爲一 王、霍丘王夫人翟氏、安豐王夫人趙氏爲一壇,皇兄蒙城王、盱眙王、臨淮王、臨淮王夫 爲一 洪武三年定以皇伯考壽春王、王夫人劉氏爲一壇,皇兄南昌王、霍丘王、下蔡王、安豐 親王 壇,後定夫人皆改稱妃,皇姪寶應王、六安王、來安王、都梁王、英山王、山陽王、昭信 壇,凡一十九位。 一從饗 春夏於仁祖廟東廡,秋冬及歲除於德祖廟東廡,皇帝行初獻禮, 人劉

分獻。 祔,宜罷享,而祔之祧廟。」禮部言:「祧以藏毁廟之主,爲祖非爲孫。 世矣,宜祧。」禮官議不可。 妃唐氏。 時獻官詣神位分獻。四年進親王於殿內東壁。九年,新太廟成,增祀蒙城王妃田氏、盱眙 請仍遵初制,序列東廡爲近禮。」報可 萬曆十四年,太常卿裴應章言:「諸王本從祖祔食。 正德中,御史徐文華言:「族有成 嘉靖間,仍序列東廡。二十四年,新建太廟成, 人而無後者,祭終兄弟之孫之身。 今四祖之廟已祧 禮有祧,不聞 復進列東壁, 罷 一而諸 諸王至今五六 王 有配 無所 祧 於

功臣配饗

者得少依神靈,以同享祀,不獨朝廷宗廟盛典,亦以寓脍不忘功臣之心。」於是禮官議:「凡 中書省臣:「太廟之祭,以功臣配列廡間。今旣定太廟合祭禮,朕以祖宗具在,使功臣 廟之 合祭時,為黃布幄殿,中祖考神位,旁設兩壁,曰以享親王及功臣,令大臣分獻。」制可。 設位東向,遂罷幃次之設。更定三獻禮,皇帝初獻,時獻官卽分詣行禮,不拜。 青布幃六於太廟庭中,遣官分獻。 洪武二年享太廟,以廖永安、俞通海、張得勝、桑世傑、耿再成、胡大海、 三年定配享功臣常遇春以下凡八位。春夏於仁祖廟西廡,秋冬於德祖 俟皇帝亞獻將畢,行禮 0 每歲春秋 享廟, 則 趙德勝配。 四年,太祖謂 配食於仁祖 廟西廡, 故舊歿

祭其父。 胡大海、趙得 廟祭之。 而 ·功臣自有雞籠山廟,請罷太廟配享。」帝以先帝所定,不從。 且令候太廟享畢,別遣官卽其 命去布 洪熙元年以張玉、朱能、姚廣孝配享太廟。遣張輔、朱勇、王通及尚寶少卿姚繼各 勝、耿再成、桑世傑十二位配於西廡,罷廖永安。 九年、新太廟成、以徐達、常遇春、李文忠、鄧愈、湯和、沐英、俞通海、張德勝、 建文時,禮部侍郎宋禮言:

當別 配位於新 以武定侯郭勛奏,進其祖英。初二廟功臣,位各以爵,及進基位公侯上,至是復令禮官議合 小 廟功臣敍爵。於是列英於桑世傑上,張玉、朱能於沐英下,基於世傑下。二十四年進諸 嫌。 嘉靖 太廟西壁、罷分獻。萬曆十四年,太常卿裴應章言:「廟中列后在上,異姓之臣禮 且至尊拜俯於下,諸臣之靈亦必不安。」命復改西廡,遣官分獻。 九年以廖道南言,罷姚廣孝。十年以刑部郎中李瑜議,進劉基位次六王。十六年 天啓元年,太常

王國宗廟

如 之,門三間。 洪武 四年,禮部尚書陶凱等議定,王國宮垣內,左宗廟,右社稷。 永樂八年建秦愍王享堂,命視晉恭王制,加高 一尺。〔三因定享堂七間,廣十 廟制,殿五間,寢殿

降殺之。 置櫝藏之,每歲暮則出祧主合祭。」詔如議。 無曲 至今,已 俎 乞頒賜遵守。 丈九尺五寸,高二丈九尺,深四丈三尺五寸。弘治十三年,寧王宸濠奏廟祀禮樂未有定式, 豆、佾舞,禮節悉遵國初定制。」從之。 一辭,請各王府稽考。)盈五 始封居中,百世不遷,以下四世,親盡而祧。 廟之數,請定祧廟之制。」禮臣言:「親王祧廟,古制未聞,宜推太廟祧祔之禮 禮部議:「洪武元年,學士宋濂等奏定諸王國祭祀禮樂,用淸字,但有曲名,而 於是靖江王長史具上樂章,且言四孟上旬及除夕五祭所用 嘉靖八年,秦王充燿言:「代懿王當祔廟,而自始封 但諸侯無祧廟,祧主宜祔始祖之室, 品物、 而

羣臣家廟

堂,以二代神主置居室中 同 H 而 品官祠 東,藏主櫝 之祭與 明 初 歲 堂之制。 未有定制,權做朱子祠堂之制,奉高曾祖禰四世神主,以四仲之月祭之,加臘月忌 時俗節之薦。 中。 兩壁立櫃,西藏遺書 堂三間,兩階三級,中外爲 間 其庶人得奉祖 . 無櫝 衣物 父母、父母之祀, ,東藏祭器。 兩門。 堂設 旁親無後者,以其班附。 四龕,龕置 已著爲令。 桌。 至時 享於寢之禮,略 高祖 居西,以次 庶 人無祠

洪武六年定公侯 志 第 = + 八 以下 禮 六 家 廟禮儀。 凡公侯品官,別為祠屋三間於所居之東,以祀高曾祖 一三四一

讀訖 祭所。 後。 西壁。 豕 東,伯叔諸兄立於其前稍東,諸親立於其後,主婦在西, 宿外舍。 主祭者聞 并附位。 贊拜,皆再拜。 皆 **贊拜**,主祭者復位,與主婦皆再拜。 執事者進饌,讀祝者一人,就贊禮,以子弟親族爲之。 主祭開櫝,捧各祖考神主,主婦開櫝,捧各祖 於上 分四體熟薦。 質明,主祭者及婦率預祭者詣祠堂。 [四]祠堂未備,奉主於中堂享祭。 ,
発朝
參。 主祭者詣香案前跪,三上香,獻酒奠酒,執事酌酒於祔位前 不能 凡祭,擇四仲吉日,或春、秋分,冬、夏至。 具牲者,設饌以享。 再獻終獻並 二品以上,羊一豕一,五品以上,羊一, 主祭者捧正祔 所用器 妣 和主, 如之,惟不讀祝。 母及諸母立於其前 皿,隨官品第,稱家 陳設 以序奉安。 神主櫝,置於盤 神位訖, 前 期 子弟捧 每獻,執事者亦獻 稍 各就位, 有無。 日 西, 令子弟捧至 · 耐主, 齋 讀 婦 沐更衣, 前二日, 主祭在 视 女 置 者 立 跪 於 東

太祖 官職旣殊,無世封采邑,豈宜過泥於古。 |言言:「按|三代有五廟、三廟、二廟、一廟之制者,以其有諸侯、卿、大夫上中下之爵 高祖 於附位。 成化 居 廟制,合先王 左,曾祖居右,祖居次左,考居次右。」帝下禮臣參酌 十一年,祭酒周洪謨言:「臣庶 禮畢,再拜,焚祝幷紙錢於中庭,安神主於櫝 左昭右穆之義。 宜令一 祠 至宋儒程頤乃始約之而歸於四世。 品至 堂神主,俱自 九品, 皆立一廟, 西而 更定。 東。 以高卑廣狹 古無神道尚右之說,惟 嘉靖十五年 自公卿以及士 爲 ·,禮部尙 殺。 也。 神 後 主 我 則

祖,而 四廟。 酮。 祭時,作紙牌,祭訖焚之。 庶,莫不皆然。 爲四 爲五 廟者,三間五架,中一室祔高會,左右二室祔祖禰。 廟者,亦 謂五服之制,皆至高祖,則祭亦當如之。 四品以下,四世遞遷而已。」從之。 如 唐制。 其三品以上者, 至世數窮盡, 則以今之得立廟者爲 五間九架, 厦旁隔板為五室, 中祔五世祖, 旁四室, 今定官自三品以上立五廟,以下皆 若當祀始祖,則 如朱熹 世世 耐 奉祀之 所 高 曾 云 臨 祖

校勘記

不遷焉。

- 疏云 姜嫄 也 按「姜嫄也」是周禮大司樂的鄭玄注, 不是賈公彦
- ヘニン 旁設 兩 壁 兩壁,太祖實錄卷六四洪武四年四月辛亥條作「兩無」。
- = 堂旣 命視晉恭 視晉恭王制,不應比恭王享堂過高,作「一尺」是。 王制加高一尺一一尺,原作「一丈」,據太宗實錄卷七三永樂八年十二月甲寅條改。

享

29 別爲 史稿志三四禮志、太祖實錄卷八二洪武六年五月癸卯條改。 洞 屋三間於所居之東以祀高曾祖考幷附位 祠屋,原作「詂屋」,詂位,原作「祠位」, 據 **婆明**

明史卷五十三

志第二十九

禮七嘉禮一

登極儀 大朝儀 常朝儀 皇太子親王朝儀 諸王來朝儀

諸司朝覲儀 中宮受朝儀 朝賀東宮儀 大宴儀 上尊號徽號儀

酒。 於辟雍者,曰視學。自天子達於庶人者,曰冠,曰婚。 舉其大者書之。儀之同者,則各附於其類云。 日嘉禮。 行於朝廷者,曰朝會,曰宴饗,曰上尊號、徽號,曰册命,曰經筵,曰表箋。行 行於天下者,日巡狩,日韶赦,日鄉飲

登極儀

志

第

二十九

禮七

漢高 帝即位氾水之陽,其時縣蕞之禮未備。 魏、晉以降,多以受禪改號。元世祖履尊旣

率禮官奏。

統後,但 舉朝賀。 明興、太祖以吳元年十二月將卽位,命左相國李善長等具儀。

呼萬歲者三。 卽 位日,先告祀天地。 具鹵簿導從,詣太廟,上追尊四世册寶,告祀社稷。還,具袞冕,御奉天殿,百 禮成,卽帝位於南郊。 丞相率百官以下及都民耆老,拜賀舞蹈,

案於 向 引 官 左 通 撫二人於東西陛下,護衞百戶二十四人於其南,稍後。知班二人,於文武官拜位北 行 [] 門 右 殿前 一贊、贊禮二人於知班北,通贊西,贊禮東。 北 上表質 寶案南。 左 ,護衞千戶八人於殿東西門,俱東西向。 面 先期,侍儀司設表案於丹墀內道之西北,設丞相以下拜位於內道東西。 東西向。「三受表官於文侍從班南,西向。 丹陛 右 班二人於引文武班南。舉表案二人於引文武班北。 天 捧表、展表、宣表官位於表案西,東向。 上設殿前班指揮司官三人,東向。宣徽院官三人,西向。 、武將軍四人於陛上四隅,俱 文武 侍從 兩 班於殿上東西,文起居注、給事中、殿 東 西 引文武班四人於文武官拜位 向。 鳴鞭四人於殿前班之南,北 糾儀御史二人於表案南,東西向。 內贊二人於受表官之南,捲簾將軍二人於 殿上,尚 寶司 舉殿上表案二人於 中侍 設寶案於正 御史、 儀鸞司 北,稍後,東西 向。 尙 中,侍儀 官於 每等異位,重 寶 將軍六人於 、西陛 卿, 殿 ,東西向。 宿衞鎭 司設表 武 中門之 下,東 懸 向 万

簾前,俱東西向。

拱衞 訖,展表官出笏,以表復於案,俱退。宣表官俯伏興。俱出殿西門,復位。 表案入。 四拜,樂止。 置於案。 四 三嚴,丞相以下入。 司鳴鞭,引班導百官入丹墀拜位。 是日 遂遣官册拜皇后,册立皇太子,以卽位詔告天下。 拱 出笏,興,退立,東向。 鼓初嚴,百官朝服立午門外。 樂止。捧表以下官由殿西門入。內贊贊進表。 **搢笏,鞠躬三,**[三]舞蹈。 衞 司 陳鹵簿,列甲士於午門外,列旗仗,設五輅於奉天門外。 皇帝袞冕陞御座,大樂鼓吹振 内贊贊宣表。 拱手加額,呼萬歲者三。出笏,俯伏興。樂作,四拜, 初行樂作,至位樂 通贊、贊禮、宿衞官、諸侍衞及尚寶卿侍從官入。 宣表官前,搢笏,跪,展表官搢笏,同跪。 作。 樂止,將軍捲簾,尚寶卿置寶於案。 止 捧表官跪捧。受表官搢笏,跪 知班贊班,贊禮贊 **贊禮贊拜。樂作,** 侍儀舍人二,舉 拜。 樂作, 鼓 宜

告几筵。至時,鳴鐘鼓,設鹵簿。皇帝袞冕,御奉天門。百官朝服,入午門。鴻臚寺導執事官 鼓,尚寶司設寶案,教坊司設中和韶樂,設而不作。是日早,遣官告天地宗社,皇帝具孝服 行禮,請陞御座。皇帝由中門出,陞座,鳴鞭。百官上表,行禮,頒詔,俱如儀。宣宗以後,儲 立者並同。 成祖卽位倉猝,其議不詳。仁宗卽位,先期,司設監陳御座於奉天門,欽天監設定時 正德十六年,世宗入承大統。 先期造行殿於宣武門外,南向。設帷幄御座,

志

第

+

朝服 省詔草,改年號,素服詣大行几筵謁告。 詣奉先殿、奉慈殿謁告,仍詣大行几筵、慈壽皇太后、<u>莊</u>肅皇后前各行禮,遂御<u>華蓋殿</u>。百官 備翼善冠服及鹵簿大駕以候。 入。 傳旨免賀,五拜三稽首。 至期,百官郊迎。駕入行殿,行四拜禮。 鴻臚寺官請陞殿,帝由中門出御奉天殿。四鳴鞭,贊拜, 畢,設香案奉天殿丹陛上。皇帝袞冕,行告天 明日,由大明門入。 地禮

大朝儀

頒

詔

一,如制

宋因之。 然後宴饗。 漢 正 會禮,夜漏未盡七刻,鐘鳴受賀。 晉咸寧注,有晨賀畫會之分。至唐制,正旦、冬至、五月朔、千秋節,咸受朝賀 公卿以下執贄來庭,二千石以上升殿,稱萬歲,

明 大祖 洪武元年九月定正旦朝會儀,與登極略相仿。 其後屢詔更定,立爲 中制

設 車略於 兩案於丹陛東。 中和韶樂於殿 凡 、丹墀。 正旦冬至,先日,尚寶司設御座於奉天殿,及寶案於御座東,香案於丹陛南。 鳴鞭四人,左右北向。 內東西,北向。翌明,錦衣衞陳鹵簿、儀仗於丹陛及丹墀,設明扇於殿內,列 金吾衞設護衞官於殿內及丹陛,陳甲士於丹墀至午門外,錦衣衞設將軍於 教坊司陳大樂於丹陛東西,北向。儀禮 司設同文、玉帛 教坊司

披門入,詣丹墀東西,北向立。三嚴,執事官詣華蓋殿,帝具袞冕陞座,鐘聲 丹墀北、傳制、宣表等官位於殿內,俱東西向。 丹 司晨郎報時位於內道東 陛至奉天門外,陳旗幟於奉天門外,俱東西列。典牧所陳仗馬犀象於文、武樓南,東 近北。 糾儀御史二,位於丹墀北,內贊二,位於殿內,外贊二,位於 鼓初嚴,百官朝服,班上門外。次嚴,由左、右 止 西向

之。」萬壽聖節則致詞曰:「具官臣某,欽遇皇帝陛下聖誕之辰,謹率文武官僚敬祝萬歲壽。」 皆俯伏,興。樂作,四拜,興。樂止。傳制官跪奏傳制,由東門出,至丹陛,東向立,稱有制 不傳制。 **贊禮唱,跪,宣制。正旦則云:「履端之慶,與卿等同之。」冬至則云:「履長之慶,與卿等同** 唱衆官皆跪。代致詞官跪丹陛中,致詞云:「具官臣某,兹遇正旦,三陽開泰,萬物咸新。」冬 宣表官至簾前,外贊唱,衆官皆跪。宣表訖,內外皆唱,俯伏,興。序班舉表案於殿東,外贊 門入,置殿中,樂止。內贊唱宣表目。宣表目官跪,宣訖,俯伏,興。唱宣表,展表官取表, 作。 駕官前導,扇開簾捲,寶置於案,樂止。鳴鞭報時,對贊唱排班,班齊。 至則云:「律應黃鐘,日當長至。」「恭惟皇帝陛下,膺乾納祜,奉天永昌。」賀畢,外贊唱,衆官 贊四拜,興,樂止。典儀唱進表,樂作。 :禮司奏執事官行禮,贊五拜,畢,奏請陞殿。 贊禮 唱俯伏,興。樂止。贊搢笏,鞠躬三,舞蹈。贊跪唱山呼,百官拱手加額曰「萬 給事中二人,詣同文案前,導引序班舉案由東 駕興,中和樂作。 尚寶司捧寶前行,導 **贊禮唱鞠躬,大樂**

志

導駕官前導,至華蓋殿,樂止。 |百官以次出 俯伏,興,樂作。 歲」,唱山 呼,曰「萬歲」,唱再山呼,曰「萬萬歲」。 贊四拜,興,樂止。 儀禮! 司奏禮畢, 中和樂作。 凡呼萬歲,樂工軍校齊聲應之。 鳴鞭,駕興。 尚寶官捧寶, 贊出笏,

定蕃國貢方物案入於丹陛中道左右,設定時鼓於文樓上,大樂陳奉天門內東西,北向 洪武三十年更定同文、玉帛案俱進安殿中,宣表訖,舉置於寶案之南。 嘉靖十六年更 他

儀亦略有增損。

後,百官卽詣班行賀正旦禮。舊制,冬至日行賀禮。嘉靖九年分祀二郊,以冬至大報,是日 行慶成禮。次日,帝詣內殿,行節祭禮。又詣母后前行賀禮訖,始御奉天殿受賀。 拜,興,樂止。文武官北向立,致詞官詣中道之東,跪奏云:「新春吉辰,禮當慶賀。」贊拜,樂 五拜三叩頭,興,樂止。儀禮司奏禮畢。正統十一年,正旦立春,禮部議順天府官進春 立春日進春,都城府縣舉春案由東階陞,跪置於丹陛中道,俯伏,興。 贊拜,樂作。 四

常朝儀

參,朔望御宣政殿見羣臣曰入閣。宋則侍從官日朝垂拱謂之常參,百司五日一朝紫宸爲六 古禮,天子有外朝、內朝、燕朝。漢宣帝五日一朝。唐制,天子日御紫宸殿見羣臣曰常

參,在京朝官朔望朝紫宸爲朔參、望參。

官於奉天門外,五拜三叩頭畢,駕興。 謝恩見辭官序立奉天門外,北向。 陞座作樂。 畢降階,百官出。十七年罷朔望起居禮。後更定,朔望御奉天殿,常朝官序立丹墀,東西向, 同百官鞠躬,稱「聖躬萬福」。復位,皆再拜,分班對立。省府臺部官有奏,由西階陞殿。奏 <u>阴洪武三年定制,朔望日,帝皮弁服御奉天殿,百官朝服於丹墀東西,再拜。班首詣前,</u> 常朝官一拜三叩頭,樂止,復班。 謝思見辭

品級,列丹墀左右木栅上,依序立。二十六年令凡入殿必履鞵。 寺、太僕寺、應天府、翰林院、春坊、光祿寺、欽天監、尚寶司、太醫院、五軍斷事及京縣官,西 則五軍都督、錦衣衞指揮、各衞掌印指揮、給事中、中書舍人。又令禮部置百官朝牌,大書 道。二十四年定侍班官:東則六部都察院堂上官、十三道掌印御史、通政司、大理寺、太常 丹墀,常北面,不南向,左右周旋不背北。皇帝陞奉天門及丹陛,隨從官不得徑由中道幷王 鳴鞭,詣殿內序立,朝退出。凡百官於御前侍坐,有官奏事,必起立,奏畢復坐。 內,五品以下仍前北向立。有事奏者出班,奏畢,鳴鞭以次出。 奏事畢,五品以下詣丹墀,北向立,五品以上及翰林院、給事中、御史於中左、中右門候 又凡早朝,御華蓋殿,文武官於鹿頂外東西立,鳴鞭,以次行禮訖。 如御奉天殿,先於華蓋殿行 四品以上官入侍殿 從皇帝行

門內便殿奏事。」 晚朝。」七年諭行在禮部曰:「北京冬氣嚴凝,羣臣早朝奏事,立久不勝。今後朝畢,於右順 侍官曰:「早朝多四方所奏事。 永樂初,令內閣官侍朝立金臺東,錦衣衞在西,後移御道,東西對立。 午後事簡,君臣之間得從容陳論 自今有事當商搉者,皆於 四年諭六部及近

奏事畢,撤案,各官退。有密事,赴御前奏。 次入。內閣、五府、六部奏事官,六科侍班官,案西序立,侍班御史二,序班二,將軍四,案南 面 .北立,鳴贊一,案東,西向立,錦衣衞、鴻臚寺東向立,管將軍官、侍衞官立於將軍西。府部 景泰初,定午朝儀。 凡午朝,御左順門,設寶案。執事奏事官候於左掖門外。 駕出,以

循御道授之。隆慶六年詔以三六九日視朝。 官及外國人領敕,「KI坊局官一人奉敕立內閣後,稍上,候領敕官辭,奉敕官承旨由 嘉靖 事 ,中上,稍前,以便觀聽。 九年令常朝官禮畢,內閣官由東陛、錦衣衞官由西陛陞,立於寶座東西。 午朝,則列於御座西,稍南。 萬曆三年令常朝日記注起居官四人,列於東 左陛下, 有欽差

六部又次之,應天府及在京雜職官員又次之。 凡 入 朝次第,洪武二十四年令朝參將軍先入,近侍次之,公、侯、駙馬、伯又次之,五府、 成化十四年令進士照辦事衙門次第,立見任

官後。

皇太子親王朝儀

略如朝皇帝儀。 拜,樂作,興,樂止。降自東階,樂作。至文樓,樂止。百官随入賀。其朝皇后,則於坤寧宮, 賀」。傳制如前,贊俯伏,興。皇太子、諸王由東門出,樂作。引進引復丹陛位,樂止。 跪稱賀云,「長子某,兹遇履端之節」,各至則云「履長」,「謹率諸弟某等, 欽詣父皇陛下稱 四拜,樂作,興,樂止。引進導由殿東門入,樂作。內贊引至御座前位,樂止。 子及親王由奉天東門入,百官齊入。樂作,皇太子、親王陞自東階,至丹陛拜位,樂止。贊 親 王 ·|次於||文樓,||設拜位幷拜褥於丹陛上正中。 前 史多不載。 明洪武元年十月定制,「PD凡正旦等大朝,皇帝御奉天殿,先設皇太子、 皇帝陞座、殿前執事班起居訖。 唱跪,皇太子 引進引皇太 贊四

前後 諸王 妃皆跪。 親王及妃詣上位前,贊禮贊四拜,興。 **費拜** 一妃皆興。 二十六年改定朝賀於乾淸宮。其日,皇帝、皇后陞座,侍從導引如儀,引禮引皇太子及 皇太子致詞,同前,不傳制。贊禮贊皇太子俯伏,興,引禮贊諸王俯伏,興,太子妃、 如朝皇帝儀。 **贊禮引皇太子復位。** 致詞稱「母后殿下」。 **贊拜**,皇太子以下皆四 **贊禮引皇太子詣前,贊跪,引禮贊太子妃、諸王及** 禮畢、出。 拜。 七年更定,不致賀辭,止行八拜 禮畢,引 禮引至皇后前,其

第

十

九

醴。朝賀皇太后禮,皆同。

諸王來朝儀

賜賚甚厚。

入朝者,四方各爲二番。唐以後,親藩多不就國。 古者,六年五服一朝。 漢法有四見儀。 魏制,蕃王不得入覲。 明代仿古封建,親王之藩不常入朝,朝則 晉泰始中, 令王公以下

禮,便殿行家人禮。伯叔兄西向坐,受天子四拜。天子居中南面坐,以尚親親之義,存君臣 官皆跪。王致辭曰:「第幾子某王某,兹遇某時入觀,欽詣父皇陛下朝拜。」贊俯伏,興。王由 作,王與從官皆四拜。興,樂止。王從殿東門入,樂作。內贊導至御前,樂止。王跪,王府 官入就侍立位。引禮導王具袞冕,由東門入,陞東陛,就位。王府從官就丹墀位。贊拜,樂 后父母西向立,皇太子東向行四拜禮,皇后父母立受兩拜,答兩拜。 東門出。樂作,復拜位,樂止。贊拜,王興。從官皆四拜,興。樂作,駕興,王及各官以次出。 洪武二十六年定,凡諸王大朝,行八拜禮。常朝,一拜。凡伯叔兄見天子,在朝行君臣 明初,凡來朝,先期陳御座於奉天殿,如常儀。 凡外戚朝見、皇后父母見帝行君臣禮、后見父母行家人禮。皇太子見皇后父母、皇 諸王次於奉天門外東耳房。鼓三嚴,百

諸司朝覲儀

府以下官吏、浙江、江西十七日,山東、山西十八日,河南、陝西十九日,湖廣、南直隸二十 俱於十二月十六日朝見,外班行禮。 見辭謝恩,具公服,正旦具朝服,不著朱履。常朝俱錦繡。 日,福建、四川二十一日,廣東、廣西二十二日,雲南、貴州二十三日,北直隸二十四日,各外 方面官入朝,遞降京官一等。萬曆五年令凡朝觀,南京府尹、行太僕寺苑馬寺卿、布按二司, 以後,方面官於奉天殿前序立,知府以下,奉天門金水橋南序立,如常朝儀。 面官隨常朝官入奉天門行禮,府州縣官及諸司首領官吏、土官吏俱午門外行禮。 **明制,天下官三年一入朝。 自十二月十六日始,鴻臚寺以次引見。二十五日後,每日方** 由右掖門至御前,鴻臚寺官以次引見。其鹽運司及知 天順三年令凡 。正旦大朝

中宮受朝儀

儀,而皇妃以下,正旦、冬至朝賀儀,則自洪武元年九月詔定。 惟唐開元禮有朝皇太后及皇后受羣臣賀、皇后會外命婦諸儀。 明制無皇后受羣臣賀

志

第二十

九

樂作。 旨。 入,至 作,四 或 俯伏,興,樂作。 妃 導外命婦由東門入內道,東西班侍立,訖。 南、設外命婦幄次於門外之南、東西向。皇后服禕衣出閣、仗動、樂作。 由 致 夫 一西陛陞,入殿西門,樂作。 人 詞曰,「妾某氏等,遇兹履端之節」,冬至則云「履長」,「恭詣皇后殿下稱賀」。致詞畢,皆 陳女樂於宮門外。 命婦皆跪,司言宣旨曰:「履端之慶,與夫人等共之。」贊興。 凡 一陛上拜位,以次立,行禮如皇妃儀。 拜興,樂止。導由殿東門入,樂作。 妾某氏 入 中 內 ·宮朝賀,內使監設皇后寶座於坤寧宮。 丹陛儀仗,內使執之。 殿上儀仗,女 使 閤 '等稱賀。」賀畢,出復位。 門,樂止。 復位,樂止。贊拜,樂作,四拜興,樂止。降自東階出。 設皇貴妃幄次於宮門外之西,近北,設公主幄次於宮門外之東, 諸 命婦出。 內贊接引至殿上拜位,班首及諸命婦皆跪。 太皇太后、皇太后朝賀儀同。 司言跪承旨,由殿中門出,立露臺之東,南向,稱有 司賓導外命婦入殿前中道拜位,贊拜 內贊接引至殿上拜位,樂止。贊跪,妃皆跪。皇貴 導皇貴妃、衆妃由東門入,至陛上拜位。贊拜,樂 司言奏宣旨畢 司賓導公主由東門 陞座,樂止。 班首 |致詞曰:「某 如 皇后興, 司 班首 賓 執 稍

儀等官詣內奉迎,皇后具服出,作樂,贊拜如前儀。 丹 陛 東 洪 西 武 北 二十 向、設箋案於殿東門。 六年 重定中宮朝賀儀。 命婦至宮門,司 先日,女官設御座香案。 賓引入 女官舉箋案由殿東門入,樂作。至殿中, 、就拜位,女官具服侍班 至日 內官設儀仗、陳女樂於 。尙宮、尙

樂止。 諸 畢 陳儀仗 云 東。 一,出。 命婦皆跪。 兹遇千秋令節,敬詣皇后殿下稱賀。」不傳旨。 命婦皆興,司賓引班首由東階陞入殿東門,樂作。 女樂。 贊跪,命婦皆跪。 陰雨、大寒暑則觅。 皇后 班首致詞訖,皆興,由 陞座,引 贊宣箋目,女官宣訖,贊展箋,宣箋女官詣案前,展宣訖,舉案於 禮女官引命婦入班,文東武 後命婦朝賀,俱於仁智殿。 西門出。 贊拜及司言宣旨,皆如儀,禮畢。 凡朔望命婦朝參, 、西,各以夫品。 內贊引至殿中,樂止。 朝東宮妃,儀如朝中宮,不傳令。 贊拜,樂作,四 是日設御 贊跪 千秋節 座於 了班首 .拜。禮 宮中, 致 詞 及 殿

朝賀東宮儀

相同 蹈。 臣 一子尊敬之禮,不得 請 開元 漢 如 以 古制 前 始 無聞。 罷 認 其 禮 下 隋文帝時,冬至百官朝太子,張樂受賀。 有二。 ·羣臣議。 故事,百官詣皇太子止稱名,惟宮臣 請凡啓事東宮者,稱臣 編修吳沈等議曰:「東宮,國之大本,所以繼聖體而承天位也。 如故。」從之。 一稱臣。 唐制,宮臣參 明洪武 十四年, 質皇太子,皆 給 事 中鄭 舞

門外,東西 文華門內 凡 朝 西向、儀禮 東西、北 東宮,前期,典璽官設皇太子座於文華殿,錦衣衞設儀仗於殿外,敎坊 向, 司 官設箋案於殿東門外,設百官拜位於殿下東西,設傳令宣箋等官位於 府軍 衛列甲 士
旗 、幟於門外, 錦衣衞設將軍十二人於 殿 中門外 司陳大樂於 及 文華

志

第

官入,贊拜,樂作。四拜興,樂止。丞相陞自西階,至殿內拜位,俱跪。丞相致詞曰:「某等 西立。皇太子陞殿,樂作。百官行一拜禮。其謝恩見辭官亦行禮。 至致詞,則易「律應黃鐘,日當長至」。傳令則易「履長之節」。千秋節致詞則云:「兹遇皇太子 殿中,其捧箋、展箋、宣箋、傳令,略與皇后同。令曰:「履兹三陽,願同嘉慶。」餘俱如儀。冬 兹遇三陽開泰,萬物維新。敬惟皇太子殿下,茂膺景福。」畢,俯伏,興,復位。舍人舉箋案入 殿內東西。 下壽誕之辰,謹率文武羣官,敬祝千歲壽。」不傳令。凡朔望,百官朝退,詣文華殿門外,東 是日,百官詣文華門外。導引官啓外備,皇太子具冕服出,樂作。陞座,樂止。百

於堂中、設三師、賓客、諭德拜位於堂前。皇太子常服陞座、三師、賓客常服入就位、北向立。 答拜之禮不行,而三師之禮不可不重。 官議曰:「唐制、羣臣朝賀東宮、行四拜禮、皇太子答後二拜。三公朝賀、前後俱答拜。近代 皇太子起立,南向。 武元年十二月,帝以東宮師傅皆勳舊大臣,當待以殊禮,命議三師朝賀東宮儀。 **贊四拜**,皇太子答後二拜。」 今擬凡大朝賀, 設皇太子座於大本堂, 設答拜褥位

之東 西,設百官侍立位於庭中,東西向。 來見、設皇太子位於正 六年詔 百官朝見太子,朝服去蔽膝及佩。二十九年詔廷臣議親王見東宮儀。 一殿中,設諸王拜位於殿門外及殿內,設王府官拜位於庭中道上 至日,列甲士,陳儀仗,設樂如常。諸王詣東宮門外 禮官議,

常服,王由文華殿東門入,至後殿。 咔 王列於東西。 遇某節,恭詣皇太子殿下。」致詞畢,王與王府官皆俯伏,興,樂作。 幄次,皇太子常服出,樂作。 王與王府官皆四拜。興,樂止。禮畢,王及各官以次出。王至後殿,敍家人禮。東宮及王皆 導詣殿東門入,樂作。 內贊引至位,北向立,樂止。贊跪,王與王府官皆跪,致詞曰:「兹 陞座,樂止。 王西向、東宮南向。相見禮畢、敍坐、東宮正中、南面、諸 引禮導諸王入就殿門外位。 '復位,樂止。贊拜,樂作, 初行,樂作,就位,樂

文華殿門東間、設座受賀。 曰:「東宮受賀,位當設文華門之左,南向。然侍衞未備,已之。」隆慶二年册皇太子,詔於 嘉靖二十八年,禮部奏,故事,皇太子受朝賀,設座文華殿中,今易黃瓦,似應避尊。 帝

大宴儀

常宴、小宴。

九部伎。|宋以春秋仲月及千秋節,大宴羣臣,設山樓排場,窮極奢麗。|明制,有大宴、中宴、 漢大朝會,羣臣上殿稱萬歲,舉觴。百官受賜宴饗,大作樂。唐大饗登歌,或於殿庭設

洪武元年大宴羣臣於奉天殿,三品以上陞殿,餘列於丹墀,遂定正旦、冬至聖節宴謹身 第二十 九 禮 七

滿,賜 講讀, 糕,臘 文 賜宴午門。 立 殿 **雲詩,復賜賞雪宴。** 郊社、宗廟及宮殿成,大宴。 宣德、正統間,朝官不與者,給賜節錢。 日、端午、重陽 華殿。 禮。 |春日賜春餅,元宵日團子,四月八日不落炭,嘉靖中,改不落炭爲麥餅。端午日涼糕 糉,重 宴於禮部,九卿侍宴。 八日麵,俱設|午門外,以官品序坐。|宣德五年冬,久未雪,十二月大雪。 皆賜飯。 宣德以後,俱宴午門外。凡配圜丘、方澤、祈穀、朝日夕月、耕耤、經筵日講、東宮 東宮千秋節,永樂間,賜府部堂上、春坊、科道、近侍錦衣衞及天下進箋官,宴於 (、臘八日,永樂間,俱於奉天門賜百官宴,用樂。 其後皆宴於午門外,不用樂。 親蠶,賜內外命婦飯。 羣臣進和章,帝擇其寓警戒者錄之,而爲之序。 皇太后聖誕,正統四年 新進士賜宴曰恩榮。 纂修校勘書籍,開館暨書成,皆賜宴。閣臣九年考 凡立春、元宵、四月八 帝示羣臣喜 陽 日

設酒 設皇太子 十 应 亭於 人 凡 於殿東西。 大饗,尚寶 座於 御 座 下西, 御座東,西向,諸王以次 司設御座於奉天殿,錦衣 教坊司 膳亭於御座下東, '設九奏樂歌於殿內,設大樂於殿外,立三舞雜隊於殿下。 南,東西相向。 珍羞 . 衞設黃麾於殿外之東西,金吾等衞設護衞 醯 醯亭於酒膳亭之東西。 羣臣四品以上位於殿內,五品以下位 設御筵於御座 光祿 東西, 官二 寺

於

東西廡,司壺、尙酒、尙食各供事。

禮 臣皆出 訖,贊膳成,樂止。撤膳,奏百花隊舞。贊撤案,光祿寺撤御案,序班撤羣臣案。 寺收御爵,序班收羣臣盞。進湯,進大膳,大樂作,羣臣起立。進訖復坐,序班供羣臣飯食。 進湯如初,奏車書會同之舞。第五爵奏振皇綱之曲,進酒如初,奏百戲承應舞。第六爵奏金 樂止。進湯,鼓吹響節前導,至殿外,鼓吹止。殿上樂作,羣臣起立,光祿寺官進湯,羣臣復 花。 皆跪,教坊司跪奏進酒。飲畢,樂止。衆官俯伏,興,贊拜如儀。各就位坐,序班詣羣臣散 陵之曲,進酒、進湯如初,奏八蠻獻寶舞。第七爵奏長楊之曲,進酒如初,奏採蓮隊子舞。第 坐。序班供羣臣湯。皇帝舉筯,羣臣亦舉筯,贊饌成,樂止。武舞入,奏平定天下之舞。第 딞 八爵奏芳醴之曲,進酒、進湯如初,奏魚躍於淵舞。第九爵奏駕六龍之曲,進酒如初。光祿 三爵奏眷皇明之曲。樂作,進酒如初。樂止,奏撫安四夷之舞。第四爵奏天道傳之曲,進酒、 如 止。內官進花。光祿寺開爵注酒、詣御前、進第一爵。敎坊司奏炎精之曲。樂作、內外官 以上由 第二爵奏皇風之曲。樂作,光祿寺酌酒御前,序班酌羣臣酒。皇帝舉酒,羣臣亦舉酒, 前,但進七爵。 至期,儀禮司請陞座。駕興,大樂作。陞座,樂止。鳴鞭,皇太子親王上殿。 席、北向立。 . 東西門入,立殿中,五品以下立丹墀,贊拜如儀。光祿寺進御筵,大樂作。 至御前, **贊拜如儀,羣臣分東西立。儀禮司奏禮畢,駕興,樂止,以次出。其中宴** 常宴如中宴,但一拜三叩頭,進酒或三或五而止。 贊宴成, 羣 文武官四

分進壽花於殿內及東西廡。酒七行,上食五次,酌酒、進湯、樂作止,並如儀 出閣,入就位。 二品外命婦各舉食案,於皇妃、皇太子妃、王妃、公主前。 大小命婦各就座位,奉御執事人 凡宴命婦,坤寧宮設儀仗、女樂。皇后常服陞座,皇妃、皇太子妃、王妃、公主亦常服隨 大小命婦各立於座位後。 丞相夫人率諸命婦舉御食案。丞相夫人捧壽花,

上尊號徽號儀

制,天子登極,奉母后或母妃爲皇太后,則上尊號。 其後或以慶典推崇皇太后,則加二字或 以爲宜告顯宗之廟,明事不在己。床、元志俱載皇太后上尊號儀,而不行告廟,非禮也。 四字爲徽號。 子無爵父之道。漢高帝感家令之言,而尊太公,荀悅非之。晉哀帝欲尊崇皇太妃,江虨 世宗時,上兩宮皇太后,增至八字。上徽號致詞,而上尊號則止進寶册。 明

位於丹墀內。女樂設而不作。皇帝冕服御奉天門。奉册寶官以册寶置輿中,內侍舉輿,皇 帝隨輿降階陞輅。百官於金水橋南,北向立,輿至皆跪,過興。隨至思善門外橋南,北向立。 內官設皇太后寶座,陳儀仗於宮中。設册寶案於寶座前,設皇帝拜位於丹陛正中,親王拜 帝几筵。是日,鳴鐘鼓,百官朝服。奉天門設册寶綵輿香亭。中和韶樂及大樂,設而不作。 上尊號,自宣宗登極尊皇太后始。 先期遣官祭告天地宗社,帝親告太宗皇帝、大行皇

執 服 皇帝至思善門內降輅。 禮 出 殿 洛就 畢,駕 . 圭,奏宣册,執事官跪宣讀。 左門入,至拜位跪,親王百官皆跪。 事官跪受,置案左。 位。 興。 奏四拜,皇帝及王以下皆四拜。 奏進寶,奉寶官以寶跪進。 皇太后陞座。 皇帝俯伏,興,由左門出,至拜位。奏四拜,傳唱百官同四拜。 奏搢圭,奏進册。 輿至丹陛。 奉册寶官以册寶由殿中門入,立於左。 皇帝受寶、獻訖,執事官跪受,置案右。奏 皇帝由左門入,至陛右,北向立。 奉册官以册跪進,皇帝受 册 親王 皇帝由 獻訖。 冕

表箋禮 座。 皇帝率皇后、皇妃、親王、公主及六尚等女官,行慶賀禮。 是日,皇帝奉皇太后謁奉先殿及几筵,行謁謝禮。 禮畢,皇太后還宮,服燕居冠服,陞 翌日,外命婦四品以上,行進

某氏等,恭惟皇太后陛下 宣 一德以後,儀同。 正統初,尊太皇太后儀同。天順八年二月增命婦致詞云:「某夫人妾 尊居慈極,永膺福壽。」弘治十八年上兩宮尊號,改皇太后致詞云:

「尊居慈闈,茂隆福 壽。

朝賀,命婦賀三宮,亦分日 嘉靖元年二月上尊號, 以 四宮行禮過勞,分爲二日。 又以武宗服制未滿,莊肅皇后免

上徽號, 志 第 = 自天順 + 九 二年正 醴 七 月奉皇太后始。 致詞云:「嗣皇帝臣,伏惟皇太后陛下,功德兼

成化二十三年,禮部具儀上,未及皇太子妃禮,特命增之。 陛下德同坤厚,允協徽稱,壽福無疆,輿情歡戴。」餘如常儀。 隆,顯崇徽號,永膺福壽,率土同歡。」命婦進表慶賀致詞云:「某夫人妾某氏等,恭惟皇太后 後上徽號及加上徽號,仿此。

校勘記

(二)舉殿上表案二人於西陛下東向 原脫「於」字,據太祖實錄卷二三吳元年十二月辛酉條補。 上

文同類句子都有「於」字。

文武侍從兩班於殿上東西文起居注給事中殿中侍御史尚寶卿武懸刀指揮東西向 太祖實錄卷

向。武官侍從班懸刀指揮在殿上之西,東向。」 二三吳元年十二月辛酉條:「文官侍從班起居注、給事中、殿中侍御史、尚寶卿在殿上之東,西

ヘミし **搢笏鞠躬三** 原脫「鞠躬」兩字,作「搢笏三」,據太祖實錄卷二三吳元年十二月辛酉條補。本志

下文大朝儀也作「搢笏,鞠躬三」。

帝由中門出御奉天殿 中門、原作「午門」,據世宗實錄卷一、明會典卷四五改。

晉咸寧注有晨賀晝會之分 下:歲寧注:「夜漏未盡七刻,謂之晨賀;晝漏上三刻,更出百官奉壽酒,謂之晝會。」據補: 原脫「晨賀」兩字。「晝會」是一事,不能稱「分」。晉書卷二一禮志

「公」有欽差官及外國人領敕 明會典卷四四作「遇有欽差官及外國人領敕」,有「遇」字。

旦朝會儀」改。

【七】 洪武元年十月定制 十月,原作「九月」,據太祖實錄卷三五洪武元年十月丁酉條「命禮官定正

明史卷五十四

志第三十

禮八 嘉禮二

册皇后儀 册妃嬪儀附 册皇太子及皇太子妃儀

册親王及王妃儀 册公主儀附 皇帝加元服儀

皇太子皇子冠禮 品官冠禮 庶人冠禮

册皇后儀

古者立后無册命禮。至漢靈帝立宋美人爲皇后,始御殿,命太尉持節,奉璽綬,讀册。皇

后北面稱臣妾,跪受。 其後沿爲定制,而儀文代各不同。 明儀注大抵參唐、宋之制而用之。

太祖初、定制。

凡册皇后,前期三日齋戒,遣官祭告天地、宗廟。 前一日,侍儀司設册寶案於奉天殿御

俱 西 向。 副使受制位於橫街之南,北向。設承制宣制官位於其北,設奉節奉册奉寶官位於其東北, 座前、設奉節官位於册案之東、掌節者位於其左、稍退、設承制官位於其南、俱西向。 設正副使受册寶褥位於受制位之北,北向。典儀二人位丹陛上南,贊禮二人位正

副使北,知班二人位贊禮之南,俱東西相向。百官及侍從位,如朝儀

前導,舉案者次之,樂作。出奉天門,樂止。 退,復位。副使受寶亦如之。樂作,正副使四拜。興,樂止。 執 御奉天殿。 立於正使之左。奉節官退。引禮引正使詣受册位,奉册官以册授正使,正使跪受,置於案。 北。掌節者脫節衣,以節授奉節官。奉節官以授正使,正使以授掌節者,掌節者跪受。興, 承制官宣制曰:「册妃某氏爲皇后,命卿等持節展禮。」宣畢,由殿西門入。 正副使俯伏,興。 止。承制官奏發皇后册寶、承制訖、由中門出、降自中陛、至宣制位、曰「有制」。正副使跪、 殿上、設權置册寶案於香案前、設女樂於丹陛。質明、正副使及百官入。鼓三嚴、皇帝袞冕 事者舉册寶案,由中門出,降自中陛。奉節官率掌節者前導,至正副使褥位,以案置於 是日早,列鹵簿,陳甲士,設樂如儀。 禮部官奉册寶,各置於案。諸執事官各人,就殿上位立。 內官設皇后受册位及册節寶案於宮中,設香案於 侍儀奏禮畢,駕興,百官出。 正使隨册,副使隨寶,掌節者 樂作,四拜。興,樂

掌節者加節衣,奉册寶官皆搢笏,取册寶置龍亭內,儀仗大樂前導,至中宮門外,樂作。

一三六八

訖, 以 天殿 奉制 皇后 皇后禮畢。」 設案上。 使監令,內使監令跪受,以授內官。 司 「有制 入,各置於案。 寶。 具九 横 授 授 皇后 尙 街 尙儀 內使監令。 南 儀 引 龍 又再 一册寶。 奏拜,皇后拜 禮 四 北 奏拜。 引 鳳冠,服緯衣,出閣,[]至殿上,南向立。 尙儀! 面 拜。 正 西 內使監 副 內使 引 正立, 皇后 給事 使及 皇后降陛,詣 監令跪 如 拜 內使監· 中奏聞,乃退。 令入告皇后 給事 前 樂作。 中 以授 內 一令俱 .使 立於正 副 庭中位立。 四拜 監 皇后,皇后跪受,以授司言。 ,出,復位。 就位。正 使授寶亦如之。 一令出 副 興, 使東北, 語 樂 使詣內使監 IE 內官奉册寶立於皇后 止 引禮 副 西向。 使前,稱「皇后受册 宣制訖, 引 各復位。 樂止,正 內 令前 正 外命婦 副 奉 稱 使再拜復 册內官以 內 副使奉 奉寶. .使 入就 册 之東 監 禮 如 禮 令 率 位。 使臣 册寶權置於門外所 前 册授 畢 西 命 儀。 某 日 奉 正 「奉制册 讀 册 使 使者退詣 内 受訖 副 册 使 奉 奉 使臣 內 監 寶 册 官 令 以 內 授 某, 內 奉 稱

叉 下,膺受册寶,正位 ,引外命婦班首一人,入就殿上賀位, 皇后 旣 受册寶 中宫。 八升座。 妾等不勝歡慶,謹· 引禮 引 內 命婦 如內 班首 奉賀。」贊拜 命婦儀。 一人,詣殿中賀位 禮 樂作。 畢俱出。 一跪,致 再拜,興,樂 皇后降 詞 座, 日: 片 樂作。 「茲遇 退,復位。 皇后殿 還閣,

氼 日, 百官上 表箋稱賀。 皇帝御殿受賀,如常儀。 遂卜日,行謁 廟 先遣官用牲牢

此

位於 訖 就位,北向立。 降輿,升重翟車。 中宮,皆如正旦宴會儀。 導,如來儀。 請詣盥洗位,盥手帨手,由東陛升,至神位前。 內外命婦各翟衣集中宮內門外。 拜位之東西,司賓位內命婦之北,司香位香案右。 行事,告以皇后將祗見之意。 扈從,宿衞陳兵仗前後導從。 一,導復位,贊拜如前。 廟門外及廟中,設內命婦陪祀位於廟庭南,外命婦陪祀位於內命婦之南。 過廟,鼓吹振作,皇后入宮。 命婦各就位,北向立。 鼓吹設而不作。 司贊奏禮畢,皇后出自廟之左門,命婦以次出。 皇后至廟門,司賓引命婦先入。皇后降車,司贊導自左門入, 前期,皇后齋三日,內外命婦及執事內官齋一日。 皇后具九龍四 尚儀陳儀衞,次外命婦,次內命婦,皆乘車前導。 司贊奏拜,司賓贊拜,皇后及命婦皆再拜, 是日,皇帝宴羣臣於謹身殿,皇后宴內外命婦於 司贊奏上香者三,司香捧香於右, 鳳冠,服褘衣。 陳盥洗於階東,司盥洗官位其所。 出內宮門,升輿,至外門外 皇后 沿 手 車, 司贊位皇后 興。 皇后三上 設皇后拜 命婦前 內使監 至日 司贊

讀。 然後御奉天殿,傳制皇后受册。 [拜位,行謝恩禮,樂作。 八拜,興,樂止。 禮畢。 皇帝還宮,率皇后具服詣奉先殿謁告畢。 及成祖卽位,册皇后徐氏,其制小異。 禮畢,翰林官以詔書授禮部官,禮部官奉詔書於承天門開 皇帝皮弁服御華蓋殿,翰林院官以詔書用寶訖, 皇后具服於內殿,俟皇帝升座。 次日,皇帝皇后受賀宴會,如前儀。 贊引女官導

謁

升 方氏,禮臣 期 止 年, 齋 ,皆如儀。 神座訖。 三日 增定親王於皇帝前慶賀,次詣皇太后慶賀,次詣皇后前八拜儀。 · 所司 具儀注,有謁告內殿儀,無謁告太廟世廟之禮,帝命議增。 皇帝奉高皇帝主,皇后奉高皇后主,出升神座。 次詣世 陳設如時於儀。 一廟行禮,同上儀。 至日,皇帝御輅,皇后妃御翟車,同詣太廟。 隆慶元年增定,頒詔次日,命婦行見皇后 迎神、上香、奠帛、祼獻,樂作 於是禮臣 嘉靖十三年册皇后 命官奉七廟主 以 儀 上。 先

嬪隨 宫。 太廟 + 文、銀册 御 告內殿 華 年 妃 一蓋殿, ·,(=) 九嬪 世 具 命 册妃之儀。 服 زار 卿等持節行禮。」但授册,無實,餘並 廟訖,易皮弁服,御 帝册 餘 候,皇后 迎於宮門外,隨 殺 傳制。 於皇 並 九嬪, 如 自洪 一妃五 率詣 至宣宗立孫貴妃,始授寶,憲宗封萬貴妃,始稱皇, 禮官上儀注。 武三年册孫氏爲貴妃,定皇帝不御殿,承制官宣制曰:「妃某氏,特封 奉先 分之一。 至 拜位。 殿 華蓋殿。 謁 二十年册德妃 告, 女官宣册, 先日,所司 及詣皇帝、皇后前謝恩,俱 百官公服入行 如中宮儀。 九嬪受册,先後 張氏。 陳設儀仗 禮。 以妃將就室,而帝方靜攝,不傳制,不 如朔望儀。 正 永樂七年定 副 八拜。 使朝服承制, 如 册 妃禮。 至期, 送節 非洪 册妃禮。 出宮 武之舊矣。 皇帝具袞冕,告 惟 舉 圭 門復 節 皇帝皮弁服 用 册 次 命。 至 孟 九 嘉 靖 嬪 九

册皇太子及皇太子妃儀

自漢 代始稱皇太子,明帝始有臨軒、册拜之儀。 唐則年長者臨軒册授,幼者遣使內册。

|朱惟用臨軒。|元惟用內册,不以長幼。

作。 儀。 升,就拜位四拜。長王恭賀曰:「小弟某,茲遇長兄皇太子榮膺册寶,不勝欣忭之至,謹率諸 下恭謝。」復四拜,禮畢。親王、世子、郡王俟於文華殿陛上。皇太子升座,親王以下由東陛 宮。皇太子詣內殿,侯皇后升座,行朝謝禮,四拜,恭謝曰:「小子某,茲受册命,謹詣母后殿 官持節復命,禮部官奉詔書赴午門開讀,百官迎詔至中書省,頒行。侍儀奏禮畢,駕興,還 跪,贊宣册。宣畢,贊搢圭,贊授册。皇太子搢圭,跪受册,以授丙侍。復贊授寶,如授册 作,由東階升至丹陛位,樂止。百官各就丹墀位。 御謹身殿,皇太子冕服俟於奉天門。 殿中門出,立於門外,曰:「有制。」皇太子跪。宣制曰:「册長子某爲皇太子。」皇太子俯伏, **贊出圭,皇太子出圭,俯伏,興,由殿東門出。執事官舉節册寶隨出。皇太子復位,樂** 四拜興、樂止。由東階降、樂作。至奉天門、樂止。儀仗、鼓樂迎册寶至文華殿。持節 明 興定制,册皇太子,所司陳設如册后儀。 再拜,樂止。引禮導皇太子由殿東門入,樂作。 。外辦,皇帝升奉天殿,引禮導皇太子入奉天 。樂作,皇太子再拜,興,樂止。承制官由 設皇太子拜位於丹陛上。 內贊導至御座前,樂止。內贊贊 中嚴,皇帝袞冕 東門。

拜出。 弟詣 **二拜,諸兄西向立受。次日,百官進表箋慶賀,內外命婦慶賀中宮,如常儀。** 殿下稱賀。」賀畢,皆四拜。皇太子興,以次出。 是日,皇太子詣武英殿見諸叔,行家人禮,四拜,諸叔西向坐受。 諸王詣中宮四拜,長王致詞賀畢,皆四 見諸兄,行家 乃擇日,太子 人禮,

謁太廟

年以册立皇太子禮成,文武官分五等,賜綵緞有差。 羣臣表請立太子。 宮,以梓宮在殯,樂設而不作。 姆代四拜。 文華殿門,詣皇帝前謝恩,皇后、貴妃代太子八拜。詣皇后前,貴妃代八拜。 上帝,詣太廟告皇祖,自北郊及列聖宗廟以下皆遣官。 天地、宗廟,受册寶畢,先詣太廟謁告,後至奉天殿謝恩,乃入謝中宮。 二十二年十月册東 洪武二十八年,皇太子、親王俱授金册,不用寶。永樂二年定,先三日齋戒,遣官祭告 餘如常儀 三年二月行禮,以太子尙幼,乃命正、副使授册寶於文華門。 奉先殿行禮畢,仍詣几筵謁告。 嘉靖十八年二月册東宮,帝詣南 時太子方二歲,保姆奉之,迎册寶於 宣德二年十一月,皇子生, **詣貴妃前**,保 成化十一 郊告

拜位,贊跪,妃跪。 **圭**,受册訖,以授女官。 其皇太子妃受册,與皇太子同日傳制。 **贊宣册,女官跪** 女官跪受,捧立。 取册,立宣畢。 贊出圭,興,四拜。 節册將至內殿,妃降自東階,迎置於案。 **贊授册,贊搢圭。女官以册授妃,** 禮畢,內官持節出,妃送至殿 妃搢

志第

入謝 外,正副使持節復命。 王妃、公主、郡主及外命婦,於丹墀拜賀如儀。 恩,行 八拜禮。 又詣各宮皇妃前,行四拜禮。 是日,妃具禮服詣奉先殿行謁告禮。 還宮,詣皇太子前,亦四 隨詣宮門,俟皇帝、 拜。 禮畢,升座, 皇后升座,

册親王及王妃儀

漢 册親王於廟。 唐臨軒册命,禮極詳備。 |朱有册命之文,皆上表辭免,惟迎官誥還第

沅亦降制命之,不行册禮。

明洪武三年定制,册命親王,先期告宗廟,所司陳設如册東宮儀。

樂作。 册寶置綵亭訖,贊拜,樂作。 **贊授册,捧册官以册授讀册官,讀訖,以授丞相。丞相授王,王搢圭受,以授內使。** 官承制如儀,諸王皆跪,宣制曰:『封皇子某爲某王,某爲某王。」宣畢,諸王俯伏,興。 入,內贊導至御前,侍立位。親王入至丹陛拜位,樂止。 上儀。訖,王出圭,俯伏,興。 至日,皇帝御奉天殿,皇太子、親王由奉天東門入。 再拜,興,樂止。 引禮導王由殿東外入,樂作。內贊引至御座前拜位,樂止。 諸王皆四拜,興,樂止。內使舉亭前行,親王由東階降,樂作。 引禮導王出,復位。以次引諸王入殿,授册寶如儀。 樂作,升自東陛。皇太子由殿東門 **贊拜,樂作。再拜,興,樂止。** 授寶如 內使以 贊拜, 王跪

幼 出 ,則遣官齎册寶授之。 奉天東門,樂止。 禮部尚書請詔書用實,赴午門開讀。 丞相承制至王所,東北立,西南向,宣制。 禮畢,皇帝還宮,皇太子出。王年 最幼者行保抱之禮

禮。 等,茲遇親王殿下榮膺册寶,封建禮成,無任欣忭之至。」賀畢,丞相及百官復 是日,親王朝謝皇后、太子,與東宮受册朝謝同。 百官詣親王賀,亦行 四拜禮。 丞相至殿上跪, 文武官於庭中。 親王各自行賀,幼者詣長者, 丞相致詞曰:「某官某 四拜 行四 拜

國, 長,而齊、潭、趙、魯四王方幼,故兼具其制。 皇后殿下稱賀。」是日,百官及命婦各賜宴。 宮、東宮,如東宮受册儀。 謹詣父皇陛下稱賀。」賀中宮,致詞曰:「謹詣母后殿下稱賀。」百官進表箋賀皇帝及中 次日,皇太子冕服於奉天殿朝賀皇帝。 內外命婦賀中宮,致詞曰:「妾某氏等,茲遇親王受封建國, 太子致詞曰:「長子某, 靖江王則 擇日,諸王謁太廟。 以親王封,故視秦、晉儀 時秦、晉、燕、楚、吳五 茲遇諸弟某等受封 恭詣 王皆 建

中,改於孟春,著爲令。 親告奉先殿,遣使就各王府册之,罷臨軒禮。 始立庶長子爲王世子,襲封。朝廷遣人行册命之禮。 凡王世子必以嫡長,王年三十,正妃未有嫡子,其子止 二十八年定制,親王嫡長子,年十歲,授金册寶,立爲王世子。 册王妃與册太子妃儀同。 而諸王當襲封者,俱於歲終遣官册封。 成化末,封興、岐、益、衡、雍五王,帝 爲郡王。 待王與正妃年五十 次嫡及庶子皆封 無嫡 郡王。

郡君,曾孫女曰縣君,玄孫女曰鄕君。郡主以下,受誥封,不册命。 凡皇姑曰大長公主,皇姊妹曰長公主,皇女曰公主,親王女曰郡主,郡王女曰縣主,孫女曰 皇帝、皇后升御座,遣使捧册傳制如儀。 册公主儀。 洪武 九年七月命使册公主。 使者至華蓋殿,公主拜受,其儀略與册太子妃同。 設册案於乾清宮御座之東南,册用銀字鍍金。

皇帝加元服儀

古者冠必於廟,天子四加。 魏以後始冠於正殿,又以天子至尊,禮惟一加,歷代因之。

明洪武三年定制。

中,其南設冕服案及香案寶案。侍儀司設太師、太尉起居位於文樓南,西向,設拜位於丹墀 內道、設侍立位於殿上御席西、設盥洗位於丹陛西。其百官及諸執事位次如大朝儀。 太師,某官攝太尉。旣卜日,遣官告天地、宗廟。前一日,內使監令陳御冠席於奉天殿正 先期,太史院卜日,工部製冕服,翰林院撰祝文,禮部具儀注。中書省承制,命某官攝

警蹕奏樂如儀。 **贊拜,樂作。四拜,興,樂止。** 是日質明,鼓三嚴,百官入。皇帝服空頂幘、雙童髻、雙玉導、絳紗袍,御輿以出。 皇帝升座。鳴鞭報時訖,通班贊各供事。太師太尉先入,就拜位,百官皆 引禮導太師先詣盥洗位,搢笏盥帨訖,出笏,由西陛升。 侍衞

內贊 (接引至御席西)東向立。 引禮復導太尉盥帨訖,入立於太師南。

卿,光 設 俯 禮 帝受,祭 就 目 冠 日 御 凝 伏,興 導 加 始 甘醴惟厚、嘉薦 座,內贊贊進體,樂作。 至丹 畢,出笏,興,退立於西。 侍 簪 祿 加元 儀 少許 ,樂作。 卿受盞退。 纓訖,出笏,興,退立 墀 奏請 服。 拜位,樂止。 ,啐酒訖,以虛盞 加 壽考維 元 復 服。 四 太師 令芳。 拜 祺, 、樂止 太尉 贊 出 拜 笏 承天之休,壽考不忘。」祝訖,跪授內 以介景福。」內使監 於西。 詣皇帝前,少右, 太師詣御 ,樂作。 ,退,復位。 授內使,樂止。 太師前、北 御用監令奏請皇帝著袞服,皇帝興,著袞服。 前 太師太尉及文武官皆四 向立。 北 內贊導太師太尉 面 立,光祿卿奉酒進 內使受盞降,授太 跪搢笏。 令捧冕, 內使監令取冕立於 脫空頂幘以授內使,置 跪授太師。 出殿 拜,興,樂止。 西門, 師。 使。 授太師, 左,太師 太 太師搢笏,跪 內 樂作,降自 師 使跪受酒,捧進。 太師搢笏受酒 受盞興,以授光祿 视 曰:「令月吉 舞 一於箱。 受冕。 侍儀奏請 蹈,山呼, 西 階。 進櫛 引 祝 皇 加

后 如 禮 Œ 畢 日 儀。 皇帝 興, 擇 日 鳴鞭, 謁 太 廟,與 樂作。 時 祭同 入宮,樂止。 明 日 百百 百官出。 官 公服 稱賀,賜宴 皇帝改服通 謹 天冠、絳紗袍, 拜謁太 身 殿

萬 行 層 冠 禮 \equiv 一三加 年 正月,帝 稱 尊 ¨, 執 擇 日 爵 長 而 髮, 酳 命 禮 鉅 禮 部 既成 具儀 一。 大 ,可略其細,不必命部 學 士 張 居正 等言:「禮 臣 擬 重 議 冠 婚,皇 第先 F 期至奉先 前 在東

志

第

Ξ

+

醴

八

殿 、弘孝殿 、神霄殿以長髮告。 禮畢,詣兩宮皇太后,行五拜三叩頭禮,隨御乾淸宮受賀。

帝是之,遂著爲令。

皇太子皇子冠禮

年始行之。 書費

寀初皆難之,後遂阿旨以爲可行,而請稍簡煩儀,止取成禮。 年,近則十二,遠則十五。嘉靖二十四年,穆宗在東宮,方十歲,欲行冠禮。 也。」「雖天子之元子,猶士也。」其禮歷代用之。 禮曰:「冠於阼,以著代也。 **醮於客位,三加彌尊,** 明皇太子加元服,參用周文王、成王冠禮之 加有 成也。 帝以冠當具禮,至二十八 已冠而字之,成人之道 大學士嚴嵩、尚

其儀,洪武元年定。

旣卜日,遣官告天地宗廟。前一日,陳御座香案於奉天殿,設皇太子次於殿東房,賓贊 前期,太史監卜日,工部置袞冕諸服,翰林院撰祝文。中書省承制,命某官爲賓,某官

次於午門外。

張帷幄於東序內,設褥席於帷中,又張帷於序外。

御用監陳服於帷內東,領北上。

袞服九 質明,執事官設罍洗於東階,設皇太子冠席於殿上東南,西向,設醴席於西階上,南向,

醴席之南。設坫於尊東,置二爵。進饌者實饌,設於尊北。 章、遠遊冠、絳紗袍、折上巾、緇纚犀簪在服南,櫛叉在南。 司尊實體於側尊,加勺冪,設於 諸執事者各立其所。

樂止。侍儀司跪承制,降至東階,詣賓前,稱有敕。 冠,命卿等行禮。」皆俯伏,興,四拜。文武侍從班俱就殿內位,賓贊執事官詣東階下位。 鼓三嚴,文武官入。皇帝服通天冠、絳紗袍,升座如常儀。 賓贊及在位官皆跪。 賓贊就位,樂作。 宣制曰:「皇太子 四拜興,

進冠結紘,內侍跪進服,如前儀,樂止。 服,樂止。賓揖皇太子復坐。又詣罍洗,贊脫冠,執事者奉袞冕進,賓降三等受之,樂作。 事者奉遠遊冠進,賓降二等受之,樂作,進冠如前儀。贊進前,北面跪,簪結紘,內侍跪進 南北面立。贊冠者進席前,北面跪,正冠,興,立於賓後。內侍跪進服,皇太子興,服訖,樂 折上巾進,賓降一等受之。右執項,左執前,進太子席前,北面祝畢,跪冠,樂作。賓興,席 即席西南向,樂止。賓贊以次詣罍洗,樂作。 賓揖皇太子復坐。賓贊降,詣罍洗訖,贊進前跪,脫折上巾,置於箱,興,以授內侍。 東宮官及太常博士詣殿前東房,導皇太子入就冠席,二內侍夾侍,東宮官後從,樂作。 **搢笏,盥帨,出笏,樂止。 升自西階,執事者奉** 執

訖, **贊冠者取**爵、盥爵、帨爵, 詣司尊所酌醴, 授賓。 賓受爵, 跪進於皇太子。 太常博士導皇太子降自東階,樂作。 由西階升,卽醴席,南向坐,樂止。 **祝畢**,皇太子 賓詣罍洗盥帨

志

各復 拜禮畢,皇帝興。 敕。 此。 搢 主,跪受爵,樂作。 \拜位。賓贊詣皇太子位稍東,西向。賓少進字之辭曰:「奉敕字某。」皇太子再拜,跪聽宣 復再拜,與。 徹舒與饌。 博士導皇太子降自西階,至殿東房,易朝服,詣丹墀拜位,北向。 內給事導皇太子入內殿,見皇后,如正旦儀。明日謁廟,如時享禮。 進御前跪奏曰:「臣不敏,敢不祗承。」奏畢,復位。 飲訖,奠爵,執圭。進饌者奉饌於前,皇太子搢圭,食訖,執圭,興,樂 侍立官並降殿復位,四 東宮官屬 叉明

成化十四年續定皇太子冠禮。

日,百官朝服詣奉天殿稱賀,退易公服,詣東宮稱賀,錫宴。

張帷幄,陳 先日,設幕次於文華殿東序,設節案、香案、冠席、醴席、盥洗、司尊所等,具如儀。 內侍

袍服、皮弁服、袞服、圭帶、舄、翼善冠、皮弁、九旒冕。

儀,惟 官導皇太子詣香案前,樂作。 幄,易袍服 辰,乃加元 章服咸加,飭敬有虔。 質明,皇帝御奉天殿傳制,遺官持節。 民之式。」 服。 出 啓復 冠畢, 懋敬是承,永介景福。」樂作。賓跪進冠,興,樂止。 坐。 入幄, 行再 永固皇圖,於千萬年。」冠畢,入幄,易衰服出,啓復坐。 加冠禮。 易皮弁服爲出, 四拜,樂止。 內侍奉皮弁,賓祝曰:「冠禮申 皇太子迎於文華殿門外,捧入,置於案,退。禮部 行初加冠禮 啓復坐。 行三加冠禮。 內侍奉翼善冠,賓祝曰 禮部官啓易服,皇太子入 舉,以成令德。 內侍 奉冕旒, . :「吉月令 賓祝曰 敬愼威

作。 戒。 案,樂止。光祿寺官進饌,樂作。 太子跪,宣敕戒曰:「孝事君親,友于兄弟。 執爵詣席前,樂止。 子搢圭,受爵,置於案。 皇太子降階,樂作。 賓贊等官持節復命,餘如舊儀。 四拜興、樂止。 行 離禮,皇太子詣醴席,樂作。即坐,樂止。 持節官捧節出,樂作。 賓祝曰:「旨酒孔罄,加薦再芳。 教坊司作樂,奏喜千春之曲。 至拜位,樂止。 至案,樂止。饌訖,出圭,徹案,賓贊復位。 是日,皇太子詣皇太后、皇帝、皇后前謝,俱行五拜三 宣敕戒官詣皇太子前稍東,西向立,曰「有制」。 親賢愛民,居仁由義。 皇太子送節至殿門外,還東序。 光祿寺官舉醴案, 樂作。 受天之福,萬世其昌。」賓跪進爵,皇太 次啓進酒,皇太子舉爵飲訖,奠爵於 毋怠毋驕,茂隆萬世。」樂 贊酌 醴授賓,賓 内侍導還宮,樂 鳴贊贊受敕 皇

禮。 富貴。」其陳設執事及傳制謁謝,並如皇太子儀。 景福,百世其昌。」敕戒詞曰:「孝于君親,友于兄弟。 曰:「冠至三加,命服用章。 加,進翼善冠,祝詞曰:「冠禮斯舉,實由 成化二十三年,皇子冠之次日,各詣奉天門東廡序坐,百官常服四拜。 皇子冠禮。 初加, 進網巾, 祝詞曰:「茲惟吉日, 冠以成人。 克敦孝友, 福祿來駢。」再 敬神事 上,永固藩邦。」酌醴祝曰:「旨酒嘉薦,載芬載芳。 成德。 敬愼威儀,維民之則。」三加,進袞冕, 初,皇子冠之明日,百官稱賀畢,詣王府行 親賢愛民,率由禮義。 毋溢毋驕,永保 受茲 祝詞

叩頭禮,用樂。

明日,皇帝及皇太子受羣臣賀,如儀。

萬曆 二十九年,禮部尙書馮琦言:「舊制皇太子冠,設冠席、醴席於文華殿內。 今文華

殿爲皇上 臨御遣官之地,則皇太子冠醴席,應移於殿之東序。 叉親 王 冠,舊設席於皇極門

之東 廡。 今皇太子移席於殿東序,則親王應移席於殿 西序。」從之。

永樂九年十一月命皇太子嫡長子爲皇太孫,冠於華蓋殿,其儀與皇太子同。

品官冠禮

古者男子二十而冠,大夫五十而後爵,故無大夫冠禮。 唐制,三加, 一品之子以袞冕,

逮九品之子以爵弁、皆倣士禮而增益之。

明洪武元年定制,始加緇布冠,再加進賢冠,三加爵弁。

外之右,南向。 其儀,前期擇日,主者告於家廟,乃筮賓。 至日,夙興、設洗於阼階東南,東西當東霤、六品以下當東榮,南北以堂深。 前二日,戒賓及贊冠者。 明日,設次於大門

罍水在洗束,加勺幂。 篚在洗西南。 肆實巾一 於篚,加冪。 設席於東房西牖 下 , 陳服於席

設箧無坫,饌陳於坫 東,領北上。 莞筵四,加藻席四,在南。 北。 設洗於東房,近北。 侧尊甒體在服北,加勺幂,設站在尊北。 罍在洗西, 篚在洗 東北、肆實 以 巾 四品以下

質明,賓贊至門外,掌次者引之次。 賓贊公服,諸行事者各服其服,就位。冠各一 笥,人

洗, 陞自西階, 入於東房, 立於主贊冠者之南, 西面。主贊冠者導冠者立於房外之西, 南面。 **寳贊冠者取纚櫛簪,跪奠於筵南端,退立於席北,少東,西面。** 辭,乃陞。主者自阼階,立於席東,西向;賓自西階,立於席西,東向。 賓贊冠者及庭,盥於 **贙冠者,贊冠者報揖。又揖賓,賓報揖。主者入,賓贊次入,及內門至階。主者請陞,賓三** 鳥皮履,六品以下,導不以玉,立於房中,○ā南面。主者、贊冠者公服立於房內戶東,西面。 「某子有嘉禮,命某執事。」 儐者入告,主者迎賓於大門外之東,西面,再拜,賓答拜。 主者揖 賓及贊冠者出次,立於門西,東面北上。 儐者進受命,出立門東,西面,曰:「敢請事。」賓曰: 尊者在別室。儐者公服立於門內道東,北面。冠者雙童髻、空頂幘、雙玉導、綵褶、錦紳、 者東北,西面。主者公服立於阼階下,當東序,西面。諸親公服立於罍洗東南,西面北上。 執之,侍於西階之西,東面北上。設主席於阼階上,西面,設賓席於西階,東面,冠者席於主

冠。興,復位。賓贊冠者進筵前,東面跪,結纓,興,復位。冠者興,賓揖之適房,賓主皆坐。 冠者衣青衣素裳出戶西,南面立,賓主俱興。賓揖冠者,冠者進升席,西向坐。 賓贊冠者跪, 興,復位立。賓降至罍,洗盥訖,詣西階。主者立於席後西面,賓立於西階上,東面。執緇 布冠者升,賓降一等受之,右執項,左執前,進冠者筵前,東向立。 祝用士禮祝詞,祝畢,跪 **賓揖冠者,冠者進升席,西向坐。賓贊冠者進筵前,東面跪,脫雙童髻,櫛畢,設繩,**

祝畢 脫 **贊冠者,設簪結纓如前。** 緇布冠,櫛畢,設繩。 ,跪冠,興,復位。 賓贊冠者跪,脫進賢冠,櫛畢,設羅。 賓進進賢冠, 立祝, 如初加禮。 冠者適房,著爵弁之服出。 主贊冠者徹纚櫛及筵,入於房。 易「萬年」爲「永年」,易「胡福」爲「遐福」。 賓進爵弁,立祝,如再加 賓

則使人 輝於薦· 拜。 西以 揖 冠 祭。 執饌者進饌於筵,冠者左執觶,右取脯,祭於籩豆間。 者就筵西,南面立。 又設筵於室戶西,南向。 / 受脯 東。 冠者 於西階下。 興,進,北面跪 坐取觶,祭醴,奠觶,再拜,賓答拜。 賓受體,進冠者筵前,北 取脯、降自西階。 冠者出房戶西,南面立。 入見母,進奠脯於席前。 面立。祝畢,冠者拜受觶,賓復西階 冠者執觶興,賓主俱坐。 主贊洗觶於房,酌醴出,南面 贊者取胏一 退,再拜出。 以授冠者,奠觶於薦 冠者升筵,跪奠 母不在, 立。 上答 賓

者送於內門外,西向 於西階 初 東,南 ,冠者入見母,賓主俱興。 面 賓 . ,請禮從者。 、少進字之,辭同 賓降,當西序東面立,主者降,當東序西面立。 賓就次,主者入。 士 禮 冠者再拜,跪曰:「某不敏,夙夜祗承。」 冠者出,立 賓出,主

諸尊於 出揖賓,賓報揖。 初 別室,亦如之。 , 賓出, 冠者東 主者先入,賓及衆賓從之。 面 賓主旣釋服,入醴席,一 見諸親 ,諸親拜之, 冠者答拜。 至階,賓立於西階上,主者立於東階上,衆賓 獻訖,賓與衆賓出次,立於 冠者西向拜賓贊, 門東, 賓贊亦答拜。 西 面 主者 見

儀亦如之。 大門外,西面,再拜而入。 立於西階下。 明日見廟,冠者朝服入南門中庭道西,北面再拜出。 主者授幣篚於賓贊,復位,還阼階上,北面拜送。 孤子則諸父諸兄戒賓。冠之日,主者紒而迎賓,冠於阼階下,其 賓贊降自西階,主者送賓於

庶人冠禮

古冠禮之存者惟士禮,後世皆推而用之。明洪武元年詔定冠禮,下及庶人,纖悉備具。

然自品官而降,鮮有能行之者,載之禮官,備故事而已。

凡男子年十五至二十,皆可冠。將冠,筮日,筮賓,戒賓,俱如品官儀。

主人立於阼階下,諸親立於盥東,儐者立於門外以俟賓。冠者雙紒袍,勒帛素履待於房。 席二在南、酒在服北次。幞頭巾帽,各盛以盤,三人捧之,立於堂下西階之西,南向東上。 是日,夙興,張幄爲房於廳事東,皆盛服。設盥於阼階下東南,至陳服於房中西牖下。

東向。 立於阼階下。賓盥,主人揖讓,升自西階,復位。執事者進巾,賓降一等受之,詣冠者席前, 頭,置於席南端。賓揖冠者,卽席西向坐。贊者爲之櫛,合紒施總,加幧頭。賓降,主亦降, 賓至,主人出迎,揖而入。坐定,冠者出於房,執事者請行事。賓之贊者取櫛總箆幧 祝詞同品官。 祝訖,跪著巾。 興,復位。 冠者興,賓揖之入房,易服,深衣大帶,出就

冠席。 服,襴衫要帶,出就冠席。 賓盥如初。 執事者進帽,賓降二等受之。 進祝,跪,冠訖,興,復位。 揖冠者入房,易 賓魁如初。 執事者進幞頭,賓降三等受之。進祝,跪,冠訖,興,

復位。

揖冠者入房,易公服出。

祠堂,再拜出。 再拜。 退,主人請禮賓,固請,乃人,設酒饌。 者拜父母,父母爲之起。拜諸父之尊者,遂出見鄉先生及父之執友。 西向立。賓受醴,詣席前北面祝。 執事者徹冠席,設體席於西階,南向。 贊者酌體出房,立於冠者之南。 賓揖冠者卽席, 賓答拜。 冠者離席,立於西階之東,南向。 冠者拜受,賓答拜。執事者進饌,冠者卽席坐,飲食訖, 賓退,主人酬賓贊,侑以幣。 賓字之,如品官詞。 禮畢, 先生執友皆答拜。 冠者拜,賓答拜。 主人以冠者見於 賓 冠

校勘記

出閤 據大明集禮卷一九,將后妃居處作「閣」 閣,原作「閣」、「閣」、「閣」通,本書中二字錯出。爲别於外廷以閣爲名之機構如内閣等,今 」者,統改成「閤

嘉靖十年 十年,原作1十一年了,據本書卷一一四后妃傅、明會典卷四六改。

童髻」到「導不以玉」都作小注,正文爲「將冠者立於房内」。又「綵褶」,明會典作「綵袴褶」。

立祝如初加禮易萬年爲永年易胡福爲遐福 按本段上文「祝用士禮祝詞」, 即指儀禮士冠禮祝詞, 有

「眉壽萬年,永受胡福」句。此處小注,卽承兩句祝詞改易四字。今上文不引祝詞,

則此小注無

着落,應爲衍文。

八五 三 設盤於阼階下東南 盥,原作「冠」,據太祖實録卷三三洪武元年十一月丙寅條、明會典卷六六

改。

明史卷五十五

志第三十一

禮九 嘉禮三

品官婚禮 東宮出閤講學儀 天子納后儀 庶人婚禮 皇太子納妃儀 諸王讀書儀 皇帝視學儀 親王婚禮 經筵 公主婚禮 日講

天子納后儀

婚禮有六,天子惟無親迎禮。漢、晉以來,皆遣使持節奉迎,其禮物儀文,各以時損益

明興,諸帝皆卽位後行册立禮。 正統七年,英宗大婚,始定儀注。

大樂 如儀。 凡納采問名,前期擇日,遺官告天地宗廟。至期,設御座、制案、節案、鹵簿、綵輿、中和 禮部陳禮物於丹陛上及文樓下。質明,皇帝冕服陞座,百官朝服行禮訖,各就

志第

於 行 位 由 制 北 奉 日 主 正 皇后 門中 奺 副 選 使 第。 菛 某官某女 朝 服 出 第 四 中設使者幕 [拜,執 正副 爲 皇后 使取節及制書置綵輿中,儀仗大樂前 事舉制案、節案,由中門出, 次於大門外左,南向,設香案於正堂,設制、節案於南 命卿等持節 行納 采問名禮。」正 禮物隨之,俱置 副 導, 使 出 四拜, 大 一丹陛 明門。 駕 中道。 興。 釋 舉 朝 傳制 制 · 別設 服 乘 節 官宣 案 案 馬

伏承 案 宣訖, 之義 先臣某官某之孫,先臣某官某之外孫。 者 道,大倫之本。 前 於 捧 東 上 跪 稍 制 嘉 使者至,引禮導入幕 實 授 主婚朝 書 右。 命 IE 以 主 ٠. 使 及 相宗祀 婚 節 取 正 主婚者 服 者 納采 使某官 ,主婚者隨至堂, 正 出,立於西。 o 位乎內, 之敬,協奉養之誠,所資惟 主婚 俯伏, 制,宣曰 某等,重 者授執 興。 次,執事官陳禮物於正堂。 必 「朕承天序,欽紹 禮官日 資 宣制 執 事者, 置 名家 事 制 舉 詔 書及節 置於 表 奉 問 特遣使持 案,以表 臣 臣 制 北 女今年若干, 名 於案。 建后 案 重 族。 鴻 一。祗 上稍 授主 圖 節 遵 遣使行納 臣 正副 以 左。 一婚者。 聖 女, 使者出次,奉制書於案。 經 禮 母 或 問 使分立案左右。 謹具奏聞。」主婚者俯伏,興,退四 副 臣 皇太后命,遣 之道,正 名,尚佇來聞 使 夫 主婚 采問 取 婦婦 問 所 名禮 者 一家爲 名 生, 跪 制 授 使持節、 本。 先臣某官 宣宣 引 正 主 宣 百三 使, 主 一婚者 夫婦之倫 訖 婚者 以以 表 禮官先入,立 · 股惟 , 授 四 某之 日 禮 出 拜, 如 迎。 采 夫婦之 臣某, 曾孫 前 乾 詣 擇。 案 坤 使

者出, 使者出,置 主婚者送至大門外。 表綵輿中。 主婚者前曰:「請禮從者。」 使者隨綵輿入大明門左門,至奉天門外,以表節授司禮 酒饌畢, 主婚者捧幣以勞使者。 使

復命。

遣 官入,主婚者出迎,執事舉玉帛案,正使捧納吉、納徵制書,副使捧告期制書,執節者捧節 使 敬 以次入,各置於案。 玉帛案。 曰 取 使 循 「「茲聘某官某女爲皇后,命卿等持節行納吉、納徵、告期禮。」皇后第,陳設如前,惟更設 以禮納徵。」宣訖,授主婚者。正副使又捧圭及玄纁以授主婚者, 禮 制書,宣曰:「歲令月良,吉日某甲子,大婚維宜。特遣使持節,以禮告期。」宣訖,授如前 主 次 一婚者 典,遣使持節告吉。」又宣曰:卿女有貞靜之德,稱母儀之選,宜共承天地宗廟。 、納吉、納徵、告期,傳制遣使,並如前儀。 使者至,以制書、玉帛置案上,六馬陳堂下。執事先設皇后冠服諸物於正堂。 四拜,使者持節出,主婚者禮使者,使者還,復命 主婚者四拜,指案前跪。正使取制書,宣曰:「大婚之卜,龜筮師士協從 但納徵用玄纁、束帛、六馬、穀圭等物,制詞 如 初 俱 如 前儀。 特 副

綵 門 輿 次 中 外。 發册 -, 隨詣 奉迎 制 詞 皇后 一所司 曰:「茲册某官某女爲皇后,命卿等持節 陳設 至門,取制書册寶置案上。 如 前儀。 禮 部 陳雁 及禮 物於 禮官先入,主婚者朝服 丹陛上,內官監陳皇后鹵簿車輅於 奉册寶,行奉迎禮。」正副 出 使以 一册寶

志

第

制册后,遣使持節奉册寶,行奉迎禮。」主婚者出迎。執事者舉案前行,使者捧制書及節, 者 以雁 及禮物從之。 至堂中,各置於案。 使者左右立,主婚者四拜,退立 於 、西南

宣 使者 如 册 了皇后 前 以節 儀。 主婚 女官以· 如宣 册 主婚 者詣案前跪。 一册儀。 寶授司禮監官,內贊導入中堂。 九龍四 宣册官宣訖,以授皇后。 者興,使者四拜出。 贊出主,贊興,四拜訖,皇后入閤。 司 鳳冠褘衣進皇后。 正 使取奉迎制宣訖,授主婚者。 主婚者禮使者 皇后搢圭,受册, 內官陳儀仗於中堂前,設女樂於堂下,作止 皇后具服出閣,詣香案前,向闕立, 如初。 禮監官持節出,授使者,報受册 以授女官。 副 使進雁及禮物。 女官跪受, 主婚者皆跪受, 立於西。 四拜。 如 常儀 寶禮 贊

儀仗 退。 向, 由 東階降迎於庭,揖皇后入內殿。 正 夙 女 皇 女官 夜 副 「戒之敬之, 樂前 后 無違 使隨,次司 奏請 至 導,進 午門外,鳴鐘鼓, 一。」退立於 皇后出閤。 奉天門。 禮監官擁導,從大明門中門入。 夙夜 一西階。 無違。」退立於東階。 自東階下,立香案前,四拜。 至 鹵 內執 內庭幕 簿 此 帝詣 事 次, 請 正副 更服處, 乘輿,皇后降階升輿。 司 禮 使以節 監 母進,立於西,東向,施衿結帨,曰:「勉之敬 以册寶授女官。皇后 具袞冕。 授司 百官朝服於承天門外 陞堂,南向立。 禮 監,復命。 后詣更服處,更禮服 導從出,儀仗大樂前 出 捧 「輿,由 主婚者進立於東,西 册 班 寶官 迎, 西 階 捧 候 進。 册 同詣奉先 輿 行,次綵 寶,二 入,乃

執 酌酒,合和以進。 旣飲,又進饌畢,興,易常服。 殿,行謁廟禮。 事者舉饌案於前,女官取四金餌,酌酒以進。旣飲,進饌。復進酒、進飯訖,女官以兩卺 祭畢,還宮。合卺,帝更皮弁,陞內殿。 帝從者饄后之饌,后從者饄帝之饌。 后更衣,從陞。 各陞座, 東西相向。

退立 尙 禮 華蓋殿,親王八拜,次執事官五拜,遂陞奉天殿,百官進表,行慶賀禮。是日,太后及皇后各 次各監局內官內使,行八拜禮。是日,皇帝御奉天殿,頒詔如常儀。四日早,皇帝服袞冕御 官導后、禮服詣帝前、行八拜禮。后還宮、陞座。引禮導在內親屬及六尚等女官、行八拜禮、 拜。 帝后皆四拜。三日早,帝冕服,后禮服,同詣太后宮,行八拜禮。還宮,帝服皮弁,陞座。女 膳監 服陞座。親王入,八拜出,次內外命婦慶賀及外命婦進表箋,皆如常儀。 於西南。 執事舉案至,宮人以腶脩盤授后,后捧置於案。女官舉案,后隨至太后前,進訖,復位。 次日早,帝后皆禮服,侯太后陞座。帝后進座前。宮人以腶脩盤立於后左,帝后皆四 具膳脩。皇后禮服詣太后前,四拜。尙食以膳授皇后,皇后捧膳進於案,復位,四拜, 俟膳畢 一,引出。 五日行盥饋禮,

皇太子納妃儀

歷代 之制 與 納 后同。 隋、唐以後,始親迎,天子臨軒醮戒。 宋始行盥饋禮,明因之。

志

第三

洪武元年定制,凡行禮,皆遣使持節,如皇帝大婚儀

出告,使者入,陳禮物於庭,宣制曰:「某奉詔采擇。」奠雁禮畢,使者出。儐者復詣使者前曰: **儐者入告,主婚者曰:「臣某之子,昧於壼儀,不足以備采擇。 恭承制命,臣某不敢辭。」 儐者** 曰:「臣某奉詔問名,將謀諸卜筮。」主婚者曰:「臣某第幾女,某氏出。」 「制以臣某之女,可以奉侍儲宮,臣某不敢辭。」儐者出告。使者復入,陳禮奠雁如儀,宣制 出、詣使者前曰:「敢請事。」使者曰:「儲宮納配、屬於令德。 「敢請事。」使者曰:「儲宮之配,采擇旣諧。〔三將加卜筮,奉制問名。」 儐者入告,主婚者曰: 納采、問名。制曰:「奉制納某氏女爲皇太子妃,命卿等行納采問名禮。」 至妃第,儐者 邦有常典,使某行納采之禮。」

者曰:「臣某之子蠢愚,懼弗克堪。卜筮云吉,惟臣之幸,臣謹奉典制。」 儐者出告。 使者入, 陳禮奠雁如儀,宣制曰:「奉制告吉。」 次納吉。儐者請事如前,使者曰:「謀諸卜筮,其占協從,制使某告吉。」儐者入告,主婚

又次納徵。 儐者出告,使者入陳玉帛禮物,不奠雁,宣制曰:「某奉制告成。」

叉次請期。 辭曰:「詢於龜筮,某月某日吉,制使某告期。」主婚者曰:「敢不承命。」陳禮

奥雁如儀。

又次告廟。遣使持節授册寶儀注,悉見前。

如之。 入 殿 東門就席位,東向立。司爵以醆進,〔三〕皇太子跪,搢圭,受醆祭酒。司饌以饌進,跪受亦 叉 次醮戒。 興,就席坐,飲食訖,導詣御座前跪。皇帝命之曰:「往迎爾相,承我宗事,勖帥 皇帝服通天冠、絳紗袍,御奉天殿,百官侍立。引進導皇太子至丹陛,四拜。 以敬。」

皇太子曰:「臣某謹奉制旨。」俯伏,興。

出至丹陛,四拜畢,皇帝還宮,皇太子出

婚者升 者跪受,興,以授左右,退立於西。 者。 左右。 門,降輿升輅,東宮官皆從至妃第,回轅南向,降輅升輿。至次,降輿入就次,東宮官皆就次。 而左,執雁者從。 出,立於門東,曰:「敢請事。」引進跪啓訖,皇太子曰:「某奉制親迎。」引進受命興,承 日 質 **儐者入告**,導主婚者 先是,皇太子將至,主婚者設會宴女。 明,東宮官具朝服陳鹵簿鼓吹於東宮門外。 叉 次親 西階,立於西,東向。 主婚者具朝服立於西階之下。 迎。前一日,有司設皇太子次於妃氏大門外,南向,東宮官次於南,東西相向。至 **儐者導主婚者入門而** 出迎於大門外之西,東向再拜。 引進 啓奠雁,執雁 皇太子再拜,降自 引進導皇太子出次,立於大門之東,西向。 右。 至期,妃服褕霍花釵,出就閤南 皇太子陞東階進, 者以 皇太子冕服乘輿出,侍衞導從如儀。 雁 東階、出 進。 皇太子答拜。 皇太子 至次 立於閤門戶 ,受雁,以授主婚者。 以 伺。 引進導皇太子入門 主婚者不降 前 面立, 傅姆立於 北 向立。 **儐者朝服** 傳於 送。 主婚 至宮 儐 主

志

第

初,皇太子入門,妃母出,立於閤門外,奠雁位之西,南向。

皇太子拜訖,宮人傅姆導妃

宮儀。 於內殿門外之東,西面。 乘鳳轎。 父有訓,往承惟欽。」 庶母申之曰:「恭聽父母之言。」宮人傅姆擎執導從,妃乘輿出門,降輿, 出,立於母左。 皇太子揭簾訖,遂升輅,侍從如來儀。至東宮門外,降輅乘輿。 主婚者命之曰:「戒之戒之,夙夜恪勤,毋或違命。」母命之曰:「勉之勉之,爾 司閨導妃詣內殿門外之西,東面。皇太子揖妃入,行合卺禮,如 至閤,降輿入,俟

宮人奉棗栗盤,進至御座前授妃。 叉 | 次朝見。其日,妃詣內殿陛下,侯皇帝陞座。 妃奠於御前,退復位,再拜。 司閨導妃入,北面立,再拜,自西階升。 禮畢,詣皇后前,奉腶脩盤,

又次體妃,次盥饋,次謁廟,次羣臣命婦朝賀,皆如儀。

宴羣臣命婦。」著爲令。 古制用匏。 金盤,翟車用鳳轎,雁以玉爲之。 古禮有親迎執綏御輪,今用轎,則揭簾是矣。 其合卺,依 四年,册開平王常遇春女爲皇太子妃。 妃朝見,入宮中,乘小車,以帷幕蔽之。謁廟,則皇太子俱往。禮成後三日,乃 禮部上儀注,太祖覽之曰:「贄禮不用笄,但用

親迎日,妃服燕居服,隨父母家廟行禮。執事者具酒饌,妃飲食訖。父母坐堂上,妃詣前各 成化二十二年更定婚禮。凡節册等案,俱由奉天左門出。皇太子親迎,由東長安門出。

嘉聘禮成,益綿景福。」餘大率如洪武儀。 欣忭之至,謹當慶賀。」帝賜宴如正旦儀。 卺前,於皇太子內殿各設拜位。皇太子揖妃入就位,再拜,妃四拜,然後各升座。廟見後, 四 百官朝賀,致詞曰:「某官臣某等,恭惟皇太子嘉禮旣成,益綿宗社隆長之福。 .拜。父命之曰:「爾往大內,夙夜勤愼,孝敬無違。」母命之曰:「爾父有訓,爾當敬承。」合 命婦詣太后皇后前賀,亦賜宴,致詞曰:「皇太子 臣某等不勝

親王婚禮

之吉,臣與有幸,謹奉典制。」納徵詞曰:「某王之儷,卜旣協吉,制使某以儀物告成。」主婚者 臣某不敢辭。」納吉詞曰:「四「卜筮協從,使某告吉。」主婚者曰:「臣某之子,愚弗克堪。卜貺 問 曰:「奉制賜臣以重禮,臣某謹奉典制。」請期詞曰:「某月日涓吉,制使某告期。」 主婚者曰: 謹奉命。」醮 名詞 其宣制曰:「册某氏爲某王妃。」納采,致詞曰:「某王之儷,屬於懿淑,使某行納采禮 唐 制 ·曰:「某旣受命,將加諸卜筮,奉制問名。」主婚者曰:「制以臣某之子,可以奉侍某王, 盤饋畢 ,皇子納妃,命親王主婚。|宋皆皇帝臨軒醮戒,略與皇太子同。|明因之。 戒 了, 王 命曰:「往迎爾相,用承厥家,勖帥以敬。」其親迎、合卺、朝見、盥饋,並 一皮弁服,妃翟衣,詣東宮前,行四拜禮。 東宮坐受,東宮妃立受二拜,答二 如皇

志

第

拜,妃父母立受二拜,答二拜。 王與妃至妃家,妃父出迎。 王中坐,其餘親屬見王,四拜,王皆坐受。 王先入,妃父從之。至堂,王立於東,妃父母立於西。 妃入中堂,妃父母 王四

坐,妃四拜。其餘,序家人禮。

殿脩,餘並同。 四拜,復詣正妃前四拜。次妃東坐,宴飮成禮。 制,不發册,不親迎。正副使行納徵禮,冠服擬唐、宋二品之制,儀仗視正妃稍減。婚之日, 王皮弁服,導妃謁奉先殿。 太祖之世,皇太子、皇子有二妃。洪武八年十一月徵衞國公鄧愈女爲秦王次妃,不傳 王在東稍前,妃西稍後。禮畢入宮,王與正妃正坐,次妃詣王前 次日朝見,拜位如謁殿。 謁中宮,不用棗栗

公主婚禮

古者天子嫁女,不自主婚,以同姓諸侯主之,故曰公主。唐猶以親王主婚。 宋始不用,

惟令掌婚者於內東門納表,則天子自爲主矣。明因之。

使跪受,奉進內殿,執雁及禮物者從入。內使出,掌婚者曰:「將加卜筮,使臣某問名。」進表 詣內使前曰:「朝恩貺室於某官某之子,某習先人之禮,使臣某請納采。」以表跪授內使。 凡公主出降,行納采問名禮,壻家備禮物表文於家庭,望闕再拜。掌婚者奉至內東門, 內

如初,內使出曰:「有制。」掌婚者跪,內使宣曰:「皇帝第幾女,封某公主。」掌婚者俯伏,

入就次,賜宴出。

臣某以束帛、乘馬納徵。」請期詞曰:「某命臣某謹請吉日。」 玄纁、玉帛、乘馬、表文如儀。掌婚者致詞曰:「朝恩貺室於某官某之子某,有先人之禮,使 納吉儀與納采同。 掌婚者致詞曰:「加諸卜筮,占曰從吉,謹使臣某敢告納徵。」壻家具

戒。 **肾再拜出,至內東門內。內使延入次,執雁及奉禮物者各陳於庭。** 親迎日,壻公服告廟曰:「國恩貺室於某,以某日親迎,敢告。」將行,父醮於廳,隨意致

向,行四拜禮。舅姑答二拜。第十日,駙馬朝見謝恩,行五拜禮。 公主西。進饌合卺如儀,復相向再拜。明日,見舅姑。舅姑坐於東,西向。公主立於西,東 壻東,公主西,皆再拜。進**臂,讀**祝,又再拜。出,詣寢室。壻公主相向再拜,各就坐,壻東, 鹵簿車輅後發,公侯百官命婦送至府。壻先候於門。公主至,壻揭簾。公主降,同詣祠堂。 雁者以雁跪授壻,壻受雁,跪進於內使。內使跪受以授左右。壻再拜,先出,乘馬還。公主 階,內命婦送至內殿門外,公主陞輦。至內東門,降輦。壻揭簾,公主陞轎。壻出次立。執 其日,公主禮服辭奉先殿,詣帝后前四拜,受爵。帝后隨意訓戒。受命訖,又四拜。

初,洪武 九年,太祖以太師李善長子祺爲駙馬都尉,尚臨安公主。 先期告奉先殿。下

然儀注 太師府,駙馬朝服拜受。 嫁前二日,命使册公主。 主封號、婚禮,及駙馬、儀賓品秩。 .雖存,其拜姑舅及公主駙馬相向拜之禮,終明之世實未嘗行也。 册後次日,謁奉先殿。又定駙馬受誥儀,吏部官捧誥命置龍亭,至 次日,善長及駙馬謝恩。後十日,始請婚期。二十六年稍更儀注。 明年又更定公主、

同 月,稱臣 議成婚。 習駙馬主事陳鍾盛言:「臣教習駙馬鞏永固,駙馬黎明於府門外月臺四拜,云至三月後,則 上堂、上門、上影壁,行禮如前。 主,行四拜禮,公主坐受二拜。雖貴賤本殊,而夫婦分定,於禮不安。」不聽。崇禎元年,教 隸役,豈所以尊朝廷。」帝是其言,令永固 |座於東,西向,駙馬東向座,餘如前儀。|嘉靖二年,工科給事中安磐等言:「駙馬見公 弘治二年册封仁和長公主,重定婚儀。 侍膳,然後成婚者? 駙馬餽菓餚書臣,公主答禮書賜,皆大失禮。 會典行四拜於合卺之前,明合卺後無拜禮 始視膳於公主前,公主飲食於上,駙馬侍立於旁, 刨 入府,公主駙馬同拜天地,行八拜禮。堂內設 擇日 成 夫既合卺,則嚴然夫婦,安有跪拜數 也。 以天子 過此,方 館甥,下

人,餘二人送本處儒學,充廩生。 報 名, 凡 選駙馬, 司 禮 内臣 禮部 於諸王館會選。 榜諭在京官員軍民子弟年十四至十六, 自宣德時、駙馬始有教習,用學官爲之。 不中,則博訪於幾內、山東、河南。至選中三人 容貌齊整、行止端莊、有家教 正統以後,令駙 欽定

品官 I婚禮

韶 務從節 曰:「古之婚禮,結兩姓之歡,以重人倫。 近世以來, 周 ·儉,以厚風俗。」故其時品節詳明,皆有限制,後克遵者鮮矣。 制 ,凡公侯大夫士之婚娶者,用六禮。 唐以後,儀物多以官品爲降殺。 專論 聘財,習染奢侈。 其儀制 明洪武五年 照行,

某納 左主 從 進 禮 至日,具祝版告廟訖,賓至女氏第。 訖,復陳雁及問名禮物。 日 右 采。」主婚者曰:「某之子弗嫺 其 某第 制 禮畢、送賓 ,媒氏立於賓南,皆再拜。 凡品官婚娶,或爲子聘婦,皆使媒氏通書。 ·幾女,妻某氏出。」或以紅羅,或以銷金紙,書女之第行年歲。 至門外。 賓興, 指主婚者曰: 「某官慎重婚禮, 將加卜筮, 請問名。」 姆訓,旣辱采擇,敢不拜嘉。」賓主西東相向坐,云 賓詣主人曰:「某官以伉儷之重施於某,某率循典禮,謹使 主婚者公服出迎,揖賓及媒氏入。 女氏許之,擇吉納采。主婚者設賓席。 雁及禮物陳於 賓辭,主婚 主婚者 徹 者請禮 廳 雁

受

某未教之女,旣 納 吉 如 納 采儀。 以 吉告,其何敢辭。」納徵如納吉儀,加玄纁、束帛、函書,不用雁 賓 ()致詞 曰:「某官承嘉命,稽諸卜筮,龜筮協從,使某告吉。」主婚者曰: 賓致詞

志

第

Ξ

+

禮

九

某以重禮,某敢不拜受。」賓以函書授主婚者,主婚者亦答以函書。 曰:「某官以伉儷之重,加惠某官,率循典禮。 有不腆之幣,敢請納徵。」主婚者曰:「某官貺 請期,亦如納吉儀

西向。壻再拜,奠雁,出就次。 主婚者不降送。 [4] 揖而入。主婚者入門而右。壻入門而左,執雁者從,至寢戶前,北面立。 下馬,就大門外之次。 女從者請女盛服,就寢門內,南向坐。 壻出次,主婚者出迎於門外, 「敢不承命。」再拜,媒氏導壻之女家。 親迎日,壻父告於禰廟。 壻北面再拜立, 父命之曰: 「躬迎嘉偶, 釐爾內治。」 壻進曰: 其日,女氏主婚者告廟訖,體女如家人禮。 主婚者立於戶東, **壻至門**,

侍女翼女出門,升車。儀衞導前,送者乘車後。 母命之曰:「必恭必戒,毋違舅姑之命。」庶母申之曰:「爾忱聽於訓言,毋作父母羞。」保姆及 壻旣出,女父母南向坐,保母導女四拜。

父命之曰:「往之女家,以順爲正,無忘肅恭。」

各飲畢,皆興,立於座南,東西相向,皆再拜。壻婦入室,易服。壻從者餕婦之餘,婦從者餕 各就座,壻東,婦西。舉食案,進酒,進饌。酒食訖,復進如初。侍女以卺注酒,進於壻婦前 盥於室之東南,婦從者執巾進水以沃之,婦盥於室之西北,壻從者執巾進水以沃之。 盥畢, 壻先還以俟。婦車至門,出迎於門內,揖婦入。 及寢門,壻先升階,婦從升。 入室,壻

壻之餘。

志第三十一 禮九

前 升自西階,至舅前,侍女奉棗栗授婦。婦進訖,降階四拜。詣姑前,進腶脩, 位 詣 姑體婦,如家人禮。 以序分立。其日夙興、壻父以下各就位、再拜。贊禮引婦至庭中、北面立。 。從者舉食案以饌授婦,婦進饌,執事者加匕筯。 一,壻父以下皆再拜,禮畢。次見舅姑。 神位前 明日見宗廟、設壻父拜位於東階下,壻於其後,主婦拜位於西階下,婦於其後。 ,跪。三上香,三祭酒,讀祝,興,立於西。 **次盥饋。其日,婦家備饌至壻家。舅姑卽座,婦四拜。** 其日,婦立堂下,伺舅姑卽座,就位四拜。 進饌於姑,亦如之。 婦四拜,退,復位。壻父降自西階就拜 食訖,徹饌,婦降階 **壻**父升自東階, 升自西階,至舅 如前儀。 保姆 諸親各 次舅 引 婦

庶人婚禮

就位,四拜,禮畢。 舅姑再醴婦,如初儀。

上、並 戒 期。 有媒無賓,詞 洪 {禮 聽婚娶。 武元年定制用之,下令禁指腹、割衫襟爲親者。 云「婚禮 、合卺,並 亦稍 壻常服,或假九品服,婦服花釵大袖。 下達」,則六禮之行,無貴賤一也。朱子家禮無問名、納吉,止納采、納幣、請 異。 如品官儀。 親迎 前 一日,女氏使人陳設於壻之寢室,俗謂之鋪房。 見祖禰舅姑,舅姑醴婦,亦略相準。 其納采、納幣、請期,略倣品官之儀。 凡庶 人娶婦,男年十六,女年十四以 至若告詞、醮

皇帝視學儀

{禮 曰:「凡始立學者,必釋奠於先聖先師。」周末淪喪,禮廢不行。 漢明帝始幸辟雍。 唐

以後,天子視學,始設講榻。

洪武 十五年,太祖將幸國子監。 議者言,孔子雖聖,乃人臣,禮宜一奠而再拜。 太祖 不

從,命禮部尚書劉仲質定其制。

退就 就 上及 皇帝 西 舉 聽宣 侍 本位 南 經 入 入御幄,具皮弁服,詣先師神位,再拜。 前 案於 御 隅 從官,以次入堂,東西序立。 期設御幄於大成門東,南向,設御座於彝倫堂。 諭 几榻 幄 五. 司業、博 御前,禮部官奏,請授經於講官。 ,易常服。 坐講。 拜叩頭。 士、助教,各以次進講。 賜大臣 升輿,至彝倫堂升座。 禮 畢,學官諸生出 .翰林儒臣坐,皆叩頭,序 贊進講,祭酒、司業、博士、助教四人由 成賢街 獻爵,復 出 學官諸生五拜叩頭,東西序立於堂下。三品以 祭酒跪受。 「堂門, 送 一駕。 百拜。 坐於東西、諸生 復位。 至日,學官率諸生迎駕於成賢街左。 明 賜講官坐。 日,祭酒率學官上表 贊宣 四配、十哲、兩廡分獻 制 圜立 學官諸 及 以經置 以 西門入,至堂中。 聴。講 生 謝 講案,叩 列 班 畢 ,如常儀。 恩 俱 ·, 叩 北 面

永樂四年 ,禮部尙書鄭賜引宋制,請服鞾袍,再拜。 帝不從,仍行四拜禮。 進講畢,賜

百官茶。 九年,帝幸國子監,公如儀。 祭酒、司業紵絲羅衣各二襲,學官三十五人各紵絲衣一襲,監生三千餘人各鈔五錠。 禮部請立視學之碑,帝親製文勒石。 禮畢,賜公、侯、伯、駙馬、武官都督以上、文官三品以上及翰 祭酒等表謝。 帝御奉天門,賜百官宴, 仍賜 正

林學士至檢討、國子監祭酒至學錄宴。

定次日行慶賀禮,頒賞如舊,免賜宴。 謝恩,皆賜宴於禮部。十二年以先師祀典旣正,再視學,命大臣致奠啓聖公祠。 幣,牲用太牢,改分獻官爲分奠官。 禮 ·畢,百官慶賀,賜衣服,賜宴,皆及孔、顏、孟三氏子孫。 先是,視學祭先師,不設牲,不奏樂。 嘉靖元年定行聖公率三氏子孫,祭酒率學官諸生,上表 至成化元年,始用牲樂。 弘治元年定先期致齋一日,奠加 視學之日,樂設而不作。 萬曆四年

氏 老成者五人,顏、孟各二人,赴京陪祀。 初 一、憲宗取三氏子孫赴京觀禮,又命衍聖公分獻。 至世宗命衍聖公及顏、孟二博士,孔

經筵

志 第

三十

禮九

暑暫趸。 明 初 其制 無定 勳 日,亦無定所。 臣 一人知經筵事,內閣學士或知或同知。 正統初,始著爲常儀,以月之二日御文華殿 尚書、都御史、通政使、 進講,月三次,寒 大理卿

及學 員侍 軍侍衞 :儀,鴻臚寺、錦衣衞堂上官各一員供事,鳴贊一贊禮,序班四舉案,勳臣或駙馬一人領 士等侍班,翰林院、春坊官及國子監祭酒二員進講,春坊官二員展書,給事中御史各二

將

講 講官 置册 丹陛,行叩頭禮。 贊講官拜,興。 員 東 禮 畢退。 從 西序立。 監 東 內。 ·拜,興。東班展書官詣御案前,跪展四書,退立於東鶴下。 一先陳所講四書、經、史各一册置御案,一册置講案,皆四書東,經、史西。 禮 西班 一部擇吉請,先期設御座於文華殿,設御案於座東稍南,設講案於案南稍東。 展書官跪掩書,仍退立鶴下。 帝升座,知經筵及侍班等官於丹陛上,五拜三叩頭。後每講止行叩頭 出, 詣講案前, 北向並立。 東西展書官各至御案南銅鶴下, 相向立。 序班二員,舉御案於座前,二員舉講案置御案南正中。 各退就 至左順門,酒飯畢,入行叩 東西班,展書官隨之,序班徹御案講案。 西班 頭禮 展書官展經或史,講官進講,退,如初。 講官至講案前立,奏講某書, 禮畢,命賜酒飯。 鴻臚官贊進講。 禮。 講官各撰講章 以次上殿, 各官 鴻 是日,司 鴻臚官 臚官贊 出至

於 间 隆 兩 日先 慶元 進呈覽。 年定先一 萬曆 日告奉先殿,告几筵。 二年定春講以二月十二日起,至五月初二日止,秋講以八月十二 是日,帝詣文華殿左室,展禮先聖先

日

起,至十月初二日止,不必題請。

次經,次史, 進講如讀儀。侍書官侍習書畢, 各叩頭退。於文華殿賜茶,文華門賜酒飯。 首,東西立。讀者先至御前一揖,至案展書,壓金尺,執牙籤。讀五過,掩書一揖退。先書, 初,吉服,五拜三叩首,後常服,一拜三叩首。閣臣同侍於殿內,候帝口宣「先生來」,同進,叩 日 講,御文華穿殿,止用講讀官內閣學士侍班,不用侍儀等官。 講官或四或六。開讀

三叩首,入內,東西序立。贊進講,講官大學士一員出班叩首。命賜坐,一叩首,乃坐。講 明,帝常服乘輦至殿門,衆官於門外迎候。帝降輦,乘板輿,至殿升座。各官於殿門外一拜 講官再進午講,講通鑑節要及貞觀政要。講畢,帝還宮。凡三、六、九視朝日,暫免講讀。 午講,隆慶六年定。每日早講畢,帝進煖閣少憇,閱章奏。閣臣等退西廂房。久之,率 又嘉靖六年定制,月三、八日,經筵日講官二員,講大學衍義。十年定無逸殿講儀。質

畢,展書官跪掩講章,講官叩頭復班。又學士一員承旨坐講,如初禮畢。各官至豳風亭候

駕至,亭內賜宴。

東宮出閣講學儀

班侍讀講官入,分班東西立。 太子升殿,師保等官於丹陛上四拜。各官退出,內侍導皇太子至後殿升座,以書案進。 東 厢 太祖 天順二年定出閣儀。 命學士宋濂授皇太子、諸王經於大本堂,後於文華後殿。 是日早,侍衞侍儀如常。 。內侍展書,侍讀講官以次進讀講,叩頭而退。 執事官於文華後殿四拜,鴻臚官請皇 世宗改爲便殿,遂移殿

背誦成熟。溫書之日,不授新書。凡寫字,春夏秋日百字,冬日五十字。凡朔望節假及大 風雨雪、隆寒盛暑,則暫停。 則西班件讀,亦如之。讀畢,各官退。至巳時,各官入,內侍展書,侍講官講早所讀四書畢, 行叩頭禮。 其每日講讀儀,早朝退後,皇太子出閤升座,[10]不用侍衞等官,惟侍班侍讀講官入, 次講經史亦然。講畢,侍書官侍習寫字。寫畢,各官叩頭退。凡讀書,三日後一溫, 內侍展書,先讀四書,則東班侍讀官向前,伴讀十數遍,退復班。次讀經或史,

告成,累朝錫賚有據。實錄載成化十五年,皇太子出閤講學,六卿皆加保、傅。弘治十年, 叩 每月三、八日一至,先拜出,然後各官入。 崇禎十一年,署禮部事學士顧錫疇言:「東宮嘉禮 外東西向,序立。候帝御日講經筵畢,皇太子出閤升座。凡東宮初講時,閣臣連侍五日,後 頭退。隆慶六年改設皇太子座於文華殿之東廂,正中西向。每日講讀各官,先詣文華門 弘治十一年更定,三師三少幷宮僚於丹陛四拜畢,從殿左右門入,東西立。候講讀畢,

諸王讀書儀

字,講讀以次進講畢,各官一拜出。 官出, 進」。 堂設中座,書案在左,寫字案在右。 官行叩頭禮,伴讀十遍,出。飯後,復詣堂伴看寫字。 上,就案左坐。 日早,王至右順門之北書堂,面東,中坐。 書堂在皇極門右廂。 輔臣率各官入,四拜,分班侍立。 王暫入堂南間少憇。 講讀官進立於案右,伴讀十遍,叩頭退。 講官選部曹或進士改授翰林官充之。天順二年定,初入書堂,其 輔臣各率官入。令旨「先生進」,遂入分班侍立。 輔臣率講讀侍書官候於門外。 講讀官以次授書各十遍訖,令旨「先生喫酒飯」。 提督講讀幷講讀官行四拜禮。 講書畢,仍叩頭退。 每日講讀,清晨,王至書堂,講讀 王入書堂,傳令旨「先生 內官捧書展於案 萬曆六年定,書 侍書官看寫

校勘記

志

第

三十

校勘

記

捧册 月 庚 申條 寶官捧册寶 、明會典卷六七改。 上一「捧」字原作「授」,據明史稿志三七禮志、英宗實錄卷九二正統七年五

- ハニ 采擇既諧 譜,原作「詣」,據明史稿志三七禮志、太祖實録卷三四洪武元年十二月癸酉條改。
- 司爵以酸進 酸,原作「餞」,據下文及明史稿志三七禮志、大明集禮卷二六改。
- 納吉詞日 詞,原作「辭」,據上下文及明史稿志三七禮志改。
- 二 則博訪於畿内山東河南 河南、原作「河内」,據明史稿志三七禮志、明會典卷七〇改。
- △★」賓主西東相向坐 西東,原作「西南」,據明史稿志三七禮志、太祖實録卷三四洪武元年十二月

癸酉條、明會典卷七一改。太祖實録作:「主婚者揖賓就西向坐,主婚者東向坐。」

- 「中」 壻再拜奠雁出就次主婚者不降送 送,原作「迎」,據明史稿志三七禮志、太祖實録卷三四洪武 元年十二月癸酉條、明會典卷七一改。
- スン 正統九年帝幸國子監 實録卷一一四正統九年三月辛亥條改。 九年,原作「五年」, 據本書卷一〇英宗前紀、明史稿志三七禮志、英宗
- 九〕日講 原無此標題,據卷目增。
- (10) 皇太子出閤升座 如内閣等,今據本志卷目、上文及明會典卷五二,將皇子居處作「閣」者統改從「閤」。 閤,原作「閣」、「閣」、「閣」通,本書中二字錯出。爲别於外廷以閣爲名之機構

明史卷五十六

志第三十二

他一 嘉禮四 賓禮

巡狩 東宮監國 皇長孫監國 頒詔儀 迎接詔赦儀

進書儀

蕃王朝貢禮 遣使之蕃國儀進表箋儀 鄕飲酒禮

蕃國遺使進表儀

品官相見禮

巡狩之制

庶人相見禮

志

第

= + =

禮

+

啓聞。 永樂六年北巡,禮部行直省,凡有重事及四夷來朝與進表者,俱達行在所,小事達京師 車駕將發,奏告天地、社稷、太廟、孝陵,祭大江、旗纛等神,軷祭於承天門。緣塗當

四二

朝見,分遣廷臣覈守令賢否,卽加黜陟。給事、御史存問高年,賜幣帛酒肉。 賜扈從官及軍校鈔。 院、內閣官三,侍講、修撰、典籍等官六,六部郞官共五十四,餘不具載。 察院堂上官一,御史二十四,給事中十九,通政、大理、太常、光祿、鴻臚堂上官共二十,翰林 祭者,遣官祭。 五萬。 侍從,五府都督各一,東、戶、兵、刑四部堂上官各一,禮、工二部堂上官各二,都 將至北京,設壇祭北京山川等神。車駕至,奏告天地,祭境內山川。 至北京,宴羣臣、耆老,賜百官及命婦鈔。所過郡縣,官吏、生員、耆老 車駕將發,宴羣臣, 扈從馬

從行。 軍, 文武 **衞卒八千,奉輿辇,執儀仗。** 及 略 成祖 大臣 分 |嘉靖十八年幸||承天。先期親告上帝於玄極寶殿。 如 命文武重臣,出督宣大、薊州、山海關,行九邊,亦各賜敕。 永樂時數。 各一 以下諸廟、社稷、日月、神祇。駕出正陽門,后妃輦轎從。 員坐守。 先發在途者発朝參,惟禮兵二部、鴻臚、太常、科道糾儀官及光祿寺 設警備扈駕官軍六千。 衞指揮前驅。 武重臣二員留守,兵部尚書參贊機務,各賜敕行 駕發,百官吉服送於彰義關 同日,告皇祖及睿宗廟,遣官分告北 錦衣衞設欽製武陣駕, 皇城及京城諸門,皆命 外。[] 扈從官

過眞定, 望祭中嶽;滎澤、祭河;禮如北嶽。南陽、遣祭武當山。 望祭北嶽。 帝常服,從臣大臣及巡撫都御史吉服行禮。 途次古帝王、聖賢、忠臣、烈士 **衛輝,遣官祭濟瀆。**

越四日,行告天禮於龍飛殿丹陛上,奉獻皇帝配。更皮弁服,詣國社稷及山川壇行禮。 王府、親王常服候駕、隨至行宮、冕服朝見。賜宴、宗室不許出。至承天、詣獻皇帝廟謁告。 日,謁顯陵。次日,從駕官上表賀,遂頒詔如儀。 祠墓,遣官致祭。撫、按、三司迎於境上,至行宮,吉服朝見。 生員耆老,俱三十里外迎。所過 回京,親謝上帝、皇祖、皇考,分遣官告郊、

東宮監國

廟、社稷、羣神,行禮如初。〔三〕

古制,太子出曰「撫軍」,守曰「監國」。三代而下,惟唐太子監國,結雙龍符,而其儀

不著。

常儀。若御文華殿,承旨召入者方入。凡內外軍機及王府急務,悉奏請。有邊警,卽調軍 至期,告天祝壽,行八拜禮。其正旦、冬至、千秋節,百官於文華殿慶賀如常儀。凡享太廟 |右門外,文五品、武四品以上,及近侍官、監察御史,俱乘馬導至三山門外,以表授進奏官。 文華殿前拜表,行十二拜禮。表由中門出,皇太子由左門送至午門,還宮。百官導至長安 剿捕,仍馳奏行在。 皇城及各門守衞,皆增置官軍。 遇聖節、正旦、冬至,皇太子率百官於 永樂七年,駕幸北京,定制。凡常朝,皇太子於午門左視事。 左右侍衛及各官啓事如

中,皇太子送至午門外。 鼓樂送使者詣會同館。 奉 來 及 迎。 朝 社 · 稷諸神之祭,先期敕皇太子攝祭,其祀典神祇,太常寺於行在奏聞,遣官行禮。 ,循例賜宴,命禮部遣送行在所。 皇太子冕服迎於午門前,至文華殿,行五 使者見皇太子,行四拜禮,賜宴於 禮部官置詔書雲輿中,文武二品以上官迎至承天門,開讀 凡韶 :書至,設龍亭儀仗大樂,百官朝服,出 拜三叩頭禮,升殿展讀。 禮部 使者捧詔置龍亭 三山 如 凡四 、儀。以 門 夷 外

皇太子監國。 十 二 年北征,復定制。 時太子幼,命輔臣一人居守,軍國機務悉聽啓行。 常朝於文華殿視事,文武啓事,俱達北京。 嘉靖十八年南巡,命

皇太孫監國

永樂八年,帝自北京北征。 時皇太子已監國於南,乃命皇長孫居北京監國。 時宣宗未

冠,及冠始加稱皇太孫云。

表文俱 皇親 府要務,一 其制 有犯,啓皇太子所。 詣 北京。 每 啓皇· 日 皇 太子處分,一 四 長 夷朝貢俱送南京。 孫於奉天門左視事,侍衞如常儀。 犯情重及謀逆者,卽時拘執,命皇親會問。 奏聞 行 :在所。 武選及官民有犯, 聖節,設香案於奉天殿,行禮 諸司 大者啓皇太子, 有事, 具啓施行。 不服,乃命公、侯、伯、 如 小者皇長 常 儀 若軍 天下諸司 孫行之。 機 及王

頒詔儀

頒行。 凡頒命四方,有詔書,有赦書,有敕符、丹符,有制諭 敕符等,則使者齎付所授官,秘不敢發。 開讀迎接,儀各不同 、手韶。 詔赦,先於闕廷宣讀,然後

午門外。 禮唱俯伏興,樂作。 讀展讀官升案,稱有制,衆官跪 樂於午門及承天門外,設宣讀案於承天門上,西南向。 分授使者,百官退。 用寶訖,置雲蓋中。 朝服班承天門外,公侯班午門外,東西向。 洪武二十六年定頒詔儀。 樂作,公侯前導,迎至承天門上。 四拜、樂止。 校尉擎雲蓋,由殿東門出。 設御座於奉天殿,設寶案於殿東,陳中和韶樂於殿內, 設大 舞蹈山呼,又四拜。 禮部官捧詔書,授宣讀官。宣訖,禮部官捧置 鳴贊唱排班,文武官就位,樂作。 皇帝皮弁服、升殿如儀。 大樂作,自東陛降, 儀禮司奏禮畢,駕興。 清晨,校尉擎雲蓋於殿內簾前,百官 禮部官捧詔書詣案前, 由奉天門至 禮部官捧詔書 四拜、樂止。宣 雲蓋中。 金水橋南 攢

設綵輿於午門外,鴻臚官設宣讀案於承天門上。百官入丹墀侍立,帝冕服升座,如朝儀。翰 嘉靖六年續定,鴻臚官設詔案,錦衣衞設雲蓋盤於奉天殿內東,別設雲盤 於承天門上,

志

第

韶出至皇極門,即奏禮畢,駕還。 匣中,以綵索繫之龍竿,頒降。 伯三品以上官前導,迎至承天門上,宣讀贊拜,俱如上儀。 林院官捧詔書從,至御座前東立。 書授禮部官,捧至雲盤案上。 校尉擎雲蓋,俱從殿左門出,至午門外,捧詔置綵輿內。 禮部官捧置龍亭內,鼓樂迎至禮部,授使者頒行。隆慶六年, 百官入班,四拜,出至承天門外。 禮部官捧詔書授錦衣衞官,置雲 **贊頒詔,翰林院官捧詔** 公侯

迎接詔赦儀

先入,文武東西序立,候龍亭至,排班四拜。 亭中,南向,本處官朝服行五拜禮。 皇躬萬福,使者鞠躬答曰:「聖躬萬福。」衆官退,易服見使者,並行兩拜禮。 宣讀訖,捧詔授朝使,仍置龍亭中。 於官亭。 洪武中定。 如有出使官在,則先守臣行禮。 凡遣使開讀詔赦,本處官具龍亭儀仗鼓樂,出郭迎。使者下馬,奉詔書置龍 衆官及鼓樂前導,使者上馬隨龍亭後,至公廨門。 衆官四拜,舞蹈 使者捧詔授展讀官,展讀官跪受,詣開 山呼,復四拜畢。 班首詣龍亭前,跪 復具鼓樂送詔 讀案。 衆官

問

進書儀惟實錄最重。皇帝具袞冕,百官朝服,進表稱賀。 其餘纂修書成,則以表進。重

錄書及玉牒,止捧進。茲詳載進實錄儀,餘可推見云。

俯伏 中。 股 **贊衆官皆跪。宣訖,俯伏,興,四拜。進實錄官退於東班,百官入班。** 官奏進實錄,序班舉實錄案,以次由殿中門入,班首由左門入。帝興,序班以實錄案置於殿 唑 匹 如大朝儀。 拜 心歡慶,與卿等同之。」宣訖,俯伏興,三舞蹈,又四拜,禮畢 IE 興。 ,班首俯伏,興。 復位,贊四拜。 贊進表,序班舉表案,由左門入,置於殿中。 班首跪於案前,贊史官皆跪。序班幷內侍官舉實錄案入謹身殿,置於中。帝復座。贊 中,表案於丹陛之東,設寶輿於奉天門,設鹵簿大樂如儀。 建文時,太祖實錄成,其進儀無考。永樂元年,重修太祖實錄成。設香案於奉天殿丹 **贊有制,史官仍入班。贊跪,宣制云:「太祖高皇帝、高皇后功德光華,纂述詳實。** 百官詣丹墀左右立,鴻臚官引寶輿至丹陛上,史官舉實錄置於案,遂入班。鴻臚 史官捧實錄置興中,帝御殿 鴻臚官奏慶賀,各官 贊宣表,

寶興中 官 表亭後,由二橋 朝 服 萬 鴻 待班。 曆 五年,世祖 臚官導迎。 監修、總裁、纂修等官,朝服至館前。 行至 實錄成,續定進儀。設寶輿、香亭、表亭於史館前,帝袞冕御中極殿,百 皇極門。 用鼓樂傘蓋,由會極門下堦,至橋南,由 實錄興由中門入,表亭由左門入,至丹墀案前。 監修官捧表置表亭中、纂修官捧實錄置 中道行。 監修、 總裁等官隨 監修官捧表

一四七

志

第

+

禮

+

一於案,纂修官捧實錄置於案,俱侍立於石墀東。 內殿百官行禮訖,帝出御皇 極殿。

用傘蓋,與監修總裁官同送皇史處奪藏。

總裁

《等官入,進實錄、進表俱

如永樂儀。

次

日

司禮監官自內殿送實錄下殿,

仍置寶輿中,

監修、

進表箋儀

進表 舞蹈 訖 Щ 明 呼。 ,復位,四 初定制 進皇太子箋,王皮弁服,行八拜禮,百官朝服 ,,凡王府遇聖節及冬至、正旦, 先期陳設畢。 拜,三舞蹈,山呼,又四拜。 百官朝服, 隨 ,隨班行 班 王冕服就位四拜,詣 行 禮。 禮 進 中宮箋儀 如 香案前跪 之,惟

后殿 后日 曰「伯祖、叔祖皇帝陛下」,「伯祖母、叔祖 母 下」,皇后曰「皇后殿下 后 皇 日母 下。 后 「伯母 凡進賀表箋,皇子封王者,於天子前自 殿 后殿下」。 下」。若弟,則自稱 皇后殿 姪 則 自稱 下」、「叔 若孫,則 日 ـــ 「第幾姪某封某」, 母 若從孫 自稱曰「第幾孫某王 曰「第幾弟某封某」,稱天子曰「大兄皇帝陛下」,皇后 皇后殿下」。 以 下, 則 母皇后殿下」。至世宗時,始令各王府表箋,俱 稱 稱天子曰「伯父皇帝陛下」,「叔父 若尊屬 稱 「從孫 曰「第幾子某王某」,稱天子曰「父皇陛下」,皇 **「某」,稱天子曰「祖父皇帝陛下」,皇后曰「祖** 一則自 、再從孫 稱 曰「某封臣某」,稱天子曰「皇 、三從孫某封某」,皆稱 皇帝陛 日「尊嫂皇 皇 下一, 川聖 皇后 帝 皇 陛

號,不得用家人禮。

仗鼓樂百官前導,進表官在龍亭後東。 跪授進表官,進表官跪受,置龍亭中。 亭於庭中,設儀仗鼓樂於露臺,設表箋案於龍亭前,香案於表箋案前,設進表箋官位於龍 班首 三嚴,各官入班四拜,班首詣香案前。贊跪,衆官皆跪。 凡 鼓初嚴,各官具服。 在 取表箋授進表官,進表官就於馬上受表,卽行,百官退。 「外百官進賀表箋,前一日,結綵於公廨及街衢。 次嚴,班首具服詣香案前,滌印用印訖,以表箋置於案,退立幕 班首復位,各官皆四拜,三舞蹈,山呼,四拜。 至郊外,置龍亭南向,儀仗鼓樂陳列如前,文武官侍 文武官各齋沐,宿本署。 執事者以表箋跪授班首,班首 清晨,設 金鼓儀

鄉飲酒禮

明, 者,行於 損益 (記 曰:「鄉飲酒之禮廢,則爭鬭之獄繁矣。」故儀禮所記,惟鄉飲之禮達於庶民。 代殊,而 學校、民間 其 里社 禮 不 亦行之。 · 廢。 洪武 十六年韶班鄉飲酒禮圖式於天下,每歲正月十五日、十月 五 年詔禮部奏定鄉飲禮儀, 命有 司與學官率士大夫之老 自周迄

儀 以 府 州 縣 長 更爲主,以鄉之致仕官有德行者一人爲賓,擇年高有德者爲**僎賓,其**

志

初一日

於

儒

學行之。

次 爲 其 次 爲三賓,又其次爲衆賓,教職爲司正。 贊禮 、贊引、讀律,皆使 化能者

於東 位於 於堂 陳豆 巾 北 僎 席 上。 於 堂 廊 於 下 前 洗 、其上。 下 賓 期 西階之西,當序,東面 賓東,南面 於阼 賓 作階 多 ,設賓席 介及衆賓次 則設席於西階,北 階下東 六十者三豆,七十者四豆,八十者五豆,九十者六豆,堂下者二豆。 之南,北 於堂北兩楹之間,少西,南 ,三賓席於賓西,南面。 南 "; **篚** 面 於庠門之外,僎次亦 西上。 一於洗西 北 面東上,僚佐席於東序, 上。 設主之贊者位於阼階之東,西 賓多則又設位於西階之南,北 一,實 以 皆專席不屬。 爵 在門外。 觶 面,主席於阼階上,西 盥洗 設酒 在 西面 爵 衆賓六十以上者,席於 洗 **尊於堂上東** 北 東。 面 上。 北上。 設卓案於堂上 面 面 設衆賓 東上。 "介席於 南 設主及 隅 五 司正 西 十以下者,位 加 僚佐以 階上,東面 、西序, 勺冪 下席位前 及 主人 讀律者 (豆如 下次 用 面

觶。 敦崇禮教,舉行鄉飲,非爲飲食。 面 面 賓之數,皆實 立 司 至 揖 期 在 正 詣 坐者皆起 賓將 讓 盤 以 洗位 及 葅 而後 門,執 醢 一次詣 司 介土堂, 正 事 揖 爵 者進報 一、僎賓 洗位 相 向 广 取 觶 再 以 凡我長幼,各相勸勉。 日:「賓至。」 拜, 下 皆報 於 升坐。 篚 揖。 洗洗 主人率僚屬 執事 觶。 司 正 者報 升 乃 自 舉 僎 爲臣竭忠,爲子盡孝,長幼有序,兄 西 觶, 出迎於門外,主 至, 階 。;詣 言日 迎 尊所 坐 一、「恭惟 如 酌 前 酒 儀 西 朝 進 面,賓 廷 贊 兩 禮 率 楹 唱 以 之 由 下 司 間 舊 皆 正 北 東 揚

友弟恭。 次下堂,分東西行,仍三揖出庠門而退。里中鄉飲略同。 唱徹饌,在坐者皆興。僎、主、僚屬居東,賓、介、三賓、衆賓居西,皆再拜。贊禮唱送賓,以 者於介、三賓、衆賓以下,以次斟酒訖。贊禮唱飲酒,或三行,或五行。供湯三品畢。 賓酬酒,賓起,僎從之,詣盥洗爵洗位如儀。 至主前,置爵。 賓、僎、主皆再拜,各就坐。執事 洗**爵酌酒,至賓前,置於席。稍退,兩拜,賓答拜。又**詣僎前,亦如之。主退復位。 饌案至賓前,次僎,次介,次主,三賓以下各以次舉訖。贊禮唱獻賓,主降詣盥洗及爵洗位, 前,北向立讀,皆如揚觶儀。有過之人俱赴正席立聽,讀畢復位。灣禮唱供饌,執事者舉 外初。 司正復位,僎賓以下皆坐。贊禮唱讀律令,執事舉律令案於堂之中。 內睦宗族、外和鄉里、無或廢墜、以忝所生。」言畢、贊禮唱司正飲酒。 讀律令者詣案 飲畢,揖報 **贊禮唱** 贊禮

二十二年,命凡有過犯之人列於外坐,同類者成席,不許雜於善良之中,著爲令。

以客 擯 相,詔王 禮可也,不可與後世之臣下等。 三曰賓禮,以待蕃國之君長與其使者。宋政和間,詳定五禮,取周官司儀掌九儀賓客 南 鄉以朝諸侯之義,故以朝會儀列爲賓禮。 茲改從其舊,而百官庶人相見之禮附焉。 按古之諸侯,各君其國,子其民,待

志

三

蕃王朝貢禮

入朝, 其迎勞宴饗之禮,惟唐制爲詳。 宋時,蕃國皆遣使入貢,所接見惟使臣而

Ę

饗迎 外。 東向。 王 明洪 送 及 明日,接伴官送蕃王入會同館, 從官 ~俱 應天府 武二年定制。 如龍江驛。 具服,於天界寺習儀三日,擇日朝見。 知府出迎, 酒行,用樂。 凡蕃王至龍江驛,遺侍儀、通贊二人接伴。館人陳蕃王座於廳西北, 設座於廳東南, 明 禮部尚書卽 日, 中書省奏聞,命官一 西向。 館宴勞。 以賓主接見。 **尚書至,蕃王服其國服** 員詣館,如前宴勞。 宴畢, 知府還, 蕃王 侍 相 儀 見。 送於門 司 宴 以

至殿 前。 位前 於蕃 墀 中 前 **贊拜**,蕃王再拜, 王 道 設 一從官: 東 蕃王 攢 丹 西。知 墀 四 拜 北, 西 及從官次於午門外,蕃王拜位於丹墀中道,稍西,從官在其後。 訖 俟立。 班二,位於蕃王拜位北 俱 引 東 班 西相向。回 跪, 導 皇帝服 蕃王升殿。 稱賀致詞。 通 天冠、絳紗袍御殿。 鼓三嚴, 宣方物官以 宣方物官宣狀。 ,引蕃王舍人二,位於蕃王北,引蕃王 百官入侍。 方物狀由西陛升, 蕃王及從官各就 執事舉方物案, 承制官宣制訖,蕃王俯伏,興,再拜, 入 殿 拜位, 蕃王 西門, 隨案由 從官舍 設方物案於丹 以方物案置 內 贊引 人二,位 西門入, 拜

出 殿 西門, **贊拜,蕃王及其從官皆四拜。** 禮畢, 皇帝興, 蕃王以下出。 樂作樂止皆

如

禮。 蕃 向 再 王 蕃王 拜 跪 見 (皇太子於東宮正殿, 設拜位於殿外。 ,王答拜。 稱賀,致詞訖,復位再拜, **陛辭**,如 俱就 朝 見儀 座,王 不傳 一座稍 制 皇太子答拜。 北。 中 書省 禮 軍,揖 率禮部官 皇太子皮弁服升座,蕃王再拜,皇太子立受。 而出。 蕃王出,其從官行四 送至龍江驛,宴 見丞相、三公、大都督、御 如 [拜禮。 初 見親王,東西相 史大夫皆鈞

拜禮 其 國 服 一十七年四 見親 如嘗賜朝服者則 王,亦如之, 月,以舊儀 服 王立受了答後二拜。 朝 煩, 服 命更定。 ,於奉天 殿朝 凡 蕃 見。 國來朝,先遣禮部官勞於 從官隨蕃 行八拜禮畢,卽 王後 行禮。 詣 凡 文華殿 遇宴會, 會同館。 朝皇太子 蕃王 明 日,各具 居侯伯 行行 匹

制官 承 於館 前 制 稱 復 官 中 凡 有制 命訖 ·禮待 蕃 稱 有 或 後制 遣 如 使者 使者 儀。 使朝貢,至驛,遺應天府同知禮待。 ",使者 復 跪 宴畢,習儀三日, 匹 宣制 拜。 跪 禮畢, 曰:「皇帝問 宣 制 曰:「皇帝又問, 皇帝興,樂作止如儀。 擇 使者 日 朝 水時 見。 爾 陳設 爾 使者遠來 明 日 國 儀仗及 ·王安否。」使者答畢,俯伏, 至會同館,中 見東宮四拜, 小勤勞。」 進 一表, 使者俯伏 俱 書省奏聞,命 如 進方物訖, 儀。 一,興, 承制 再拜。 官 禮 興 復四 詣 部侍郎 再 使者 承

志

|丞相、大都督、御史大夫,再拜。 獻書,復再拜。 見左司郎中等,皆鈞禮

於左司。敎坊司陳樂於堂及左司南楹。蕃王至省門外,省官迎入,從官各從其後。升階就 坐,酒七行,食五品,作樂,雜陳諸戲。宴畢,省官送至門外。都督府御史臺宴如之。 **謹身殿儀。或宰相請旨宴勞,則設席於中書省後堂,賓西主東。設蕃王從官及左右司官坐** 子座,設諸王座於旁,東西向;蕃王座於西偏,諸王之下,東向;三師、賓客、諭德位於殿上第 間作,呈舞隊。蕃國從官坐於西廡下,酒數食品同,不作樂。東宮宴蕃王,殿上正中設皇太 於殿西第一行,東向,設文武官座於第二、第三行,東西向。酒九行,上食五次,大樂、細樂 二行,東西向,蕃王從官及東宮官位於西廡,東向北上。 和聲郎陳樂,光祿寺設酒饌,俱如 凡錫宴,陳御座於謹身殿。設皇太子座於御座東,諸王座於皇太子下,西向,設蕃王座

執事 龍亭於午門外。光祿寺官請旨取御酒,置龍亭,儀仗鼓樂前導。 者捧酒由 ,奉旨官出,使者送至門外。 奉旨官酌酒授使者,北面跪飲畢,又再拜。各就坐,酒七行,湯五品,作樂陳戲如儀。 其宴蕃使,禮部奉旨錫宴於會同館。館人設坐次及御酒案,敎坊司設樂舞,禮部官陳 ·中道入,置酒於案。奉旨官立於案東,稱有制,使者望闕跪。 皇太子錫宴,則遣宮官禮待之。省府臺亦置酒宴會,酒五 至館,蕃使出迎於門外。 聽宣畢,贊再

行,食五品,作樂,不陳戲。

遣使之蕃國儀

體,視前代爲得。

定天下,分遣使者奉詔書往諭諸國,或降香幣以祀其國之山川。撫柔之意甚厚,而不傷國 凡遣使、賜璽綬及問遺慶弔,自漢始。唐使外國,謂之入蕃使,宋謂之國信使。 明祖既

蕃 香 門外,行五 殿陛之東北,宣詔展詔官以次南,俱西向。 案,備金鼓儀仗大樂。又於城內街巷結綵,設闕亭於王殿上,設香案於其前。設捧詔官位 伏,興,四拜。 至丹陛稱有制,使者跪。宣制曰:「皇帝敕使爾某詔諭某國,爾宜恭承朕命。」宣訖,使者俯 書,尚寶司奏用寶,以黃銷金袱裹置盤中,置於案。使者就拜位四拜,樂作止如儀。 主 位 前 使者入蕃國境,先遣人報於王,王遣使遠接。前期於國門外公館設幄結綵,陳龍亭香 凡遣使,翰林院官草詔。 跪。 .殿庭中北向,衆官隨之。 一拜禮。 三上 禮部官奉韶降自中陛,以授使者。使者捧出午門,置龍亭內。駕興,百官出。 香 儀仗鼓樂導龍亭入,使者隨之。至殿上,置龍亭於正中。 ,俯伏,興,衆官同。蕃王復位。 至期,陳設如常儀。百官入侍,皇帝御奉天殿。禮部官捧詔 使者南向立,稱有制,蕃王以下皆四拜。 韶使至,迎入館。 使者詣龍亭前,取詔書授捧詔官。 王率國中官及耆老出 蕃王升自西階,詣 使者立香案東, 承制官 「迎於國 捧詔

志第

Ξ

官捧詣開讀案,授宣詔官。 蕃王以下皆俯伏,興,四拜,三舞蹈,復四拜。凡拜皆作樂。 宣詔官受詔,展詔官對展,蕃王以下皆跪聽。 禮畢,使者以詔書付所司 宣訖,仍以詔置龍

其賜蕃王印綬及禮物,宣制曰:「皇帝敕使爾某,授某國王印綬,爾其恭承朕命。」至蕃

頒行。

蕃王與使者分賓主行禮。

捧表 樂前 **晨**,司 至 畢,用黃袱裹表,紅袱裹箋,各置於匣中,仍各以黃袱裹之。捧表箋官捧置於案。 國,宣制曰:「皇帝敕使某,持印賜爾國王某,幷賜禮物。」餘如儀。 拜 殿庭正 導。 官取表 ,樂作,王與衆官皆四拜。 蕃 洪 ·印者陳印案於殿中,滌印訖,以表箋及印俱置於案。 王冕服,衆官朝服。 詣案前用 使者位於香案東,捧表箋二人於香案西。設龍亭於殿庭南正中,儀仗鼓樂具備。清 武 國遣使進表儀 |中,衆官位其後。 贊拜,樂作。 再拜,樂止。 王詣香案前跪,衆官皆跪,三上香訖。 王送至宮門外、還、衆官朝服送至國門外。 二年定。所司於王宮及國城街巷結綵,設闕庭於殿上正中。前設表箋案,又前設 東向跪進王,王授表以進於使者。 樂止,禮畢。 捧表箋官捧表前行, 置於龍亭中, 使者西向跪受,興,置於案。 使者乃行。 **贊興,王復位。** 金鼓儀仗鼓 引禮引王 印

品官相見禮

跪白。 者 從行私禮。 三品見一品,四品見二品,行兩拜禮。一品二品答受從宜,餘品倣此。 東。 品官居右,行兩拜禮,公、侯、駙馬居左,答禮。 凡 (官員揖拜,)洪武二十年定,公、侯、駙馬相見,各行兩拜禮。 其品越二、三等者、卑者下、尊者上。其越四等者,則卑者拜下,尊者坐受,有事則 三十年令,凡百官以品秩高下分尊卑。品近者行禮,則東西對立,卑者西,高 二品見一品,亦如之。 一品官見公、侯、駙馬, 如有親戚尊卑之分, 三品以下倣此。若

於右。 照品 五年重定,都御史係總督及提督軍務者,不分左右副僉,俱坐於左。 並,都督 級, 凡 ,文武官公聚,各依品級序坐。 同 俱在朝官之次。 知與副都御史並,都督僉事與僉都御史並,俱文東武西。 成化十四年定,在外總兵、巡撫官位次,左右都督與左右都御史 若資品同者,照衙門次第。若王府官與朝官坐立,各 伯以上則 總兵官雖伯,亦坐 坐於左。 +

引 馬 凡官 側立,須 員相遇廻避,洪武三十年定,駙馬遇公侯,分路而行。 其 過。 二品見一品,趨右讓道而行。 三品遇公、侯、駙馬,引馬廻避,遇一品引 一品、二品遇公、侯、駙馬,

右讓道而行。五品至九品,皆視此遞差。 馬側立,遇二品趨右讓道而行。 四品遇一品以上官,引馬廻避,遇二品引馬側立,遇三品趨 其後不盡遵行。 文職雖一命以上,不避公、侯、勳

凡屬官見上司,洪武二十年定,屬官序立於堂階之上,總行一揖,上司拱手,首領官答

《大臣,而其相廻避者,亦論官不論品秩矣。

揖。 其公幹節序見上司官,皆行兩拜禮,長官拱手,首領官答禮。

答禮。首領官揖長官、佐貳官,長官、佐貳官拱手。 凡官員公座,洪武二十年定,大小衙門官員,每日公座行肅揖禮。 佐貮官揖長官,長官

庶人相見禮

幼悉依等第,久別行兩拜禮,近別行揖禮。平交同。 施。 子孫弟姪甥壻見尊長,生徒見其師,奴婢見家長,久別行四拜禮,近別行揖禮。其餘親戚長 與異姓無官者相見,不須答禮。庶民則以官禮謁見。凌侮者論如律。二十六年定,凡民間 人禮。若筵宴,則設別席,不許坐於無官者之下。與同致仕官會,則序爵,爵同,序齒。其 坐次之列,長者居上。十二年令,內外官致仕居鄉,惟於宗族及外祖妻家序尊卑,如家 洪武五年令,凡鄉黨序齒,民間士農工商人等平居相見及歲時宴會謁拜之禮,幼者先

百官吉服送於彰義關外 武門外彰義關」。 按彰儀門即彰義門,正統十年改名西直門。世宗去承天,「駕出正陽門」,不經 彰義關,原作「彰儀門」。 明史稿志三八禮志、明會典卷五三都作「宜

西直門。 據改。

分遣官告郊廟社稷羣神行禮如初 羣神,原作「羣臣」。 明史稿志三八禮志作「羣神」。 明會典

卷五三:「遣官分告北郊、成祖列聖羣廟、太社稷、帝社稷、朝日、夕月、天神、地祇、太歲、旗纛、

都城隍等神。」 據改。

ハミン 進書儀 原無此標題,據卷目增。

껃 引蕃王舍人二位於蕃王北引蕃王從官舍人二位於蕃王從官北俱東西相向 原作「引蕃王舍人

二,位於蕃王從官北」,脫「位於蕃王北,引蕃王從官舍人二」、「俱東西相向」,據太祖實錄卷四

五洪武二年九月壬子條、明會典卷五八補。

志

明史卷五十七

志第三十三

禮十一軍禮

親征 遣將 **禡**祭 受降 奏凱獻俘 論功行賞 大閱

大射 救日伐鼓

功行賞之禮。 平居有閱武、大射之禮。 四 日 軍禮。 親征爲首,遣將次之。 方出師,有碼祭之禮。及還,有受降、奏凱獻俘、論 而救日伐鼓之制,亦以類附焉。

親征

志

第三十

三

禮十

去暴,以安天下。 洪武元年閏七月詔定軍禮。 自黃帝習用干戈以征不享,此其始也。 中書省臣會儒臣言,古者天子親征,所以順天應人,除殘 周制,天子親征, 則類於上帝,宜

宗社 器變 禮。 布之制。 於 神 統 祠 大 社 凱旋,告祭宗社,禮與出 間,率遵用之。 豆 行 皇帝 各 鳭 ,造於祖 祭禮。 • 唐仍舊典,宋亦問行焉。 服武 前 廟,薦於所征之地,及祭所過山川。 期 ,弃,乘革輅,備六軍,具牲幣,作樂,皆行三獻禮,其儀 凡所過 齊一 山川川 日。 師同。 嶽鎮海濱用太牢,其次少牢,又次特牲。 皇帝服通天冠、絳紗袍,省牲視滌。 於是歷考舊章, 獻俘廟社 ,以露布詔天下,然後論功行賞。 定爲親征禮奏之。 師還,則奏凱獻俘於廟社 祭之日,服 若行 與大祀 前 期 速,止 同。 0 擇 武弁,行一 日祭 後魏 永樂、宣德、 一用酒脯 叉 於 告天 有宣露 國 獻 地

從正 午門樓,百官朝見,行獻俘禮 有旨 正 其 1勿遺 陽 罪, 正德十四年, 門 與宣德 入,遣官告謝 其 頒 間 韶,亦如 親征漢庶 帝親征宸濠, 天 地 舊 人 制 廟 高 祉 擇日韶告天下。」十二月,帝還京, 禮部 煦 明年 故 駕詣 事 + 上祭告儀注 奉先殿、几筵殿,謁 相 月將 同 但一 凱 旋, 如舊。 切禮儀 禮 臣言:「宸濠悖逆,皇 帝令祭祀俱遣官代。 見畢, 無從稽考。 朝見 百官迎於正陽門外,帝戎 皇太后。 請 於 師 上 還 親 及疏請遣官 次 之 統 日 日 六 早, 聖 師 往往 御 駕

服

乘馬

入。

志第三十三 禮十一

美南: 宣制 帛、再拜。 成王廟儀,前二日,大將省牲。 以次送出。 還宮,大將軍出。 定遣將禮,皇帝武弁服,御奉天殿。 齊親授斧鉞。 以節 仲薄伐。 洪 武 元年,中書省臣會官議奏,王者遣將,所以討有罪,除民害也。 · 鉞授大將軍。 大將軍受之,以授執事者,俯伏,興,再拜出。 進熟酌獻,讀祝,再拜。 造廟宜社之禮,卽命大將軍具牲幣,行一獻禮,與遣官祭告廟 史記引兵書曰:「古王者之遣將,跪而推轂。」漢高 唐則告於廟社,又告太公廟。 至午門外勒所部將士,建旗幟,鳴金鼓,正行列,擎節鉞。 祭日,大將於幕 詣位,再拜。 大將軍 入就丹墀,四拜, 宋則授旌節於朝堂,次告廟社,又碼祭黃帝。今 次僉祝版, **飮福受胙**,復再拜。 入就位,再拜。 由西陛入殿,再拜跪。 命韓信爲將、設壇具禮。 徹豆,望燎。 降陛,復位,四拜 詣神位前 書稱大禹徂征,詩 社儀 奏樂前導,百官 同。 其配位, 上香、奠 其告武 承制 。駕 官 北

孫

亦大將行禮。

兩廡陪祀、諸將分獻

廚,視鼎鑊滌漑。 俎各三。 親征前期,皇帝及大將陪祭官皆齋一日。前一日,皇帝服通天冠、〔1〕絳紗袍省牲,詣 **設瘞坎位於神位西北,設席於坎前。** 執事設軍牙六纛於廟中之北,軍牙東,六纛西,籩豆十二,簠簋各二,鉶登 上置酒碗五、雄雞五、餘陳設如常儀。 神

唱送 拜。 酒 分 建 文 牙旗六 碗 中 武 神 亞 ·, 酹 復 獻 重 纛 終 行 神。 再 班 於 拜。 獻如之。 於 神 燎半,奏禮畢, 後。 位 執事官各以祝 後。 迎 惟初 一神,再拜,奠幣。行初獻 皇帝服武弁,自左南門入。 獻 駕還。 讀祝,詣飲 幣 ,掌祭官 若遣 福 將, 取 位,再拜飲福,受胙,又 饌詣燎所,太常奏請望 則於旗纛 禮 ,先詣軍牙 至廟庭南,正 廟壇行三獻 神 位 前 一中北向立。大將及陪祭官 再 一再詣六 禮 燎。 拜。 掌 大將 執 、纛神 祭官 事 初 殺 獻 徹 位 雞 削 諸 刺刺 豆 '', 俱 一,贊 將 血 亞 於 禮 再

侍儀 主孟 政 制 宣 獻 、終獻 所 一表官宣讀 釋 使 罪。 昶 受降 洪 爲 傳旨 武 降 奢縱,昇年幼, 昇等五 故 四 訖 事 年 |昇跪 擬 七月 承制官 拜, 明昇 聽宣 一蜀夏明昇降表至京 \equiv 朝 一呼萬 事 諭 出 見日 由 傳 俯伏 臣 制 歲。 下 皇帝御 四 o 承 昇等皆俯伏於地, 拜,三呼萬 制 **免其叩頭伏地** 官 奉天門,昇等於午門外跪 師,太祖命中 傳 制 , 歲, 賜 衣 上表請罪禮, 叉四 侍儀 服 ·書集議受降禮。 冠 「拜出。 帶。 舍 人 掖 侍儀 百官行賀禮。 惟命昇及其官屬朝見,百官 進待 昇 起, 舍 1人引昇 罪 省部 其屬官皆起, 表。 請 入 侍儀使捧表 帝 如 八丹墀 以 宋太祖受蜀 昶 中 專治 跪聽宣 四拜 國

朝賀。

奏凱獻俘

布

詔

天下,百官具朝服以聽,儀與開讀詔

赦同

同 出 師 凡 儀。 親 征,師還,皇帝率諸將陳凱樂俘馘於廟南門外,社北門外。 祭畢,以俘馘付刑部,協律郞導樂以退。 皇帝服通天冠、絳紗袍,升午門樓,以 告祭廟社,行三 一獻禮

摩,鼓 北 諸 俘 內 樓 由 至 侍 將 道正 刑 中 日淸晨,先陳凱樂俘馘於 前 道 立 隨 ,協律郎位於奏凱樂北,司樂位於協律郎南。又設獻俘位於樓前少南,獻俘將校位於其 大 吹振 某以某 部尚書奏位於將校北,皆北向。又設刑部尚書受俘位於獻俘位西,東向。 設露布案於 之,退,就侍立位。 於兵仗之外,百官入侍立位。 將奏凱儀。 南行,以 中,南向。 作、編 處 所 授宣露布官。 奏樂曲。 受露布位於案東,承制位於案東北,俱西向。宣露布位於文武班南,北向。 俘獻,請付 先期,大都督以露布聞。 贊奏凱樂,協律郎執麾引樂工就位,司 樂止,贊宣露布。 爾社門外,不奏歌曲。 所司。」奏訖,退復位。 宣訖,付中書省頒示 皇帝常服升樓,侍衞如常儀。 內使監陳御座於午門樓上前楹,設奏凱樂位於 承 制官 天下。 俟告祭禮畢,復陳樂於午門樓前,將校引 其就刑者立於西廂, 以露布付受露布官,引 將校引 樂跪 一件至位 大將於樓前就位,四拜。 請奏凱樂。 一刑部 東向,以 禮 尙 引 書跪 付刑官。其 詣案跪受, 協律 奏曰: 郎舉

志

宥罪者, 樓上承制官宣旨, 有敕釋縛。 將校以所釋俘退。 如有所賜,就宣旨賜之。 樓下 承旨,釋訖,贊禮贊所釋之俘謝恩,皆四拜三呼, 大將以下就拜位,舞蹈山呼如常儀。 班前稍前

,稱賀致詞訖,百官復四拜,禮畢還宮。

子親王 謂省 捷以下,止宣捷,不祭告慶賀。 就 師 謝。十一月,大將軍徐達及文忠等師還,自軍駕出勞於江上。明日,達率諸將上平沙漠 帝御奉天殿,皇太子親王侍,百官朝服陪列,達、文忠奉表賀。禮成,退自 臣曰:「故國之妃朝於君者,元有此禮,不必效之。」亦令衣本俗服,入見中宮,賜中國服 百官請行獻俘禮。帝不許,事詳本紀。 洪武三年六月,左副將軍李文忠北征大捷, 一入賀。後定,凡大捷,擇日以宣,其日不奏事,百官吉服賀,卽日遣官薦告郊廟。 止令服本俗服,朝見畢,賜中國衣冠就謝。 遣官送所俘元孫買的里八剌及寶册至京 西階。皇太 中 復

獻 年十月,叛賊王三屢導吉囊 俘, H 永 百官表賀。 樂 慶賀禮,餘如 四年定,凡捷,兵部官以露布奏聞,大將在軍則進露布官行禮,次日行開讀禮,第 天啓二年,四川獻逆犯樊友邦等,山東獻逆犯徐鴻儒等, で前儀。 武宗征宸濠還、禮部上獻俘儀、值帝弗豫、不果行。 入犯大同,官軍計擒之。 遣官謝南北郊、景神殿、太 俱遣官告祭郊 社 嘉靖二十三 稷。 擇 日

廟,御樓獻俘。

論功行賞

尚書捧誥命,戶部尚書捧禮物,各授受賞官。受賞官以授左右,俯伏,興,復位。餘官以次 以某物,其恭承朕命。」宣畢,受賞官俯伏,興,再拜。唱行賞,受賞官第一人詣案前跪,吏部 興,復四拜。禮畢,皇帝還宮。各官出,至午門外以誥命禮物置於龍亭,用儀仗鼓樂各送還 受賞訖,承制官、東部尙書等俱至御前復命,退復位。受賞官皆再拜,三舞蹈,山呼。俯伏, 承制官南向稱有制,受賞官皆跪,宣制曰:「朕嘉某等爲國建功,宜加爵賞。 今授以某職,賜 入就拜位,四拜。 是日,鼓三嚴,執事官各就位。皇帝袞冕陞座,皇太子諸王袞冕,自殿東門入侍立,受賞官 受賞執事位於受賞官序立位之西。 部尚書位於殿上西南,應受賞官拜位於丹墀中,序立位於丹墀西南,受賞位於誥命案之南, 案於丹陛正中之北,宣制案於誥命案之北。 中書集六部論定功賞,奏取上裁。前期,陳御座香案於奉天殿,設寶案詔書案於殿中,誥命 凡凱還,中書省移文大都督府,兵部具諸將功績,吏部具勳爵職名,戶、禮二部具賞格。 明日進表稱謝,如常儀。 承制官跪承制,由殿中門出,吏、戶、禮尚書由殿西門出,立於誥命案東。 每官用捧誥命、捧禮物各一人,俱北向。餘陳設如朝儀。 吏、戶、禮三部尚書位於殿上東南, 大都督、兵

大閱

統 臨校閱。」兵部引宣宗、英宗故事,請行之。命於明年八月舉行。 間 ,或閱於近郊,於西苑,不著令。 宣德四 年十月,帝將閱武郊外,命都督府整兵,文武各堂上官一員,屬官一員扈從。 隆慶二年,大學士張居正言:「祖宗時有大閱禮,乞親 及期,禮部定

臣、巡視科道督率將領軍兵預 前 期一日,皇帝常服告於內殿,行四拜禮,如出郊儀。 肅敎場。 司設監設御幄於將臺上,總協戎

文臣 事官, 武臣 .各堂上官,科道掌印官、禮兵二科、禮部儀制司、兵部四司官、糾儀監射御史、鴻臚 至 日,早,遣官於敎場祭旗纛之神。三大營官軍具甲仗,將官四員統馬兵二千扈駕。〔三〕 .都督以上、錦衣衞堂上及南鎭撫司掌印僉書官,俱大紅便服,關領扈從,牙 牌懸 寺供

致場。

宮 內 定門,至閱武門外。 中 鳴金止鼓,候升座。 是日 軍 舉 発朝。 號 礮三,各營鉦鼓振作,扈從官序立於行宮門外。 錦衣衞備鹵簿。 總協戎政官率大小將佐戎服跪迎, 扈從官行一拜禮,傳賜酒飯。 皇帝常服乘輦由長安左門出,官軍導從,鉦鼓振作。 各官謝恩出,將臺下東西序立。 入將臺下,北向序立。 駕至 門,降輦。 兵部官導入行 駕進閱 武門,

官 奏請 大関。 兵部、鴻臚寺官導駕登臺, 舉礮三。 京營將士叩頭畢,東西侍立。 總協戎政

官 列 於 扈從官之北 清路將 列從官之南

立。 所 軍 於 俱 隊 於於 左 部 士射 臺 簿 回 營。 甲甲 下 及 鴻 兵部 禮 御 較射。 馬 畢 兵部 外 ,以府部大臣幷御史、兵部官於東 **臚寺官奏傳** 前 駕 少頃 尙 止 兵導從 呈驗。 書奏請, 尚書請 回行宫,少憇, 馬三矢,步六矢,中的者鳴鼓以報,御史、兵部官監 鹵 ,兵部尚書請閱 簿、大樂 如 兵部 來儀, 鉦 制,贊跪。宣制訖,贊叩頭。 **閱陣**,舉礮三。 令各營整搠人馬。[E] 尚書奏大閱畢,臺下舉號 至午門外止。 鼓 扈從等官趨至門內立。 與大樂 射。 馬步 總協戎政官以下及聽射 相 駕還, /官軍演陣,如常法。 應 西廳較 振 臺上吹號笛,麾黃旗,總協戎政及將佐等官各歸 作。 仍詣 旗,總協戎 各官先退,出門 関。 總協 內殿參謁 皇帝升輦。 鎗刀火器等藝, 戎 政以下 政官及諸將領俱詣 公、侯、駙馬、伯、錦 演畢,復吹號笛, 一, 如 外 前 候駕至,叩 中 視紀錄。把總 ,贊扈 儀。 軍 舉 聽總協 百官不 ·酸三, 從官行叩 頭 退。 戎 **麾黃旗**, 衣 各營皆鼓吹, 扈從者,各吉 臺下、北向 以下及家丁 政官量 **衞等官,俱** 頭 馬兵至長 禮 將 取 序

服 安 鹵 於 承 天 門外 橋 南 序立。 恭送,駕還,迎如之。

寡、敎 次 練等第奏聞 日 總協 戎政官以 越二日 下表謝, ,皇帝御皇極門,賜敕勉勵將士。 百官侍班 行 稱賀 一禮 如 常 儀。 總協戎政官捧至彩輿,將士迎 兵部以 將士優 劣及 中 箭 多

志

導至 **教場,開讀行禮如儀。** 是日,即行賞資幷戒罰有差。 次日,總協戎政官率將佐復謝恩。

詔 如 議行。 駕還,樂奏武成之曲。

|曆九年大閱,如隆慶故事。

大射 邑

五.

之。 中,六品至九品及文武官子弟士民俊秀通用之。 待獲者以蔽身。設楅及韋,CKJ當射時置於前,以齊矢。設射中五。皮樹中,天子大射用 子弟及士民俊秀用之。凡射時,置乏於鵠右。乏又名容,見周禮大司馬服不氏,職執旗 品者用之。 氣,武職官充之。 力强 采,天子用之。熊鵠五采,皇太子用之。豹鵠五采,親王用之。豹鵠四采,文武一品、二 閭中,天子宴射用之。虎中,皇太子親王射用之。兕中,一品至五品文武官用之。鹿 其制,洪武三年定。凡郊廟祭祀,先期行大射禮,工部製射侯等器。其射鵠有七。虎鵠 大射之禮,後世莫講,惟宋史列於嘉禮。至明集禮則附軍禮中,會典亦然。 弱而定耦,其中否則書於算,兵部官職之。 司射器官二,掌辨弓力强弱,分爲三等,驗人力强弱以授,工部官職之。舉 其職事,設司正官二,掌驗射者品級尊卑 司射二,掌先以强弓射鵠誘射,以鼓衆 泛

侍儀 鵠, 旗。 爵 l者,(E) 掌以馬湩授 舉黃旗。 司 如 射 職 者 之。 $\bar{+}$ 的, 不及鵠, 待獲 舉紅旗 者、掌矢納 中者飲,光祿寺官職之。 舉黑旗。 應之。 於司 軍士二人掌之。 中 射器者, 采, 舉采: 以 旗應之。 隸僕供 請射者,[公掌定耦射。 引禮 以其役。 偏 二, 掌引文武官進退, 西, 舉白 執旗者六人,掌於容後執 旗。 偏東, 射畢, 侍儀 舉 再請某耦射, 青旗。 司 舍 人職 過 五 色 於

皆令 殺 其 禮 太祖 習 射 射 ,頒儀式於天下。 又以先王射禮久廢,弧矢之事專習於武夫,而 位 初三十步 , 自後累加 朔 望 則 至 於公廨 九十步。 或閒 射 地 習之。 四矢,以二人爲 文士多未解。 其官府學校 耦 射 乃詔 儀,略做 國 學及郡縣 大 射之式而 生員

之。

京 耆 永 樂 老 聚 時 觀 有 擊 毬 分 擊 射 一毬官 柳 之制。 爲 兩 朋,自皇太孫 年五 月五 而下諸王大臣以次擊射,賜 日幸 東苑,擊毬 射 柳,聽文武 中者幣布 羣臣 四夷 有 朝使及

救日伐鼓

禮。 鼓 洪 一十六年三 人 武 六年 伐 鼓 復圓 二月定救 月 更定, 万止 日 禮部設 食禮。 月食 ,大都督府設 香案於露臺,向 其日 ,皇帝常服, 香案,百 日 ,設金鼓於儀門內, 不 御正 官常服 殿。 行 中書省設香案, 禮 不不 伐鼓,雨 設樂於露臺 雪 百 雲翳 官 下, 朝 則発 各官 服行

志

第

Ξ

+

Ξ

醠

+

衆鼓齊鳴,候復圓,復行四拜禮。月食,則百官便服於都督府救護如儀。在外諸司,日食 拜位於露臺上。至期,百官朝服入班,樂作,四拜興,樂止,跪。 執事者捧鼓,班首擊鼓三聲,

則於布政使司、府州縣,月食則於都指揮使司、衞所,如儀。

隆慶六年,大喪。 方成服,遇日食。百官先哭臨,後赴禮部,青素衣、黑角帶,向日四

校勘記

拜,不用鼓樂。

[一] 皇帝服通天冠 原脱「服」字、據明史稿志一一禮志補。

十一月大將軍徐達及文忠等師還 十一月,原作「十月」,據本書卷二太祖紀、太祖實錄卷五八

洪武三年十一月壬辰條改。

將官四員統馬兵二千扈駕 原脫「一」字,據穆宗實錄卷三六隆慶三年八月甲辰條補。

令各營整搠 辰條改。 按上文「各營鉦鼓振作」,下文「各營皆鼓吹」,皆作「各營」。 人馬 各營,原作「各戎」,據明史稿志三九禮志、穆宗實錄卷三六隆慶三年八月甲

(五) 大射 原無此標題,據卷目增。

職執旗及待獲者以蔽身設福及韋 待,原作「侍」,福,原作「福」,據太祖實錄卷五二洪武三年 記

C+J舉爵者 明會典卷五一作「舉爵者二員」。

「C 」 請射者 明會典卷五一作「請射者四員」。

明史卷五十八

志第三十四

禮十二凶禮

山陵

次五日凶禮。 凡山陵、 寢廟與喪葬、服紀及士庶喪制,皆以類編次。 其謁陵、忌辰之

禮,亦附載焉。

山陵

葬,不果。 祭署,置奉祀一員,陵戶二百九十三。皇考仁祖,墓在鳳陽府太平鄉。 太祖卽位, 因增土以培其封,令陵旁故人汪文、劉英等二十家守視。 追上四世帝號。 皇祖考熙祖,墓在鳳陽府泗州嬪城北,薦號曰祖陵。 洪武二年薦號日英陵, 太祖至濠,嘗議改 設祠

一四四五

志

第

三十四

禮

+ =

楹奉懿祖 楹,東西旁各二,爲夾室,如晉王肅所議。 二,直宿灑掃。 改稱皇陵。 西 設皇陵衛幷祠祭署,奉祀一員、祀丞三員,俱勳舊世襲。 楹奉熙祖。 禮生二十四人。 十九年命皇太子往泗州修繕祖陵,葬三祖帝后 四年建祖 陵廟。 中三楹通爲 **傲唐、宋同堂異室之制,** 一室,奉德祖神位,以備給 陵戶三千三百四 前 冠 殿寢 服 殿俱 + 東 Ŧ.

三日 遺詔於天下。 孝陵衞 絰、 麻鞋。 除。 於本署齋宿,朝晡詣 二十七月除。 成 命婦孝服,去首飾,由西華門入哭臨。 三十一年,太祖崩。 服,日 及祠祭署。 命婦麻布大袖長衫,麻布蓋頭。 每旦設香案哭臨,三日除。 在外百官,詔書到日,素服、烏紗帽 凡臨朝視事,素服、烏紗帽、黑角帶,退朝衰服。 建文帝詔行三年喪,事在本紀。 几筵哭。 禮部定議,京官聞喪次日,素服、鳥紗帽、 越三日成服,朝晡哭臨,至葬乃止。 各遣官赴京致祭,祭物禮部備。 諸王、世子、王妃、郡主、內使、宮人俱斬衰三年, 明器如 、黑角帶,四 鹵簿。 以遭革除,喪葬之制皆不 神主用 拜。 羣臣麻 栗,制度依家 聽宣讀訖,舉哀,再四 黑角帶, 自成服 布員領衫、麻 孝陵設神宮監弁 赴內 日始,二十七日 傳。 府聽遺詔 布冠、麻 行人頒

朝 成服日爲始,斬衰三年,二十七月除。服內停音樂、嫁娶、祭祀,止停百日。 夕哭奠。 文帝崩於榆 百官素服,朝夕哭臨思善門外。 木川,遺詔一遵太祖遺制。 禮部定喪禮,宮中自皇太子以下及諸王、公主, 京師 聞計,皇太子以下皆易服。 文武官聞喪之明 宮中設几筵,

飾,俱 文 三日, 内,奉安於仁智殿, 將 四 日 順 七 日 H 除 至, 禮 , 詣思善門外哭, 五拜三叩頭, 宿本署, 不飲酒食肉。 夷使臣 日 天 府 衰服 喪服已踰 外,素服、鳥紗帽、黑角帶,二十七月而 部引赴思善門外行禮。 二十七日。 文武官衰服, 二十七日除。 凡音樂祭祀, 朝 T. 二十七日。 夕哭臨三日,又朝臨十日。 部 二十 造與。 在外 七 加斂,奉納 軍民素 並 軍民男女皆素服 日 凡入朝及視 諸王 以聞 輟 請 百 服 喪日 如 公主遣官及內外文武官詣 日。 遺 梓宮。 京 赴 命,以 居 城 婚嫁, 爲始,越三日 事,白布裹紗 庸 聞 遣 뢺 喪 十三日, 日易月。」帝以梓宮在殯,不忍易,素冠、麻衣、麻 命婦第四 哭 官停百日, 中官奉 H 迎。 爲始, 除。 成服,就本署哭臨,餘)帽、垂帶、素服 大行皇帝遺衣冠。 餘俱 皇太子、親王 日 聽 寺觀各鳴鐘三萬杵, 曲 選辦事等官衰服 軍民停一月。 如 西 几筵祭祀者, 京 華門入,哭臨三日, 四日衰服,朝夕哭臨三日,又朝臨十 師。 及羣臣皆衰服哭迎 、腰経 凡 京官服, 軍 作書 監監 一、麻 光祿 如京官。 民素服 禁屠宰四十 賜 生吏 鞋。 寺備 漢王 給 典 退朝 麻 倶素服 命婦 婦 物, 一、趙王 (僧道 布 於 人素服 衰服 翰 素 郊。 九 疋 素服 二十七 服 林 H 自製 經 院 不 禮 至 沙赴 大 哀 妝 視 臣 撰 喪

十二月,禮部進葬祭儀。

志

第

 \equiv

+

四

禮

+

朝,退仍衰服

学。羣臣

聽其

便

發引 前 三日, 百官 齌 戒。 遣官以葬期告天地宗社,皇帝衰服告几筵, 皇太子以下皆衰

明門、 服 外幷大明門外。「三 帝后太子以下皆衰服,以序致祭。 隨班行禮。 、德勝門幷所過河橋、京都應祀神祇及經過 百官衰服朝一臨,至發引止。 司禮監 、禮部、錦衣衞命執事者設大昇舉、陳葬儀於午門 前一日,遣官祭金水橋、午門、端門、承天門、大 應祀 神 祠 儀用酒果肴饌。 是夕 ,設辭奠,

內,設遣奠,如祖奠儀。 册寶、神帛、神亭、銘旌 降殿,內侍官請梓宮升龍輔,執事官以綵帷幕梓宮,內侍持傘扇侍衞 前奏、請靈駕進發、捧册寶、神帛置輿中;次銘旌出;執事官升梓宮,〔三〕內執事持發左右蔽。 丹陛上,設祖 止,望瘞。 將發,設啓奠。 執事者升 奠如啓奠儀。 皇帝暨皇太子以下衰服四拜。 ,徹帷幙,拂拭梓宮,進龍輴於几筵殿下。 以次行。 內侍請靈駕進發,皇帝以下哭盡哀,俱還宮。 皇帝詣梓宮前,西向立。 皇帝由殿左門出,后妃、皇太子、親王及宮妃後隨。 奠帛、獻酒、 皇太子、親王以次侍立。 設神亭、神帛輿、諡册 讀配,四拜。 如 儀。 舊御儀仗居前, 舉哀, 内侍於梓宮 至午門 寶輿於 興,哀

帛,由左門入,至褥位跪,置神帛於褥,興,正立於神帛後跪。 高明廣運聖武神功純仁至孝文皇帝謁辭。 親王以下哭送出端門外, 梓宮至午門外,禮官請梓宮升大昇轝。 行辭祖禮。 執事官設褥位於太廟香案前。 皇太子俯伏,興,贊五拜三叩頭畢,皇太子捧神 執事官奉升轝訖, 禮官跪於左,奏太宗體 禮官詩靈駕進發。 皇太子易常服, 皇太子、 天 弘道 捧神

中門出,皇太子以下由左門出,步送至德勝門外,乘馬至陵,在途朝夕哭奠臨。 帛興,以授禮官。禮官安興中,請靈駕進發。皇太子仍喪服,親王以下隨行。 百官、軍民耆老、四品以上命婦,以序沿途設祭。文武官不係山陵執事者悉還。 梓宮由大明

奠儀。遣官祀謝后土及天壽山。 皇太子受獻,以授內執事,捧入皇堂安置。俯伏,興,四拜,舉哀,遂掩玄宮。行饗禮,如遷 內侍捧册寶置於前,陳明器,行贈禮。皇太子四拜興,奠酒,進贈。執事官捧玉帛進於右, 俯伏,興,回四拜,舉哀。親王以下陪拜,如常儀。遣官祀告后土幷天壽山,設遷奠禮,如 執事官奉梓宮入,皇太子、親王由左門入,安奉訖,行安神禮。皇太子四拜,興,奠酒,讀祝。 上儀。每將掩玄宮,皇太子以下詣梓宮前跪。內侍請靈駕赴玄宮,執事官奉梓宮入皇堂。 至陵,執事官先陳龍輔於獻殿門外,俟大昇譽至。禮官請靈駕降譽,升龍輔,詣獻殿。

終獻,四拜,舉哀,望瘞。 至獻殿,奏請神主降輿升座,行初虞禮。皇太子四拜,初獻,奠帛酒,讀祝,俯伏,興。亞獻 神主。贊四拜,與,獻酒,讀祝。俯伏,興,四拜,舉哀。內侍啓櫝受主訖,請神主降座升輿。 案上,題主官盥手西向題畢,內侍奉主安於神座,藏帛箱中。內侍奏請太宗文皇帝神靈上 **設香案玄宮門外,設題主案於前,西向。設皇太子拜位於前,北向。內侍盥手奉主置** 內官捧神帛箱埋於殿前,焚凶器於野。葬日初虞,柔日再虞,剛日

志

+

三虞,後間 日 虞,至九虞止。 在途,皇太子行禮。 還京,皇帝行禮

侍請 外置 子以下陪拜。 主行,百官從。 幄次,列儀衞,鼓吹備而不作。 神主降輿升座,行安神禮。 神主將還,內侍請神主降座升輿,儀仗侍衞 百官於思善門外行禮如儀。 至午門外,皇帝襄服迎於午門內,舉哀,步導主升几筵殿。 皇帝 百官衰服候城外,主入幄次,百官序列五 四拜,興,奠酒,讀祝。 明日,百官行奉慰禮 如 儀。 皇太子隨,仍朝夕奠。 俯伏 「興,「KI 四拜,舉哀。 皇帝立殿 拜三叩 至京,先於城 首。 Ŀ, 皇太 內 神

御輦。 主由 太廟 安於座,指拜位行祭禮,如時饗儀。 行八 外,皇帝易祭服,升輅,隨至午門外,詣御輦 由殿左門入,行安神禮畢,釋服還宮。 拜,舉哀。 拜禮。 左門入,至丹陛上。 了, 如 卒哭用虞祭後剛 皇帝升輅隨,至思善門降輅,易衰服,隨至几筵殿 時饗儀,樂設而 興,哀止,立於拜位之東,西向。 每廟俱同。 日_, 不作。 內侍捧主北 典儀唱「太宗文皇帝謁 禮同 虞祭, 設儀衛傘易於午門外,內侍進御輦於几筵殿前,皇帝衰 太常卿奏請神主還几筵,皇帝捧主由 向,太常卿立壇東,西向。 自是罷朝夕奠。 明日,百官素服行奉慰禮 前跪。 內侍請神主降座升輦,詣太廟祔饗。 廟」。 太常卿奏請神主降輦,皇帝俯伏, 耐饗用卒哭之明日,太常寺設**醴**饌於 至廟前, 前。 內侍請神主降輦,升座。 唱、賜 内侍捧主至褥位, 坐」,皇帝搢圭,奉 廟 左 門出,安奉於 皇帝於後 至 思善 興, 神 服 捧 門 匹

府遣官共祭一壇,在京文武官祭一壇。自神主出几筵殿,內侍卽撤几筵、帷幄,焚於思善門 大 ,祥,奉安神主於太廟,禮詳廟制。 皇帝祭告几筵殿,皇太后、皇后以下各祭一壇,王

外。禪祭,遣親王詣陵行禮。

門外 臨。 已。」仍素服坐西角門,不鳴鐘鼓,令百日後再議。 釋冠服,披髮詣梓宮前,五拜三叩首,哭盡哀。宮中自皇后以下皆披髮哭。皇太子就喪次 臨三日,後又 東,見母后。 至,常服,詣次四拜。 紗 一四拜。 帽、黑角 服除,禮 洪熙元年,仁宗崩。皇太子還自南京,至良鄉,宮中始發喪,宣遺詔。 宣畢,舉哀,復四拜。易素服,迎皇太子於盧溝橋,橋南設幕次香案。皇太子 帶,朝參如常儀。 **《朝臨止七日,在外止朝夕哭臨三日,無朝臨禮。文武官一品至四** 臣請帝服淺淡色衣、烏紗翼善冠、黑角帶,於奉天門視事。 親王以次見皇太子畢,各居喪次,行祭告禮。 聽宣遺詔,復四拜,哭盡哀。 退朝,仍終太宗服制。 易素服至長安右門下馬,步哭至宮門外, 已百日,禮臣復請御奉天門。 帝曰:「朕心何能 喪儀 !俱如舊。惟改在京朝夕哭 忍,雖 百官皆淺淡色衣、 文武官常服於午 品命婦入哭 加 帝命候山 一日愈於

明王皆從 先 是,詔營獻陵,帝召尙書蹇義、夏原吉諭曰:「國家以四海之富葬親,豈惜勞費。 儉 制 孝 子思保其親體魄於永久,亦不欲厚葬。 况皇考遺韶,天下所共知,

四五

志

袍御

奉

天

門

視

朝。

禪祭後

· 始釋

素服。

從之。

也。 宜遵 先 吏 志。」 部 尙 於 書 是 蹇義等請 建 寢 殿五 詂 楹,左右廡 廟 後 素 服 御 神廚各五 西 角門 楹,門樓三楹 視 事 至孟 冬歲暮, 。其制較長陵遠殺,皆帝所規 行時饗 鳴 鐘 鼓 黄

時未 服, 婚, 及 奉 仍素翼善冠、麻 不得以宮妃 先 宣宗 及 殿 小 祥 崩 至禪祭,発朝。 ,帝黃袍御 喪葬 殉 葬。 如 衣、 獻 腰經 殿 憲宗 陵故 受朝。 視朝 擇 卽 事 日 位, 0 次日 遣官詣 不不 惟改 百日御 鳴 鐘 ,仍黑翼善冠 命 陵致 婦哭臨,自三品以上。 鼓, 奉天門 祭 百官素服 視 朝 淺淡 朝 禮 服、 參, 儀 悉 犀 百 英宗崩, 用吉典。 日後 帶 o 如 及大祥,神主奉安太廟 常 遺命東宮過 憲宗崩 弘治 元 孝宗 年正 百 既除 日 旦, 成

腰絰 旣 陵殿 而 大 宇,務從減省。」 御 王 孝宗崩,工部言:「大行 明 以 西 門 疾 角門 外。 視 其在 事 禮 一體部言 不鳴鐘 途 部 請 及至陵 以 一百百 遺認 鼓, 駙 一篇奠元 馬等官捧 日 , 百官仍 惓惓 例 俱護 應變服 素服 以 帛 喪 節 朝 公官行 ,但梓宮未 用 朝參。」從之。 祖 愛民爲本。 一,帝 禮。 日 後 入 朝 遂 Щ 爲 乞敕 祖 自辭 陵, 捧 例 帛 內府諸 請 靈 ", 朕 仍 至 虞 素 以自行。」 司,凡 耐 翼 善短、 樂王 葬儀冥器幷山 發 麻 俱 在 布 親王 陪 袍服 列 止

服、 腰経 世 宗 幸慰。 崩 ,令旨発 發引,帝行遣奠禮。 命婦哭臨 隆 慶 至朝祖,則遣官捧帛行禮。 元 年 正 月, 未 及二 十 七 日 梓宮至順天府,皇親 , 帝 衰服 御宣治門,百 命婦及 官 素

三品以上命婦祭,餘如舊制。

武、世、穆三廟皆宗之。 光宗卽位、禮部言:「喪服列代皆有制度、而斷自孝宗。 今遵舊制,以衰服御文華門視事,百官素服朝參,候梓宮發引除。」 蓋孝宗篤於親,喪禮詳且備,故

從之。

勝、御史薛貞巡視陵工,費至八百餘萬云。 明自仁宗獻陵以後,規制儉約。 世宗葬永陵,其制始侈。 及神宗葬定陵,給事中惠世

校勘記

(二) 三日成服 三日上疑脱「越」字。 本志上文稱京官「越三日成服」,越三日卽第四日。 明史稿志

四〇禮志、明會典卷九六都作「第四日成服」。

設大昇轝陳葬儀於午門外幷大明門外 卷九六都作「設大昇與於午門外」、「陳葬儀於午門外幷大明門外」、是大昇與只設在午門 仁宗實錄卷五上永樂二十二年十二月壬子條、 明會典 外。

{明 次銘旌出 執事官升梓宮 明史稿志四〇禮志、 仁宗實錄卷五上永樂二十二年十二月壬子條、 兩個「捧」字。

ZY 皇太子 四四 拜興奠酒讀祝俯伏興 原脫「俯伏」兩字, 據仁宗實錄卷五上永樂二十二年十二月壬

志第三十四 校勘記

子條、明會典卷九六補。

ガガン 皇帝四拜興奠酒讀祝俯伏興 如上儀 明史稿志四〇禮志、 原脫「俯伏」二字,據仁宗實錄卷五上永樂二十二年十二月壬子 仁宗實錄卷五上永樂二十二年十二月壬子條都作「如常儀」。

條、明會典卷九六補。

明史卷五十九

志第三十五

禮十三凶禮三

皇太子及妃喪葬 皇后陵寢 興宗帝后陵寢 諸王及妃公主喪葬 睿宗帝后陵寢 皇妃等喪葬

皇后陵寢

服至乾清宮入臨。 日於公廳成服,命婦服亦與在京命婦同,皆三日而除。 喪服入臨畢,素服行奉慰禮,三日而止。 匹,令自製服,皆斬襄二十七日而除,服素服百日。 洪武十五年,皇后馬氏崩。 用麻布蓋頭、麻布衫裙鞋、去首飾脂粉。其外官服制、與京官同。 禮部引宋制爲請。 武官五品以上、文官三品以上命婦,亦於第四日素 凡在京官,越三日素服至右順門外,具 於是命在京文武官及聽除官,人給布一 軍民男女素服三日。 禁屠宰,在京 聞 計

志

第

三十五

醴

十三

殿,預 尙冠 則素 几筵 慰禮 詣廟 四十 禮。 日。 厝皇堂。 官祭金水 日 東宮親王祭几筵及陵。 九日 帝復 以以 行 服、鳥紗帽、鳥犀帶。妃、主以下 殿 帝率皇太子以下詣几筵殿祭。)期齋 後進香。 前 東宮、親王、妃、主以 所 ·; 在 亭 橋 皇太子奠,玄纁 以體饌祭於几筵殿,自再虞至九虞,皆如之。 戒 釋服於 禮 、午門等神及鍾 告廟。 外三日。 皇太子、親王熟布練冠 喪滿 几筵殿 百官 百日 停音樂祭祀百 陪 前 玉璧, 帝 祀 性體祭孝陵,公侯等從。 Щ 丙位焚之。 小祥, 輟朝三日。 畢,行 一之神。 輟朝,祭几筵殿,致欽不拜。 行奉辭 ,熟布蓋 奉慰禮 百官素服、詣宮門。 帝 月。 九柳、皇孫七柳、皆去首經、負版 皇太子、 禮 親祭於几筵, 嫁娶,官停百日,軍民一月。 頭, 神主還宮, 禁在京音樂屠宰,設醮於靈谷寺、朝天宮 去腰絰。 親王復詣陵行禮。 命婦詣几筵殿祭奠。 百官喪服詣 遣官告謝鍾山 百官素服 進香訖,詣後 宗室駙馬 東宮以下奠帛爵,百官素 朝陽門外奉辭。 迎於朝陽 練冠 大祥, 右 之神。 辟領衰。 將發引 一去首 門奉慰。 奉安神主於 自後 門外,仍行 卒哭, 経_。 見 凡 告太廟, 帝及百官 外 節 是日 內尙衣 以 命 服 序及忌 各三 婦 神 行 奉 , 遣 慰 安 奉 主

四品 臨 畢 ,行奉慰禮。 以上命婦成服日爲始,詣思善門內哭臨三日。 成祖 皇后 徐氏 三日 崩,自 成服 次 、哭臨 Ħ 輟 朝, 如 F 不鳴鐘鼓。 儀。 自次 H 帝素服御 爲始,各就 聽選辦事官,俱喪服。 西角門, 公署齋宿。二十七 百官素服詣 人材監生、吏典 思善門外哭 H 非 文武

中朝 官 仍素 之。 郊 請御正門視朝,鳴鐘鼓,百官易淺淡色服。帝以梓宮未葬,不允。至周期,帝素服詣几筵致 輿中,由中道出,入古順門至几筵殿,以册寶置案,退俟於殿外。尚儀女官詣香案前,跪進 册,帝躬告天地於奉天殿丹陛上。御華蓋殿,鴻臚寺官引頒册寶官入行禮,傳制曰:「永樂 五年十月十四日,册諡大行皇后,命卿行禮。」四拜畢,序班舉册寶案至奉天殿丹陛上,置綵 及郡王之子皆小功。遣中官訃告諸王府,造祔,謁太廟。 主等服制,世子郡王皆齊衰不杖期。世子郡王妃、郡主皆大功。周、楚諸王及寧國諸公主 僧道、坊廂誊老各素服。自成服日始,赴應天府舉哀三日,餘悉遵高后時儀。 反 廟 …「皇帝遣某官册諡大行皇后,謹告。」贊宣册,女官捧册宣於几筵之右,置册於案,宣寶如 百官西角門奉慰,輟朝三日。在京停音樂、禁屠宰七日。禮部官於天禧寺、朝天宮齋 尚儀奏禮畢,女官以册寶案置几筵之左。內官出報禮畢, 頒册寶官復命。百日, 禮部 其明日,帝吉服御奉天門視朝,鳴鐘鼓。百官服淺淡色衣、鳥紗帽、黑角帶,退朝署事 夕哭奠。 社 婂 俱素服,以次路祭。 遇朔望,朝見慶賀 帝素服祭告几筵,皇太子以下衰服行禮,遣官祭所過橋門及沿途祀典諸神。百 官民 迎祭者,皆素服。 、如常儀。 梓宮至江濱,百官奉辭於江濱。 几筵祭祀,熟布練冠。 旣葬,賜護送官軍及异梓宮軍士鈔米有差 祭器、諡册、諡寶悉用檀香。將 及發引,齋三日,遣官以葬期告 皇太子送渡江,漢汪護行,途 又定諸王、公

志

発哭 典 崩 謁 日。 后、中宮、親王 省 儀 列 臨 祖 諸 勿 IF. 如 帝、后及仁宗神位,又奉宣宗衣 統 王 故事 勿會葬,外官勿進香, 中 E 諸 德 · , 仁宗皇后 ,止改哭臨於清 王以下內外各官及命婦哭臨 以下文武大臣 元 年, 景帝 張氏崩 后汪氏 寧門。 . 命婦皆有祭。 臣民 禮部定大行太皇太后喪禮。 薨 英宗皇后錢氏 勿禁音樂嫁娶。 禮部 冠謁 如 會羣臣言, 太后神位 制 前 可 儀, 崩 衰服二 了,其禮 及葬, 宜 禮 如 如 十七日 皇 舊 視 遣官告太廟。 皇帝 時享。 | 妃例 惟屠 而 成服三日 輟朝三 率 除, 天順 止 軍 一禁七 中,宣宗 帝 民男 日 後, 親 日 祭九 女 刨 奉 〈素服 外 皇 太后 聽 壇 后 政 國 使 孫氏 衣 + 冠 祀

氏, 也。 奉祀 官迎於德 入至淸寧宮,親 及發引 成化 册 憲宗廢后吳氏, 德十三年崩。 , 先期 行 勝 禮,塋域 中薨,輟朝 門。 結 平臺 奉梓宮朝 帝素服、 、葬儀俱 一,與順天府交衢 如 越三日,帝至自宣府 正德四 故 祖 事 腰絰御西角門, 從厚。 年薨,以 自 百官步送德 初 皇親 喪及葬,帝及皇太后、中宮、妃、主、皇子皆致祭。 相 大學士李東陽 百官 値 ,乃發喪。 百官奉慰。 勝門外,惟 反 帝晨出 命 婦送葬設祭,皆如 北安門迎,皇太 等言, 百官 送喪官騎送。 卒哭, [具素服,於清寧宮門外 禮 始釋 如英宗惠妃故事 服。 儀 后及皇后 明 日 孝宗 帝奉 母 御 紀氏, 神 平 憲宗 聽宣 **臺**候 主還京,百 皇后王 遣皇子 憲宗妃 入殯。復 一遺誥

世宗祖 母邵氏,嘉靖元年崩。 服除,部臣毛澄等請卽吉視事 議再上,命考孝肅太皇

朔望 禮 正 臣 一旦朝元,亦不宜縞衣臨見萬國。 若孝思未忘,第毋御中門,及不鳴鐘鼓足矣。」從之,仍免 喪禮。 以舊制上。帝謂郊社不宜凟,罷祭告。 日陞殿。 澄等言:「孝肅崩時,距葬期不遠,故暫持凶服,以待山陵事竣,與今不同。 旣葬四 日,帝御奉天門,百官行奉慰禮, 又謂躬行諸禮,前已諭代,亦罷謁廟禮。 始從吉。 嘉靖中,孝宗皇后張氏崩, 及太 況當

常寺以朝

祖

耐廟,請各廟捧主官,詔主俱不必出,蓋從殺也。

門。 入, 神 無几筵之奉,當卽行祔廟,令皇后攝事於內殿。」言等議:「按禮,卒哭乃行祔告。蓋以新 夏言等言:「莊肅皇后喪禮,在臣民無容議。 於 靈,而 ,舊主當祧,故預以告也。 羣臣 兄后 先 是武宗皇后夏氏崩,禮部上儀注,有素冠、素服、經帶舉哀及羣臣奉慰禮。 | 祔告之禮宜免。」因具上其儀。 .成服後,不當素服朝參。」及上喪葬儀,帝復諭:「毅皇后事宜與累朝元后不同,〔一〕 無服,矧上奉兩宮,又迫聖母壽旦,忍用純素。 朕靑服視事,諸儀再擬。」於是尚書 此 在常典則然,非 制可 惟是皇上以天子之尊,服制旣絕,不必 今日義例。 毅皇后神主誠宜卽祔太廟,以妥 帝曰:「朕 御 西角 主當

愼。 欲九 左傳 嘉 靖 日 昭 七年,世宗皇后陳氏崩。 釋服 公 干 五 Ξ 年六月乙 閣 臣 張璁等言:「夫婦之倫,參三綱 丑 ,周景王太子濤卒。 禮 部 上喪祭儀, 秋八月戊寅,王穆后崩。 帝疑過隆。 而 立。 人君 議再上,帝自裁定,槪從減 乃綱常之主,尤 叔向曰:『王一 不 · 可 不

志

殺 服,御 其母儀天下也。 載仁孝皇后崩 衰杖期,父母在則不杖。 私室,則仍素服白帽二十七日。 則 不然,則恩紀不 歲 事之禮 下 日易月,僅二十七日。 爲期 可。 而 有東宮,從重盡禮爲宜。 有三年之喪二焉。』蓋古禮,父爲子,夫爲妻,皆服報服三年。 西角門十日,即玄冠玄服御奉天門,百官入左掖門則鳥紗帽、靑衣侍班。 若對臨百官,總理萬幾,履當陽之位,同一行中宮之服則不可。 年,則固 蓋妻喪內而不外,陰不可當陽也。 ,太宗衰服後,仍服數月白衣冠故事以證之。 明,典禮有乖。」禮臣方獻夫亦雜引儀禮喪服等篇,反覆爭辨,幷三朝聖諭所 ·未嘗絕者。 今皇上爲后服期,以日易月,僅十二日。 禮,父在爲母,杖不上於堂,尊父也。 較諸古禮,已至殺矣。 喪服,自期以下,諸侯絕,然特爲旁期言。 今不敢不更其制。」已,詹事霍韜言:「今百官遭妻喪,無服衰涖 若曰於禮 |猶有未慊,則山陵事畢而除。」帝從其言 聖諭云『素服十日,倣輟朝之義』,於內廷行之 皇上宜服期,十二日,臣子素服,終二十七日 於朝廷何獨不然? 帝言:「文皇后喪時,上無聖母 後世,夫爲妻, 若妻喪,本自三年報服, 臣子爲君母服三年,以 百官爲皇后服衰,爲 臣請陛下 退出 始制爲齊 玄冠 و

副 前置於案。 使常服,百官淺淡色衣、黑角帶,入班行禮 尋定進册諡儀,禮部議:「先期,帝袞冕告奉先殿、崇先殿。 內贊贊就位上香,宣册官立宣訖,復置册於案。 一如儀。 節册至右順門,內侍捧入正門,至几筵 內侍持節由正門出,以節授正 至期, 帝常服御奉 天門,正

副使,報禮畢,正副使持節復命。」次日,禮部謄黃頒示天下。

日,亦罷辭祖禮,喪由左王門出。 帝心,著爲令。 時中宮喪禮自文皇后而後,至是始 梓宮將葬,帝親定諸儀,亦從減損。以思善門逼近仁智殿,命百官哭臨止一 再行。 永樂時典禮燬於火,會典所載皆略,乃斷自

帶,自後烏紗帽、黑角帶、素服,通前二十七日。帝常服於奉天門視朝,百官淺色衣,鳴鐘 祭,則服其服。服滿日,命中官代祭。」從之。尋諭「皇妃列太子後非禮,其改正」。及葬,部 鼓、鳴鞭如常,朔望不陞殿。梓宮發引,百官始常服。帝於奉先等殿行禮,俱常服。於几筵 定儀。「以第四日成服、自後黑冠素服、十日後易淺色衣、俱西角門視朝。百官十日素服経 先是,帝命孝烈居左,而遷孝潔。旣而以孝潔久安,不宜妄動,罷不行。 注,改席殿曰行享殿。又以孝潔皇后自發引至神主還京將半載,遇令節百官常服,今孝烈 而 畢,烏紗帽素服入朝,素冠素服辦事。 皇后初十日發引,十五日卽還,事禮 臣以舊儀請。 虚 其 二十六年,皇后方氏崩,卽日發喪,諭禮部:「皇后嘗救朕危,其考元后喪禮行之。」禮部 左以自待。 韶梓宮由中道行,虞祭如制用九數。 安玄宮居左,他日卽配祀。 部臣復上儀 |不同,以諸臣服制請。帝命隨喪往來者,仍制服。 迎主仍制服,思善門外行安神禮,更素冠素服從事。 乃更命孝烈居右,

志

黄乃制命,非王可行,仍如常儀。禮部覆奏:「皇妃焚黃儀, 傳訛已久。皆拜獻酒, 跪讀祝, 禮從事,當改議賜諡,如賜祭禮。讀祝、宣册皆平立不拜。」報可,著爲令。 乃參用上尊諡之儀,而未思賜諡爲制命,其祭文稱皇帝遣諭,與上尊諡不同。 日,陳祭儀,裕王詣靈前行禮。 喪出玄武門,裕王步送至京城門外,路祭畢,還宮。帝謂焚 朝夕哭臨三日。後每日一奠,通前二十七日而止。仍於燕居盡斬衰三年之制。册 鳥紗帽、黑角帶朝參。命裕王主饋奠之事,王率妃入宮,素服哭盡哀,四拜視殮。 尚書歐陽德等復上儀注,輟朝二日,不鳴鐘鼓。帝服淺淡色衣,奉天門視事,百官淺色衣、 服主喪,送葬出城。」乃議輟朝五日,裕王遵孝慈錄斬衰三年。欽遣大臣題主,開塋掩壙,祠 謝后土,幷用工部官,送葬儀仗人數皆增於舊。帝謂非禮之正,令酌考賢妃鄭氏例。 穆宗母杜氏,三十三年薨。 禮部言:「宜用成化中淑妃紀氏喪制。 且裕王已成婚,宜持 今奉旨以常 成服後, 諡 焚黃 於是

御皇極門,遣大臣持節捧册寶詣陵園上之。 穆宗皇后李氏,裕邸元妃也,先薨,葬西山。 隆慶元年,加諡孝懿皇后,親告世宗几筵。

妃、中宮妃嬪、太子、諸王、公主以下皆成服。百官詣慈寧宮門外哭臨,命婦入宮門哭臨。餘 神宗母皇太后李氏,萬曆四十二年崩。 帝諭禮部從優具儀,帝衰服行奠祭禮。 穆廟皇

俱如大喪禮。

興宗 帝后 陵寢

期 號 官致祭者,帝令光禄寺供具,百官惟致哀行禮。 送葬者,仍衰絰以行。 入臨文華殿,給衰麻服。 官易服,於公署發哀。 不 年。 傳。 洪武 今皇帝當以日易月,服齊衰十二日,祭畢釋之。 二十五 一年,皇太子薨, 次日,成服行禮。 在京,停大小祀事及樂,至復土日而 越三日成服,詣春和門會哭。 命禮部議喪禮。 停大小祀事及樂十三日,停嫁娶三十日。」其內外 建文帝即位,追諡爲興宗孝康皇帝,所荐陵 侍郎張智等議曰:「喪禮,父爲長子服齊衰 明日,素服行奉慰禮。 在內文武官公署齋宿。 旷 停嫁娶六十日。 其當祭祀及 翌日 在外,文武 素服

削。 服。 福王立南京,復帝后故號。 皇孫 元妃常氏,先興宗薨。 斬衰,祭奠則服之。 太祖素服、輟朝三日。 諸王 公主服 如制。 建文初,追諡日孝康皇后。 中宫素服哀臨、皇太子齊衰。 水樂初. 葬畢 一易常 一,皆追

睿宗帝后陵 寢

容宗帝 志 第 Ξ 后 十 陵 寢 五 在 安 醴 〈陸州。 + 三 世宗入立,追諡曰睿宗獻皇帝。 葺陵廟, 荐號曰顯陵。 旣而

及先一 於是定議,歲除日變服玄色吉衣,元旦祭服於玄極殿行告祀禮,具翼善冠、黃袍御殿,百官 大學士夏言:「元旦玄極殿拜天,仍具祭服,先期一日宜變服否。」禮部請「正旦拜天、受朝, 希進之徒屢言獻皇帝梓宮宜改葬天壽山。 公服致詞 「歲除日,大行皇太后服制二十七日已滿,適遇正旦,請用黑冠、淺淡服受朝。」疏未下,帝諭 日俱靑服。 ,鳴鐘鼓、鳴鞭,奏堂上樂。 孟春時享,前三日齋,靑服,臣下同之,餘仍孝貞皇太后喪禮例」。 帝不聽。 嘉靖十七年,帝母蔣太后崩。 禮部言: 不從。

宮所 官復 典外,帝復增定太廟辭謁、承天門辭奠、朝陽門遣奠、題主後降神饗神,及梓宮登舟、升岸等 |被恩殿,復奉梓宮至殿,合葬於新寢。 過 命。 梓宮發引 是時議南北遷祔,久不決。 河瀆江山 神主回京,百官奉迎於門外,帝衰服率皇后以下哭迎午門內,奉安於几筵殿。 ,帝衰服行諸禮如儀。 神祇,俱牲醴致祭。 帝親詣承天。 勳臣 百官步送朝陽門外,奠獻,使行遣奠禮。 . 青服行禮,梓宮升席殿。 及歸,乃定議梓宮南祔。 先詣睿宗舊陵, 禮部上葬儀, 至通 州 奉遷於 、題主 自常 梓

皇妃等喪葬

洪武七年九月,貴妃孫氏薨。 無子、太祖命吳王橚主喪事、服慈母服、斬衰三年。 東宮

諸王皆服期。由是作孝慈錄。

引前 壇。 城門祭祀,內門遣內官,外門遣太常寺官。下葬,遣奠、遣祭一壇。掩壙,遣官祀后土,迎靈 壇,公主共祭一壇。七七、百日期、再期,皆祭贈諡册,行焚黃禮。 至享堂,行安神禮,遣祭一壇。 發引日,百官送至路祭所,皇親駙馬共一壇,公侯伯文武共一壇,外命婦共一壇。 期,辭靈祭壇與初喪同,惟增六尙司及內官、內使各一壇。 永樂中,貴妃王氏薨。輟朝五日,御祭一壇,皇后、皇妃、皇太子各祭一壇,親王共祭一 啓奠、祖奠、遺奠各遣祭一 開塋域,遣官祠后 所過

花 帽、黑角帶朝參。册文置靈柩前,皇太子以下行三獻禮。 旛、雪柳 天順 七年,敬妃劉氏薨,輟朝五日,帝服淺淡黃衣於奉天門視事,百官淺淡色衣、烏紗 女隊子二十人,女將軍 十一人。自初喪至期年辭靈,各於常祭外增祭一壇。 靈柩前儀仗,內使女樂二十四人,

弘治十四年,憲廟麗妃章氏發引,輟朝一日。

名號。 入諸 |陵,從祭||被恩殿之兩旁,以紅紙牌書曰「某皇帝第幾妃之位」,祭畢,焚之。 凡陪葬諸妃,歲時俱享於殿內。 |嘉靖十三年諭禮工二部:「世婦、御妻皆用九數。 其別葬金山諸處者,各遺內官行禮。 九妃同一墓,共一享殿,爲定制 嘉靖間,始命併 後改用木刻

皇太子及妃

王府 布 日 裹紗帽,詣思善門哭臨,一日而除。 而 除。 及文武官俱免進香帛。 自 洪 武 又三日,御西角門視朝,不鳴鐘鼓,祭用素食。 中,懿文太子後,至成化八年悼恭太子薨,至年甫三歲。 禮部 具儀上。 第四日,素服朝西角門奉慰。 自發喪次日,輟朝三日。 文武羣臣、素服、麻布、経帶、麻鞋、 帝服翼善冠、素服,七 在外王府幷文武官,素 帝諭禮部,禮宜從簡,

服舉哀,二日而

除。

臣行 股 服 禮。」 非 萬 嘉靖二十八年,莊敬太子薨。 曆 一禮,止輟朝十日。 四十七年二月,皇太子才人王氏薨,命視皇太子妃郭氏例。 百官如制成服,十二日而除。 禮部上喪禮。 帝曰:「天子絕期。 **詣停柩所行,罷詣門哭臨。** 況十五歲外方出三殤, 輟朝五日,不鳴鐘鼓。 滅

帝服 淺淡色衣,百官青素服、黑角帶朝參,皇長孫主饋奠。

諸王 及妃公主喪葬諸儀

遇 時享,請暫輟一日。 洪武二十八年,秦王樾薨,詔定喪禮。 皇帝及親王以下,至郡主及靖江王宮眷服制, 禮部尚書任亨泰言:「 考宋制, 皆與魯王喪禮同。 宜輟朝 Ħ. 今

太子服齊衰期,亦以日易月,十二日而除,素服期年。」從之。

俱與正妃同。凡世子喪,御祭一,東宮祭一。遇七及百日、下葬、期年、除服,御祭各一。凡 在城軍民素服五日。郡王、衆子、郡君,爲兄及伯叔父齊衰期年,郡王妃小功。凡親王妃 世孫喪禮,如世子,滅七七及大祥祭。凡鎭國將軍,止聞喪、百日、下葬三祭,奉國將軍以 多與親王同,無皇太后、皇后祭。郡王妃與親王妃同,無公主祭。合葬郡王繼妃次妃喪禮, 喪,御祭一壇,皇太后、中宮、東宮、公主各祭一壇。布政司委官開壙合葬。繼妃、次妃祭禮 妃、世子、衆子及郡王、郡主,下至宮人,斬襄三年。 封內文武官齊襄三日,哭臨五日而除。。 后、東宮各一,在京文武官各一。自初喪至除服,御祭凡十三壇,封內文武祭一。其服制,王 部造銘旌, [六] 遣官造墳, 欽天監官卜葬, 國子監監生八名報訃各王府。御祭一, 皇太后、皇 下,御祭一。 同。其夫人則止御祭一壇。俱造壙祔葬。郡王喪、輟朝一日。行人司遣官掌行喪葬禮、餘 定制:親王喪,輟朝三日。禮部奏遣官掌行喪葬禮,翰林院撰祭文、諡册文、擴志文,工

皆服小功,南昌皇妃服大功,東宮、公主、親王等皆服小功,晉王服齊衰期,靖江王妃小功, 皇帝爲皇妃等舉哀。宋制,皇帝爲皇親舉哀。今參酌唐、宋之制,皇帝及中宮服大功,諸妃 初,洪武九年五月,晉王妃謝氏薨,命議喪服之制。侍講學士宋濂等議曰:「按唐制,

服 一妃服 ,服常服。」 緦 麻 制曰「可」。 輟 朝三日。 其後,王妃 旣成服, 皇帝素服入喪次, 十五舉音。 喪視 此。 百官奉慰。 皇帝出次釋

例。 或王、或妃先故者,合造其壙。 ,房三間。 正統十三年定親王塋地五十畝,房十五間。 郡主、縣主瑩地十畝,房三間。天順二年,禮部奏定,親王以下,依文武大臣 後葬者,止令所在官司安葬。 郡王塋地三十畝,房九間。 繼妃則祔葬其旁,同一享 郡王子瑩地二

官司 前 使 喪遣官 太監者,宜遣行禮。 |彭韶言:「親王郡王薨逝,皆遣官致祭,使臣絡釋,人夫勞擾。 沂穆王薨,未出府。 成化八年二月,忻王見治薨。 帝從禮部覆奏,王妃祭禮 一祭,餘並遣本處官。 叉王 申王已出府而 國塋葬,夫婦同穴。 凡王國母 如舊,餘依議行。 發引日,帝不視朝。 未之國,擬 妃之喪, 俱遣內官致祭。 初造之時, 遺官監修。 依沂穆參以在外親 弘治十六年七月,申王 及葬、輟朝一日。十三年,四川 自後 今宗婦衆多,其 修惟親王 王 開壙合葬,乞 例 行之。」 祐楷薨。 如 舊,其郡 正 地 禮部言: 有 命本處 按察 鎭 王 守 初

祠 祭署、陵戶 王 妃葬地 載於會典者,明初追封壽春等十王 南昌等五王及妃祔葬鳳陽皇陵, 有司歲時祭祀,皆與享。 一及妃, 墳在 鳳陽府西北二十五里 懷獻世子以下諸 白塔,設

未之國者,多葬於西山,歲時遺內官行禮

祥,御祭凡十二壇。 二月,太祖第八女福清公主薨,輟朝三日。 永樂十五年正月,永安公主薨。 下葬,輟朝一 日。 時初舉張燈宴,逐罷之。 儀視諸王稍殺,喪制同,惟各官不成服。 定制,凡公主喪聞,輟朝 輟朝四日,賜祭,命有司治喪 一月。 自 其未下嫁葬 初 喪至大

校勘記

西山者,歲時遣內官行禮。

毅皇后事宜與累朝元后不同 元后,原作「皇后」, 據明史稿志四一 一禮志改。 按本書卷一一 四

武宗孝靜夏皇后傳載張字敬曰、「大行皇后、上嫂也、與累朝元后異 」,語卽承世宗 此 語 而 來。

欲 九 日 釋服 九 日,原作「五 日」,據明史稿 志四一禮志、世宗實錄卷九三嘉靖七 年十月丁未條

改。

_ 履 當 陽之位 原脱「當」字, 據世宗實錄卷九三嘉靖七年十月丁未條補。 左傳文公四年:「天子

當陽。」

[I] 睿宗帝后陵寢 原無此標題,據卷目增。

五 至 成 化八 年悼恭太子 薨 悼恭 原 作「懷獻 據明史稿 志四一禮志 改。 按憲宗實錄卷

成 化 八年 正 月癸亥條,「皇太子薨。 太子諱祐極 又卷一〇一成化八年 二月丁 丑 條 證

志第三十五 校勘記

明史卷六十

志第三十六

禮十四 凶體三

謁 賜 遣使册贈王公大臣儀 祭陵廟 諡 王公大臣喪儀 品官喪禮 忌 辰 受蕃國 中 士庶人喪禮 宮爲 賜祭 父祖 王訃奏儀 葬 喪儀 服紀 喪葬之制 遣使臨 爲王公大臣舉哀儀 碑碣 弔 儀

謁祭陵廟

博 之號,必上册諡,告之神明,陵號則後嗣王所以識別先後 土 孫吾與言:「山陵之制,莫備於漢,初未有祭告之禮。 洪武元年三月遣官致祭仁祖陵。 二年加號英陵。 禮部尚書崔亮請下太常行 而已。 蓋廟號、陵號 願罷英陵祭告。」亮言:「漢 不同。 廟 祭 號易大行 告 禮

志第

Ξ

十六

醴

-|-

四

必以 光武 月朔望,本署官供祭行禮。 告 加先陵曰昌、宋太祖加高、曾、祖、考陵曰欽、康、定、安。 「禮緣 人情,告之是。」廷議皆是亮。 又卽其地望祭德祖、懿祖二陵。 從之。 熙祖陵,每歲正旦、清明、中元、冬至及每 英陵後改稱皇陵,多孟冬一祭, 蓋尊祖考則尊其陵,尊其 、陵則

俱署官行禮

,朔望,中都留守司官行

禮。

陵朔望、 臘、 親詣。 清明、七月望、十月朔、冬至日,俱 冬至、寒食、伏臘、社各一祭。 於 食,冬至、寒食各設一 如 舊儀 寢,月祭於廟,時祭於便殿。 社 八年詔翰林院議陵寢朔望節序祭祀禮。 同 歲正 、冬夏至、伏臘、清明、社等節,皆上食。 ,增夏至日 日 月祀 則 用節禮。」 郊廟畢,以次上洛陽諸陵。 用太牢,其伏臘、社、每月朔望,則用特羊,祠祭署官行禮。如節 祭。 一從之。 宋 毎歳春 皇考陵,朔望及節祭日進食,又薦新於諸 後漢都洛陽,以關西諸陵久遠,但四時用特性 用 秋仲月,遣太常宗正卿朝諸 太牢,遣官致祭。 唐園陵 學士樂韶鳳等言:「漢諸廟寢園有便殿, 開元中,敕獻、昭、乾、定、橋、恭六陵,朔望上 之制,皇祖以上陵,皆朔望上 白塔二處,則用 陵。 我朝 少牢 陵。 舊儀, -,中官 永徽 祀。每西幸, 與 毎歳 行禮 二年,定獻 食, 朔望、伏 元日、 一。今擬 元旦、 日祭 卽

殿中拜位、皆四拜。 六年,孝陵殿成,命皇太子 皇太子少前,三上香,奠酒,讀祝曰:「園陵始營,祭享之儀未具。今禮殿 以牲醴致祭。 清晨陳祭儀畢,皇太子、親王 由東門入,就

六年令,車馬過陵,及守陵官民入陵者,百步外下馬,違者以大不敬論 旣成,奉安神位,謹用祭告。」遂行亞獻、終獻禮,皇太子以下皆四拜,執事行禮皆內官。二十

辭陵。 大臣行禮,文武官陪祀。 建文初,定孝陵每歲正旦、孟冬、忌辰、聖節,俱行香。 國有大事,遣官祭告。 若親王之藩,過京師者謁陵。官員以公事至,入城者謁陵,出城者 懿文太子陵在|孝陵左,四孟、清明、中元、冬至、歲暮及忌辰, 清明、中元、冬至,俱祭祀。 勳舊

凡九祭。

舊。」從之。 百年,豈敢擅易。」下禮部議,言:「長陵及太廟,遣官致祭,所由之門與孝陵事體相同,宜如 祖圭言:「魏國公徐備每祭孝陵,皆由紅劵門直入,至殿內行禮,僭妄宜改。」 備言:「入由紅 欽天監官環山立界。十年謁三陵,諭百官具淺色衣服,如洪武、永樂例。 南京司禮太監陳 祭孝陵。 永樂元年,工部以泗州祖陵黑瓦爲言。 正統二年諭,天壽山陵寢,剪伐樹木者重罪,都察院榜禁,錦衣衛官校巡視,工部 帝命易以黃,如皇陵制。宣宗即位,遣鄭王謁

議以孝肅太皇太后祔葬裕陵,已遣官分告諸陵及天壽山后土,而欽天監以爲歲殺在北,方 弘治元年遣內官監護鳳陽皇陵,凡官員以公事經過者俱謁陵。十七年更裕陵神座。初,

志

向 不利。 內官監亦謂英廟陵寢,難以輕動,遂議別建廟,奉安神主。 帝心未慊,卒移英廟居

中,孝莊居左,孝肅祔其右云。

行禮 陵辭謁 駙馬都尉行禮,文武官陪祭。 正德間 恭讓章皇后陵,清明、中元、冬至、忌辰內官行禮。 ,定長陵以下諸陵, 忌辰及正旦、孟冬、聖節,亦遣駙馬都尉行禮。親王之藩,詣諸 各設神宮監幷衞及祠祭署。[1]凡清明、中元、冬至,俱分遣 西山景皇帝陵,祭期如上,儀賓

山,顯陵 年秋祭,有鍾山、天壽山之神,今宜增基運等山。」從之。 初,成祖易黃土山名天壽山。 日純德山,及天壽山,並方澤從祀,所在 嘉靖十年名祖陵曰基運山,皇陵曰翌聖山, 有司祭告各陵山祇。 禮官因奏「神祇 孝陵 日 神烈 壇毎

蓋清明禮行於春,所謂雨露旣濡,君子履之,有怵惕之心者也。霜降禮行於秋,所謂霜露旣 臣僚,遠出山陵,恐於尊祖配天之誠未盡。 之祀,每歲淸明、中元、冬至凡三。中元俗節,事本不經。 典,如特享、時享、祫祭、禘祭,足應經義,可爲世法。 重一氣之始,伸報本之義。今冬至旣行大報配天之禮,則陵事爲輕。況有事南郊,乃輟陪祀 十四年諭禮部尚書夏言:「淸明節旣遣官上陵,內殿復祭,似涉煩複。」言因言:「我 可罷冬至上陵,而移中元於霜降,惟淸明如 惟上陵及奉先殿多沿前代故事 往因郊祀在正首,故冬至上陵,蓋 朝祀 上陵

降,君子履之,有悽愴之心者也。二節旣遣官上陵,則內殿之祭,誠不宜複。」遂著爲

年改陵殿曰祾恩殿,門曰祾恩門。又建成祖聖蹟亭於平臺山,率從官行祭禮。二十一年, 又諭:祭告長陵等七陵俱躬叩拜,恭讓章皇后、景皇帝陵亦展拜一次,以慰追感之情。 十七 潚 穆、孝惠三后神主於陵殿。 殿,不若奉主於陵殿爲宜。 今旣遷陵殿,則名實不準。」|言等議曰:「三后神主,禮不祔廟,義當從祧。 並 神主,不用睿字,孝穆、孝惠神主,俱不用純字,則嫡庶有別,而尊親併隆矣。」命如擬行。 尚 從 ·用樂。」已而承天府守備太監傅霖乞增顯陵歲暮之祭。部議言:「諸陵皆無歲暮祀典。」 其稱皇太后、太皇太后者,乃子孫所上尊號。 部議 .書顧璘請以帝所上顯陵聖製歌詩,製爲樂章,享獻陵廟。禮部言: 「天壽山諸陵,歲祀 且梓宮配葬,而主乃別置,近於黜之,非親之也。」乃遷孝肅、孝 又諭||百:「三后神主稱皇太后、太皇太后者,乃子孫所奉尊稱。 今已遷奉於陵,則當從夫婦之義,改題孝 遷奉陵殿,深合典 今別建奉慈

東降輿,由殿 紅門降輿,由左門入,陞輿,駐蹕感思殿。 隆 慶二年,帝詣天壽山春祭。前一日,告世宗几筵及奉先、弘孝、神霄殿。駕至天壽山 左門入,至拜位,上香,四拜。 越二日,質明行禮。 至神御前獻帛、獻爵訖,復位。 帝青袍,乘板輿至長陵門外, 亞獻、終獻,令執

志第三

十六

禮

爵者代,復 四拜。 餘如常祭之儀。 隨詣永陵行禮。 是日遣官六員,俱靑服,分祭六陵。

簡, 世廟 俱執 拜。」 孟 文之缺,宜增所未備。 王 及 春之享。 故用性 報 乃定 諸 諸 事官代。 萬 曆 王 妃安厝 妃 長、泳、昭三陵,上香,八拜,親奠帛。 八年,謁陵 || 帛祝 故元 則 西山 十四年、禮部 叉 文, (有性) 旦陵殿止用酒果,非儉 者 禮如 非豐也。 果祝文,反從其厚者,蓋以九陵帝后,歲暮已給祭於廟,旬日 ,宜從其例。 而諸王諸妃祝文,尙仍安厝時所用,宜改敍歲時遣官之意,則 舊。十一年,復謁陵。 言:「諸妃葬金山諸處者,嘉靖中俱配享各陵殿, 特恭讓 至陵祭品物,九陵、恭讓、恭仁之陵止於酒 、恭仁旣不 也; 諸王 初獻,六陵二寢,上香,四拜。 與給享於 禮部言: 一諸妃 「宜遵世宗彝憲,酌 廟中,又不設牲帛於陵殿,是 罷本 分二日,以 果,而越、靖諸 其奠帛三獻 墳祭。 祭 內 情 不 且 ·宜從 順 次展 則 復 今 禮 有

樓。 有 陵 重 有 聖蹟碑亭。 簷 明 凡 樓 七 Щ 間 陵 前 正 , 前 一規制,有寶城,長陵最大,徑一百一丈八尺。 爲 配殿 石 爲 諸陵碑俱設門外,率無字。 儿 明樓,樓中立帝廟諡 各九間 筵,又前 Ō 爲酸恩殿、酸恩門。 諸陵俱 殿 石碑、下爲靈 五 間, 長陵迤南有總神道,有石橋,有石像人物十八對, 配 殿 殿惟長陵重 五 寝門。 間 次永陵,徑八十一丈。 門外神庫或一或二, 惟永陵 簷 九 中爲 間,左右配 券門。 殿 左右 神廚 各十 各陵深 牆 宰 五 門各 ·牲亭, 間。永 廣 丈

擎天柱四,石望柱二。長陵有神功聖德碑,仁宗御撰,在神道正南。 門內有時陟殿,爲車駕更衣之所。 永陵稍東有感思殿,爲駐蹕之所。 南爲紅門,門外石牌坊 殿東為神馬廠

忌辰

如之。 宰。百官淺淡色衣、黑角帶朝參。 高皇帝忌辰前二日,帝服淺淡色衣,御西角門視事。 洪武八年四月,仁祖忌日,太祖親詣皇陵致祭。 至日,親配於奉先殿,仍率百官詣孝陵致祭。 不鳴鐘鼓,不行賞罰,不舉音樂,禁屠 永樂元年,禮部尚書李至剛等奏定, 高皇后忌辰

宣德四年令,凡遇忌辰,通政司、禮科、兵馬司勿引囚奏事。 五年敕百官朝參輟奏事

儀。

后、文廟帝后、仁宗忌辰,服淺淡色服,不鳴鐘鼓,於奉天門視事。 英宗卽位,召禮臣及翰林院議忌辰禮。大學士楊士奇、楊榮,學士楊溥議:「每歲高廟帝 宣宗忌辰,小祥之日,於

西角門視事。」從之。

志

第三十

六

體十四

服 青絲花 弘治 樣 十四年令,凡遇忌辰,朝參官不得服紵絲紗羅衣。景皇帝、恭讓皇后忌辰,遇節令, 宣宗忌 辰,遇祭祀,服紅。 十六年八月,吏部尚書馬文升言:「宣德間,仁宗忌

日。 也。 淺淡服色視 死日爲忌,非謂生辰也。 忌日,不視朝,著淺淡服,進素膳,不預他事。或遵宣宗時例,自太祖至憲宗生忌,俱輟朝一 世有遠近,服有隆殺。請自仁宗忌辰、英宗生忌日,視朝,鳴鐘鼓。 太祖至憲宗忌辰,至百官淺淡色服、黑角帶。朝廷亦出視朝,鳴鐘鼓,奏事。臣思自仁至憲, 辰,諸司悉免奏事。 此 憲宗、孝穆忌日,如臣所擬。」帝下禮部議。 日當專意哀思父母,餘事皆不舉。但先朝事例,迄今見行,未敢更易。」帝乃酌定以 事 自太祖至仁宗生忌,俱輟朝。其後不知何時,仁宗忌辰,依前奏事。 其曰忌日不用, 不以此日為他事 部臣言:「經傳所載,忌日爲親死之日。 也。 日忌日不樂,是不可 若遇憲宗及孝穆皇太后 舉吉事 惟 則

於永孝殿。〔三二十四年令,仍祭於奉先殿。 嘉靖七年令,忌辰只祭本位。 十八年令,高廟帝后忌辰祭於景神殿,列聖帝后忌辰

乘輿受蕃國王訃奏儀

得何疾而逝。」使者答故。其儀大略如臨王公大臣喪儀,但不舉哀。 國 .世子遣陪臣某官某,奏某國王臣某薨。」承制官至使者前宣制曰:「皇帝致問爾某國王某, 凡蕃國王薨,使者計奏至,於西華門內壬地設御幄,皇帝素服乘輿詣幄。太常卿奏:「某

攜 陣者,不拘此例。 歸 自祭。 凡塞外都督等官計至,永樂間遣官賷香鈔諭祭。 來京病故者,遺官諭祭或賜棺賜葬。 凡外國使臣病故者,令所在官司賜棺及祭,或欲歸葬者聽。 後定年終類奏,遣官祭之。 後定例,因其奏請,給與表裏祭文,令 若在邊歿於戰

乘輿爲王公大臣舉哀儀

禮畢。 請舉哀。」皇帝哭,百官皆哭。太常卿奏止哭,百官奉慰訖,分班立。訃者四拜退,太常卿奏 位於贊禮之南,引百官四人,位於陪位之北,皆東西向。 素服乘輿詣幄,樂陳於幄之南,不作。太常卿奏:「某官來計,某年月日,臣某官以某疾薨, 王公薨,訃報太常司,示百官,於西華門內壬地設御幄,陳御座,置素褥。設計者位於前,設 百官陪哭位東西向,奉慰位於訃者位北,北向。贊禮二人,位於訃者位之北,引訃者二人, 洪武二年,開平王常遇春卒於軍。計至,禮官請如宋太宗爲趙普舉哀故事。遂定制,凡 乘輿還宮,百官出。東宮爲王公舉哀儀同,但設幄於東宮西門外,陪哭者皆東宮屬。 其日,備儀仗於奉天門迎駕。皇帝

乘輿臨王公大臣喪儀

凡王公大臣訃奏,太史監擇皇帝臨喪日期。拱衞司設大次於喪家大門外,設御座於正

制。 易服。 廳 如常。 哭,三上香,三祭酒。出至正廳御座,主喪以下詣廳下拜位,再拜。 杖,衰服,出迎於大門外。望見乘輿,止哭,再拜,入於門內之西。乘輿入門,將軍四人前導, 四人後從。 降輅,升輿,入易素服。百官皆易服,先入就廳前,分班侍立。 官之北,東西向。 中。 喪主以下皆跪。 御輿出,喪主以下詣前再拜退。 有司設百官次於大次之左右。 入至正廳,降輿,升詣靈座前,百官班於後。皇帝哭,百官皆哭。 設喪主以下拜位於廳前,主婦以下哭位於殯北幔中。 宣制訖,皆再拜,退立於廳西。 侍儀司設百官陪立位於廳前左右 皇帝降輿升輅,喪主杖哭而入。 太常卿奏禮畢,皇帝升輿,出就大次, 御輿出次。喪主以下発経去 承制官詣喪主前云「有 諸儀衞贊唱,大略 其日,鑾駕至大次, ,引禮四人位於百 太常卿奏止

淡色衣 日。 卒於外者,聞喪,一日。 其公、侯卒葬輟朝禮,洪武二十三年定。凡公、侯卒於家者,聞喪輟朝三日。 朝 參。 初制,都督至都指揮卒,輟朝二日。 柩至京,三日。 下葬,仍一日。凡輟朝之日,不鳴鐘鼓,各官淺 永樂後更定,惟公、侯、駙馬、伯及一品 下葬,

官,輟朝一

日。

及內命婦以下哭位。 人」,祖考、妣同。 凡中宮父母薨, 皇后哭,內命婦以下皆哭盡哀。 **訃報太常寺**,轉報 皇后出詣別 殿,內使監令奏,「考某官以某月某日薨」,母則云「妣某夫 内使監。 前期,設薦於別殿東壁下,爲皇后舉哀位 皇后問故,又哭盡哀。 乃素服,內 命婦皆

素服,止哭,還宮。

前 卽奔 哭。 引 主喪 入,仍以行帷圍護。 東,憑尸哭。 再 應奉慰者詣皇后前,奉慰如 拜,上香,復位,再拜。 . 要,則是晡復哭於別殿。 以下哭位於喪寢之西,主婦以下哭位於喪寢之北幔下。至日,內使監進堊車 皇后素服出宫,升輿,三面白布行帷。 內使監令奏聞。 從臨者皆哭。 從臨者皆哭入。 得旨:「皇后奔喪。」喪家設薦席於喪寢之東,從臨內命婦哭位於其下 如 喪主升自 爲諸王外戚舉哀,仍於別殿南向,不設薦位。 尙服製皇后 常禮。 喪主 西階,俱哭於尸西。四皇后至哭位, 如皇后 齊義及從臨命婦孝服,俟喪家成服日進之。 以下,降詣西階下立哭。 至閤外,降輿, 候成服,則從臨命婦應還者先還。 升堊車。 皇后升自 至喪家 內使監令跪 大 门門內, 東 階, ,備儀仗導 如 本 進至 降 詣靈 請止 車哭 日未

遣使臨弔儀

太常 司 奉旨 遣 弔。 前期,設宣制位於喪家正廳之北,南向,喪主受弔位於南, 北向;婦

志

伯皆取上裁。凡陣亡者全支,邊遠守禦出征及出海運糧病故半支。 匹。二品以五,三品、四品以四,五品、六品以三,公侯則以百。永樂後定制,公、侯、駙馬、 宮使則稱有令。至遣使賻贈及致奠,其儀節亦相倣云。賻贈之典,一品米六十石,麻布六十 **遣臣某弔。」喪主以下復再拜。禮畢,內外皆哭。使者出,喪主至中門外,拜送,杖哭而入。** 就廳前拜位。 人立哭位於殯北幕下。其目,使者至。喪主去杖,冤絰衰服,止哭,出迎於中門外。復先入, 內外止哭,使者入,就位稱有制。喪主以下再拜跪。宣制曰:「皇帝聞某官薨,

哭、再拜,主喪以下答拜。班首詣喪主前展慰畢,百官出,喪主拜送,杖哭而入。會葬儀同。 喪主以下就東階哭位,主婦以下就殯北哭位。百官入,就殯前位哭,主喪主婦以下皆哭。止 其遣百官會王公大臣喪儀。前期,有司於喪家設位次。其日,百官應會弔者素服至。(至)

遣使册贈王公大臣儀

亭、香亭於午門前正中。執事於受册者家設宣制官位於正廳之東北,南向,喪主代受册命 者位於廳前、北向。 代受册者出迎於大門外。執事昇龍亭置廳上正中,使者入,立於東北。代受册者就拜 前期,禮部奏請製册,翰林院取旨製文,中書省禮部奏請某官爲使。其日,祠祭司設龍 禮部官封册文,以盝匣盛之,黃袱裹置龍亭中。儀仗、鼓樂前導,至其

送至大門外。 某爵。」宣訖,代受册者復再拜。使者取册授之,代受册者捧置靈座前。 位,再拜。 使者稍前,稱「有制」。代受册者跪。宣制曰:「皇帝遣臣某,册贈故某官某爲某勳 如不用册者,吏部用誥命,喪家以册文錄黃,設祭儀於靈前。 喪主以下皆再拜,焚黃。 使者出,代受册者 代受册者再拜,

賜祭葬

事者展黃立讀於左。

常制 羣臣 文,多出御筆。 洪 也 武十四年九月,衍聖公孔希學卒,遣官致祭。 嘉靖中,世宗爲禮部尚書席書、兵部尚書李承勛親製祭文。 其後,羣臣祭葬,皆有定制。 皆特典,非 太祖 諭祭

隆 慶元年十二月,禮部議上卹典條例。

未滿及父母。 葬,半葬者給 東宮官必出閣講授有勞者。「於」據嘉靖中事 凡官員祭葬,有無隆殺 全葬。 講讀年久、啓沃 講讀官 之等,悉遵會典。其特恩,如侍從必日侍講讀、軍功必躬履行陣、 五品本身有祭,四品及父母 功多 ?、軍 旅 身殲 例,祭葬 、勳勞茂著者 加一 ,三品及妻。 等, 恩卹 無祭者 加 厚,臨 與祭 軍 功 一 壇, 期請 四品 得祭葬 無葬者給半

會典 志 第 凡 Ξ + 品官,祭 六 禮 九壇 + 四 父母 ·妻加祭,或二壇、一壇,或妻止一壇者, 恩難預 擬, 遇有

致仕 封。 陳乞,酌擬 壇 故四品官由六七品陞者,父母有祭。 · ,兼學士贈尚書者二壇,未及考滿病故者一壇減半。造葬悉如 加三少者加一壇,加太子太保者加三壇,妻未封夫人者不祭。 上請。 二品,二壇。 加東宮三少,或兼大學士贈一品者,至四壇,父母妻俱一 由五品陞者,以例不重封,遂不得祭 舊 三品祭葬,在任 例。 四、五品官不得重 、致仕俱

宜並 品四品,共歷三年以上者,雖未考四品滿,本身用三品未考滿例,祭一壇半,葬父母祭一 凡 恩典,必由考滿而後得。 一被劾閒住者,雖遇覃恩,復致仕,仍不給祭葬 敍年資。 今定四品官,凡經考滿者,父母雖止授五品封,亦 二品、三品共歷三年以上者,雖未考三品滿, 然有二品、三品共歷四五年, 父母 與祭一壇。 未授三品封, 本身及父母 四品以 俱 終不得霑一 上官,本身及父母 與三品祭葬。 祭者 壇

未經勘實者一壇。 壇,掌府坐營年勞者五壇,掌府坐營而政蹟未著者四壇,管事而被劾勘明閒住者二壇,被劾 有殊勳加太子太保以上者,遵會典。公、侯十六壇,伯十五壇,掌府坐營總兵有勳勞者七 勳 臣祭葬,皇親出 勘實罪重者,幷本爵應得祭葬皆削 自上裁。 駙馬都尉祭十五 壇。 公、侯、伯在內掌府事坐營、在外總兵

葬,遵正德、嘉靖例,都督同知僉事、錦衣衞指揮祭三壇,署都督同知僉事一壇,餘推類行 又正德間,公、侯、伯本祭俱三壇,嘉靖間二壇。 今遵嘉靖例,以復會典之舊。 武 臣祭

帝從其議。

萬曆六年更定,凡致仕養病終養聽用等官,祭葬俱與現任官同。十二年續定,被劾自

陳致仕官,有日久論定原無可議者,仍給祭葬,父母妻視本身爲差等。

喪葬之制

含珠,九品以上飯梁含小珠。銘旌、絳帛,廣一幅,四品以上長九尺,六品以上八尺,九品以 上七尺。劍衣,品官朝服一襲,常服十襲,衾十番。 洪武五年定。凡襲衣,三品以上三,四品、五品二,六品以下一。飯含,五品以上飯稷

侯六,三品以上四,五品以上二。明器,公、侯九十事,一品、二品八十事,三品、四品七十 事,五品六十事,六品、七品三十事,八品、九品二十事。 靈座設於柩前,用白絹結魂帛以依神。棺椁,品官棺用油杉朱漆,椁用土杉。牆翣,公、

銅爲之,所以節挽歌者。 公、侯四引六披,左右各八鐸。 一品、二品三引四披,左右各六鐸。 三品、四品二引二披,左右各四鐸。五品以下,二引二披,左右各二鐸。 引者,引車之紼也;披者,以纁爲之,繫於輌車四柱,在旁執之,以備傾覆者也,鐸者,以 羽旛竿長九尺,五

志

딞 以上,一人執之以引柩,六品以下不用。功布,品官用之,長三尺。方相,四品以上四目

七品以上兩目,八品以下不用。

書某官之墓;其一爲底,書姓名、鄕里、三代、生年、卒葬月日及子孫、葬地。 婦人則隨夫與 柳車上用竹格,以綵結之,旁施帷幔,四角重流蘇。誌石二片,品官皆用之。其一爲蓋,

段,纁二段,每段長一丈八尺。後定制,公、侯九十事者准此行之。餘以次減殺。 璧一,箧、笥、輝、椸、衿、鞶各一,笣二,筲二,糧漿瓶二,油瓶一,紗廚、煖帳各一。束帛靑三 六,女使十,青龍、白虎、朱雀、玄武神四,門神二,武士十,并以木造,各高一尺。雜物,翣六, 桌、床、屏風、拄杖、箱、交床、香桌各一,櫈二,俱以木爲之。 樂工十六,執儀仗二十四,控士 牙仗各一,金裹立瓜、骨朶戟、響節各二,交椅、脚踏、馬杌各一,誕馬六,槍、劍、斧、弩、食 瓶、茶鍾、茶盞各一,筯二,匙二,匙筯瓶一,椀二,楪十二,橐二, 俱以錫造, 金裹之。 班劍 旗、拂子各二,紅羅蓋、鞍、籠各一,弓二,箭三,竈、釜、火爐各一,俱以木爲之。水罐、甲、頭 盔、臺盞、杓、壺、瓶、酒甕、唾壺、水盆、香爐各一,燭臺二,香盒、香匙各一,香筯二,香匙筯 子孫封贈。二石相向,鐵束埋墓中。祭物,四品以上羊豕,九品以上豕。 初,洪武二年敕葬開平王常遇春於鍾山之陰,給明器九十事,納之墓中。鉦二,鼓四,紅

邪蓋,四品至七品方趺。首視功臣歿後封王者,遞殺二寸,至一尺八寸止。碑身遞殺五寸, 尺二寸,碑身高九尺,廣三尺六寸,龜趺高三尺八寸。一品螭首,二品麟鳳蓋,三品天祿辟 至五尺五寸止。其廣遞殺二寸,至二尺二寸止。趺遞殺二寸,至二尺四寸止。 用碑、龜趺螭首。六品以下用碣、方趺圓首。五年復詳定其制。功臣歿後封王,螭首高三 時樂國公姚廣孝及弘治中昌國公張巒治先塋,皆出御筆。其制,自洪武三年定。五品以上 明初,文武大臣薨逝,例請於上,命翰林官製文,立神道碑。惟太祖時中山王徐達、成祖

支八尺, 二品至七品遞殺二尺。

一品墳牆高九尺, 二品至四品遞殺一尺, 五品四尺。

一品、 文武各二, 石虎、羊、馬、石望柱各二。 一品至六品塋地如舊制, 七品加十步。 高六尺。五年重定。功臣歿後封王,塋地周圍一百步,墳高二丈,四圍墳牆高一丈,石人四, 二品石人二,文武各一,虎、羊、馬、望柱各二。 三品四品無石人,五品無石虎,六品以下無。 支四尺。三品,七十步,高一丈二尺。以上石獸各六。四品,四十步。七品以下二十步, 當太祖時,盱眙揚王墳置守戶二百一十,宿州徐王墳置墳戶九十三,滁州滁陽王墳亦 墳塋之制,亦洪武三年定。一品,塋地周圍九十步,墳高一丈八尺。二品,八十步,高 一品墳高一

志

三 十

六

禮十四

置墳戶 忠等十四 其奏,且令無子孫者,復墓旁一人守護之。 龍、顧時、陳德、耿炳文、吳楨、孫恪、郭興墳戶百。 成化十五年,南京禮部言:「常遇春、李文 人勳臣墳墓,俱在南京城外,文忠曾孫博等,以歲久頹壞爲言,請命工修治。」帝可 四年又賜功臣李善長、徐達、常茂、馮勝墳戶百五十、鄧愈、唐勝宗、陸仲亨、華雲

賜諡

武 實無取者爲下,送翰林院擬諡。 死 五年定制,凡親王薨,行撫、按,郡王病故,行本府親王及承奉長史,覈勘以奏,乃議諡。文 大臣 勤 事者,特賜諡,非常例。洪武初,有應得諡者,禮部請旨,令禮部行翰林院擬奏。弘治十 親王例用一字,郡王二字,文武大臣同。與否,自上裁。若官品未高而侍從有勞,或以 上請諡 ,禮部取旨,行吏兵部考實蹟。 有應諡 而未得者,撫、按、科道官 禮部定三等,行業俱優者爲上,頗可者爲中,行 i以聞。

濫及 侯伯 詞 臣 者 不 方 按 可 (士, 且, 明 ,或以勳勞,或以節義,或以望實,破格崇褒,用示激勸。 得。 初舊 加四字矣。 魯、秦二王曰荒、日愍。 制 諡 法自十七字至一字,各有等差。然終高帝世,文臣未嘗得諡,武臣非贈 定例,三品得諡,詞臣諡「文」。然亦有得 至建文諡王禕,成祖諡胡廣,文臣始有諡 其冒濫者,亦間有之。 證不止三品,諡「文」不專 迨世 宗則

四人 繼宗、鄒智、楊源、陳有年。 道 呂柟從祀孔 平常,卽官品雖崇,不得概予。」帝皆從之。三十一年,禮部侍郎郭正域請嚴諡 舉 () 許論 奏,酌 .曆元年,禮臣言:「大臣應得諡者,宜廣詢嚴覈。 .議補給。」十二年,禮臣言:「大臣諡號,必公論允服,毫無瑕疵者,具請上裁。如行 、黃光昇、呂本、范謙;應奪而改者一人,陳瓚;補者七人,伍文定、吳悌、魯穆、楊 廟,而論應補諡者,雍泰、魏學曾等十四人。 閣臣沈一貫、朱廣力庇呂本,不從其議。 應諡而未請者,不拘遠近,撫、按、科 部議久之,共彙題先後七十四人, 未幾,御史張邦俊請以 典。議奪者

皆以 黄鞏 節,楊愼之文憲,莊泉之文節,則又兼論 至是始定。 學行,張銓以忠義,李夢陽 、楊愼、周怡 天啓元年始降旨兪允,又增續請者十人,而邦俊原請九人不與。 凡八十四人。 、莊泉、馮應京皆以 其官卑得諡者,鄒智、劉臺 以文章,魯穆、楊繼宗、張朝瑞、朱冠、傅新德、張允濟皆以清 直 一諫、孟秋、張元忭、曹端 文學云。 、魏良弼、周天佐、楊允繩 賀欽 、陳茂烈、馬理 正域所請伍文定等亦 、沈錬、楊源 陶望齡

留中

不

發

則覩記眞,宜勿逾五年之限。」又謂:「三品以上爲當予諡,而建文諸臣之忠義,陶安等之參 臺省 I 會議 三年,禮部 與臣部酌 尚書林堯兪言:「諡典五 議。」帝可之。 然是時,遲速無定。 年 一舉,自萬曆四十五年至今,蒙恤 六年,禮科給 事 中 彭汝楠言「耳目 而 未諡者,九卿 近

志

諸臣左光斗等九人,而建文帝之弟允熥、允熞、允熈,子文座,亦皆因清疏追補。 從工科給事中李淸言,追諡開國功臣李善長等十四人,正德諫臣蔣欽等十四人,天啓慘死 帷幄,葉琛等之殉行間,皆宜補諡。」事下禮部,以建文諸臣未易輕擬,不果行。至福王時,始

品官喪禮日

品官喪禮載在集禮、會典者,本之儀禮士喪,稽諸唐典,又參以朱子家禮之編,通行共

院。 兹舉大要,其儀節不具錄。

之人各服其服,然後朝哭相弔。旣成服,朝夕奠,百日而卒哭。乃擇地,三月而葬。告后 座,結魂帛,立銘旌。喪之明日乃小斂,又明日大斂,蓋棺,設靈牀於柩東。又明日,五 者。[4]治棺訃告。設尸牀、帷堂,掘坎。設沐具,沐者四人,六品以下三人,乃含。[4]置虚 內,掩壙復土,乃祠后土於墓。題主,奉安。 土,遂穿壙。刻誌石,造明器,備大轝,作神主。旣發引,至墓所,乃寔。施銘旌誌石於壙 凡初終之禮,疾病,遷於正寢。 屬纊,俟絕氣乃哭。立喪主、主婦,護喪以子孫賢能 升車,反哭。 服

墓遠,途中遇柔日,亦於館所行之。若三虞,必俟至家而後行。 凡虞祭、葬之日、日中而虞、柔日再虞、剛日三虞。若去家經宿以上,則初虞於墓所行 三虞後,遇剛日卒哭。

遷 再 明 期 而 日祔家廟。 西,奉神主入於祠堂。 而 大祥。喪至此凡二十五月,亦止用第二忌日祭。 期而小祥。喪至此凡十三月,不計閨。古卜日祭,今止用初忌,喪主乃易練服。 徹靈座,奉遷主埋於墓側。 陳禪服、告遷於祠堂。 大祥後,間一月而譚。喪至此計二十 改題神主,遞

有七月。

ト日, 喪主 禪服 詣祠堂, 祗薦 禪事

前 若 麻 四 派服,周 奔 日 虞。 其在 喪,則至家成服。 而變服。 親以下素服。 ·遠聞喪者,始聞,易服,哭而行。 孝子以下,出就別所,釋緦服素服 若旣葬,則先哭諸墓,歸詣靈座前哭,四日成服。 若不奔喪,四 不設祖奠,無反哭,無方相 日成服。 至家,憑殯哭,四日而成服。 而 還 凡有改葬者,孝子以下及妻、妾、女子子,俱緦 魌頭,餘 如常葬之儀。 齊衰 以下聞喪,爲 若未得行,則設位, 旣葬,就吉帷靈 位 而哭。 座

路數千里 是吏 許奔,但遣人致祭。」從之。 洪武 部言:「祖父母 ,則居官日少,更易繁數,曠官廢事 二十六年四月除期服 、伯叔、兄弟皆係期年服 奔喪之制 先是百官聞祖父母、伯叔、兄弟喪,俱得奔赴。至 0 若俱令奔喪守制,或一人連遭五六期喪,或道 今後除父母、祖父母承重者丁憂外,其餘期

士庶人喪禮

志第三十六 禮十

四

集禮及會典所載,大略做品官制,稍有損益。

尸,竟無哀戚之情,甚非所以爲治。乞禁止以厚風化。」乃令禮官定民喪服之制。 洪武元年,御史高元侃言:[10]「京師人民,循習舊俗。 凡有喪葬,設宴,會親友,作樂娛

之, 土杉松又次之。用黑漆、金漆, 不得用硃紅。明器一事。 車以衾覆棺。誌石二片,如官之儀。塋地圍十八步。祭用豕,隨家有無。」 錢三。銘旌用紅絹五尺。 斂隨所有,衣衾及親戚襚儀隨所用。曰曰棺用堅木,油杉爲上,柏次 五年詔定:「庶民襲衣一稱,用深衣一、大帶一、履一雙,裙袴衫襪隨所用。 功布以白布三尺引柩。自己柳 飯用粱,含

其骨於水。 之葬埋。 足者稱貸財物,誇耀殯送,及有惑於風水,停柩經年,不行安葬。宜令中書省臣集議定制, .遵守,違者論罪。」又諭禮部曰:「古有掩骼埋胔之令,近世狃元俗,死者或以火焚,而投 又韶:「古之喪禮,以哀戚爲本,治喪之具,稱家有無。近代以來,富者奢僭犯分,力不 或有宦遊遠方不能歸葬者,官給力費以歸之。」 傷恩敗俗,莫此爲甚。其禁止之。 若貧無地者,所在官司擇寬閒地爲義塚,俾

服紀

明初頒大明令,凡喪服等差,多因前代之舊。 洪武七年,孝慈錄成,復圖列於大明令,

刊示中外。

以稍 若庶 稍細熟布 服喪制,幷著爲書,使內外遵守。 爲定制。子爲父母,庶子爲其母,皆斬衰三年。嫡子、衆子爲庶母,皆齊衰杖期。 於是濂等考得古人論服母喪者凡四十二人,願服三年者二十八人,服期年者十四人。 日"「三年之喪,天下通喪。 以降,莫能議此。 曰:「養生送死,聖王大政。諱亡忌疾,衰世陋俗。 粗 母則無服。」太祖曰:「父母之恩一也,而低昂若是,不情甚矣。」乃敕翰林院學士宋濂等 先是貴妃孫氏薨,敕禮官定服制。 麻布爲之,縫下邊。 爲 之。 夫人情無窮,而禮爲適宜。人心所安,卽天理所在。 日大功,以粗熟布爲之。 觀願服三年,視願服期年者倍,豈非天理人情之所安乎。」乃立 其制服五。日斬衰,以至粗麻布爲之,不縫下邊。 禮部尚書牛諒等奏曰:「周儀禮,父在,爲母服期年, 三代喪禮散失於衰周,厄於暴秦。 日小功,以稍粗熟布爲之。 爾等其考定喪禮。」 日總麻,以 仍命以五 日齊衰, 漢、唐 太祖

夫爲後則妻從服,婦爲舅姑,庶子之妻爲夫之所生母,妻妾爲夫。 母,嫡孫爲祖父母承重及曾高祖父母承重者,爲人後者爲所後父母,及爲所後祖父母承重; 父命他妾養己者,子爲養母,謂自幼過房與 其敍服有八。 日斬衰三年者:子爲父母,庶子爲所生母,子爲繼母,子爲慈 (人者) 女在室爲父母, 女嫁被出而反在室爲父 母,謂母

日 齊衰杖期者:嫡子衆子爲庶母;嫡子衆子之妻爲夫之庶母,爲嫁母、出母、父卒繼母

改嫁而已從之者; 夫爲妻。

己者 爲長子婦。 出嫁爲父母 母為 爲所生子,爲兄弟,爲兄弟之子及兄弟之女在室者,爲姑及姊妹在室者,妾爲嫡妻,嫁母、出 長子及衆子,孫爲祖父母,孫女雖適人不降,高曾皆然,爲伯叔父母,妾爲夫之長子及衆子, 其子;女在室及雖適人而無夫與子者,為其兄弟及兄弟之子;繼母改嫁為前夫之子從 "

為繼父同居 齊襄不杖期者:父母爲嫡長子及衆子,父母爲女在室者,繼母爲長子及衆子,慈母爲 ;妾爲其父母;爲人後者爲其父母;女適人爲兄弟之爲父後者;祖爲嫡孫;父母 兩無大功之親者,婦人爲夫親兄弟之子,婦人爲夫親兄弟子女在室者,女

日齊衰五月者"爲曾祖父母。

目 齊衰三月者: 爲高祖父母,爲繼父昔同居而今不同者,爲繼父雖同居而兩有大功以

上親者。

之兄弟之子婦,爲夫兄弟之女嫁人者;女出嫁爲本宗伯叔父母,及爲兄弟與兄弟之子,爲 子婦,爲女之出嫁者,祖爲衆孫,爲兄弟之子婦,婦人爲夫之祖父母,爲夫之伯叔 大功九月者:為同堂兄弟及姊妹在室者,為姑及姊妹及兄弟之女出嫁者,父母 父母,為夫 爲 衆

姑姊妹及兄弟之女在室者; 為人後者為其兄弟及姑姊妹在室者; 妻為夫本生父母; 為兄弟

之子爲人後者

者,爲夫同堂兄弟之子及同堂兄弟之女在室者。 弟之女孫在室者,爲外祖父母,爲母之兄弟姊妹,爲同母異父之兄弟姊妹,爲姊妹之子;婦 堂兄弟之子,爲祖姑在室者,爲從祖姑在室者,爲同堂兄弟之女在室者,爲兄弟之妻;爲人 人為夫之姑及夫之姊妹,為夫之兄弟及夫兄弟之妻,為夫兄弟之孫及夫兄弟之女 孫 在 室 後者爲其姑姊妹適人者,爲嫡孫婦,爲同堂姊妹之出嫁者,爲孫女適人者,爲兄弟之孫及兄 日小功五月者:爲伯叔祖父母,爲同堂伯叔父母,爲再從兄弟及再從姊妹在室者,爲同

者,為兄弟之孫女出嫁者,為同堂兄弟之女出嫁者,為乳母,為舅之子,為姑之子,為姨之 者,爲族曾祖姑在室者,爲族祖姑及族姑在室者,爲兄弟之曾孫,女在室同,爲曾孫玄孫,爲 子,爲外孫,爲壻,爲妻之父母,爲兄弟孫之婦,爲同堂兄弟子之婦,爲同堂兄弟之妻,爲外 兄弟之曾孫,爲夫之同堂兄弟,爲夫同堂兄弟之孫,孫女同,爲夫再從兄弟之子,爲夫兄弟 孫婦,爲甥婦,婦人爲夫之曾祖、高祖父母,爲夫之叔伯祖父母,爲夫之同堂伯叔父母,爲夫 同堂兄弟之孫,女在室同,爲再從兄弟之子,女在室同,爲祖姑、從祖姑及從祖姊妹之出嫁 曰總麻三月者:為族曾祖父母,為族伯叔祖父母,為族父母,為族兄弟及族姊妹在室

志

者爲本生外祖父母。 爲本宗同堂兄弟之子女,爲本宗祖姑及從祖姑在室者,爲本宗同堂姊妹之出嫁者,爲人後 之舅及姨,為夫之祖姑及從祖姑在室者;女出嫁為本宗叔伯祖父母,為本宗同堂叔伯父母, 之孫婦,為夫同堂兄弟子之婦,為夫同堂兄弟之妻,為夫同堂姊妹,為夫之外祖父母,為夫

訂,畫圖註釋,並祭葬全儀,編輯成書備覽。 文,每遇帝后之喪,亦未免因仍爲禮。至於冠裳衰絰,所司之製不一,其與禮官考定之。自 初喪至除服,冠裳輕重之製具爲儀節,俾歸至當。」於是禮部議喪服諸制奏之。帝令更加考 又不載天子全儀。雖曰『三年之喪,通乎上下』,而今昔亦有大不同者。皇祖所定,未有全 嘉靖十八年正月諭輔臣:「昨居喪理疾,閱禮記檀弓等篇,其所著禮儀制度俱不歸

校勘記

- [一] 各設神宮監幷衛及祠祭署 神宮監、原作「神官監」、據明史稿志四二禮志改。
- 惟太祖至憲宗忌辰 月戊戌條改。下文「太祖至憲宗生忌」、太祖、原亦作「太宗」、並據孝宗實錄改。 太祖,原作「太宗」,據明史稿志四二禮志、孝宗實錄卷二〇二弘治十六年
- 列聖帝后忌辰祭於永孝殿 永孝殿,原作「永思殿」,據明史稿志四二禮志、世宗實錄卷二二四

嘉靖十八年五月已亥條改。

俱哭於尸西 尸,原作「柩」。 按此與上文「進至尸東, 憑尸哭」句相應, 據明史稿志四二禮志

改

万五 百官應會弔者素服至 至,原作「立」,據明史稿志四二禮志改。

八 六 二 東宫官必出閤講授有勞者 閣,原作「閣」,據本書卷五五禮志東宮出閣講學儀改。

てヤン品官喪禮 原無此標題,據卷目增。

立喪主主婦護喪以子孫賢能者 立,原脱,子孫,原作「子弟」,據明史稿志四二禮志、明會與卷

九九補改。

「我」乃含 明會典卷九九作「乃沐乃含」,意較完足。

700 御史高元侃言 高元侃, 明史稿志四二禮志、 太祖實録卷三四洪武元年十二月庚午條作 「高

原侃」。

斂隨所有衣衾及親戚襚儀隨所用 隨所有,原作「隨所用」,當涉下「隨所用」而誤。 據明史稿

志四二禮志、太祖實録卷七四洪武五年六月丙申條改。

功布以白布三尺引柩 申條、明會典卷一〇〇補。 原脱「以」字,據明史稿志四二禮志、 太祖實録卷七四洪武五年六月丙

志第三十六 校勘記

明史卷六十一

志第三十七

陶凱 瀆芍簡,劉翔 太祖亦方以下情偸薄,務嚴刑以束之,其於履中蹈和之本,未暇及也。文皇帝訪問黃鍾之 聲音之道與政治不相通,而民之風俗日趨於靡曼。 律,臣工無能應者。英、景、憲、孝之世,宮縣徒爲具文。 士大夫之著述止能論其理,而施諸五晉六律輒多未協,樂官能紀其鏗鏘鼓舞而 心 聲也,君心和,六合之內無不和矣。 、詹同、宋濂、樂韶 古先聖王,治定功成而作樂,以合天地之性,類萬物之情,天神格而民志協。 、胡瑞 爲之深慨。 鳳輩皆知聲律,相與究切釐定。 世宗制作自任、張鶚、李文察以審音受知、終以無成。 '是以樂作於上,民化於下。 秦、漢 明興,太祖銳志雅樂。 而掌故闊略,欲還古音,其道 殿廷燕享,郊壇祭祀,教坊羽 而降,斯理浸微, 是時,儒臣 不曉其義, 蓋樂者, 流、慢 冷謙 無由 蓋學

志第

是以 次第,器數之繁縟,在當日非不燦然俱舉,第雅俗雜出,無從正之。故備列於篇,以資考者。 卒世莫能明也。 稽明代之制作,大抵集漢、唐、宋、元人之舊,而稍更易其名。凡聲容之

登歌 生改 用女樂。 隱吳山。 見,閱試之。 右司樂,皆以樂工爲之。 曲曲 用軍民俊秀子弟。 乃考正四廟雅樂,命謙較定音律及編鐘、編磬等器,遂定樂舞之制。 太祖初克金陵,即立典樂官。其明年置雅樂,以供郊社之祭。 先是命選道童充樂舞生,至是始集。 一而罷。 召爲協律郎,令協樂章聲譜,俾樂生習之。 太祖親擊石磬,命升辨五音。升不能審,以宮音爲徵音。 是年置太常司,其屬有協律郎等官。 又置教坊司, 掌宴會大樂。 後改和聲郎爲奉鑾。 太祖御戟門,召學士朱升、范權引樂舞生入 設大使、副使、和聲郎,左、右韶樂,左、 取石靈璧以製磬,採桐梓湖州 元末有冷謙者,知音,善鼓瑟,以黄冠 吳元年命自今朝賀,不 太祖哂其誤,命樂生 樂生仍用道童,舞 以製琴

地祇於方丘,又以次祀先農、日月、太歲、風雷、嶽濱、周天星辰、歷代帝王、至聖文宣王,皆 洪武元年春親祭太社、太稷。 夏硆享於太廟。〔〕其冬祀昊天上帝於圜 丘。 明 年祀 皇

定樂舞之數,奏曲之名。

独,武功之舞。 亞獻,奏豫和之曲,終獻,奏熙和之曲,俱文德之舞。 徹豆,奏雍和之曲。 神,奏安和之曲。望燎,奏時和之曲。方丘並同,曲詞各異,易望燎曰望瘞。太社太稷,易 曼 丘。迎神,奏中和之曲。奠玉帛,奏肅和之曲。 奉牲,奏疑和之曲。 初獻,奏壽和之

迎神曰廣和,省奉牲,餘並與方丘同,曲詞各異。

迎神、奠帛、奏永和之曲。 進俎,奏雍和之曲。 初獻、終獻,並奏壽和之曲。

豆、送神,並奏永和之曲。望瘞,奏太和之曲

燎,奏豫和之曲。夕月,迎神易凝和,奠帛以下與朝日同,曲詞各異。 奏中和之曲,終獻,奏肅和之曲,俱文德之舞。徹豆,奏凝和之曲。 朝日。 迎神,奏熙和之曲。奠玉帛,奏保和之曲。 初獻,奏安和之曲,武功之舞。 **送神,奏壽和之曲。** 亞獻,

奏凝和。徹豆,奏壽和。送神,奏豫和。 太歲、風雷、嶽瀆。 迎神,奏中和。奠帛,奏安和。 初獻,奏保和。

亞獻,奏肅和。

周天星辰,初附祀夕月,洪武四年別祀。 迎神,奏疑和。 奠帛、初獻,奏保和,武功舞。

望燎,奏熙和

亞獻,奏吐和,終獻,奏肅和,俱文德舞。 太廟。 迎神,奏太和之曲。 奉册寶、奏熙和之曲。 徹豆,奏豫和。 進俎,奏凝和之曲。 送神,奏雍和 初獻,奏壽和之

志 第

+ 七

樂

,武功之舞。 亞獻,奏豫和之曲,終獻,秦熙和之曲,俱文德之舞。徹豆,奏雍和之曲

神,奏安和之曲。初獻則德、懿、熙、仁各奏樂舞,亞、終獻則四廟共之。

{和。 奠帛,奏寧和。 釋奠孔子,初用大成登歌舊樂。洪武六年始命詹同、樂韶鳳等更製樂章。迎神,奏减 初獻,奏安和。 亞獻、終獻,奏景和。 徹饌、送神、奏咸和

歷代帝王。迎神,奏雍和。奠帛、初獻,奏保和,武功舞。 亞獻,奏中和,終獻,奏肅和

俱文德舞。 徹豆,奏凝和。 送神,奏壽和。 望瘞,奏豫和

獻,奏熙清之曲。 又定王國祭祀樂章。 徹饌,奏雍清之曲。 迎神,奏太淸之曲。 送神,奏安淸之曲。 初獻,奏壽淸之曲。 其社稷山川,易迎神爲廣淸,增 亞獻,奏豫淸之曲。

此祭祀之樂歌節奏也。

奉瘞曰時清。

洪武三年又定朝會宴饗之制。「三

聲郎 丞相上殿致詞,奏慶皇都之曲,致詞畢,樂止。百官又拜,奏喜昇平之曲,拜畢,樂止。 舉麾,奏飛龍引之曲,樂作,陞座。 樂止, 偃麾。 百官拜,奏風雲會之曲, 拜畢,樂止。

凡聖節、正旦、冬至、大朝賀,和聲郎陳樂於丹墀百官拜位之南,北向。

駕出,仗動。

和

興,奏賀聖朝之曲,還宮,樂止。 百官退,和聲郎、樂工 以 次 出

郎舉 都之樂。 第 {舞 丹陛 殿上 奏畢,偃麾,押樂引衆工退。 於丹陛之東,四夷樂工列於四夷舞之北,俱北向。 舞,象以威德服遠 立於東階下之南 象以武 麾,唱奏飛龍引之樂,大樂作。 一陳設畢,和 **爵**,和聲郎舉麾,唱奏起臨濠之曲。 上之兩 凡宴饗,和聲 第五 第九,奏守承平之曲。 第四,奏平定天下之舞。 功定禍 ,奏平幽都之曲。 旁,東西向。 第八,奏車書會同之舞。 壂 ,又二人執幢,引 郎 郎四人 人也。 亂也; 執 麾 引大樂二人,執戲竹,引大樂工陳列於丹陛之西,文武二舞樂工列 文舞日車書會同之舞,象以文德致太平也, 由 總樂舞,二人執麾,立樂工前之兩旁,二人押樂,立樂工後之 舞師二人執旌,引武舞士立於西階下之南,又二人執翻,引 第二,奏開太平之曲。第三,奏安建業之曲。 兩階升,立於御酒案之左右,二人引歌工、樂工由 其舉麾、偃麾,歌工、樂工進退,皆如前儀。 第六,奏撫四夷之曲。 四夷舞士立於武舞之西南, 第五,奏賀聖朝之樂。 食畢,樂止,偃麾。第二,奏風雲會之樂。 第九,奏萬年春之樂。其舉麾、偃麾如前儀。 引樂二人引歌工、樂工詣酒案前,北面,重行立定。 駕將出,仗動,大樂作。 第七,奏定封賞之曲。 第六,奏撫安四夷之舞。 俱北向。 四夷 武 進第一次膳,和聲 舞日 舞日 升座, 樂止。 第八,奏大一統 第四,奏削羣雄 兩階升, 第三,奏慶皇 撫安 平定天下之 第七,奏 公四夷之 文 兩旁 立於 舞 進

志

舞旣 畢,駕興,大樂作。 入宮,樂止,和聲郎執應引衆工以次出。

陵,七日長楊,八日 五 十五年所定,一日炎精開運,二日皇風 御六龍,六日泰階平,七日君德成,八日聖道行,九日樂淸寧。 宴饗之曲,後凡再更。 四年所定,一日本太初,二日仰大明,三日民初生,四日品物亨, ,)三日眷皇明,四日天道傳,五日振皇綱,六日金 其詞,詹同、陶凱所製

中 樂止。 凡 和 拜畢 大朝賀, 教坊司設中和韶樂於殿之東西, 北向, 陳大舞於丹陛之東西, 亦北向。 韶樂奏聖安之曲。 ,樂止。 宣表目,致賀訖,百官俯伏,大樂作。 「芳醴,九日駕六龍 駕興,中和韶樂奏定安之曲 **陞座進寶,樂止。百官拜,大樂作。** ,導駕至華蓋殿 拜畢 ·)樂止。 、樂止。 宣制訖,百官舞蹈 拜畢,樂 百官以 岸 進表,大樂作。 次 Щ .呼,大 駕

樂止 樂止 至殿 作。 爵, 教坊司請奏眷皇明之曲. 外外 陞 其 鼓 進花、樂作。 座 散花,樂作。 大宴饗,教坊 樂 吹 止 止 一,殿 文武官 上樂作。 進訖 司 散訖,樂 設 樂 中 入列於 ·和韶樂於殿內,設大樂於殿外,立三舞雜隊 ,進酒如前儀。 羣臣 止。 止 殿外,北 第二 進第 湯 饌 成 爵, 教 一爵, 樂 向拜,大樂作。 樂止,教坊司請奏撫安四夷之舞。 坊司 止。 敎 功力司 武舞 奏皇風之曲。 奏炎精開運之曲 入,教坊 拜畢,樂止。 司請奏平定天 樂止,進湯。 進御 樂作。 於殿下。 筵,樂 下之舞 鼓 第四爵,奏天 內 吹饗節 外官 作。 駕 興,大樂 進訖, 拜 第三 前導

第七爵,奏長楊之曲,進酒如前儀。樂止,奏採蓮隊子承應。 儀。 湯,進大膳,樂作。供羣臣飯食訖,樂止,百花隊舞承應。 如 傳之曲, 前儀。樂止,奏魚躍於淵承應。第九爵,奏駕六龍之曲,進酒如前儀。樂止,收爵。進 樂止,奏百 進酒進湯如前儀。樂止,奏車書會同之舞。第五爵,奏振皇綱之曲,進酒如前 戲承應。第六爵,奏金陵之曲,進酒進湯如前儀。樂止,奏八蠻獻寶承應 宴成徹案。羣臣出席,北向拜,樂 第八爵,奏芳醴之曲,進酒進

此朝賀宴饗之樂歌節奏也。

作。

拜畢,樂止。

駕興,大樂作、鳴鞭,百官以次出。

尺一寸。 搏拊 二人,各執干戚;文舞生六十二人,引舞二人,各執羽籥;舞師二人執節以引之。 八,笙 七年復 四,柷敔各一,壎四,篪四,簫八,笙八,笛四,應鼓一;歌工十二,協律郎一人執麾以引 其 惟文廟樂生六十人,編鐘、編磬各十六, ,樂器之制,郊丘廟社,,洪武元年定。 樂工六十二人,編鐘、編磬各十六,琴十,瑟四, 拱 以 笛 增籥四,鳳笙四,壎用六,搏拊用二,共七十二人。舞則武舞生六十二人,引舞 九 四,大鼓一;歌工十。 龍 柱 以龍簾, 建樓於圜丘齋宮之東北,懸之。 六年鑄太和 琴十、瑟四、搏拊 鐘。 其制,做宋景 四,柷敔 郊祀, 鐘。 駕動則鐘聲作。 以九 各一,壎四,篪四, 九 爲數,高八 共一百三

志

第

Ξ

+

七

樂

壇,鐘止,衆音作。 禮畢,升輦,鐘聲作。 俟導駕樂作,乃止。十七年改鑄,減其尺十之四

響一,鼓一,拍板二,杖鼓六。 皇太后並用之。朔望朝參:戲竹二,簫四,笙四,笛四,頭管四,褰二,琵琶二,二十弦二,方 八,二十弦八,方響六,鼓五,拍板八,杖鼓十二。正旦、冬至、千秋凡三節。 杖鼓十二。命婦朝賀中宮,設女樂:戲竹二,簫十四,笙十四,笛十四,頭管十四,纂十,琵琶 竹二,簫十二,笙十二,笛十二,頭管十二,纂八,琵琶八,二十弦八,方響二,鼓二,拍板八, 十二,壎四,箎四,琴十,瑟四,編鐘二,編磬二,應鼓二,柷一,敔一,搏拊二。 丹陛大樂:戲 六,杖鼓二十四,大鼓二,板二。
二十六年又定殿中韶樂:簫十二,笙十二,排簫四,
「三横笛 洪武三年定丹陛大樂:簫四,笙四,箜篌四,方響四,頭管四,龍笛四,琵琶四,篆 其後太皇太后、

管二,羌笛二,纂二,水盞一,板一。 瑟二,簫四,笙四,笛四,壎二,篪二,排簫一,鐘一,麐一,應鼓一。 丹陛大樂:戲竹二,簫四, 笙二,横管二,纂二,杖鼓二,大鼓一,板一。 四夷舞樂:腰鼓二,琵琶二,胡琴二,箜篌二,頭 **琶六,篆六,箜篌四,方響四,頭管四,龍笛四,杖鼓二十四,大鼓二,板二。 文武二舞樂器:** 大宴。洪武元年定殿內侑食樂:簫六,笙六,歌工四。 丹陛大樂:戲竹二,簫四,笙四,琵 二十六年又定殿內侑食樂:柷一,敔一,搏拊一,琴四,

笙四,笛二,頭管二,琵琶二,纂二,二十弦二,方響二,杖鼓八,鼓一,板一。迎膳樂:戲竹 二,笙二,笛四,頭管二,纂二,杖鼓十,鼓一,板一。進膳樂:笙二,笛二,杖鼓八,鼓一,板

太平淸樂:笙四,笛四,頭管二,纂四,方響一,杖鼓八,小鼓一,板一。

四夷之舞:舞士十六人,四行,行四人,舞作拜跪朝謁喜躍俯伏之狀,舞師二人執幢以引之。 三十二人,左籥右翟,四行,行八人,舞作進退舒徐揖讓升降之狀,舞師二人執翿以引之。 人,左干右戚,四行,行八人,舞作發揚蹈厲坐作擊刺之狀,舞師二人執旌以引之, 文舞士 此祭祀朝賀之樂舞器服也。 樂工舞士服色之制。郊廟,洪武元年定,朝賀,洪武三年定。文武兩舞:武舞士三十二

雅道。 駅、醋酒、色荒、禽荒諸曲,凡三十九章,命曰御鑾歌,皆寓諷諫之意。 然當時作者,惟務明 達易曉,非能如漢、晉間詩歌,鏗鏘雅健,可錄而誦也。殿中韶樂,其詞出於敎坊俳優,多乖 後世之詩,章淫以誇。故一切諛詞豔曲皆棄不取。」嘗命儒臣撰回鑾樂歌,所奏神降祥、神 後改合祀,其詞復更。 當太祖時,前後稍有增損。樂章之鄙陋者,命儒臣易其詞。二郊之作,太祖所親製。 |月樂歌,按月律以奏,及進膳、迎膳等曲,皆用樂府、小令、雜劇爲娛戲。 太社稷奉仁祖配,亦更製七奏。嘗諭禮臣曰:「古樂之詩,章和而正。 流俗諠

志 第

三十七

樂

譊,淫哇不逞。 太祖所欲屛者,顧反設之殿陛間不爲怪也。

應之曲 臺、辟雍、淸廟、湛露之音,以振 司 Ŀ 民樂生之曲,表正萬邦之舞;五奏感皇恩之曲,天命有德之舞;六奏慶豐年之曲;七奏集禎 樂工所 書指其失。 ,平定天下之舞,二奏仰天恩之曲,撫四夷之舞,三奏感地德之曲,車書會同之舞,四奏 永樂十八年,北京郊廟成。 ,八奏永皇圖之曲,九奏樂太平之曲。 請敕儒臣推演道德敎化之意,君臣相與之樂,作爲詩章,協以律呂, ,勵風敎,備一代盛典。 時以襲用旣久,卒莫能改。 其合祀合享禮樂,一如舊制。 奏曲膚淺,舞曲益下俚。 更定宴饗樂舞:初奏上萬壽 景泰元年,助教劉 其後敎坊 如古靈

從也。 正,音律舛訛,釐正宜急。 儒臣考定 祭,乃委之神樂觀樂舞生,褻神明,傷大體。 給事 韶樂,擇民間子弟肄習,設官掌之。 弘治 中胡瑞嘗言:「御殿受朝,典禮至大,而殿中中和韶樂乃屬之教坊司,嶽鎮海瀆,三年一 馬文升爲尚書,因災異陳言,其一,訪名儒以 八音,修造樂器,參定樂章。 之初,孝宗親耕耤田,教坊司以雜劇承應,間出 奏中和韶樂,且多不諧者。成化中,禮官嘗請三倍其額,博敎而約取之。 且太常官恐未足當製器協律之任。 年久,則量授職事。」帝以奏樂遣祭, 其登歌之詞,多自裁定。 望敕廷臣議,嶽瀆等祭,當 E 雅樂,事 一种語。 下禮官。 乞韶下諸司,博求中外臣工 但歷今百三十餘年,不 都御史馬文升厲 禮官言:「高皇 以縉紳從事。 皆國朝 舊典,不能 色斥去。 ·復校 帝 中和 命

張 定諸典禮,因亦有志於樂。建觀德殿以祀獻帝,召協律郎肄樂供祀事。 復議,獻皇生長太平,不尙武功,其三獻皆當用文德舞。從之。已而太常復請,乃命禮官會 樂工旣得幸,時時言居外者不宜獨逸,乃復移各省司所送技精者於敎坊。 京供應。 兩階之容,得其左而闕其右。 日淸和之曲,亞獻日康和之曲,終獻日沖和之曲,徹饌日泰和之曲,送神日寧和之曲。 日崇先。 又數百人,俳優之勢大張。 音樂廢缺,無以重朝廷。」禮部乃請選三院樂工年壯者,嚴督肄之, 和。」帝可其奏。 及 璁議。 Щ :林有精曉音律者,禮送京師。 嘉靖元年,御史汪珊請屏絕玩好,令敎坊司毋得以新聲巧技進。 正德三年,武宗諭內鐘鼓司康能等曰:「慶成大宴,華夷臣 年二月始耐穀於南郊。 璁言:「樂舞以佾數爲降殺,不聞以武文爲偏全。使八佾之制,用其文而去其武,則 乃親製樂章,命大學士費宏等更定曲名,以別於太廟。其迎神曰永和之曲,初獻 顧所隸益猥雜,筋斗百戲之類日盛於禁廷。旣而河間等府奉詔送樂戶,居之新宅 末年詔南京及各王府、選精通樂藝者詣京師,復以禮官言而 臧賢以伶人進,與諸佞倖角寵竊權矣。 是皇上舉天子禮樂,而自降殺之矣。」乃從璁議,仍用二舞 帝親製樂章,命太常協於音譜。是年,始祀先蠶,下禮官議 會禮官熟議至當,然後造器正音,庶幾可以復祖制,致太 工所觀瞻,宜舉大樂。 仍移各省司 世宗嘉納之。 後建世廟成, 於是乘傳續食者 罷 取藝精者赴 是時更 改殿 邇者

志

第

三十七

樂

一五〇九

帝以舞 鑑圖 設宮 感,事 縣之 數不足,降八爲六,則今祀先蠶,止用樂歌, **祀先蠶,代以有司,又不可據。** 舞六佾 縣 下 神之道。 於 其樂女皆黑冠服,因定享先蠶 禮官言:「先蠶之祀,周、漢所同。 非 止 女子 池 有宮架登歌圖 郊壇壝內,諸女工 則祀 事,罷不用。 漢蠶東 先蠶 郊 用 魏鬘 而不 八佾又可 使議樂女冠服 咸列於后,則祀先蠶用 ·及舞。 西郊 惟開元略為 知。 ,色皆尚 一樂章 夫有樂有 然 其樂舞儀節,經史不載。 以 止言舞生冠 近古,而 不用 青, 聞。 舞,雖 樂舞,亦合古制。 非其色矣。 禮官言:「北郊陰方, 陳氏樂書考據亦明。 女樂可知。 [服,而不及舞女冠服。 祀禮之常,然周、漢制度旣不可考,宋 樂女冠服宜黑。」 唐六典,宮縣之舞八佾,軒 唐開元先蠶 且以見 其 色尚 前享先農,旣以佾 少殺先農之禮。」 陳陽樂書亭先 乃用樂六奏, 黑。 儀注,大樂令 同 色相

仕甘 因 請 肅 廣 叉 行 求 以 祀典方釐定南北郊,復朝 太僕寺丞張鶚 博訪,有 如 宋胡瑗、李照者 應韶 命 趣 日 召之。 「具以 夕月之祭, 名聞。 旣至,言曰 命詞臣取洪武時舊樂歌,一 授之太常,考定雅樂。 給事 切 中夏言 更改。 乃以 禮官

毫 從氣後。 成 大 ,積釐成 樂之正,乃先定元聲。 **若拘於器以求氣,則氣不能致器,而反受制於器,何以定黃鍾、起曆元。須依** 分。 時三十分,一日十二時。 元聲起自冥罔旣覺之時,亥子 故聲 生 於 日,律起 相 乘之際。 於辰 積絲 氣 在 成毫, 一聲先,聲 積

正二刻,卽子正一刻移於正二刻矣。願命知曆官一人,同臣參侯,庶幾元聲可得,而 中先飛灰者,卽得元氣。驗其時刻,如在子初二刻,卽子初一刻移於初二刻矣;如在 蔡元定,多截竹以擬黃鍾之律,長短每差一分。冬至日按律而候,依法而取。 如衆管

又言

古樂可復。

呂爲下四,太簇爲高四,夾鍾爲下一,姑洗爲高一,夷則爲下工,南呂爲高工之類,皆以 五、凡、工、尺、上、一、四、六、勾、合字眼譜之,去古益遠。且如黃鍾爲合似矣,其以大 夾鍾是已。近世止用黃鍾一均,而不徧具十六鐘,古人立樂之方已失。況太常止以 兩律兼一字,何以旋宮取律,止黃鍾一均而已。 鍾、姑洗、仲呂、蕤賓、林鍾是已;其上八鐘,夷則、南呂、無射、應鍾、黃鍾、大呂、太簇、 古人製爲十六編鐘,非徒事觀美,蓋爲旋宮而設。其下八鐘,黃鍾、大呂、太簇、夾

黃鍾爲羽,必用子聲,即上黃六之清聲,正爲不敢用黃鍾全聲,而用其半耳。 仲呂為商,仲呂下生黃鍾爲羽。然黃鍾正律聲長,非仲呂爲商三分去一之次。所以用 律皆從而受制,臣民事物莫敢凌犯焉。至於夾鍾爲宮,則下生無射爲徵,無射上生 且黃鍾、大呂、太簇、夾鍾爲上四淸聲。蓋黃鍾爲君,至尊無比。黃鍾爲宮,則十 姑洗以

三十

下之均,大率若此。 此四清聲之所由立也。編鐘十六,其理亦然。

合於三分損益者則和矣。夷則以降,其臣民事物,安能尊卑有辨,而不相凌犯耶 二聲又非,遂使十二律、五聲皆不得正。至於李照、范鎭止用十二律,不用四淸聲,其 宋胡瑗知此義,故四淸聲皆小其圍徑以就之。然黃鍾、太簇二聲雖合,大呂、夾鍾

情也。 廟,以黃鍾爲宮,大呂爲角,太簇爲徵,夾鍾爲羽,〔云是三者律呂相合。相合者,人之 宮,夾鍾爲角,至姑洗爲徵,南呂爲羽,是三者陰呂相生。相生者,地之功也。祭宗 舞大濩以享先妣。四所謂降神之樂者,冬至祀天圜丘,則以圜鍾爲宮,黃鍾爲角,太 歌林鍾,午未合也,舞大夏以祭山川。乃奏夷則,歌小呂,已申合也,舞大武以享先祖, 簇爲徵,姑洗爲羽,是三者陽律相繼。相繼者,天之道也。夏至祭地方丘,則以函鍾爲 合也,舞咸池以祀地祇。乃奏姑洗,歌南呂,辰酉合也,舞大韶以祭四望。乃奏蕤賓, 薦神之樂者,乃奏黃鍾,歌大呂,子丑合也,舞雲門以祀天神。乃奏太簇,歌應鍾,寅亥 臣又考周禮,圜鍾、函鍾、黃鍾,天地人三宮之說,有薦神之樂,有降神之樂。 所爲

第十徽,卯位也。函鍾,林鍾也。生於坤位之氣,在井東輿鬼之外,云主地祇,祭地從此 且 |圜鍾,夾鍾也。生於房心之氣,爲天地之明堂,[5] 祀天從此起宮,在琴中角絃

者謂自漢以來,天地鬼神聞新聲習矣,何必改作。不知自人觀天地,則由漢迄今千七 子至申九數,故九變而人鬼享。此皆以本元之聲,召本位之神,故感通之理速也。或 申六數,故六變而天神降。函鍾在未,自未至寅八數,故八變而地祗格。黃鍾在子,自 易之分。蓋陽數起子而終於少陰之申,陰數起午而終於少陽之寅。圜鍾在卯,自卯至 琴中宮絃第三徽,子位也。至若六變而天神降,八變而地祇格,九變而人鬼享,非有難 起宮,在琴中徵絃第五徽,未位也。黃鍾,生於虛危之氣,爲宗廟,祭人鬼從此起宮,在

談,列十二圖以象十二律。圖各有說。又以琴爲正聲,樂之宗系。凡郊廟大樂,分註琴絃談,列十二圖以象十二律。圖各有說。又以琴爲正聲,樂之宗系。凡郊廟大樂,分註琴絃 倂 定徽,各有歸旨。且自謂心所獨契,斵輪之妙有非口所能言者。 進所著樂書二部。其一曰大成樂舞圖譜,自琴瑟以下諸樂,逐字作譜。其一曰古雅心

百

.年,自天地觀,亦頃刻間耳。 自今正之,猶可及也。

徽 所及。」乃授鶚太常寺丞,令詣太和殿較定樂舞 詔演習新定郊祀樂章,間問古人遺制,茫無以對。今陽謂四淸聲所以爲旋宮,其註絃定 疏 已深識近樂之弊。至欲取知曆者,互相參考,尤爲探本窮源之論。似非目前司樂者 禮部。 禮官言:「音律外廢,太常諸官循習工尺字譜,不復知有黃鍾等調。臣等近

鴨遂上言:「周禮 志 第三 + 七 有郊祀之樂,有宗祀之樂。 **尊親分殊,聲律自別。** 臣伏聽世廟樂章,

黃鍾,聲同太廟。 **祀子,恐世** 義各有歸旨,聲數默相處通。 祀宗廟,位分子野,星隸虛危,樂奏九成,以報本源之德。 祇、位寓 律起林鍾, ·坤方,星分井鬼,樂奏八變,以報資生之功。 廟在天之靈,必不能安且享矣。不知譜是樂者,何所見也。 均 殊 太廟。 但審聽七聲,中少一律,今更補正。 臣竊異之。 况天地者父母之象, 大君者宗子之稱。 蓋世廟與太廟同禮,而林鍾與黃鍾異樂。 故用林鍾 使依奏格, 故用黃鍾 起調, 則祖 起 林鍾 孫一氣相爲流通,函 調,黃鍾 今以祀母之樂, 臣觀舊譜樂章,字用 畢 調 函鍾 畢調 也。 主 黃鍾主 也。 祀 奏以 地 理

若林鍾一 與世廟,不宜異調,鶚見尤眞。自今宜用舊協音律,惟加以蕤賓勾聲,去再生黃鍾之六,改 宮,而所用 洗之半聲爲羽,蕤賓之半聲爲變宮。邇者沈居敬更協樂章,用尺,用合,用四,用一,用工, 用六。夫合,黃鍾也;四,太簇之正聲也;一,姑洗之正聲也;六,黃鍾之子聲也。以林 合,用四,用一,用尺,用工。去蕤賓之勾,云而越次用再生黃鍾之六,此舊樂章之失也。 鍾爲宮,太簇爲商,姑洗爲角,蕤賓爲變徵,林鍾爲徵,南呂爲羽,應鍾爲變宮。 黄二宫不失均調。 李時等覆奏,以爲:「鶚所言,與臣等所聞於律呂諸書者,深有所合。 調,則以林鍾爲宮,南呂爲商,應鍾爲角,大呂之半聲爲變徵,太簇之半聲爲徵,姑 爲角徵羽者,皆非其一均之聲,則謬甚矣。 算親之分兩得,神人之心胥悅矣。」**詔下禮官** 況林鍾一調, 不宜用於宗廟, 而太廟 蓋黃鍾一 舊樂章用 調,以黃 鍾爲

用 應鍾之凡、[10]以成黃鍾一均,庶於感格之義,深有所補。」

乃 命鶚 更定廟享樂音,而逮治沈居敬等。 **鶚尋譜定帝社稷樂歌以進。** 韶嘉其勤,晉爲

少卿,掌教雅樂。

其議

成 之後, 夏言又引古者龍見而雩,命樂正習盛樂,舞皇舞。 九奏樂止之時,檃括雲漢詩辭,製爲雲門一曲,使文武舞士幷舞而合歌之。 請依古禮,定大雩之制。 當三獻禮

協。 可。 、給,詩歌頌美,宜命儒臣撰述,取自上裁。 太祖創業,太宗定鼎,列聖守成。 時 而尊獻帝爲睿宗,祔享太廟。 `七廟旣建,樂制未備,禮官因請更定宗廟雅樂,言:「德、懿、熙、仁四祖 於是九廟春特、三時給、季冬大給樂章,皆更定焉 當有頌聲,以對越在天,垂之萬禩。 其樂器、樂舞,各依太廟成式,備爲 若特享,若船享, 人祕,舊章弗 規制。」制

制 四四 十八年巡狩 時歲給,樂章器物仍 興都, 帝親製樂章, 如 舊制。 初 享上帝於飛龍殿,奉皇考配。 增 七廟樂官及樂舞生,自 四 郊九廟 其後,七廟火,復同 暨太歲 於神祇 諸 堂之

樂舞人數至二千一百名。後稍裁革,存其半。

制 張 請候元氣 鶚遷太常卿 以定 復申 鍾 律。 前 事 說,建白三事 下禮官,言:「特鐘、特磬宜造樂懸,在廟 請設特鐘、 特磬以爲樂節; 一 廷 中,周旋未便,不得 請復宮縣以 備古

志

更製。 選知曆候者往相其役,待稍有次第,然後委官考驗。」從之。乃詔取山西長子縣羊頭 大小中三等各五斗,以備候氣定律 戶,截管實灰,覆緹,按曆氣至灰飛,證以累黍,具有成法可依。其法,築室於圜丘 惟黃鍾爲聲氣之元,候氣之法,實求中氣以定中聲,最爲作樂本原。 其說,若重室墐 外垣 山黍, 隙

世宗初年,御史范永鑾上其書,其說與古背,不可用。 稽考,未及施行。 舞全譜共若干卷,具表進獻。 崇禎六年,禮部尚書黃汝良進昭代樂律志。宣付史館,以備 其所云「按人聲以考定五音」者,不能行也。神宗時,鄭世子載堉著律呂精義、律學新說、樂 所著樂書四種,禮官謂於樂理樂書多前人所未發者。 茫,不能準以定律。弘治中,莆人|李教授|文利,著律呂元聲,獨宗呂覽黃鍾三寸九分之說。 黃佐、王邦直之徒著書甚備,職不與典樂,託之空言而已。 明自太祖、世宗,樂章屢易,然鍾律爲制作之要,未能有所講明。 嘉靖十七年六月,遼州同知李文察進 乃授文察爲太常典簿,以獎勸之。 張鶚雖因知樂得官,候氣終屬渺 呂懷、 劉濂、 韓邦奇、 而

校勘記

(一) 愛給享於太廟 原脫「夏」字,據太祖實錄卷二七洪武元年四月丁未條補。按本志上文作「春

- 洪武三年又定朝會宴饗之制 原脫「洪武三年」,據太祖實錄卷五六洪武三年九月乙卯條補。
- 排簫四 排簫,原作「排笙」,據明史稿志四三樂志改。明會典卷七三大宴樂有排簫,無排
- 껃띡 乃奏夷則歌小呂巳申合也舞大武以享先祖舞大濩以享先妣 原文疑有脱倒。嵇璜續文獻通考卷
- 〇七作「乃奏夷則、歌小呂、巳申合也,舞大濩以享先妣。 乃奏無射,歌夾鍾,卯戌合也,舞大

武以享先祖」,疑是。

- [五] 夾鍾爲角 [周禮春官大司樂作「大蔟(太簇)爲角」。
- CKJ 夾鍾爲羽 周禮春官大司樂作「應鍾爲羽」。
- [七] 為天地之明堂 地、周禮春官大司樂鄭玄注作「帝」。
- ヘン 在井東輿鬼之外 井東]周禮春官大司樂鄭玄注作「東井」。
- ≯. 去蕤賓之勾 勾,原作「均」,據世宗實錄卷 一一七嘉靖九年九月乙卯條、 國権卷五四頁二四三
- ○改。按本志下文有「加以蕤賓勾聲」。
- 改用應鍾之凡 凡,原作「九」,據世宗實錄卷一 一七嘉靖九年九月乙卯條、 國権卷五四頁二四

二九改。

明史卷六十一

志第三十八

樂二

樂章一

洪武元年圜丘樂章

同。 念螻蟻兮微衷,莫自期兮感通。思神來兮金玉其容,馭龍鸞兮乘雲駕風。 迎神,中和之曲:昊天蒼兮穹窿,廣覆燾兮龐洪。 建圜丘兮國之陽,合衆神兮來臨之 顧南郊兮昭

格,望至尊兮崇崇。

奠玉帛,肅和之曲:聖靈皇皇,敬瞻威光。 玉帛以登,承筐是將。 穆穆崇嚴,神妙難量

謹茲禮祭,功徵是皇。

進俎,凝和之曲: 祀儀祗陳, 物不於大。 敢用純犢,告於覆載。 惟茲菲薦, 恐未周完

第三十八 樂二

志

神其容之,以享以觀。

於几筵,神繽紛 初獻 ",壽和之曲:眇 而景從。 ,眇微躬,何敢請於九重,以煩帝聰。 臣雖愚蒙,鼓舞歡容,乃子孫之親祖宗。 帝心矜憐,有感而通。 酌清酒兮在鍾,仰至德兮 既俯 臨

亞獻,豫和之曲: 荷天之寵, 眷駐紫壇。 中情彌喜,臣庶均懽。 趨蹌奉承, 我心則寬。

再獻御前、式燕且安。

玄功。

終獻,熙和之曲、小子於茲,惟父天之恩,惟恃天之慈, 內外慇勤。 何以將之? 奠有芳

齊,設有明粢。喜極而抃,奉神燕娭。 禮雖止於三獻,情悠長兮遠而

徹饌,雍和之曲: 烹飪旣陳, 薦獻斯就。 神之在位, 旣歆旣右。 羣臣駿奔, 徹茲俎

物倘未充,尚幸神宥。

送神,安和之曲:神之去兮難延,想遐袂兮翩翩。 萬靈從兮後先,衞神駕兮回旋。

兮瞻天,雲之衢兮眇然。

望燎,時和之曲:焚燎於壇,燦爛晶熒。 幣帛牲黍,冀徹帝京。 奉神於陽,昭祀有成

肅然望之,玉宇光明。

洪武 八年御製圜丘樂章。

迎神 仰惟兮昊穹,臣率百職兮迓迎。 幸來臨兮壇中, 上下護衛兮景從。 旌幢繚繞兮

四維,重悅聖心兮民獲年豐。

奠玉帛:民依時兮用工,感帝德兮大化成功。 臣將兮以奠,望納兮微衷。

進俎 "庖人兮列鼎,殽羞兮以成。 方俎兮再獻,願享兮以歆

初獻 聖靈兮皇皇,穆嚴兮金牀。 臣令樂舞兮景張,酒行初獻兮捧觴。

亞獻 ··載斟兮再將,百辟陪祀兮具張。 **感聖情兮無已**,拜手稽首兮願享

終獻 ·三獻兮樂舞揚,殽羞具納兮氣藹 而芳。 光朗朗兮上方,况日吉兮時

徹饌:粗陳菲薦兮神喜將, 處聖心兮何以忘。 民福留兮佳氣昂,臣拜手 今謝 恩

送神 望燎:進羅列兮詣燎方,炬焰發兮煌煌。 旌幢燁燁兮雲衢長,龍車鳳輦兮駕飛揚。 神變化兮物全於上,感至恩兮無量 遙瞻冉冉兮去上方,可 見烝民兮永康。

洪武 二年方丘樂章。

迎 神, 中和之曲 坤德博厚, 物資以生。 承天時行,光大且寧。 穆穆皇祇, 功化順成。

來 御 方丘 ,嚴恭奉迎。

志 第 Ξ + 八 樂

奠玉帛, 肅和 之曲 地有四維,大琮以方, 土有正色, 制幣以黃。 敬存於中,是薦是將。

奠之几筵,臨鑒洋洋。

進俎 一、凝和 之曲 奉將純牡, 其牡童犢。 烹銋旣嚴, 登俎惟肅。 升壇昭薦, 神 光下

眷佑邦家、報効惟篤。

初 獻 壽和 之曲 午爲盛陽, 陰德初萌。 天地相 遇, 品物光榮。 吉日令辰, 明祀攸

進以醇醴,展其潔淸。

亞獻 豫和之曲 至 一廣 無邊, 道全持載。 山嶽所 憑, 海瀆咸 賴。 民資水 土, 旣安 且 泰

酌酒揭虔,功德惟大。

終獻 三,熙和 之曲 庸眇之資, 有此疆宇。 匪臣攸能, 仰 承佑 助。 恩崇父母, 巨懽 鼓

舞

八音宣揚,疊侑明醑。

徹 饌 雍 和 之曲 牲 栓 在 俎 , 籩 豆有 實。 臨之肸 墾, 匪惟飲 食。 登歌乃徹, 薦獻 爱畢。

執事奉承,一其嚴慄。

送神,安 (和之曲: 神 化 1無方, 妙 用 難 量。 其 功顯融, 其祀 攸長。 飇 輪 云 旋, 龍控鸞翔

拜送稽首,瞻禮餘光。

望極,時和之曲 **性體制幣**, 餕饌惟馨。 瘞之於坎, 以達坤靈。 奉神於陰, 典禮是程

洪武八年御製方丘樂章。

迎神:仰皇祇兮駕來,川嶽從迎兮威靈備開,香烟繚繞兮神臨御街。 漸升壇兮穆穆,靄

瑞氣兮應結樓臺。 以微衷兮率職,幸望聖悅兮心諧。但允臣兮固請,願嘉烝民兮永懷。

奠玉帛: 臣奉兮以筐,玉帛是進兮歲奠以常。 百辟陪祀兮珮聲琅琅。 惟南薰兮解慍,

映燎炎兮煌煌。

進俎 : 庖人兮淨湯,大烹牲兮氣靄而芳。 以微衷兮獻上,日享兮曰康。

初獻 "初獻行兮捧觴,聖靈穆穆兮洋洋。 為烝民兮永康,鑒豐年兮耿光。

亞獻 ·雜殽羞兮已張,法前王兮典章。 臣固展兮情悃,用斟醴兮載觴。

終獻 ·爵三獻兮禮將終,臣心眷戀兮無窮。 恐殺羞兮未具,將何報兮神功。

徹饌:俎豆徹兮神熙,鸞輿駕兮旋歸。 百神翼翼兮雲衣,门敬奉行兮弗敢違。

送神 , 詳風 、興兮悠悠,雲衢開兮民福留。 歲樂烝民兮大有,想洋洋兮舉觴載 酒。

一般羞玉帛兮瘞坎中,遙瞻隱隱兮龍旗從。 祀事成兮盡微衷, 威厚德兮民福雍雍。

志

第

三十

八

樂

洪武十二年合祀天地樂章。

迎神,中和之曲:荷蒙天地兮君主華夷,欽承踴躍兮備筵而祭。 誠惶無已兮寸衷微,仰

瞻俯首兮惟願來期。 想龍翔 鳳舞兮慶雲飛,必昭昭穆穆兮降壇壝

奠玉帛,肅和之曲:天垂風露兮雨澤霑,黃壤氤氳兮氣化全。 民勤献畝兮束帛鮮,臣當

設宴兮奉來前。

進俎以後,咸同八年圜丘詞。

嘉靖九年復定分祀圜丘樂章。

壇,臣當稽首兮祗迓恩隆。 伏承眷命兮職統羣工。深懷愚昧兮恐負洪德, 迎神、中和之曲:仰惟玄造兮於皇昊穹、時當肇陽兮大禮欽崇。 百辟陪列兮舞拜於前,萬神翊衞兮以西以東。三臣俯伏迎兮敬 爱遵彝典兮勉竭微衷。 臣惟蒲柳兮螻蟻之衷, 遙瞻天闕兮寶輦臨

瞻帝御,願垂歆鑒兮拜德曷窮。

奠玉帛,肅和之曲:龍輿旣降兮奉禮先,爰有束帛兮暨瑤瑄。臣謹上獻兮進帝前,曰即仰

祈聽納兮荷蒼乾。

進俎,凝和之曲:殺羞珍饌兮薦上玄,庖人列鼎兮致精虔。 臣盍祗獻兮馨醴牷,願垂歆

享兮民福淵。

初 獻 ,壽和之曲: 禮嚴初獻兮奉觴,臣將上進兮聖皇。 聖皇垂享兮穆穆,臣拜手兮何

以忘。

亞獻,豫和之曲:禮觴再舉兮薦玉漿,帝顏歆悅兮民福昂。 民生有賴兮感上蒼,臣惟鞠

拜兮荷恩長。

終獻、熙和之曲、三獻兮禮告成,一念微衷兮露悃情。 景張樂舞兮聲鍠鋐,仰瞻聖容兮

俯錫思泓。

徹饌,雍和之曲。祀禮竣兮精意禋,三獻備兮誠已申。 敬徹弗遲兮肅恭寅、恐多弗備兮

惟賴洪仁。回

座,仰瞻聖造兮賜福羣方。至臣同率土兮載懽載處,祗迴寶輦兮鳳嘯龍翔。 靈 風鼓舞兮瑞露淸瀼。 送神,清和之曲: 禋事訖終兮百辟維張,帝垂歆鑒兮沐澤汪洋。龍車冉冉兮寶駕旋雲, 洪恩浩蕩兮無以爲酬, 粗陳菲薦兮已感歆嘗。 香氣騰芳兮上徹帝 誠惶誠恐兮仰

戀彌切,願福生民兮永錫亨昌。

舉兮氣輝煌。 望燎 時 和之曲 生民蒙福兮聖澤霑、臣荷眷佑兮拜謝恩光。 :龍駕寶輦兮昇帝鄉,御羞菲帛兮奉燎方。 環珮鏗鏘兮羅壇壝,炬焰特

志第三十八 樂二

嘉靖九年復定方丘樂章。

迎神,中和之曲:俯瞻兮鳳輦來,靈風兮拂九垓。 川嶽從兮後先,百辟列兮襄陪。 臣拜

首兮迓迎,願臨享兮幸哉。

奠玉帛,廣和之曲:祀禮有嚴兮奉虔,玉帛在笥兮來前。 皇靈垂享兮以納,烝民率土兮

樂豐年。

進俎,咸和之曲: 殺羞馨兮氣芳,庖人奉役兮和湯。 奉進兮皇祇歆慰,臣稽首兮敬將。

初獻,壽和之曲 ··酒行初獻兮樂舞張,齊醴明潔兮馨香。願垂享兮以歆,生民安兮永康

亞獻,安和之曲:載獻兮奉觴,神顏和懿兮以嘗。 功隆厚載兮配天,民感德兮無量。

終獻,時和之曲:三進兮玉露淸,百職奔繞兮佩環鳴。 **鳧鐘鷺鼓兮韻錚鍧,岱願留福**

兮羣生。

徹饌,貞和之曲 一禮告終兮徹敢違,深惟一念兮誠意微。 神垂博容兮聽納,恐未備兮惟

慈依。

送神 寧和之曲 ··禮成兮誠已伸,駕還兮法從陳。 靈祇列兮以隨,百辟拜兮恭寅。

宮兮奉辭,願普福兮烝民。

洪武三年朝日樂章。 二十一年罷。

迎神 ,熙和之曲: 吉日良辰, 祀典式陳。 純陽之精,惟是大明。 濯濯厥靈, 昭鑒我

以候以迎,來格 來飲。

奠幣,保和之曲: 靈旗蒞止, 有赫其威。 念潛通,幽明弗違。 有幣在館, 物薄而微。

神兮安留,尚其享之。

初獻 , 安和之曲: 神兮我留, 有薦必受。 享祀之初,奠茲醴酒。 **晨光初升,祥徵應候**

何 以侑觴,樂陳雅奏。

亞獻, 中和之曲: 我祀維何? 奉茲犧牲,爰酌醴齊,貳觴載升。 洋洋 如在,式燕以寧。

庶 表微衷,交於 神明。

終獻,肅和之曲 執事有嚴、品物斯祭、黍稷非馨、式將其意。 薦茲酒醴,成我常祀。 神

顧歆、永言樂只。

徹饌 , 疑 和之曲: 春 **耐秋報,率爲我民。** 我民之生,賴於爾神。 維神佑之, 康寧是臻

祭祀 云畢 ,神 其 、樂忻

志 第 Ξ + 八 樂 __

一五二八

送神 :,壽和之曲 三獻禮終,九成樂作。 神人以和, 旣燕且樂。 雲車風馭, 靈光昭灼。

瞻望以思,邈彼寥廓。

望燎,豫和之曲: 俎豆旣徹, 禮樂已終。 神之云旋, 倏將焉從。 以望以燎,庶幾處通

時和歲豐,維神之功。

嘉靖九年復定朝日樂章。

迎神 ·,熙和之曲:仰瞻兮大明,位尊兮王宫。 時當仲春兮氣融,爰遵祀禮兮報功。 微誠

兮祈神昭鑒,願來享兮迓神聰。

奠玉 帛,凝和之曲 …神靈壇兮肅其恭,有帛在篚兮赤琮。 奉神兮祈享以納,予躬奠兮忻

以願。

初獻 壽和之曲: 玉帛方奠兮神歆,酒行初獻兮舞呈。 齊芳馨兮犧色騂, 神容悅兮鑒

予情。

亞 獻 "時和之曲: 二齊升兮氣芬芳, 神顏怡和兮喜將。 予令樂舞兮具 張, 願 垂普照兮

民康。

終獻 ,保和之曲:慇懃三獻兮告成,羣職在列兮周盈。 神錫休兮福民生,萬世永賴兮神

功明。

徹 饌,安和之曲 誠盡兮予心懌,五福降兮民獲禧。 仰九光兮誠已申,終三獻兮徹

敢遲。

送神,昭和之曲:祀禮旣周兮樂舞揚,神享以納兮還青鄉。 予當拜首兮奉送,願恩光兮

普萬方。永耀熹明兮攸賴,烝民咸仰兮恩光。

望燎之曲:覩六龍兮御駕,神變化兮鳳翥鸞翔。 東帛殽羞兮詣燎方, 佑我皇明兮基緒

隆長。

洪武三年夕月樂章。周天星辰附。二十一年罷。

迎神,凝和之曲: 吉日良辰,祀典式陳。太陰夜明,以及星辰。 濯濯厥靈,昭鑒我心。

以候以迎,來格來歆。 四年,星辰別龍,改「以及星辰」句爲「惟德孔神」。

奠帛以下,咸同朝日。

嘉靖九年復定夕月樂章。

迎神 疑 和之曲 陰曰 配合兮承陽宗,式循古典兮齋以恭。 **覩太陰來格兮星辰羅從,予**

志第三十八 樂一

拜首兮迓神容。

初獻,壽和之曲: 神其來止, 有嚴其誠。 玉帛在篚,清酤方盈。 奉而奠之, 願鑒微情。

夫祀兮云何?祈佑兮羣氓。

亞獻、豫和之曲: 二觴載斟,樂舞雍雍。 神歆且樂,百職惟供。 願順軌兮五行,行而民

福兮惟神必從。

終獻, 康和之曲: 誠以申,三舉金觥。 鐘鼓鍧鍧, 環珮琤琤。 鑒予之情,願永保我

民生。

徹饌"安和之曲: 禮樂肅具,精意用申。 位坎居歆,納茲藻蘋。 徹之弗遲, 儀典肅陳。

神其鑒之,佑我生民。

送神、保和之曲:禮備告終兮神喜旋,穹碧澄輝兮素華鮮。 星辰從兮返神鄉,露氣清兮

霓裳蹁躚。

望瘞之曲,殺羞兮束帛,薦之於瘞兮罔敢愆。 予拜首兮奉送,願永貺兮民樂豐年。

嘉靖十年定耐穀樂章。

迎神 一, 中和之曲 . 臣惟穹昊兮民物之初,爲民請命兮祀禮昭諸。 備筵率職兮祈洪庥,臣

衷微眇兮悃懇誠摅。 遙瞻駕降兮霽色輝,歡迎鼓舞兮迓龍輿。 〔5〕臣愧菲才兮后斯民,願福

斯民兮聖恩渠。

奠玉帛,肅和之曲:烝民勤職兮農事顓,蠶工亦愼兮固桑阡。 玉帛祗奉兮暨豆籩,仰祈

大化兮錫以豐年。

進俎,咸和之曲 鼎烹兮氣馨,香羞兮旨醽。帝垂享兮以歆,烝民蒙福兮以寧。

初獻 · 壽和之曲: 禮嚴兮初獻行,百職趨蹌兮珮琤鳴。 臣謹進兮玉觥,帝心歆鑒兮歲

豐亨。

亞獻 · 景和之曲:二觴舉兮致虔,清醴載斟兮奉前。仰音容兮忻穆,臣感聖恩兮實拳拳。

終獻,永和之曲:三獻兮一誠微,禋禮告成兮帝鑒是依。 烝民沐德兮歲豐磯,臣拜首兮

竭誠祈。

徹饌,凝和之曲: 三獻周兮肅乃儀,俎豆敬徹兮弗敢遲。 願留福兮丕而, 日雨日陽兮

若時。

送神、清和之曲:祀禮告備兮帝鑒彰,臣情上達兮感昊蒼。 雲程肅駕兮返帝鄉,臣荷恩

眷兮何以忘。 祥風瑞靄兮彌壇壝,烝民率 土兮悉獲豐康

望燎,太和之曲:遙睹兮天衢長,邈彼寥廓兮去上方。 束帛薦火兮升聞,悃愊通兮沛澤

志

樂終九奏兮神人以和,臣同率土兮咸荷恩光。

嘉靖十七年定大饗樂章。

迎神,中和之曲"於皇穆清兮弘覆惟仁,旣成萬寶兮惠此烝民。祗受厥明兮欲報無因,

爱稽古昔兮式展明禋。 肅肅廣庭兮遙遙紫旻, 笙鏞始奏兮祥風導雲。 臣拜稽首兮中心孔

懃,爰瞻寶輦兮森羅萬神。 庶幾昭格兮眷命其申,徘徊顧歆兮鑒我恭寅。

奠玉帛、肅和之曲:捧珪幣兮瑤堂,穆將愉兮聖皇。 秉予心兮純一,荷帝德兮溥將。

進俎,凝和之曲:歲功阜兮庶類成,黍稷飶兮濡鼎馨。 敬薦之兮慙菲輕,大禮不煩兮惟

誠。

初獻,壽和之曲: 金風動兮玉宇澄, 初獻觴兮交聖靈。 瞻玄造兮懷鴻禎, 曷以酬之心

怦怦。

亞獻,豫和之曲:帝眷我兮居歆,紛繁會兮五音。 再捧觴兮莫殫臣心,惟帝欣懌兮生民

終獻,熙和之曲:綏萬邦兮屢豐年,眇眇予躬兮實荷昊天。 酒三獻兮心益虔,帝命參輿

兮勿遽旋。

徹饌,雍和之曲:祀禮旣治兮神人肅雍,享帝享親兮勉竭臣衷。 惟洪恩兮罔極,嚴連蜷

兮聖容。

芳,載慕載瞻兮願錫亨昌。子孫庶民兮惟帝是將,於昭明德兮永懷不忘 嚴父配天兮祗修厥常。殷薦旣終兮神去無方, 送神、清和之曲:九韶旣成兮金玉鏗鏘,百辟森立兮戚羽斯藏。 玄雲上升兮鸞鵠參翔。 皇天在上兮昭考在旁, 靈光回照兮郁乎芬

玉帛將,顧下土兮眷不忘,願錫吾民兮長阜康。 望燎,時和之曲:龍輿杳杳兮歸上方,金風應律兮燎斯揚,達精誠兮合靈光。 帝廷納兮

嘉靖十八年興都大饗樂章。

迎神,中和之曲 : 仰高高之在上兮皇穹, 冒九圍之偏覆兮罔止西東。 王者出王游行兮

必奉天顧,愚臣之此行兮亶荷帲幪。

初獻,壽和之曲:於昭帝庥兮臣感恩淵淵,巡省舊藩之地兮實止承天。 下情思報兮此

心拳拳,瓊卮蒼幣兮捧扣壇前。

亞獻,敷和之曲:樂奏兮三成,觴舉兮再呈。 帝鑒幾微兮曰爾誠,日小臣頓首兮敢不

嚴於此精。

終獻 承和 之曲。臣來茲土,本之思親。 思親伊何? 昌厥嗣人。 嗣人克昌,匪戴帝之臨

汝夫 何因。江口

徹饌,永和 之曲:肅其具兮祀禮行,備彼儀兮樂舞張。 退省進止兮臣疎且狂,沐含仁兮

何 '以量。

伸愚悃兮允賴思光。

遙瞻兮六龍騰翔,帝垂祉

送神、處和之曲:王之狩兮典有禋望、於維柴祀兮首重上蒼。 兮萬世永昌。 臣情罔殫兮夙夜惶惶,祗

嘉靖十一年定雩祀樂章。 十七 年罷

迎神、中和之曲 :於穆上帝,爰處瑤宮。 咨爾黎庶,[二] 覆憫曷窮。 旗幢戾止,委蛇雲

龍。 霖澤斯溥,萬寶 有終。

奠帛 ,肅和之曲 神之格思, 奠茲文纁。 盛樂斯舉, 香氣氤氲。 精 **禋孔熯**, 徹於紫冥。

懇祈 膏澤、渥 我 る 嘉生。

進俎 ,咸和之曲: 百]]] 委潤, 名山出雲。 愆暘孔熾, 膏澤斯屯。 祈年於天, 載 性於 組。

神 之格思 報 以 计 丽

初獻 和之曲 有嚴崇祀, 日吉辰良。 酌彼罍洗, 椒馨飶香。 元功溥濟, 時雨時場。

惟神是聽,綏以多穰。

亞獻,景和之曲: 皇皇禋祀, 孔惠孔明。 瞻仰來歆, 拜首欽承。 有體維醽, 有酒維清,

雲韶侑獻,肅雍和鳴。聖靈有赫,鑒享精誠。

終獻,永和之曲: 靈承無斁, 駿奔有容。 嘉玉以陳, 酌鬯以供。 禮三再稱, 誠

以從。

備物致志,申薦彌恭。神昭景貺,佑我耕農。

微饌,凝和之曲: 有赫旱暵, 民勞瘁斯。 於牲於醴, 載舞載詩。 禮成三獻, 敬徹不

神之聽之,雨我公私。

送神、清和之曲: **爰迪寅淸**, 昭事昊穹。 仰祈甘雨, 惠我三農。 旣歆旣格, 言歸太空。

式霑下土,萬方其同。

望燎,太和之曲: 赤龍旋馭, 禮洽樂成。 燔燎旣舉,昭格精禋。 維帝降康, 雨施雲行。

登我黍稌,溥受厥明。

蹁 躚。 祭畢,樂舞童羣歌雲門之曲:景龍精兮時見,測鶉緯兮宵懸。 **新方社兮不莫,薦圭璧兮孔虔。需密雲兮六漠,霈甘澍兮九玄。** 肆廣樂兮鏗鍧,列皇舞兮 慰我農兮旣渥,錫

明昭兮有年。

洪武元年太社稷異壇同壝樂章。

迎神 廣 和之曲 :五土之靈,百穀之英。 國依土而寧,民以食而生。 基圖肇: 建, 祀禮修

明。神其來臨,肅恭而迎。

奠幣,肅和之曲 有 國 有 人,社稷爲重。 昭事云初,玉帛虔奉。 維物匪奇, 敬實將之。

以斯爲禮,冀達明祇。

進 俎 疑 和之曲: 崇 壇 北 向, 明禋方闡。 有潔犧牲,禮因物顯。 大房載設, 中情以展

景運旣承,神貺斯衍。

穰,其 效職。 種,樹 無窮 報祀 初獻 一藝大 功甚大,其恩正長。 清醴初陳,顋然昭格 ,壽和之曲:太社云,高爲山林,深爲川澤。 田。 宜 豐。 生民粒食,功垂萬年。 配食尊嚴、國家所崇。 乃登芳齊,以享以將。 句龍 配云,平治水土,萬世 建壇於京,歆茲吉蠲 太稷云,黍稷稻粱,來牟降祥 后稷配云,皇皇后稷,克配於天。 崇丘廣衍,亦有原隰。 神功。民安物遂,造化攸同 ,爲民之天。 惟神所 司、百靈 豐 誕降嘉 年 嘉 穰 惠

行兮。 以妥,牲醴之將。 亞 一獻,豫和之曲:太社云,廣厚無偏,其體弘兮。 恭祀告虔,國之禎兮。 是崇是嚴,煥然典章。 句龍 配云,周覽四方,偉烈昭 太稷云、億兆林林、所資者穀。 德侔坤順,萬物生兮。 彰。 九州 既平,五行 雨暘應時,家給人 錫民地 ?有常。 利 神 壇位 化

足。 倉庾坻京,神介多福。 祗薦其儀,昭事維 肅 后稷配云、躬勤稼穡、有相之道。不稂不

莠,實堅實好。 農事 開國,王基永保。 有年自今,常奉蘋藻。

終獻,豫和之曲,詞同亞獻。

徹豆,雍和之曲 禮展其勤, 樂奏其節。 庶品苾芬, 神明是達。 有嚴執事, 組豆乃徹

穆穆雍雍,均其欣悅。

送神 ,安和之曲 維壇潔淸,維主堅貞。 神之所歸,依茲以寧。 土宇靖安,年穀順成

祀事昭明,永致昇平。

望瘞,時和之曲 晨光將發, 旣侑旣歆。 **瘞茲牲幣,達於幽陰。** 神人和悅, 實獲我心。

永久禋祀,其始於今。

洪武十一年合祭太社稷樂章。

迎神,廣和之曲:予惟土穀兮造化工,爲民立命兮當報崇。 民歌且舞兮朝雍雍,備筵率

職兮候迓迎。想聖來兮祥風生,欽當稽首兮告年豐。

初獻 ,壽和之曲:氤氳氣合兮物遂蒙,民之立命兮荷陰功。 予將玉帛兮獻微衷,初斟醴

薦兮民福洪。

亞獻,豫和之曲:予令樂舞兮再捧觴,願神昭格兮軍民康。 思必穆穆兮靈洋洋,感恩厚

兮拜祥光。

終獻、熙和之曲:干羽飛旋兮酒三行、香烟繚繞兮雲旌幢。 予今稽首兮忻且惶,神顏悅

兮霞彩彰。

徹饌,雍和之曲:粗陳微禮兮神喜將,琅然絲竹兮樂舞揚。 願祥普降兮遐邇方,烝民率

土兮盡安康。

送神,安和之曲:氤氳氤氳兮祥光張,龍車鳳輦兮駕飛揚。 遙瞻稽首兮去何方,民福留

兮時雨暘。

望極,時和之曲:捧殺羞兮詣瘞方,鳴鑾率舞兮聲鏗鏘。 思神納兮民福昂,予今稽首兮

謝思光。

嘉靖十年初立帝社稷樂章。

迎神,時和之曲:東風兮地脈以融,首務兮稼穡之工。 秋祭云:「金風兮萬寶以充, 忻成兮稼穑之

工。」祀神於此兮苑中,願來格兮慰予衷。

初獻,壽和之曲:神兮臨止,禮薦淸醇,菲幣在笥,初獻式遵。 神其鑒茲,享斯藻蘋。 我

祀伊何? 祈報是因。神兮錫祉,則阜吾民。

亞獻. ,雍和之曲:二觴載舉,申此殷勤。 神悅兮以納,祥靄兮氤氲。

終獻,寧和之曲:禮終兮酒三行,喜茂實兮黍稷粱。 農事待兮豐康,予稽首兮以望。

徹饌,保和之曲:祀事告終,三獻旣周。 徹之罔遲,惠注田疇。 迓以休貺,庇茲有秋。

送神,廣和之曲:耕耨伊首,秋祭云:「耕耨告就。」力事豆籩。 粢盛賴之,於此大田。

予將以

祀 ,神其少延。 願留嘉祉、副我潔虔。 肅駕兮雲旋,普予兮有年。

望瘞,曲同。

洪武二年分祀天神地祇樂章。

迎天神、奏中和之曲:吉日良辰、祀典式陳。 太歲尊神,雷雨風雲。 濯濯厥靈,昭鑒我

心。以候以迎,來格來歆。

奠帛以後,咸同朝日。

迎地祇,奏中和之曲:吉日良辰,祀典式陳。 惟地之祇,百靈繽紛。 **嶽鎭海瀆,山川城**

隍,內而中國,外及四方。 濯濯厥靈,昭鑒我心。 以候以迎,來格來飲。

奠帛以後,咸同朝日。

志

第三十

八

樂

洪武六年合祀天神地祇樂章。

迎神、保和之曲:吉日良辰、祀典式陳。 太歲尊神,雷雨風雲,嶽鎭海瀆,山川城隍。 內

而中國,外及四方。 濯濯厥靈,昭鑒我心。 以候以迎,來格來歆。

奠帛以後,咸同朝日。

嘉靖九年復分祀天神地祇樂章。

迎天神、保和之曲:吉日良辰、祀典式陳。 景雲甘雨,風雷之神。 赫赫其靈,功著生民

參贊玄化,宣布蒼仁。爰茲報祀,鑒斯藻蘋。

奠帛以後,俱如舊。

迎地祇、保和之曲:吉日良辰、祀典式陳。 靈嶽方鎭,海瀆之神,京畿四方, 山澤羣眞。

毓靈分隅,福我生民。薦斯享報,鑒我恭寅。

奠帛以後,亦如舊。

洪武四年祀周天星辰樂章。

迎 神 ,凝和之曲: 星辰 (垂象) 布列玄穹, 擇茲吉日, 祀禮是崇。 濯濯厥靈, 昭鑒我心。

謹候以迎,庶幾來歆。

奠帛,保和之曲,詞同朝日。

初獻 ,保和之曲: 神 今既 留, 品物斯 薦。 奉祀之初, 醴酒 斯奠。 仰惟 靈 耀, 以享 以

何以侑觴?樂奏八音。

亞獻 , 中和之曲: 神旣初享,亞獻 再升,以酌醴 齊,仰薦於神。 洋洋在上,式燕以寧。 庶

表微衷,交於神明。

終 獻 ,肅和之曲: 神旣 再享, 終獻斯備。 不 ·腆菲儀, 式將其 意。 薦茲 酒醴, 成我常祀。

神其顧歆,永言樂只。

徹 豆 豫和之曲: 祀 事 、將畢, 神 旣歆 只。 徹茲俎豆,以成其禮。 惟 神樂欣, 無間始終。

樂音再作,庶達微悰。

送神,雍和之曲,詞同朝日。

望燎,雍和 之曲 神旣 享 祀 靈馭 今旋。 燎烟 既升, 神帛斯焚。 巍巍霄漢, 條焉以適。

拳拳余衷,瞻望弗及。

嘉靖八年祀太歲月將樂章。

迎神:吉日良辰,祀典式陳,輔 國佑民,太歲尊神,四時月將,功曹司辰。 濯濯厥靈,昭

鑒我心,以候以迎,來格來歆。

奠帛以後,俱同神祇。

洪武元年宗廟樂章。

迎神,太和之曲:慶源發祥,世德惟崇。 致我眇躬, 開基建功。 京都之中,親廟在東。惟

我子孫、永懷祖風。 氣體則同,呼吸相通。 來格來崇,皇靈顯融

奉册寶、熙和之曲:二三時享不用。 維水有源,維木有根。 先世積善, 福垂後昆。 册寶鏤

玉,德顯名尊。祗奉禮文,仰答洪恩。

進俎,凝和之曲:[1三]時享不用。 明明祖考,妥神淸廟。 薦以牲牷, 匪云盡孝。 願通神明,

願成治效。 此帝王之道,亦祖考之敎。

篤 其 祜。 室,餘慶綿綿。 初獻,壽和之曲:德祖廟,初獻云,思皇高祖,穆然深玄。 佑我曾孫,弘開土宇。 歆於几筵,有永 、其傳。 追遠竭虔,勉遵前矩。 懿祖廟,初獻云,思皇曾祖,淸勤純古。田里韜光,天 熙祖 廟,初獻云,維我皇祖,淑後貽 其遠歷年,其神 在天。 尊臨太

功,肇膺天曆。 祥光煥揚,錫以嘉祉。 子子孫孫,孝思無斁。 極。 謀。 惟我皇考,旣淳 愛而敬之,發乎中情。 永樂以後,改迎神章「致我眇躬」句爲「助我祖宗」。 思皇先祖,耀靈於天。源衍慶流,由高逮玄。玄孫受命,追遠其先。明禋世崇,億萬斯年。 送神,安和之曲:顯兮幽兮, 終獻、熙和之曲:承先人之德、化家爲國。 徹豆,雍和之曲:樂奏具肅,神其燕嬉。 慇懃三獻,我心悅懌。 盛德靈長,與泗同流。 二十一年更定其初獻合奏,餘並同。 亞獻,豫和之曲: 延及於小子,爰受方國」。 且仁。 對越至親, 嚴然如生。 弗耀其身,克開嗣 發於孫枝,明禋載修。 神運無迹。 人。 餘並同。口巴 告成於祖, 亦右皇妣。 鸞馭逍遙,安其所適。 子有天下,尊歸於親。 其氣昭明,感格在庭。 毋曰予小子, 基命成績。 嘉潤 如海,恩何以酬。 又改終獻章首四句爲「惟前人之 景運維新,則有其因。 其靈在天,其主在室。 敬徹不遲,以終祀禮。 如見其形, 欲報其德,昊天問 仁祖 廟,初獻云, 如聞其聲。

志

嘉靖十五年孟春九廟特享樂章。

比隆於古,越彼放勛。 太祖 廟。 迎神、太和之曲: 肇造王業, 佑啓予子孫。 於皇於皇兮仰我聖祖,乃武乃文,攘夷正華,爲天下大君。 功德超邁,大室攸尊。 首稱春祀, 誠敬用

申。維神格思,萬世如存。

初獻,壽和之曲:薦帛於篚,潔牲於俎,嘉我黍稷,酌我清酤。 愚孫毖祀,奠獻初舉。 翼

翼精誠,對越我皇祖。 居然顧歆,永錫純祜。

亞獻,豫和之曲:籥舞旣薦,八音洋洋, 工歌喤喤。 醇醴載羞, 齋明其將之。 永佑於子

孫,歲事其承之。俾嗣續克承,百世其保之。

終獻,寧和之曲:三爵旣崇,禮秩有終。 盈溢孚顋,顯相肅雍。 惟皇祖格哉,以釋以融,

申錫無窮。暨於臣民,萬福攸同。

徹饌,豫和之曲:禮畢樂成,神悅人宜。 **籩豆靜嘉,敬徹不遲。** 穆穆有容,秩秩其儀

益祗以嚴,矧敢斁於斯。

還宮,安和之曲:於皇我祖,陟降在天。淸廟翼翼,禋祀首虔。明神旣留,寢祏靜淵

介福綏祿,錫胤綿綿。日心以惠我家邦,於萬斯年。

成祖 廟。迎神,太和之曲:於惟文皇,重光是宣。 克戡內難,轉坤旋乾。 外聾百蠻,威行

八 埏。 貽典則於子孫,不忘不愆。 聖德神功,格於皇天。 作廟奕奕,百世不遷。 祀事孔明,

億萬斯年。

初獻、亞獻、終獻、徹饌、還宮,俱與太祖廟同。

仁宗廟。迎神,太和之曲:明明我祖,盛德天成。 至治計謨, 適駿有聲。

經 是程。 春祀有嚴,以迓聖靈。 惟陟降在庭,以賚我思成。

初獻 ,壽和之曲:幣牲在陳,金石在懸。 清酒方獻,百執事有虔。 明神洋洋、降飲自天。

俾我孝孫,德音孔宣。

亚 獻 ,豫和之曲: 中誠方殷,明神如存。 醴齊孔醇, 再舉罍尊。 福祿穰穰,攸介攸臻。

追遠報酬,罔極之恩。

終獻 寧和之曲: 樂比聲歌,佾舞婆娑。 稱彼玉爵,酒旨且多。 獻享維終,神聽以和。

孝孫在位,受福不那。

徹 饌 ()雍和 之曲 **栓牲在俎,稷黍在簠。** 孝享多儀, 格我皇祖。 稱歌進徹,髦 王 一膴膴

孝孫受福,以敷錫於下土。

還宮 安和之曲 植享孔明,物備禮成。 於昭在天,以莫不聽。 神明卽安,維華寢是憑、

肇祀迄今,百世祗承。

志

第

宣廟、英廟、憲廟俱與仁廟同。

孝廟。 迎神、太和之曲 列祖 垂統,景運重熙。 於惟孝皇, 敬德允持。 用光於大烈, 化

被烝黎。[11]專廟以享,經禮攸宜。 俎豆式陳,庶幾來思

初獻,壽和之曲: 粢盛孔蠲, 腯肥牲牷。 考鼓鼘鼘, 萬舞躚躚。 清醑初酌, 對越在天

明神居歆、式昭厥虔。

亞獻 }豫 和之曲: 祀事孔勤, 精意未分。 樂感鳳儀, 禮虔駿奔。 醞齊挹清, 載奠瑤尊

神其格思,福祿來臻。

終獻 寧和之曲 樂舞旣成, 獻享維終。 明明對越, 彌篤其恭。 篤恭維何? 明德是崇

神之聽之,萬福來同。

徹饌,雍 和之曲: 牲牢醴陳, 我享我將。 黍稷蘋藻, 潔白馨香。 徹以告成, 降禧 穰穰

神錫無疆,祐我萬方。

還宮 ,安和之曲: 禮享旣洽, 神御書 興。 廟寢煌煌, 以憑以寧。 維神匪遐, 上下在庭

於寢孔安,永底我烝民之生。

大業弗隳。 武廟。 專廟以享,經禮攸宜。 迎神、太和之曲 二公列 祖 俎豆式陳,庶幾來思。 垂統,景運 重 熙。 於惟武皇,昭德敕威。 用剪除奸兇,

初獻、亞獻、終獻及徹饌、還宮俱與孝廟同。

眇 躬。 睿廟。 施於無窮,以似以續,以光紹我皇宗。 迎神 太和之曲 於穆神皇, 秉德凝道。 惟茲氣始,俎豆是供。 仁厚積累,配於穹昊。 循厥典禮,式敬式崇。 流慶顯休, 萃於

神其至止,以鑒愚衷。

初 獻 ,壽和之曲 制帛牲牢, 庶羞芬膫。 玉戚朱干, 協於韶簫。 清醑在筵, 中情纏綿

神之格思,儀形僾然。

亞獻 豫和之曲: 瑤爵再陳, 侑以工歌。 籥舞蹌蹌, 八音諧和。 孝思肫肫, **威格聖靈**

致慇則存,如聞其聲。

終獻 ,寧和之曲:儀式弗踰,奠爵 維三。 樂舞雍容,以雅以南。 仰仁源德澤,嶽崇海淵

願啓我子孫,緝熙光明,維兩儀是參。

還宮,安和之曲:幽顯莫測, **徹饌**,雍和 ··嘉饌甘只,亦旣歆只。登歌迅徹,敬終惟始。維神 神之無方。 祀事旣成, 神返諸帝鄉。 孔昭, 資永成於孝矣。 申發休祥,俾胤嗣蕃

昌。日立宜君兮宜王,歷世無疆。

九廟時船樂章。

志第三十八 樂二

一五四八

孟夏。 迎神、太和之曲: 序屆夏首兮風氣薰, 禮嚴時給兮憂擊鐘鼖。 迎羣主來合享交

欣,於皇列聖正南面,以申崇報皇勳。

初獻,壽和之曲 : 瞻曙色方昕,仰列聖在上,奠金觥而捧幣紋。 小孫執盈兮敢不懼慇。

亞獻 ,豫和之曲:思皇祖,仰聖神。 來列主,會太宸。 時給修,循古倫。 惟聖鑒歆,愚孫

忱恂。

終獻,寧和之曲:齊醴清兮麥熟新,箋豆潔兮孝念申。 仰祖功兮宗德,願降祐兮後

徹饌,雍和之曲 ·樂終兮禮成,告玉振兮訖金聲。 徹之弗違,以肅精誠

還宮,安和之曲 :三獻就兮祖宗鑒享, 一誠露兮念維長。 思弗盡兮思弗忘,深荷德澤之

啓佑,小孫惟賴以餘光。神返宮永安,保家國益昌。

孟秋。 迎神:時兮孟秋火西流,威時毖祀兮爽氣回。 喜金風兮飄來,仰祖宗兮永慕哉。

秋給是舉兮希鑒歆,小孫恭迓兮捧素裁。

初獻:皇祖降筵,列聖靈聯。 執 事 、恐瞋、樂舞蹁躚。 小孫捧盈 一兮敢弗虔。

亞獻 ::再酌兮玉漿,潔淨兮馨香。 祖宗垂享兮錫胤昌,萬歲兮此禮

終獻:進酒三觥、歌舞雍韺、鐘鼓轟錚。 皇祖列聖,永享愚誠

徹饌:秋嘗是舉,徐黍豐農。 三獻旣周,聖靈顯容。 小孫時思恩德兮惟爞。

還宮:仰皇祖兮聖神功,祀典陳兮報莫窮。 嘗船告竣、鸞馭旋宮。 皇靈在天主在室,萬

孟冬。 迎神:時兮孟冬凛以凄,處時毖祀兮氣潛回。 遡朔風兮北來,仰祖宗兮永慕哉。

冬給是舉兮希鑒歆,小孫恭迓兮捧素裁。

初、亞、終獻,俱同孟秋。

徹饌:冬烝是舉,俎豆維豐。 三獻旣周,聖靈顯容。 小孫時思恩德兮惟爞。

還宮。同孟秋,惟改「嘗給」爲「烝給」。

大給樂章。

迎神 : 仰慶源兮大發祥,惟世德兮深長。 時惟歲殘, 大船洪張。 祖宗聖神,明明皇皇。

遙瞻兮頓首,世德兮何以忘。

初獻 "神之格兮慰我思,慰我思兮捧玉卮,捧來前兮慄慄,仰歆納兮是幸已而

亞獻 再 .舉瑤漿,樂舞羣張。 小孫在位,陪助賢良。 百工羅從, 大禮肅將。 惟我祖宗,

顯錫恩光。

終獻 思祖 功兮深長,景宗德兮馨香。 報歲事之旣成兮典則先王,惟功德之莫報兮何

以量。

徹饌:三酌旣終,一誠感通。 仰聖靈兮居歆,萬禩是舉兮庶乎酬報之衷。

還宮 題兮幽兮, 神運無迹。 神運無迹兮化無方,靈返天兮主返室。願神功聖德兮啓

佑 無終,玄孫拜送兮以謝以祈。

嘉靖十年大禘樂章。[10]

迎神 元和之曲 於維皇祖,肇創丕基。 鍾祥有自,日本先之。 奄有萬方,作之君師。

追報宜隆,以申孝思。 瞻望稽首 ,介我休禧。

初獻 ,壽和之曲: 木有本兮水有源, 人本祖兮物本天。 思報德兮禮莫先,仰希鑒兮敢

弗虔。

亞獻,仁和之曲: 中觴載升,於此瑤觥。 小孫奉前、願歆其誠。 樂舞在列, 庶職在庭。

祖鑒孔昭,錫祜攸亨。

終獻 ,德和之曲:於維兮先祖,延慶兮深高。 追報兮曷能,三進兮香醪。

徹饌,太和之曲:芬兮豆箋,潔兮黍粢。 祖垂飲享,徹乎敢遲。三三禮云告備,以訖陳辭。

永裕後人,億世丕而

送神、水和之曲:禘祀兮具張、佳氣兮鬱昂。 皇靈錫納兮喜將,一誠通兮萬載昌。 祈鑒

小孫頓首兮以望,遙瞻冉冉兮聖靈皇皇。

洪武七年御製祀歷代帝王樂章。三三

迎神,雍和之曲:仰瞻兮聖容,想鑾輿兮景從。 降雲衢兮後先,來俯鑒兮微衷。 荷聖臨

兮蒼生有崇,眷諸帝兮是臨,予頓首兮幸蒙。

奠帛,保和之曲:秉微誠兮動聖躬,來列坐兮殿庭。 予今願兮効勤,奉禮帛兮列酒尊。

鑒予情兮忻享,方旋駕兮雲程。

初獻,保和之曲:酒行兮爵盈,喜氣兮雍雍。 重荷蒙兮載瞻載崇,羣臣忻兮躍從, 願覩

穆穆兮聖容。

亞獻,中和之曲:酒斟兮禮明,諸帝熙和兮悅情。百職奔走兮滿庭,陳籩豆兮數重,亞獻

兮願成。

終獻,肅和之曲:獻酒兮至終,早整雲鸞兮將旋宮。予心眷戀兮神聖,欲攀留兮無從。

躡雲衢兮緩行,得遙瞻兮達九重。

徹饌,凝和之曲:納殽羞兮領陳,烝民樂兮幸生。 將何以兮崇報,惟歲時兮載瞻載迎·

一

送神、 ,壽和之曲 :旛幢繚繞兮導來踪,鑾輿冉冉兮歸天宮。 五雲擁兮祥風從,民歌聖佑

兮樂年豐。

望燎, 豫和之曲: 神機不測兮造化功,珍羞禮帛兮薦火中。 望瘞庭兮稽首,願神鑒兮

寸衷。

洪武六年定祀先師孔子樂章。

迎神,咸和之曲: 大哉宣聖, 道德尊崇。 維持王化,斯民是宗。 典祀有常, 精純益隆。

神其來格,於昭聖容。

奠帛,寧和之曲: 自生民來,誰底其盛? 惟王神明,度越前聖。 粢 帛 具 成 , 禮容斯稱。

黍稷非馨,惟神之聽。「惟王」,後改曰「惟師」。

初獻 ,安和之曲: 大哉聖王,實天生德。 作樂以崇, 時祀無斁。 清酤惟馨, 嘉牲 孔碩。

薦羞神明,庶幾昭格。

亞、終獻,景和之曲 百王宗師,生民物軌。 瞻之洋洋,神其寧止。 酌彼金罍, 惟清且

旨。登獻惟三,於戲成禮。

徹饌,咸和之曲: 犧象在前,豆篷在列,以享以薦,旣芬旣潔。 禮成樂備,人和神悅。 祭

則受福,率遵無越。

送 神, 咸和之曲 有嚴學宮, 四方來宗。 恪恭祀事, 威儀雍雍 歆格惟馨, 神馭旋復。

明禋斯畢,咸膺百福。

洪武二年享先農樂章。

迎神,永和之曲: 東風啓蟄, 地脈奮然。 蒼龍掛角, 燁燁天田。 民命惟食, 創物有先。

圜鐘旣奏,有降斯筵。

奠帛,永和之曲: 帝出乎震, 天發農祥。 神降於筵,藹藹洋洋。 禮神有帛, 其色惟蒼。

豈伊具物,誠敬之將。

進俎,雍和之曲: 制帛旣陳, 禮嚴奉牲。 載之於俎,祀事孔明。 簠簋攸列, 黍稷惟馨

民力普存,先穡之靈。

奠之初,以祈感通。 初獻,壽和之曲:九穀未分,庶草攸同。 配位云,厥初生民,粒食其天。 表爲嘉種,實在先農。 開物惟智,邃古奚傳。 黍稌斯豐,酒醴是供,獻 思文后稷,農官

之先。侑神作主,初獻惟蠲。

亞獻,壽和之曲:倬彼甫田,其隰其原。 耒耜云載, 驂馭之間。 報本思享, 亞獻惟虔。

神其歆之,自古有年。 配位云,后稷配天,興於有邮。 誕降嘉種,有栽有培。 俶載南畝,祗

事三推。佑神再獻,歆我尊罍。

成於三,以訖陳詞。 終獻,壽和之曲:帝耤之典,享祀是資,潔豐嘉栗,咸仰於斯。 配位云,嘉德之薦,民和歲豐。 帝命率育,報本之功。陳常時夏,其德 時維親耕、享我農師。 禮

徹饌,永和之曲:於赫先農, 歆此潔修。 於篚於爵,於饌於羞。 禮成告徹,神惠敢留。

饄及終畝,豐年是求。

其功。

齊明有格,惟獻之終。

送神,永和之曲: 神無不在,於昭於天。 日迎日送,於享之筵。 冕衣在列, 金石在懸。

往無不之,其佩翩翩。

望瘞、太和之曲: · 祝帛牲醴,先農旣歆,不留不褻,瘞之厚深。 有幽其瘞,有赫其臨。 日

禮之常,匪今斯今。

|嘉靖九年定享先蠶樂章。

迎神、貞和之曲: 於穆惟神,肇啓蠶桑。 衣我萬民, 保我家邦。 茲舉曠儀,春日載陽。

恭迎霞馭,靈氣洋洋。

志第三十八 校勘記

奠帛,壽和之曲: 神其臨只, 有苾有芬。 乃獻玉齍, 乃奠文纁。 仰祈昭鑒, 淑氣氤氲

顧茲蠶婦,祁祁如雲。

初獻,曲同奠帛。

亞獻,順和之曲: 載舉淸觴, 蠶祀孔明。 以格以享, 鼓瑟吹笙。 陰 教用彰, 坤儀允貞。

神之聽之,鑒此禋誠。

終獻,寧和之曲: 神之格思,桑土是宜。 三繅七就, 惟此繭絲。 獻禮有終, 神不我遺。

錫我純服,藻繪皇儀。

徹饌,安和之曲: 俎豆具徹, 式禮莫愆。 旣匡旣敕, 我祀孔虔。 我思古人,

邁覃惟賢。

明靈歆只,永顧桑阡。

送神,恒和之曲: 神之升矣, 日霽霞蒸。 相此女紅,杼軸其興。 茲返玄宮,鸞鳳翔騰。

瞻望弗及,永錫嘉徵。

望燎,曲同送神。

校勘記

C一」百神翼翼兮雲衣 衣,嵇璜續文獻通考卷一一五作「依」,疑是。

一五五五

- 萬 神 翊衞兮以西 以東 以西,原作「而西」, 據王圻續文獻通考卷一五八改。
- 臣謹 上獻兮進 帝前 原脫「兮」字, 據明史稿志四四樂志、明會典卷八二、王圻續文獻通考卷

五八補。

卷

五.

八

改。

- 恐多弗備兮惟賴洪仁 原作「神」, 據明史稿志四四樂志、明會典卷八二、王圻續文獻 通 考
- Œ 仰 五 瞻聖造兮賜 八補 福羣方 原脫「福」字, 據明史稿志四四樂志、明會典卷八二、王圻續文獻通

考卷

- ベロ **鳬鐘鷺鼓兮韻錚鍧** 鷺鼓,原作「露鼓」, 據明史稿志四四樂志、明會典卷八三改。
- -1-願 順 軌 兮五 行 軌,原作「歸」, 據明史稿志四 [四樂志、 明會典卷八三、 王圻續文獻 通考卷一五

八改。

 \Box

- 歡迎鼓舞兮迓龍輿 原脫「舞」字, 據明史稿志四四樂志、明會典卷八四
- , . 元 山 帝 鑒 幾微兮曰 爾 誠 幾,原作「凡」, 據王圻續文獻 通考卷 一五八改。
- 匪 戴 帝 之臨 汝 大夫何 因 戴,原作「載 據 {明 史稿 志 四 四樂志、王 圻續文獻 通考卷一五八改。
- [11] 咨爾黎庶 咨,原作「資」,據明會典卷八四改
- 奉册寶熙和 之曲 原 脱二熙 和之曲」,據嵇璜續文獻通考卷一 一五補。

- 進俎凝和之曲 原脫「凝和之曲」,據嵇璜續文獻通考卷一 五補。
- [18] 餘並同 原脫「餘」字,據嵇璜續文獻通考卷一一五補。
- 至吾 寢 祁 靜淵 **祏**,原作「祐」,據明史稿 :志四四樂志、明會典卷八六改。
- 二谷 錫胤 綿 綿 胤,原作「蔭」,據明史稿志四四樂志、明會典卷八六改。
- 二古 化被 **烝黎** 被,原作「彼」, 據明會典卷八六、嵇璜續文獻通考卷一一五改。
- 迎神太和之曲 原脫「太和之曲」,據明會典卷八六、嵇璜續文獻通考卷一一 五補。
- 俾胤 嗣 蕃昌 原脫「俾」字,胤,原作「蔭」,據明史稿志四四樂志、明會典卷八六補改。
- 爲十五 嘉靖十年大禘樂章 文六給樂章、九廟時給樂章,都承嘉靖十五年孟春九廟特享樂章來。 年製定。 原脫「嘉靖十年」, 據明會典卷八七、 嵇璜續文獻通考卷一一五補。 倘脱去 「嘉靖十年」,易誤 按上
- 徹乎敢遲 遲,原作「違」, 據明史稿志四四樂志、明會典卷八七改。
- 御製祀歷代帝王樂章 原脫「章」字, 據明史稿卷四四樂志補

明史卷六十三

志第三十九

樂章二

洪武三年定朝賀樂章。

陞殿,奏飛龍引之曲。百官行禮,奏風雲會之曲。丞相致詞,奏慶皇都之曲。

復位,百

官行禮,奏喜昇平之曲。還宮,奏賀聖朝之曲。俱見後宴饗九奏中。

二十六年更定。

聖威天地靈,保萬壽,洪福增。祥光王氣生,陞寶位,永康寧。 陞殿,韶樂,奏聖安之曲:乾坤日月明,八方四海慶太平。 龍樓鳳閣中,扇開簾捲帝王

還宮,韶樂,奏定安之曲:九五飛聖龍,千邦萬國敬依從。 鳴鞭三下同,公卿環珮響玎

志

第

三十

九

樂 Ξ

一五五九

瑓,掌扇護御容。 中和樂,音呂濃,翡翠錦繡,擁還華蓋赴龍宮。

門,江山社稷興。安天下,軍與民,龍虎會風雲。 公卿入門,奏治安之曲:忠良爲股肱,昊天之德承主恩,森羅拱北辰。 後不用。 御爐烟遶奉天

洪武二十六年定中宮正旦、冬至、千秋節朝賀樂章。

中宮天香鳳韶之曲"寶殿光輝晴天映、懸玉鉤珍珠簾櫳、瑤觴舉時簫韶動。 慶大筵,來

儀鳳,昭陽玉帛齊朝貢。 讚孝慈賢助仁風,歌謠正在昇平中,謹獻上齊天頌

宣德以後增定慈宮朝賀樂章。

祝,御筵奏獻長生曲。坤道寧品類咸育,和氣四時調玉燭,享萬萬年太平福 天香鳳韶之曲:龍樓鳳閣彤雲曉,開繡簾天香芬馥,瑤堦春暖千花簇。 壽聖母,齊頌

洪武三年定宴饗樂章。

百戰收强虜。 一奏起臨濠之曲,名飛龍引:千載中華生聖主,王氣成龍虎。 驅馳鞍馬經寒暑,將士同甘苦。次第靜風塵,除暴安民,功業如陽、武。 提劍起潍西,將勇師雄,

六甲,降虜將,勝胡兵。 一奏開太平之曲,名風雲會:玉壘瞰江城,風雲繞帝營。 駕樓船龍虎縱橫,飛礮發機驅 談笑掣長鯨,三軍勇氣增。 一戎衣,宇宙淸寧。 從此華夷歸

統,開帝業,慶昇平。

騎,臺臣守將皆奔潰。 咸仰雍熙治。 三奏安建業之曲,名慶皇都:虎踞龍蟠佳麗地,眞主開基,千載風雲會。 一洗煩苛施德惠,里巷謳歌,田野騰和氣。 王業弘開千萬世,黎民 十萬雄兵屯鐵

傑。 四奏削羣雄之曲,名喜昇平:持黃鉞,削平荆楚清吳、越。清吳、越,暮秦朝晉,幾多豪 幽、燕、齊、魯風塵潔,伊、涼、蜀、隴人心悅。人心悅,車書一統,萬方同 轍。

海風雲慶會時。 五奏平幽都之曲,名賀聖朝:天運推遷虜運移,王師北討定燕畿。百年禮樂重 除暴虐,撫瘡痍,漠南爭覩舊威儀。君王聖德容降虜,三恪衣冠拜玉

興日,四

譯來賓。 六奏撫四夷之曲,名龍池宴:海波不動風塵靜,中國有眞人。 文身交阯, 氊裘金齒, 重 奇珍異產,梯山航海,奉表稱臣。白狼玄豹,九苞丹鳳,五色麒麟。

圖 | 麟閣。 七奏定封賞之曲,名九重歡:乾坤淸廓,論功定賞,策勳封爵。 奉天洪武功臣,佐興運,文經武略。子子孫孫,尊榮富貴,久長安樂。 玉帶金符,貂蟬簪珥,形

八奏大一統之曲,名鳳凰吟:大明天子駕飛龍,開疆宇,定王封。江、漢遠朝宗,慶四

志

海,車 ·書會同 東夷 西旅、北戎南越、都入地圖中。 退邇暢皇風,億萬載時和歲豐。

相接。偃武修文,報功崇德,率土皆臣妾。 九 |奏守承平之曲,名萬年春:風調雨順遍乾坤,齊慶承平時節。 露宿宵征鞍馬上,歷盡風霜冰雪。 Щ 河磐固,萬方黎庶歡悅。 朝野如今淸寧無事,任 玉燭調 和甘露降,遠近 長 想創 業艱

用須

賢哲。 躬勤節儉,萬年同守王業。

難

,君臣曾共掃四方豪傑。

以 上九奏,前三奏和緩,中四奏壯烈,後二奏舒長。其曲皆按月律。 十二月按律樂歌

曾覩 北 長繞峯石 飲馬 中天 正月太簇,本宮黃鍾商,俗名大石,曲名萬年春:奉天承運秉黃麾,志在安民除慝。 江、潍,列營河、漢,四海風波息。 騰王氣,五色虹霓千尺。 天助神武成功,人心効順,所至皆無敵。 龍繞兜鍪,神迎艘艦,嘉應非人力。 師雄將猛,萬方齊仰 手握 乾符開寶 威德 祚, 鳳 凰 、略定 山 上,慶雲 山 河南

數。 民 大明 一月夾鍾,本宮夾鍾宮,俗名中呂, 眞 主 起臨濠,震於 里 山 河磐固 赫戎衣一怒。 曲 名玉 星羅玉 海行:山林豺 壘,雲屯鐵騎, 虎 了,中原狐兔,四海 掃 乾坤 烟霧 英雄 無

三月姑洗,本宮太簇商,俗名大石,曲名賀聖朝: 一雲氣朝生芒、陽間,虹光夜起鳳凰

山、江、潍一日眞主出、華夏千年正統還。 瞻日角,覩天顏,雲龍風虎競追攀。君臣勤

苦成王業,王業汪洋被百蠻。

龍出,鯨鯢豺虎,掃除無迹。 四月仲呂,本宮無射徵,俗名黃鍾正徵,曲名喜昇平:風雲密,濠梁千載眞龍出。眞 江河從此波濤息,乾坤同慶承平日。 承平日, 華夷萬

里,地圖歸

螻蟻,王業從茲始。 多壘。英主倡兵淮水,將士皆雄偉。 五月蕤賓,本宮姑洗商,俗名中管雙調,曲名樂淸朝:中原鹿走英雄起,回首四郊 百靈護助人心喜,一呼萬人風靡。 談笑掃除

皆天縱。率土華夷歸職貢,詞臣拜獻河淸頌。 里旌旗動。 六月林鍾,本宮夾鍾角,俗名中呂角,曲名慶皇都:王氣呈祥飛紫鳳,虎嘯龍興,千 四海歡呼師旅衆,天戈一指風雲從。 將士爭先民樂用,駕御英雄,

多少。 鵝鸛,風雲蛇鳥。 坤初曉。潍水西邊,五色慶雲繚繞。三尺龍泉似水,更百萬貔貅熊豹。 七月夷則,本宮南呂商,俗名中管商角,曲名永太平:鳳凰佳氣好,王師起義,乾 萬里烟塵淨洗,正紅日一輪高照。膺大寶,王業萬年相保。 赳赳電掣鷹揚,[1]在伐罪安民,去殘除暴。天與人歸,豪傑削平 軍令悄, 魚麗

圖 開 月南呂,本宮南呂宮,俗名中管仙呂,曲名鳳凰吟:紫微翠蓋擁蓬萊,聖天子,帝 曆數應江、淮,看五色雲生上台。 櫛風沐雨,攻堅擊銳,將士總英才。 躍馬定

塵埃,創萬古山河壯哉。

九月無射,本宮無射宮,俗名黃鍾,曲名飛龍引,詞同前起臨濠之曲

星 十月應鍾 辰旋繞, ,本宮姑洗徵,俗名中呂正徵,曲名龍池宴:大明英主承天運,倡義擁天 風雲圍護,龍虎麾河。 旌旗所指,羌夷納欵,江海停波。 從今平定萬

年疆宇,百二山河。

勤勞。 壁壘,虹霓夜繞弓刀。 正 汝 潁 + 風雲 塵飛、江、淮 月黃鍾,本宮夷則角,俗名仙呂角,曲名金門樂:慶皇明聖主開寶祚,起臨濠。 時相會,看魚龍飛 浪 捲,赤子呼號。 鳳 凰 山勢聳 舞出 「波濤。 層霄,佳氣五雲高。 天戈奮然倡義,擁 静掃 八方氛祲,咸 神兵百萬總英豪。 愛士伍 聽 九 同心,君臣 奏簫韶 協力,不 貔 虎朝 憚 屯

剛 九 十 五. 龍 二月大呂,本宮大呂宮,俗名高宮,曲名風雲會 飛 駕馭英雄收俊傑,承永命,布皇威 天眷顧淮 劍立鴻基,三 西,眞 軍擁義旗 人起 布 衣,正 望雲霓

四海人歸。整頓乾坤除暴虐,歌聖德,慶雍熙。

武舞 曲, 名清海宇: 拔劍起淮土,策馬定寰區。 王氣開天統,寶曆應乾符。日武略文

謨,龍虎風雲創業初。 將軍星繞弁,勇士月彎弧。 選騎平南楚,結陣下東吳, 跨蜀驅胡, 萬

里山河壯帝居。

誠。 佞屛四海,賢俊立朝廷。 卿雲在天甘露零,風雨時若百穀登。 文舞曲,名泰階平:乾坤清寧,治功告成,武定禍亂,文致太平。 玉帛鐘鼓陳兩楹,君臣廣歌揚頌聲。 禮樂雍和,政刑肅清。 儲嗣旣立,封建乃行。 郊則致其禮,廟則盡其

金殿,喜氣增,丹墀內,仰聖顏。翠繞紅圍錦繡班,高樓十二欄。笙簫趁紫壇,仙音韻,瑤纂 看,儀鑾嚴肅百千般,威人心膽寒。 擎,寶貝盤。 舞仰祝讚,萬萬年,帝業安。 按,拜舞齊,歌謠讚,吾皇萬壽安。 · 夷舞曲,其一,小將軍:大明君,定宇寰,聖恩寬,掌江山,東虜西戎,北狄南蠻。 其二,殿前歡:五雲宮闕連霄漢,金光明照眼。玉溝金水聲潺潺,頻頗觀,趨蹌 其三,慶新年:虎豹關,文武班,五綵間慶雲朝霞燦。黃 其四、過門子:定宇寰,定宇寰,掌江山,撫百蠻。謳歌拜 手高

洪武十五年重定宴饗九奏樂章。

康。 威加夷僚,德被戎羌。八珍有薦,九鼎馨香。鼓鐘鐄鐄,宮徵洋洋。 一奏炎精開運之曲:炎精開運,篤生聖皇。大明御極,遠紹虞、唐。 怡神養壽,理陰順 河淸海宴,物阜民

志第

陽。保茲遐福,地久天長。

圓。 爐裊祥烟。 初筵奏南風,繼歌賡載篇。 奏皇風之曲 濟 濟公與侯,被服麗 皇風被 八表,熙熙聲教宣。 且鮮。 瑤觴欣再舉 列坐侍丹扆 ,拜俯禮無愆。 時和景象明,紫宸開繡筵。 ,
磬
折
在 周旋。 同樂及斯辰,於皇千萬年。 羔豚升華俎 龍袞 玉饌充方 金

奏平定天下之舞,曲名淸海宇。同前。

厥支伊何? 奏眷皇明 潛邦 以寧。 (之) (之) (之) 赫赫上帝,眷我皇明。 慶延百世,澤被羣生。 大命旣集,本固支榮。 及時爲樂,天祿是膺。 厥本伊何? 千秋萬歲,永觀厥 育德春宫

奏撫安四夷之舞 ,曲名小將軍 、殿前歡、慶新年、過門子。 俱同 前

然。 綿綿 四奏天道傳之曲 曆數歸明主,祥麟在郊威鳳舞。 馬 負圖兮天 道傳、龜載書兮人文宣、巖畫卦兮馬疇敍、皇極建兮合自 九夷入貢康衢謠, 聖子神孫繼祖武, 垂拱無爲邁

前古。

奏車書會同之舞,曲名泰階平。同前。

德尊踰 五 漢、唐。 奏振皇綱之曲 百揆修庶績 周南 、公輔 詠 麟趾 理 一, 卷阿歌 陰陽。 峩冠 鳳凰。 正 襟 藹藹稱 佩, 都兪在高堂, 多士,為楨振 坐令八紘內,熙熙民 皇綱。 赫赫 我大明,

樂康。 氣和風雨時,田疇見豐穣。 獻禮過三爵,歡娛良未央。

人服,提兵乘勢渡江來,詞臣早獻金陵曲。歌金陵,進珍饌,諧八音,繼三歎,請觀漢祖 秋,江流東去無時休。誰言天塹分南北,英雄豈但嗤曹、劉。 六奏金陵之曲:

鍾山蟠蒼龍,石城踞金虎,千年王氣都,於今歸聖主。 我皇昔住濠梁屋,神遊天錫眞 六代繁華經幾 用兵

馨,垂之聖經。 唐風示戒,永保嘉名,無已太康,哲人是聽。 爲樂,芳尊在庭。管音嘒嘒,絲韻冷冷,玉振金聲,各奏爾能。 七奏長楊之曲、長楊曳綠、黃鳥和鳴。菡萏呈鮮、紫燕輕盈。千花浥露,日麗風淸。及時 皤皤國老,載勸載懲,明德惟

時,爲嘗馮異滹沱飯

食保尊榮, 日 是 子 是 餐 。 天 向 具 豊膳, 鼎 鼎 事 調 京 , 豈 但 資 肥 甘 , 亦 足 養 表 長 達人悟茲理,恆令五氣平,隨時知有節,昭哉天道行。 八奏芳醴之曲:夏王厭芳醴,商湯遠色聲,聖人示深戒,千春垂令名。惟皇登九五,玉

風吹。 慶雲多,兩曜增暉四序和。聖人道大如天地,歲歲年年奈樂何。 九奏駕六龍之曲:日麗中天漏下遲,公卿侍宴多令儀。簫韶九奏觴九獻,爐烟細逐祥 羣臣舞蹈天顏喜,歲熟民康常若此。六龍迴駕鳳樓深,寶扇齊開扶玉儿。景星呈瑞

閣,雕梁畫棟,此是蓬萊洞。 進膳曲,水龍吟:寶殿祥雲紫氣濛,聖明君,龍德宮。 氤氳霧靄,檜柏間靑松。 龍樓鳳

志

一五六八

仰荷天 東西。 來朝寶殿裏,珊瑚、瑪瑙、玻璃,進在丹墀。 太平清樂曲、太淸歌:萬國來朝進貢,仰賀聖明主,一統華夷。 地。 託聖德,勝堯王,保護家國太平,天下都歸一,將兵器銷爲農器。 上清歌:一 願四時風 調 雨順民心喜。攝外國,將寶貝,攝外國,將寶貝,見君王, 開天門:託長生,日月光天德,萬萬歲永固皇 普天下八方四海,南北 旌旗不動酒旗招,

基。公卿文武來朝會,開玳筵,捧金盃。

迎膳,奏水龍吟曲, 與進膳同。 **陞座、還宮、百官行禮,奏萬歲樂、朝天子二曲,**

賀同。

大祀慶成大宴,用萬國來朝隊舞、纓鞭得勝隊舞。

萬壽聖節大宴,用九夷進寶隊舞、壽星隊舞。

冬至大宴,用讚聖喜隊舞、百花聖朝隊舞。

正旦大宴,用百戲蓮花盆隊舞、勝鼓采蓮隊舞。

永樂十八年定宴饗樂舞。

臣民舞蹈,嵩呼載揚,稱觴奉吾皇,聖壽天長。 奏上萬壽之曲。龍飛定萬方,受天命, 振紀綱。 **彝倫攸敍四海康**, 普天率土盡來王

志 第 Ξ + 九 樂 Ξ

平定天下舞曲 ·其一,四邊靜:威伏千邦,四夷來賓納表章。顯禎祥,承乾象,皇基永昌, 八蠻進貢朝今上,頓首誠

萬 載 山河壯。 其二,刮地風 聖主過堯、舜、禹、湯,立五常三綱。

惶。 朝 中宰相 奏仰天恩之曲: ,變理陰陽。 .皇天眷聖明,五辰 五穀收成,萬民歡暢。 順,四海寧,風調雨順百穀登,臣民鼓舞樂太平。賢 賀吾皇,齊讚揚,萬國來降。

良 ,在位,邦家永禎。 吾皇仰洪恩,夙夜存誠

黃童白叟鼓腹謳歌承應曲,曰豆葉黃:雨順風調,五穀收成,倉廩豐盈,大利民生。 託

賴 著皇恩四海清,鼓腹謳歌,白叟黃童,共樂咸寧。

皇明,

實貝擎。

四

夷

舞

曲,其一,小將軍"順天心,聖德誠,化番

四夷

率土歸王

一命,都來仰大明。

萬邦千國

皆

歸

丐,

現帝

邦,盡朝京。

四夷歸伏,舞於龍廷。

貢

{令 雲朝 庭,言 金盃 霞 陕。 朝仁聖。天階班列衆公卿,齊聲歌太平。 中 ,酒滿盛 爇金爐,香味馨,列丹墀,御駕盈。 其二,殿前歡: 御案前 ,列羣英。 君德成,皇圖 絃管簫韶五音應,龍笛 其三,慶豐年:和 慶,嵩呼萬歲聲。 氣增,鸞 間 鳳笙。 其五,過門子: 鳳鳴 紫霧 其 四 渤海 生,祥

河淸 海宴,麟來鳳鳴,陰陽永和平,相我文明。四 三奏感地德之曲。皇心 感 地 靈,順天時, 德厚生。 含弘光大品物亭, 鍾奇毓秀產俊英。

聖主興、顯

成靈

,蠻夷靜。

至仁至德至聖明

萬萬

年,帝業成。

平 武 世 班 ·,遍乾坤,皆讚禮,託君恩民樂雍熙。 齊,朝賀聖明帝。 車書會同 (舞曲,其一,新水令:錦衣花帽設丹墀,具公服百司同會。 其二,水仙子:八方四面錦華夷,至天下蒼生仰聖德。 萬萬年皇基堅固,萬萬載江山定體,萬萬歲洪福 麟至舞,鳳來儀,文 風 調 雨順昇

風 浩蕩,人心載醇,熙熙樂天眞,永戴明君。 四 .奏民樂生之曲:世間的萬民,荷天地,處聖恩。 乾坤定位四海春, 君臣父子正大倫。

天

{/勝 合陰 恃力强, 如 回,樂洋 斂甲齊 揚,掃除 上,指天戈,敵皆降。 天曠。 三 陽,八陣堂堂行天上,虎略龍 表正 兩 、歸降,撫將生還達故鄉,自此仁聞愈彰。 洋 傍 一殘甲如風蕩,凱歌傳四方。 小 |萬邦舞曲,其一,慶太平: 奸邪濁亂朝綱,構禍難,煽動戈肵。 綸音頒降,普天下,仰吾皇。 匹 方,展 構 其六, 殃,築滄洲百尺城隍。 点鳥翼 小梁州 其二,武士歡: 風雲雁 敵 行。 兵戰敗神 韜 出奇 孰 仁聖不殺降,望河南,失欃槍。 白溝戰場,旌旗雲合迷日光。令嚴氣張,三軍踴躍齊奮 敢當。俘囚十萬皆踈放,感荷仁恩戴上蒼。 騁蠆毒,恣虎狼,孰 魂喪,擁貔貅,直渡長江。 兵,敵難量,士强馬强。 其四,陣陣贏 能禦當。 ·不數孫、吳兵法良,神謀睿算 遍百 開市門,肆不移,宣聖恩, 順天心有德隆昌, 其三,滾繡毬:肆旅拒, [里] 眠 赫怒吾皇,親征 旌 臥 鎗, 其五,得 勝兵 倒戈 灞

五奏感皇恩之曲:當今四海寧,頌聲作,禮樂與。 君臣慶會躋太平,衣冠濟濟宴形庭。

文臣武將,共荷恩榮,忠心盡微誠,仰答皇明。

寰宇,布春暉,四夷咸賓聲敎美。 穗,一幹百穗。 期萬萬歲,聖明君,主華夷。 天命有德舞曲,其一,慶宜和:雨順風調萬物熙, 其二,窄甎兒...梯航萬國來丹陛,太平年,永固洪基。正東西南北來朝會,治 自古明王在愼德,不須威武服戎狄。祥瑞集,鳳來儀。 一統華夷。 四野嘉禾咸和氣,一 幹百

六奏慶豐年之曲:萬方仰聖君,大一統,撫萬民。 豐年時序雨露均,穰穰五穀貨財殷。

酣歌擊壤,風淸俗淳,四夷悉來賓,正統皇仁。

七奏集禎應之曲:皇天眷大明,五星聚,兆太平,騶虞出現甘露零,野蠶成繭嘉禾生,醴

泉湧地河水淸。乾坤萬萬年,四海永寧。

皇圖鞏固,賢臣贊襄。 八奏永皇圖之曲:天心眷聖皇,正天位,撫萬邦。 太平日月光,地久天長。 仁風宣布禮樂張,戎夷稽首朝明堂。

九奏樂太平之曲:皇恩被八紘,三光明,四海清。 人康物阜歲屢登,含哺鼓腹皆歡聲。

民歌帝力,唐堯至仁。 乾坤永清,共樂太平。

導膳、迎膳、進膳及陞座、還宮、百官行禮諸曲,俱與洪武間同。

志 第 Ξ + 九

樂

Ξ

一五七二

大祀慶成,用纓鞭得勝蠻夷隊舞,萬壽聖節,九夷進寶隊舞,冬至節,讚聖喜隊舞,正旦

節,百戲蓮盆隊舞。

嘉靖間續定慶成宴樂章。

陞座,樂曲萬歲樂:五百昌期嘉慶會,啓聖皇,龍飛天位。 九州四海重華日,大明朝,萬

萬世。

百官行禮,樂曲朝天子:滿前瑞烟,香繞蓬萊殿。 風回韶律鼓淵淵,列陛上,旌旗絢,日

至朱躔。陽生赤甸氣和融,徹上元。曆年萬千,長慶天宮宴。

上護衣、上花、樂曲水龍吟:寶殿金爐瑞靄浮,陳玉案,列珍羞。 天花炫彩,照曜翠雲

裘。鸞歌鳳舞,虞庭樂奏,萬歲君王壽。

奏上萬歲之曲:聖主垂衣裳,興禮樂,邁虞、唐。 簫韶九成儀鳳凰,日月中天照八荒。

民安物阜,時和歲康。上奉萬年觴,胤祚無疆。

昌,萬歲皇圖壯。 氣生,嘉祥見。正萬民,用羣賢。垂袞御經筵,宵衣勤政殿。禮圜丘大祀精虔,明水潔,蒼 奏平定天下舞曲,其一,四邊靜:天啓嘉祥,聖主中興振紀綱。 其二,鳳鸞吟:維皇上天佑聖明,景命宣,五雲輝,三台潤,七緯光懸。 頌洋洋,功蕩蕩,國運隆 協

壁圓。秉周文,承殷薦,眷皇家億萬斯年。

二奏仰天恩之曲:皇穹啓聖神,欽乾運,祗郊禋。 陽初動靄先春,萬福來同仰至仁。

祥開日月,瑞見星辰。禮樂協神人,宇宙咸新。

迎 |膳曲,水龍吟 |春滿雕盤獻玉桃, 葭管動, 日輪高, 熹微霽色, 遙映袞龍袍。

蹈,鈞韶迭奏,曲度昇平調。

進膳曲,水龍吟:紫禁瓊筵暖應冬, 驂八螭, 乘六龍, 玉卮瓊斝, 黼座獻重朣。 |堯天廣

運,輝雲飛動,喜聽賡歌頌。

霄霽。中興重見唐、虞際,太和元氣自陽回,兆姓歡愉。 好,燕樂蓬萊島。 協鸞簫。仰龍顏,天日表,如舜如堯。 進湯曲,其一,太淸歌:長至日,開黃道,喜乾坤佳氣,陽長陰消。 其二, 上清歌:雲捧宸居, 五星光映三台麗。 金爐烟暖御香飄,玉墀晴霽祥光繞,宮梅苑柳迎春 其三,開天門: 仰日月,層霄霽,仰日月,層 奏鈞韶,音調鳳軫,律 九重霄,日轉皇州

曉。 宴天家,共歌無藻。龍鱗雉尾高,祝聖壽,慶淸朝。

盈,謳歌鼓舞四海寧。金枝結秀,玉樹含英。聽康衢擊壤聲,帝力難名。 奏黃童白叟鼓腹謳歌承應曲,御鑾歌:雅奏樂昇平,瞻絳闕,集瑤京。黃童白叟喜氣

三奏感昊德之曲:帝德運光明,一陽動,萬物生。升中大報蒼壁陳,禮崇樂暢歆太淸。

志

三十九

星懸紫極,日麗璇庭,乾坤瑞氣盈,海宇安寧。

帛捧。 流。 宮殿,一脈陽和轉。禮成交泰開周宴,鳳笙調,龍幄展,天心處格人歡忭,四海謳歌徧。 南自北,自西自東。望天宮,佳氣鬱重重,四靈畢至,鱗鳳龜龍。 **埏,神倉御廩咸充滿,養民以養賢。** 三,慶豐年,賴皇天,錫豐年,勤禹稼,力舜田,喜慰三農願。嘉禾秀,瑞麥鮮,賦九州,貢八三,慶豐年,賴皇天,錫豐年,勤禹稼,力舜田,喜慰三農願。嘉禾秀,瑞麥鮮,賦九州,貢八 來四裔,趨前擁後,獻萬寶,充庭滿囿。稽首頓首,天高地厚,祝聖人,多男福壽。 四奏民樂生之曲:大報禮初成,象乾德,運皇誠。神州赤縣永清寧,靈雨和風樂太平。 奏撫安四夷舞曲,其一,賀聖朝:華夷一統,萬國來同。 文軌同,世際昌隆,共聽輿人頌。 其四,新水冷:聖德精禋格昊穹,大一統。四夷來貢,玉 其五,太平令:誕明禋,天鑒元后,光四表,惠澤周 獻方物,修庭貢,遠慕皇風,自 其二、殿前歡:瑞雲晴靄浮 其

陰陽交暢,品物咸亨,元化自流行,允殖羣生。

迎膳曲,水龍吟:五色祥雲捧玉皇,開閶闔,坐明光。 鈞天樂奏,冬日御筵張。文恬武

熙,太平氣象,人在唐、虞上。

聲,瑤琴清韻 進膳曲,水龍吟:玉律陽回景運新,燕鎬京,藹皇仁。光昭雲漢,一 ,瞻仰天顏近 氣沸韶韺,錦瑟和

進湯曲、太清歌:萬方民,樂時雍、鼓舞荷天工、雷行風動。喜今逢,南蠻北貊,東夷西

戎,來朝貢。 大明宮,星羅斗拱。 九重天上六飛龍, 五色雲間雙彩鳳,普天率土效譁封,允

協河清頌。

行。 承天命,露垂甘,河獻清,見雙岐秀麥連莖,喜靈雪隨冬應,覩祥雲拂曙生,神與化並 帝德文明,表率邦家正。其二,冰仙子:萬方安堵樂康寧,九域同仁荷聖明。 奏車書會同舞曲,其一,新水令: 五雲深護九重城,感洪恩。一人有慶,陽初長, 千年 撫運 禮 運

五. 奏感皇恩之曲:雙闕五星光,霓旌樹,紫蓋張。 璇臺玉曆轉新陽,鈞天廣樂諧宮商

恩深露湛,喜溢霞觴,日月煥龍章,地久天長。

貞元會,旣醉頌是驚。 其四,殿前歡 鐘,鼉鼓逢逢。八珍列,九鼎豐隆。一堯眉揚彩」舜重瞳,萬國咸熙四海雍,齊歌頌聖德神功。 載歌天保章。 其三,滾繡毬:五雲車,度九重,利見飛龍。耀袞章,火藻華蟲。擊虎敔,考鳬 命,休徵應,泰階平。 奏表正萬邦舞曲,其一,慶太平:維天眷我聖明,禮圜丘,至德精誠。 一萬年禮樂中興日,大化覩重熙。河淸海宴臻祥瑞,五行順,七政齊,超三邁五 其二,千秋歲:聖主乘龍御萬邦,慶雲翔化日重光。羣臣拜舞稱壽觴 其五,天下樂.萬靈朝拱接淸都,享南郊,欽天法祖。願聖人,承乾納 乾元永清,洪膺景

耐,中和位育,龜獻範,馬陳圖。其六,醉太平:禮樂萬年規,謳歌四海熙,衣冠蹈舞九龍墀,

志

第三

十九九

樂

=

麗正仰南離 紫雲高捧唐、虞帝、垂衣天下文明治。 鎬烏岐鳳呈嘉瑞,眞個是人在成周

六奏慶豐年之曲 … 聖人懋承乾,綏萬邦, 屢豐年。 神倉御廩登天田 明粢鬱鬯祀 孔 虔。

與情咸豫,協氣用宣,萬古帝圖傳,璧合珠聯。

七奏集禛應之曲:天保泰階平,寶露降,渾河淸,嘉禾秀麥集休禎,遐陬絕域喜氣盈。

人有慶,百度惟貞,萬國頌咸寧,麗正重明。

八奏永皇圖之曲:鎬燕集天京,頌魚藻,歌鹿鳴。 邊陲安堵萬國寧, 重譯來庭四海清

咸池日曙,昧谷雲征,帝座仰前星,豫大豐亨。

九奏樂太平之曲:皇極永登祥,乾符啓,泰運昌。 玉管回春動一陽, 金鑾錫燕歌 九章,

|虞庭獸舞,|岐山鳳翔,日麗袞龍裳,主聖臣良。

迎 |膳曲、水龍吟:香霧氤氳紫閣重,仰天德,瞻帝容。 星輝海潤,甘雨間和 風。 樂比鳶

魚,以沿場呈麟鳳,永獻卷阿頌。

氣 和 進膳曲,其一,水龍吟:萬戶千門啓建章,台階峻,帝座張。 ,雅韻鏗鏘,昭代慶明良。 其二,太淸歌:萬方國,盡來庭, 三垣九道,北 稽首歌帝仁,仰荷生成 斗玉衡 光。 元

振乾 綱 陰陽 順序,民物樂生。 逢明聖,萬年春,永膺休命。 華夷蠻僚咸歸正,蒼生至老不

知兵,鼓腹含哺囿太平,九有享淸寧。

志第三十九 樂三

集,曾聞道五星聚室。 方行,祀事孔明感天心,億載恆承慶。明王愼德,四裔咸賓 奏天命有德舞曲,其一,萬歲樂:太平天子興隆日,履初長,陽回元吉。 其二,賀聖朝:一人元良,百度維新。握赤符,凝玄應,享太清。 醴泉芝草休徵

保歌,羣黎百姓。 國勢山河壯,衢室民謠頻擊壤。 臣民歡戴。溥仁思了逼九垓。 其四,清江引:黄鍾旣奏陽和長,德盛天心貺。人文日月明, 到,皇圖光八表。玉字無塵明月皎,銀河自轉扶桑曉,平平蕩蕩歸王道。百獸舞,鳳鳴簫 奏纓鞭得勝蠻夷隊舞承應曲,其一,醉太平:星華紫殿高,雲氣形樓遶。 其二,看花會:普天下,都賴吾皇至聖。看玉關頻欵,天山已定,四夷效順歸王命。 天 其三,天下樂:九重樂奏萬花開,望龍樓,雲蒸霧靄。仰天工,雍熙帝載, 九夷重譯梯航

鳳,萬方安樂興嘉頌。 奏致語曲,[+]其一,清江引:鈞天畢奏日方中,旣醉歡聲動。[5]雲章傍袞龍,飆勢翔威 其二,千秋歲:上下交歡燕禮成,一陽奮,萬彙咸亨。 風雲會合開明

顏,日照龍筵。 風回雉扇翠蕤旋,奉仙鑾,雲間斗間,五色金章燦。 宴畢,百官行禮曲,朝天子:文班武班,歡動承明殿,禮成樂備頌聲喧。眞咫尺,仰天 運,紫極轉璇衡。

還宮曲,萬歲樂:天回北極雲成瑞,望層霄,重華日麗。九垓八極樂雍熙,祝聖壽,萬

萬歲。

永樂間小宴樂章。

奏本太初之曲,朝天子:混兮沌兮,水土成元氣,不分南北與東西,未辨天和地。 萬

象包涵,其中秘密,難窮造化機,是陰陽本體。乃爲之太極,兩儀因 而立。

二奏仰大明之曲,歸朝歡:太極分,混然方始見儀形,淸浮濁偃乾坤定。 日月齊興,照

青霄,萬象明。陽須動,陰須靜,陰與陽,皆相應,流行二氣,萬物俱生

居穴遁,披樹葉相尋趁,如何是愛親。世情治生,雖混然各安其性。 三才五行,民與物,共成羣。 三奏民初生之曲,其一,沽美酒:乾坤清,宇宙寧,六合淨,四維正,萬象原來一氣生。定 其二,太平令:為一類不分人品,竟生食豈曉庖烹,避寒暑巢

傳氣候應無間,品物交錯憑誰鑒。 四奏品物亨之曲,醉太平:黎民生世間,萬物長塵寰,陰陽交運轉循環,久遠時庶繁。相 望聖人出世整江山,主萬民得安

倫。 中正,御六龍,聖明登九重。 人品分,萬物增,聖承乾,百福臻。垂法明,尊天命,興後朝,皆從正。 Ŧ. |奏御六龍之曲,其一,淸江引:人心久仰生聖君,天使人生聖。 其二,碧玉簫:君坐神京,海嶽共從新。 民仰君恩,聖治有人 聖人受天機, 體天居

稷安,仁德感,[5] 江山定。選用英賢興王政,分善惡賞罰均平。三公九卿,左右股肱,庶事 六奏泰階平之曲,十二月:聖乃有言天,天是無言聖。聖人臨正,萬物亨通,恩威盛,社

康寧。

保朝廷,四野人民頌歡聲。用的是賢英,賢英定太平,寰海皆歸正。 勞萬民,立法度,上下咸寧。 其二,堯民歌:風俗禮樂厚彝倫, 爰興學校進儒經, 賢臣良將 七奏君德成之曲,其一,十二月:皇基以興,聖帝修身,奉天體道,聖德愈明。敬天地,勤

升金殿,丹墀列英賢,讚吾皇,豐稔年。 其二,得勝令:聖德咸皇乾,甘露降山川。 萬邦來朝貢,奇珍擺布全,玉階下鳴鞭。 仰聖主, 和平。聖威無邊皇基穩,勝磐石,慶雲生,景星長現,三光輝耀,百穀收成,萬姓安寧。 八奏聖道行之曲,其一,金殿萬年歡一三綱旣定,九疇復興。聖道如天,嘉禾齊秀,寒暑

涎香噴。至尊永寧,儲嗣守成,賀萬萬歲一人有慶。 韶,九韻成。其三,太平令:紫霧隱金鸞彩鳳,祥光罩良將賢臣。玉案列珍羞美醞,寶鼎爇龍 窮。 其二, 沽美酒: 和氣生,滿玉京; 祥烟起,映皇宮。 明聖開基整萬民,風雲會帝庭,奏簫 明,后治內,長安靜。後聖承乾皆從正,德相傳,聖子神孫。天威浩蕩,江山永固,洪福無 九奏樂淸寧之曲,其一,普天樂:萬邦寧,皇圖正。父君母后,天下咸欽。君治外,永聖

一五八〇

你大明、民初生三奏曲,其進酒、進膳樂同。 右二奏至八奏,俱奏百戲承應,第九奏,魚躍于淵承應。 惟百官叩頭禮,用朝天子曲。 奉天門宴百官, 宴畢,導駕還宮, 止用 本太初、

用御鑾歌。

嘉靖間仁壽宮落成宴饗樂章。

奏本太初之曲,朝天子:帝誠帝明,寶位基昌命。 仙苑開筵歌鹿鳴,亭殿天章映。「我

有嘉賓,鼓瑟吹笙」,示周行,昭德音。 日升月恆,萬載皇圖正。

川 :阜,如岡陵,如川方至莫不增。 一奏仰大明之曲,殿前歡:天保定聖人,多壽多男慶。 協氣生,禎祥應,百神受命,萬國來庭。 修和禮樂協中 興,麗正重明, 如

萬寶告成,占景緯,泰階平。 羣黎百姓。 三奏民初生之曲,其一,沽美酒:黃河淸,寶露凝,瑞麥呈,靈鵲鳴,諸福來同 歌鹿鳴,神人胥慶。明主宴嘉賓,承筐鼓瑟吹笙,繼自今福 其二,太平令:念農桑,衣食之本,仰君德,獨厚民生。事耕鑿, 增天定。 仰 聖 一明。喜

四奏品物亭之曲,醉太平:瑤宮怡聖顏, 閬苑隔入寰。 吹笙鼓瑟賓,旨酒天開宴,應鳴

歌舞黃金殿,賴吾皇錫福萬民安,醉歌天保歡。

五奏御六龍之曲,其一,清江引:聖主有道樂昇平,宴會延休慶。 務本軫民生, 弘化凝

天命。欣落成,萬載開鴻運。 其二,碧玉簫:帝重農桑,法駕起明光。 麟遊鳳翔,宴陳天保

開玳筵,薦瑤觴,旣醉頌洋洋。聖德巍,皇恩蕩,世際唐、虞上。

天位。 **們:寶殿輝,龍虎風雲會。瞻丹陛,觀紫微,周詩歌旣醉,螽斯、鱗趾開祥瑞,仰飛龍,在** 味。山呼萬歲福無疆,日升川至。 其三,上淸歌:仰賴吾皇,參天兩地凝和氣。四三王,六 五帝,四三王,六五帝,[1]國家興,賢才爲上瑞。養萬民,九域熙,百祿咸宜。 豐年,八方珍膳,人樂昇平宴。 其二,太淸歌:祥麥嘉瓜臻瑞,仰荷堯、舜主,愛育羣黎,感 天意五風十雨。秋報春祈徧爾德,勸農桑,日用衣食。[10]嘉賓和樂開筵地,紅雲捧雕盤珍 進膳曲,其一,水龍吟:寶瑟瑤笙鼓吹喧,聖天子,御華筵。南山萬壽,瑞日正中天。百穀 其四, 開天

豳風亭宴講官樂章。

瑟吹笙,昇平重見,工歌七月篇。春酒當筵獻,願吾皇萬年,歲歲臨西苑。 一奏本太初之曲,朝天子:九重詔傳,殿閣開秋宴。授衣時節肅霜天,禾稼登場偏。鼓

君王萬壽盃。 二奏仰大明之曲,殿前歡:鳳苑御筵開,黃花映玉階。鹿鳴、天保歌三代,古調新裁,奉 日月明、乾坤大、看年年秋報賽。太平有象、元首明哉。

志

甕浮新釀,村田樂齊歌齊唱。 染紅黃孔陽,爲公子製衣裳。 ||奏民初生之曲,其一,沽美酒:熙春陽,化日長。 執懿箧,采柔桑。 饗公堂,殺羊舉觴,繼進著兕觥,祝聖壽,萬靈扶相 其二,太平令:勤樹藝,歲年豐穰,九十月禾黍登場。 拾繭繰絲 有萬箱

四奏品物亨之曲,醉太平:納嘉禾滿場,釀御酒盈缸,公桑蠶績製玄黃,服龍衣袞裳。螽

斯蟋蟀諧清唱,水光山色明仙仗,豳風亭殿進霞觴,祝聖壽無疆。

衣方授,萬歲君王頻進酒。 田畯欣,婦子勤。詠豳詩,仰化鈞,場圃新,風雨順。宴御墀,龍顏近。 五奏御六龍之曲,其一,清江引:九月風光何處有。鳳苑在龍池右。 其二,碧玉簫:凡我生民,農桑最苦辛,終歲經營。氣候變冬春, 農夫稼已登,公子

豳風亭,共仰吾皇聖。百穀登,萬國咸寧。民康物阜禎祥應,仰乾運,俯坤靈。 女,躬耕蠶,勸士女。〔三〕獻羊羔,升堂奏樂舞,葵菽棗壺上珍廚,萬壽山呼。 登,金輝玉燦休徵見,大有豐年。 其三,上淸歌:鳳苑宸居,公桑帝耤今方舉。躬耕蠶,勸士 儒流,雲蒸星炫,璧緯珠躔。 睹御製,煥天章,昭回雲漢。 堯天舜日民安宴,御廩神倉百穀 米顆,升堂拜獻,此樂眞堪羨。 其二,太淸歌:九月天,開西苑,宸居無逸殿,講幄張筵。 集 進膳曲,其一,水龍吟:養老休農敞御筵,瀉春酒,介耆年,刲羊剪韭,社鼓正闐闐。香粳 其四,開天門

隆慶三年大閱禮成回鑾樂章。

播,蠻夷震驚,稽首頌昇平,四海澄清。 武成之曲、吾皇閱武成、簡戎旅、壯帝京。 龍旗照耀虎豹營,六師雲擁甲胄明。 威靈廣

嘉靖間皇后親蠶宴內外命婦樂章。

陞座,奏天香鳳韶之曲:春雲繚繞芳郊曙,喜乾坤萬象咸舒,蘭皐蕙圃迎仙馭。

條,攀茂樹,蠶宮繭館親臨御。壁月珠星照太虛,開筵還駐翠旓旟,萬載垂貞譽。

進膳曲,沽美酒:蠶禮成,鳳輦停,薦霞觴,列雲屛。 宮妃世婦仰坤寧。 祥雲映紫冥,同進膳曲,沽美酒:蠶禮成,鳳輦停,薦霞觴,列雲屛。 宮妃世婦仰坤寧。 祥雲映紫冥,同

祝頌,耀前星。二三

用成、四夷來王。治化登虞、唐、世發禎祥。 回宮,御鑾歌:惟天啓聖皇,君耕耤,后躬桑,身先田織率萬邦。 天清地寧民阜康,百穀

永樂間定東宮宴饗樂章。[18]

光,共沐恩波。仙音韻,合讚昇平詠歌。齊朝拜,千千歲東宮,滿國春和 奏喜千春之曲,賀聖朝:開國承天,聖感極多,總一統,封疆濶。百姓快活,萬物榮

志第三十九 樂三

二奏永南山之曲,水仙子:洪基永固海波清,盛世明時禮樂興,華夷一統江山靜。

和,樂太平。讚東宮仁孝賢明,秉鈞衡端正,順乾坤泰亨,坐中華萬世昌寧。

憲,禮節至公。事聖上柔聲婉容,問安寧勤孝虔恭。果斷寬洪,剛健文明,聖德合同 三奏桂枝香之曲,蟾宮曲:曉光融,宴饗春宮,日朗風和,嘉氣葱葱。鎭領台樞,規宏綱

德,大業勝磐石。皇儲仁孝明忠義,美遐方順化朝儀。孝能歡慈愛心,敬篤上尊卑意,禮上 四奏初春曉之曲,小梁州:端拱嚴宸事紫微,秉運璇璣,四時百物總相宜。 仰賴 明君

和下睦民,鼓舞樂雍熙。

全,享大業中庸不偏,順天常節儉爲先,達文獻嚴儀訓典,孝敬億千年。 五奏乾坤泰之曲,滿庭芳:春和玳筵,安邦興國,欽聖尊賢,文英武烈於民便。 禮樂成

六奏昌運頌之曲,喜秋風:文武安,軍民樂。宴文華,會班僚,五雲齊動鈞天樂。賀春

宮,讚皇朝。

右二奏至六奏,俱奏百戲承應。

音齊奏,欽王政皇天保佑。 拜舞頓首,讚祝進酒,千千歲康寧福壽。 威儀左右,分品從,列公侯。 其二,太平令:效聖上誠心動厚,主宗器嚴備春秋,諧律呂仙 七奏泰道開之曲,口玉沽美酒:布春風,滿畫樓,對嘉景,鳳凰洲。 高捧金波碧玉甌,設

迎膳樂曲,水龍吟:方響笙纂鼓樂喧,口心排寶器,開玳筵。 鸞儀旌節,錦繡景相連。

纓趨進,皆來朝見,春滿文華殿。

陞座、還宮、百官行禮,奏千·秋歲曲: 風調雨順

五穀收,萬民暢歌謳。朔望朝參同。

校勘記

(一) 赳赳電掣鷹揚 赳赳、原作「糾糾」,據明史稿志四五樂志、王圻續文獻通考卷一五七改。

(二) 寶曆應乾符 應,原作「慶」,據明史稿志四五樂志、明會典卷七三改。

[三] 現帝庭 現,嵇璜續文獻通考卷一一六作「覲」。

ZU 陰陽永和平相我文明 文明,王圻續文獻通考卷一五七作「大明」。

二三 八方四面錦華夷 錦, 明史稿志四五樂志作「統」。下文天命有德舞曲有「 一統華夷」句

ハガリ 樂比鳶魚 鳶,原作「鴛」,據明史稿志四五樂志、明會典卷七三改。

[4] 奏致語曲 致語,原作「致詞」,據明會典卷七三改。

鈞天畢奏日方中旣醉歡聲動 醉,原作「奏」,據明會典卷七三改。 張衡西京賦: 「饗以鈞天廣

樂,帝有醉焉。」

志第三十九 校勘記

卷一五七改。

- ታኔ ∐ 恩威盛社稷安仁德威 感,原作「盛」,與上文「盛」字重出。 據明會典卷七三、王圻續文獻通考
- 勸農桑日用衣食 衣,原作「飲」,據明史稿志四五樂志、明會典卷七三改。
- 四三王六五帝四三王六五帝 按上清歌第三、四句與第五、六句重疊,本志上文嘉靖間續定慶

成宴樂章中的上清歌正如此。 這裏原文未重疊,缺第五、六句,據明會典卷七三補

躬耕蠶勸士女躬耕蠶勸士女 這裏上清歌第三、四句「躬耕蠶,勸士女」,要重疊,原文未重疊,

同祝頌耀前星 原脫「祝」字,據明史稿志四五樂志、明會典卷七三補。

據明會典卷七三補。

永樂間定東宮宴饗樂章 原脫「宴」字,據明史稿志四五樂志補。

【1 三 七奏泰道開之曲 下文有「其二」、此疑缺「其一」二字。

方響笙纂鼓樂喧 方響,原作「方饗」,據明史稿志四五樂志、明會典卷七三改。

